





11.27





11

CANTICVM
CANTICORVM
SALOMONIS VER-
SIBVS ET COMMEN-
tariis illustratum.

*Gilb. Genebrardo Theologo Parisiensi,
Professore Regio Auctore.*

Aduersus Trochaicam Theodori
Bezae Paraphrasim.

*Subiuncti sunt trium Rabbiorum Salomonis
Iarhij, Abrahami Abben Ezra, & in-
nominati cuiusdam Commentarij,
eodem Interprete.*



PARISIIS,
Apud Ægidium Gorbium, sub signo Spei,
è regione Collegij Cameracensis.

1585.

Tomus Romanus ministrabit in firmis





D. FRANCISCO IOYEV-
SEO S. R. E. CARDINALI
G. Genebrardus Theol. Parisien-
sis Diuinarum Hebraicarúmque
Professor Regius.



QVONIAM hoc anno Gene-
ua impurissime, & ut Beza
primarium eius ministrum de-
cuit, Cantici Canticorum Sa-
lomonis tractauit argumen-
tum, Cardinalis ornatissime,
mihi visum est illud suae puritati & integritati
restituere, & castioribus formulis publico expo-
nere, ne Psychici coacervatis sibi magistris ad
aures prurientibus, cum Cherea Terentiano sibi
recte ratiocinari videatur, suis tabulis celebrasse
Sponsos mollicellos & omni amandi artificio &
pellacia instructos

- » Deum, qui templa caeli summa sonitu
concutit,
- » Et hoc homuncio non faceret sui exem-
plo numinis.

Indéque libidinandi & lasciuiendi documēta arripiāt, unde debent præcepta castè pudicè, cōtinentèr, tēperatè cogitādi & viuēdi sumere. Et sane istos oportet penitus esse ἀπληγνότες, qui quod à Spiritu Sācto sanctè est propositū, sanctius explicatū, sanctissimè cōceptū de Sancta Christi & Ecclesiæ cōiunctione, cōtra tam sancti Auctoris mentem & cōsiliū ad profani & impuri amoris argumenta rapiunt. Quod quia prolixè deploramus nostra ad Ministros epistola, ne te pluribus molemur, quid hīc moliamur paucis accipe. Primum prosa & versu hoc Salomonis opusculum proponimus, ut alterū alteri maiorem lucem afferat, utrumque verò Geneuam. quæ nuper Bezanam istam editionem in vulgus protulit, deinceps sanctius de hoc poëmate sentire, castioribus verbis illud enunciare, purioribus animi sensis concipere, paraphrasi diuiniore repræsentare doceat. Deinde genus carminis, id est, versus Trochaicos Dimetros Catalecticos, quibus iste non Salomonem & Salomoniam siue non Dominum & Ecclesiam, sed se & pellicem aliquā cecinit, Iambicis Dimetris Acatalectis commutamus, partim ut minus cum isto concurramus, partim ut Christianos poëtas veteres æmulemur, qui carmina huius dimensionis, sacræ Lyre, & cantui apprime congruere iam olim existimarunt. Præterea quoniam commentaria tum literā tum Spi-

EPISTOLA.

ritum satis fusè explanantia adiicimus, in illisq̃ue
 sequimur methodum à nobis in Psalmos Dauidi-
 cos cœptam, & multis viris bonis & eruditis, se-
 orsum D. Lindano Ruremundesi Episc. M. An-
 tonio Mureto I. C. ac Ciui R. quorum eruditio-
 ni & iudicio omnes sapientes plurimum tribuunt,
 suis ad me literis probatâ, hæc erit particula Scri-
 pturæ, quam uniuersam instituimus, Deo Duce,
 commentariis ad natium sensum accommodatis
 illuminare, ut nos fide Proëmio nostrorum Psal-
 morum consignata paulatim liberemus, utque
 istorum farragines utrumque testamentum fœdè
 corrumpentes, de vulgi manibus excutiamus. Po-
 stremo, ut istos, qui Christiano nomine censerì
 contra omne ius cupiunt, & Iudæos cæcum ac
 perditum hominũ genus vocant & inscribunt,
 quando ipsorum factiones, hæreses, impietates la-
 befastant, Intelligens & eruditum, quãdo no-
 uas & parum Christianas Scripturarum inter-
 pretationes, ipsorum stigmaticis animis cõgruen-
 tes asserunt, quanquam id rarius faciunt, quem-
 admodum alibi docemus, ita providente Spiritu
 Sancto, ut hæretici cunctorum, & quidem im-
 piorum, præiudicio damnetur, ac mundo innot-
 escant: ut istos inquam vehementius suæ impudi-
 citiæ pudeat, (utinam etiam pœniteat) subiicimus
 nostra ex Hebræo conuersione Perushim siue ex-
 positiones trium Rabbiorum, quos constat lite-

EPISTOLA.

*ra & cortici fuisse addictissimos, quosque Iudæi
 reliqui magis habent pro Grammaticis, quàm
 Theologis. Et hi tamē nihil in hoc opusculo repe-
 riunt, quod non Spiritum mirè respiciat, quod non
 singulare aliquod Dei in Ecclesiam beneficium
 commendat, ac eos detestantur, qui illud dicunt
 מליץ, inquinare manus. Ne attingā fructū,
 quem ex eo copiosè percipere debemus, quòd mi-
 nutias grammaticas & literæ vim optimè inter-
 pretantur, prout Grammaticos, Historicos, Phi-
 losophos, suæ gentilitatis, antiquitatis, iuris, legis,
 linguæ, sapietiæ, traditionum, id est, Cabbalæ &
 Masoreth peritissimos decet. Hoc autē ad te mit-
 to, tuæque amplitudini addico, non solum quia te
 nostra scripta afficiunt, verum etiam quia sacras
 literas diligis, illarū puros & orthodoxos inter-
 pretes complecteris, te ad earum notitiam magna
 animi contētiōne quotidie adornas. Vt te præter-
 ea ad Theologicum studium magis ac magis accē-
 dam, sine quo Cardinalatus, summus in Ecclesia
 honos, ad quē nuper, in virtutis & doctrinæ spē,
 à Greg. 13. Pont. Max. euectus es, inanis est titul⁹,
 nec regulis Apostolicis cōsonat. Faxit Deus om-
 nipotens, ut te perpetuo diuinis gratiis & virtu-
 tibus auctum, atque in gratia & cognitione Do-
 mini nostri & verbi ipsius crescentem, cerna-
 mus. Vale. è nostro Musæo, Lutetiæ, Nonis De-
 cembribus. 1584.*

AD LECTOREM IACOBI
Estourneau Canonici & Ecclesiasticis Am-
bianensis de hoc opere Epigramma.

Quisquis adest Lector diuino captus amore,
Hunc legat, & lecto gaudeat ipse libro.
Namque illum clarè, posito velamine, cernes,
Quem Salomon miris texerat inuolucris.
Nosse cupis Christum & Sponsam quæ vincula
nectant?
Hæc velut in speculo pagina sacra refert.
Isacidis quondam tenebrofi limina vatis
Tangere non licuit: (tam citò fallit amor.)
Nunc lege securus, iam nulla pericula subsunt,
Si modò tu scopulos, hoc duce, nosse velis.
Hebræi latices quem non fecere disertum?
Hic autem Hebræis fontibus haurit aquam.
Adde & priscorum flores cum pondere lectos:
Sic (credo) cœptum nil remoratur iter.
Hunc igitur cantum nunc perlege tutus vbique
Flagrabitque sacro pectus amore tuum.

AD ERVDITISSIMVM
ET FIDEI CATHOLICÆ PRO-
pugnatorem acerrimuin D. Gene-
brardum Theolog. Profess. Reg.
linguæ Hebraicæ, Iacobi de
Cucilly Theol.

HEXASTICHON.

*More suo lasciuia facit, castissima quæ sunt,
Beza, sed hoc castè tu Genebrarde canis.
Ille senex flammæ iuueniles excitat, at non
Virginei verbi non meminisse potes.
Debuerat reducem Salomonem Beza referre,
Sed mores primos dedidicisse graue est.*



AD MINISTROS

GENEVENSES,

*Gilb. Genebrardus, Theologus &
Professor Regius.*



EMVRI Mandubiorum;
quo me proxima æstate
contuleram, partim vt vbi
publicæ occupationes as-
siduum esse non sinunt,
Prioratui cui præfectus
sum, aliquam anni partem darem : partim
vt meos amicos, quos illic habeo plurimos
& integerrimos, viderẽ, meque ipsum pau-
lo ante è diuturno quartanæ morbo recrea-
tum mutatione auræ plenè confirmarem,
mihi Feureus patronus multis rebus orna-
tus libellulum Theodori Bezzæ Canticum
canticorum Salomonis versibus Trochæi-
cis Dimétris Catalecticis prætexentem ob-
tulit. Legi, relegi, intlexi, & miratus sum
tam pusillum corpus, trium foliorum, tot
scâtere verrucis. Quæ cùm me vehemen-

ter offenderint (Nam iuxta vetus verbum,
 & quidem paganum, Amo verecūdiam) in-
 déque plærosque vestri gregis offendere in-
 tellexerim, nihil potius duxi, quàm vt vos
 literis conuenirem, tranquillitatis publicæ
 amicissimos, ac vobis scandali nostri causas
 simplicissimè aperirem, cui vos solos puta-
 ui, Christiana aliqua charitate & zelo posse
 & velle occurrere, quòd is, qui aliò longè
 nostras mentes & cogitationes abripere, ab
 amoribus castis ad profanas Veneres tradu-
 cere, sanctam Christi sponsam in aulicam
 Pellicem transformare, purum auctoris sen-
 sum multis locis peruertere conatus est,
 nūquam se ad puriora subicellia pertrahi pas-
 surus sit. Ad vos igitur, qui vobis de purita-
 te religionis & morum, censuram sumitis,
 tanquam actor Rei forum sequens, omne
 iudicium defero. Verum videte, in ferenda
 sententia ne per gratiam, vllam nomini ve-
 stro notam nefariæ turpitudinis inuratis,
 date operam ne quid Resp. detrimenti, ne
 quid impuritatis capiat. De re enim agitur
 quæ vobis vel perpetuam ignominiam, vel
 sempiternam laudem conciliatura sit. Nam
 nunc quæritur, quoniam Salomon Bucol-
 ica pulchræ Sponsæ parabola vniuersæ Ec-
 clesiæ corpus describit, membris pulchris

& elegantibus constans, quadam ad speciosum corpus humanum proportionē, sintne omnia hīc castē & sanctē vt concipiēda, ita etiā enuntiāda, an amatorio poētarum stylo, sintne ad corpus Christi mysticum transferēda, an vt corpus aliquod profanum tractāda, sintne ad interiorem hominem traducēda, an ad exteriorem reuocāda. Nam hęc ita Beza explicauit, vt nullus Spiritui locus relictus esse videatur. Vestro iudicio iste, opinor, stabit, vt sua vel corrigat, vel obruat, siue vacillantis suę ætatis miseratione, siue perpetua erga vestrum ordinem voluntate & obseruantia, quem non audet puritatis magistrum ministrūque diffiteri. Quę ergo & quanta nos offendant æquis auribus accipite, & æquioribus animis expendite.

Primum valdē indignamur, quod Sponsam verbis ē media amandi arte, & lasciuia impudicorum poētarum licentia sumptis descripserit, ac in Amasiam Palatinam transformauerit.

Cap. i.

vers. 15.

pag. 9.

Ecce tu bellissima
His columbæ prædita
Bellulis ocellulis.

Descriptio
Sponsæ Be-
zana.

ADMONITIO

Cap. 4.
vers. 1.
pag. 19.

Ecce tu bellissima
His columbæ prædita
Patulis ocellulis.
Hinc & inde pendulis
Crispulis cincinnulis.

Quale nos molliſſimo
Eminus pilo pecus
Conſpicamur ſaltibus,
Taliſ eſt tibi coma
Mollicella, Crispula.

vers. 3.
pag. 20.

Quale punici rubent
Mali hiantis granula,
Tale quiddam *crispula*
Inter emicat comæ
Tortiles cincinnulos.

vers. 9.
pag. 20.

callida
Altero me *patulo*
Contuens ocellulo..
Alterum *cervicula*, &c.

C. 5. ver. 1.
C. 2.
pag. 25.

Hiſce me quam blandulis
Vnicè charus mihi

Excitauit *voculis*,
 Tu mea ô *sororcula*,
 Tu mea ô *columbula*.

c.6. *Ah amabo flammeos*
vers.5. Hos ocellos paululum
pag.37. In latus deflectito
Ferre quorum fulgidas
 Haud potis sum *flammulas*.

& mox,
Mollicella, crispula.

C.7. Quàm tui sunt *belluli*,
vers.1. Quàm tui nitentibus
pag.36. Calceis *venustuli*
 Sunt pedes.

Vmbiliculus
vers.2. Est tibi rotundulus.
pag.37.

Lactea hæc ceruicula
vers.4. Turris est eburnea,
p.eadem. Hæ tuæ *pupillula*
 Vitreæ sunt piscinæ.

vers. 8. *Pupillulas*
pag. 39. Ceu botros exfugere.

vers. 10. Vnicum te respicit
pag. 40. Istud omne corculum.

Transilio locos, quibus eam *fessulam*,
venustulam, blandimentisque aliis ludicram
& iocularem reddidit. Hæc enim omnia,
ut ut senilia, iuuenilibus cōsonant, quæ iam
olim cecinit In fibulā Cādidæ, pag. 52. mei
exemplaris, In oculos, māmās, labra, genas,
pupillulas eiusdem, pag. sequēti, In pedem
pag. 54. In basium pag. 58. In comā pag. 60.

SECVNDÒ stomachamur, quòd Chri-
stum in procum prutientem, impotentem,
lasciuientem, amasiæ inhiantem indigne
mutauerit.

Cap. 1. At tu *meum corculum*.

V. 7. p. 6. Meque *blandis* intuens.

Cap. 2. Per clathros *ocellulis*.

vers. 10. His salutat *voculis*.

pag. 12. Heus ad esdum *amicula*
Heus ad esdum *Bellula*.

vers. 14. Heus ad esdum *bellula*

pag. 13.

Bezaha Chri-
sti loquentis
Hypotypos-
is.

Heus adesdum *amicula*,
Heus mea ô *columbula*.

P. 14. Fac loquentis audiam
Expetitam *voculam*,
Mira nanque suauitas
His sedet *labellulis*.
Mira nam *venustuli*
Huius oris dignitas.

Cap. 4.
vers. 9.
pag. 22. Sponsa tu memet mihi
Surpuiſti callida,
Altero me *patulo*
Contuens *ocellulo*.
Alterum *cernicula*
Dum mihi vertis *latus*.

Sponſo hinc capite quinto attribuit

C. 5. V. 10.
11. 12.
pag. 28. *Criſpula nodos coma*,
Patulos ocellulos,
Lacteo pupillulis
Irrigatis aluco.
Criſpula lanuginis
Hinc & inde *flocculos*.

Quamuis à poëta, & quidem profano
scriptum sit,

Sint procul à nobis iuuenes, vt
fœmina, compti.

TERTIO diminutiue enuntiat, quæ
ne per Superlationis quidem gradum satis
potuisset exprimere, adeò vt tantæ sponsæ,
captatione Venercorum vocabulorû, my-
steria, arcanas laudes & ornamenta mi-
nuat ac eleuet. Nam verbi gratia *Bellulam*
dicit, quæ bellissima est, *Venustulam*, quæ ve-
nustissima, *Amiculam*, quæ amicitissima, *Co-
lumbulam*, quæ quantum ad rem significa-
tam est colûba perfectissima, *Fessulam*, quæ
ferendis hæreticorum aliorûmque impio-
rum iniuriis tota est defessa, *Corculum*, quæ
cor habet patentissimum & latissimum. Ei
tribuit *patulos ocellulos*, cui sunt oculi castis-
simi, apertissimi, & perspicacissimi, *Cincinnu-
los crispulos*, cui sunt porrectissimi, simplicis-
simi, nullaque arte deprauati, *Sinum tenellu-
lum*, cui est solidissimus. Quod autem est
profanius *Reculas* vocat magnum illud de
Gentium extremarum ad Euangelium vo-
catione mysterium.

Cap. 8. **¶** Le: quid sororula
 vers. 8. Paruulae praestabimus,
 pag. 44. Ipsius de *reculis*,
 Quando fiet mentio.

VBI recordor Atheorum, qui
 αθεότηα Peccatuli vocabulo af-
 ficiunt. Nam iste è conuerso sa-
 lutis & gloriae Euangelium Gen-
 tibus vltimis praedicandum; Reculas appel-
 lat, quibus rebus interim nullae sunt maio-
 res, nullae grauiiores, nullae pretiosiores. Si si-
 bi obtendit vnum aut alterum locum Apo-
 stolorum, quibus suos discipulos filiolos ap-
 pellat, quasi vis dilectionis tale blandimen-
 tum ab illis extorserit, Primum illis locis nulla
 prorsus est de amoribus suspitio. Deinde
 quod semel atque iterum & quasi raptim di-
 ctum est & in vnico vocabulo factum, non
 debet trahi in consequentiam, & promiscue
 ad omnia extendi, facereque potestate vsur-
 pandi, publicandi, fingendi è quolibet di-
 minutiua blanda, mollia & illecebrarum ple-
 na. Denique istis paucis locis in nostra sen-
 tentia firmamur. Nam filiolos appellant
 non blandiendo, sed perstringendo, quoniam
 illos rite filios appellare non poterant, qui
 essent Neophyti, tenelli in fide, egentes la-

Quamuis à poëta, & quidem profano
scriptum sit,

Sint procul à nobis iuvenes, vt
fœmina, compti.

TERTIO diminutiue enuntiat, quæ
ne per Superlationis quidem gradum satis
potuisset exprimere, adeò vt tantæ sponsæ,
captatione Venereorum vocabulorû, my-
steria, arcanas laudes & ornamenta mi-
nuat ac eleuet. Nam verbi gratia *Bellulam*
dicit, quæ bellissima est, *Venustulam*, quæ ve-
nustissima, *Amiculam*, quæ amicitissima, *Co-
lumbulam*, quæ quantum ad rem significa-
tam est colûba perfectissima, *Fessulam*, quæ
ferendis hæreticorum aliorumque impio-
rum iniuriis tota est defessa, *Corculum*, quæ
cor habet patentissimum & latissimum. Ei
tribuit *patulos ocellulos*, cui sunt oculi castis-
simi, apertissimi, & perspicacissimi, *Cinnu-
los crispulos*, cui sunt porrectissimi, simplicis-
simi, nullaque arte deprauati, *Sinum tenellu-
lum*, cui est solidissimus. Quod autem est
profanius *Reculas* vocat magnum illud de
Gentium extremarum ad Euangelium vo-
catione mysterium.

quid sororulæ
cap. 8. Paruulæ præstabimus,
vers. 8. Ipsius de *reculis*,
pag. 44. Quando fiet mentio.

VBI recordor Atheorum, qui
 à θεότητι Peccatuli vocabulo af-
 ficiunt. Nam iste è conuerso sa-
 lutis & gloriæ Euangeliū Gen-
 tibus vltimis prædicandum, Reculas appel-
 lat, quibus rebus interim nullæ sunt maio-
 res, nullæ grauiiores, nullæ pretiosiores. Si si-
 bi obtendit vnum aut alterum locum Apo-
 stolorum, quibus suos discipulos filiolos ap-
 pellât, quasi vis dilectionis tale blandimen-
 tum ab illis extorserit, Primū illis locis nulla
 prorsus est de amoribus suspitio. Deinde
 quod semel atque iterū & quasi raptim di-
 ctum est & in vnico vocabulo factum, non
 debet trahi in consequētiam, & promiscuè
 ad omnia extendi, facerēque potestātē vsur-
 pandi, publicandi, fingendi è quolibet di-
 minutiuā blanda, mollia & illecebrarū ple-
 na. Denique istis paucis locis in nostra sen-
 tentia firmamur. Nam filiolos appellant
 non blandiendo, sed perstringēdo, quoniam
 illos ritè filios appellare non poterant, qui
 essent Neophyti, tenelli in fide, egentes la-

de eo non solido cibo, cerei ad flexum, quasi modo geniti infantes, lactis indigi, ut passim illi cōquerūtur. Hinc illud Pauli Gal. 4. filioli, quos iterum parturio. Quid eos opus erat iterum parturire, si semel perfectē & solidē fuissent parti & procreati. Vix erant geniti, quia quauis occasione siue Iudæorum, siue Gētilium, siue hæreticorū, cibum sibi ab Apostolis porrectum, vel reiiciebāt, vel retinere & seriō concoquere non poterant. Iam filium vocat Timotheū, Tu ergo, inquit, fili mi confortare, in gratia Christi, firmus enim erat, solidus, perfectus, animo ad martyrium parato.

QVARTO, ut minuit & extenuat quæ erant exaggeranda, ita ē conuerso exaggerat, quæ erant potius minuenda vel reticenda, ut quum vmbilicū Sponsæ ait esse *rotundum*, quum *labella* Sponsi *semihulca*, quum pilum pecoris Galadini *mollissimum*, quem ad comæ mysterium satis erat fecisse nitidum, sanum & integrum absque vlla prurigine & sordibus, nisi quod molliem perpetuò requirit in fœminis. Deinde quàm ridiculo epitheto *labella* Sponsi vocat *semihulca*.

QVINTO, quis ferat epitheta profana, mollia & effœminata tam castis, generosis,

& virilibus sponsis affingi . Quoniam iste mollitiem, modos fractos & clumbes probat in sua Candida, nempe *crispulos cincinnulos, mollicellam comam, mammulas lacteas, patulos ocellulos*, siue hircinos, *umbiliculum rotundulum*, &c. talia Spōsæ Christi assignat, quum contrā Salomon non mulierem, sed viraginem, non mollem, siue vt iste garrit Catulliano quidem vocabulo, at nihil ad mysteria commodo, mollicellam, sed generosam, sed fortem describat . Membra eius non delicatula, non mollicula, non enervata, sed valida, sed firma, sed casta. Caputibus quarto & sexto oculos eius Columbinis, qui sunt pudentissimi & castissimi comparat. Capillos pilis caprarum ouiumque Galadinarum, nitidissimis quidem, at firmissimis tamen, nec defluentibus. Dentes, dentibus pecorum ruminantium, facile pabula, quātumuis arida, comminuentibus. Collum validissimæ Dauidis turri, vbera vino ad roborandos etiam prouectissimos efficacissimo. Quid in huiusmodi obtestor oroque notatis mollitiei, quid crispitudinis, quid fuci?

SEXTO, an non saltem Sponso Domino & Saluatori nostro debuit parcere ! Atqui quia amauit in suo Audeberto *corculum*,

crispula nodos comæ, patulos ocellulos, papillulas, crispula lanuginis flocculos, pellaciam, label-la semihinc. formosulum amorem, isthæc omnia sponso ascribit, non solum contra historie de forma Christi veritatē, verum etiam aduersus Salomonis nostri musicam atque concentum.

SEPTIMÒ, cum toto hoc opusculo scriptura Latina semel duntaxat diminutium vsurparit *vulpeculas*, & Hebraïca ibi duntaxat & semel capite octauo diminutionis notam, *per* adhibuerit, cur hîc vbique Diminutiuum tam fuit Beza prodigus? cur ingenij sui poëtici opes in isthæc partim è libris amatoriis deriuanda, partim è suo genio fingenda effudit? Si responderis argumentum hoc postulasse, vel versum, isto. Argumentum nulli melius fuit notum, quàm vel Salomoni, vel Spiritui Sancto, quî Salomonis linguæ infederat. At hi illud expresserunt vocabulis alterius generis. Si versum, ego & aliquot alij versibus illud reddere conati sumus, & quidem, ni fallor, rectioribus & ad sententiam accommodatioribus, & tamen ferè abstinuimus omnes, his loquendi formulis, tanquam nimium effœminatis & mollibis, ne dicam pruriētibus, sicque ostendimus deinceps præstantiores

poëtas hoc cãtici genus metris melioribus,
Latinioribus, magis Lyricis posse tractare.

O C T A V ò, in Sebastiano Castalione reprehendit, quòd suis Bibliis profana & pagana vocabula in Christianam coloniam inuhere conatus sit, pessimique exempli docuit, *Genium* pro Angelo, *Fanum* pro Templo, *Fertum* pro oblatione, *Solidum* pro holocausto, *Iona* pro Deo, aliãque eiusmodi pro sacris & Christianis substituere; cur igitur nunc hoc iste in se fert, finit, patitur? Cur Columbinos oculos *patulis* siue *hircinis*, desiderabilẽ *Pellacia*, formosam *bellula*, &c. parum pudicẽ commutat? Cur hĩc permutationem Glauci & Diomedis probat, alibi vituperat? Cur olim Castalionem eam ob causam vexatum hodie recreat, olim prostratum hodie erigit, cui viuò insultauit cur mortuo puluillos consuit?

N O N ò, cum veteres Hebræi à lectione huius libri promiscuos Theologos, nedum populares, excluderint, quum poëtas & alios literatos humanioribus dũtaxat artibus excultos procul hinc abesse iusserint, cum illius mysterium in vulgus indicare nefas duxerint, cur omnes iste promiscuẽ non modo admittit, verũ etiam vltro accersit, vocat, inuitat, conditis & vulgatis carminibus pri-

rientibus, titillantibus, nihil è Theologica pudicitia olentibus, vt illa iam non habeat dicere profecta à vetulo habente corpus emortuum, & ad canos suos respectante, sed à ferociënte quodam animante propter carnis ignes & aculeos, cæco Cupidinis furore raptò & exagitato. Comperta vobis est veterum Hebræorum traditio, quam & Ori-

Hier. prolog.
in Ezech.
Orig. præf. in
hunc librum.

genes & Hieronymus laudarunt ac in sua scripta retulerunt. Moneo, ait Origenes, & consilium do, omnibus, qui nondum carnis & sanguinis molestiis carent, neque ab affectu naturæ materialis abscedunt, vt à lectione libelli huius, eorúmque quæ in ipso dicuntur, penitus temperet. Aiunt enim obseruari etiam apud Hebræos, quòd nisi quis ad ætatem perfectam maturamque peruenit, libellum hunc, ne quidem in manibus tenere permittatur.

DE C I M ò, peruertit multis locis Auctoris sententiam, pluribus deprauauit literam, plurimis ad alienissimos sensus detorsit, & contra Spiritum Sanctum rapuit, vt perceptuò cõstet, quod sæpe cõquestus sum, istum esse sanctæ linguæ ignarissimum, nec de ea balbutire, nisi è vestris dictatis perperam exceptis, nisi id improbitati potiùs tribuendum censetis. Quoniam autem vtrumque

liquet, & huius rei creberrima præbuit argu-
 menta, an non cū omni tractatione Scriptu-
 rarum interdicere, & ab eo Legis, quā Ca-
 stalioni vertenti Biblia pro suo Dictatoris
 imperio posuit, obseruationem exigere de-
 betis. Nemo nisi quatuor minimū lingua-
 rum bene peritus, Hebraicæ videlicet &
 Græcæ, itēmq; Latinæ & Gallicæ ad sacras
 literas interpretandas accedito. Nam sanē
 quā perfidē propter linguæ sanctæ insci-
 tiam obscuriora pene omnia interpretetur,
 id ex vnico loco, haud admodum difficili,
 planum faciam. Hæc capitis septimi He-
 braica, וְלִרְאֵשׁוֹ כְּתוּבָה מִלֵּךְ אֶסְתֵּר כִּרְחֻשִׁים sic
 interpretatur,

Fulgidam mitra comam
 c.7. Purpurante splendida,
 v.5. Regis in te lumina
 p.38. Versa quæ sic detinent,
 Vt suæ solario
 Alligaris regiae.

V B I quamuis valde obscurum sit,
 quo pertineat relatiuum *Quæ*, nihil
 nisi ineptum colligatis, Spōsam vi-
 delicet regiae suæ solario, vel Sponsū, vel

sponsi lumina siue oculos ad se cōtemplandum alligasse, quadam ad Iouis fabulam allusione, qui per impluuium, sinum Danaës turri ferreæ inclusæ oculis inspiebat, & clanculum imbris aurei specie irrepere tentabat: vel ad illam expositionem, quam, inquit ad illum versum Abben Ezra, soli principes Cedar, id est, Saraceni, amatoris & veneris dediti, huic loco affingūt. Atqui Hebræa perspicua sunt tam ad verbum, quàm ad sensum. Ad verbum quidem, *Et coma tua sicut purpura regis alligata canalibus.* Nam quòd אֶרְבָּנִים afficitur Athnah & notatur per Camets, non Pathah, licentia est Masoretica crebrò vsitata. Quam & Rab-
bini, inter quos Kimhi in lib. Rad. & in Grammatica, docent esse Emphaticam ob tacitam dictionis regentis. i. תַּבְּרִית repetitionem, vel vt breuius dicā, qua Absoluta pro Syntacticis, & contrà Syntactica pro Absolutis vsurpantur. *Sicut purpura, purpura inquam, regis alligata canalibus.* Ad sensum autem, *Coma tua,* ò sponsa, est *sicut purpura regis.* i. pretiosissima, qualem Reges solent cōparare, *alligata canalibus,* tinctorum scilicet, eam vt tingant, vel exsiccent. Nam huiusmodi vt recentior, ita & coloratior est, purior ac pulchrior, q. d. *Coma tua est pretiosissima,*

effi na, purissima, splendidissima, nihil concedens splendori, puritati, pretiositati vllius pretiosæ & recentis purpuræ. Prætereo mysterium, non cōtemnendum alioqui de Regis Messiaë vincti purpura, quod tangitur à Græcis & Hebræorum sapiētibus, seorsum R. Abrahā. Sed nec sincerius sequētem verbum explicauit. Verū nimis fortasse vrgeo linguæ illius expertem. Quid enim faciatis

P. II. Si capax sat corculum
Non boni tanti gerit?

P R A E T E R E A vobis crearem tædium, si reliqua singulatim percensere vellem, & ad Hebraicam trutinam expendere. Itaque id negotij vobis do, ac vestræ fidei, sapiētiæque cuncta committo, quibus à Fonte recessit, vt suis amoribus & impuritatibus satisfaceret. Maximè cum Fōtium sitis studiosissimi, & cunctas de Theologia controuerfias ad illos trāsmittere soleatis. Interim cogite, vt se vni versionī potiùs addicat, quā per omnes vagādo, cuiusque interpretis errorem, propter iudicij & Hebraicæ literaturæ inopiam, sequatur, & nos æmuletur, qui quamuis ipsum per Dei gratiam linguæ sanctæ peritiam superamus, malumus tamen interpretationem vulgatam recipere, nec

nisi modicè ab ea recedere, quàm nobis indulgendo pios offendere, in eo potissimum themate, quod non potest satis modestè & castè ab homine exponi. In commētarios verò difficultates siue ex re, siue è verbis suborientes conferre.

VNDĒCIMÒ, cū Salomon affectarit similitudines ab amore externo & beluino remotissimas, ab externis nuptiis, & terrestribus alienissimas, à sensus pruritu & illecebris penit⁹ summotas, quas proinde quidam hæreticus Duriores ausus est appellare, indèque Salomonem nonnulli crediderint dotes & encomia Iudææ regionis, non Sponsæ, descripsisse, ac ideo, verbi causa, Narem turri Libani, Vêrem acervo tritici, Collum turri Davidis comparasse, cur in his iste solus venatur carnalia & bruta, sicut equus & mulus rationis & intelligentiæ expertes? Appositione exempli hoc fiet illustrius. *Oculi tui, inquit, Columbarum intra comam tuam.* Hæc similitudo, quid non casti, puri, sancti, sapit obsecro; Nōne Sponsam columbino esse aspectu, puro & simplici, ita pudenti & verecundo, vt eius oculi intra comæ metas se contineant, nec huc illuc adulterarum more discurrant. At hîc Candidam suam Lusculā siue petulam, itémque

crispulam & cincinnulis pendibilem Beza
repperit.

Es columbæ prædita
P.19. Pætulis ocellulis,
Hinc & inde pendulis
Crispulis cincinnulis.

Rursus, cùm pronuntiat Salomonis Spon-
sa, *Ego dilecti mei, & ad me cõuersio eius*, nòn-
ne simpliciter se totam esse Sponsi asserit, &
vicissim Sponsum totum esse suum, aded
vt ad aliam nunquam se sit conuersurus,
eamve relicturus. At iste in re sancta & con-
solationis spiritualis plenissima ludit cor-
culo, & aliorum nostras mentes abstrahit.

Totam amice tu me mi
P.40. Vne amicam possides,
Vnicum te respicit
Istud omne corculum.

Præter quàm quòd infidè interpretatur.
Nam non ait Sponsa suum cor Sponsum
respicere, sed contrà cor Sponsi se respicere
& desiderare. *Et ad me*, inquit, *conuersio* siue
desiderium eius, id est, ille me vnã deside-
rat & expetit, ad me vnã se vertit, & vt iste
loquitur, vnicam me respicit. Vbi quoque in
quantitate peccat, vt corruptus pes mētem

curata comæ crispitudo, contorsio, molli-
ties, quantum item ad Sponsum, Lanugo ^{Pag. 19.}
crispula, & crispulæ nodi comæ. Nam his
quid in adolescentibus deploratius, quid
corruptius? Hic maluisti Beza tuo carneo
duci sensu, quàm audire Apostolos, In habi-
tu ornato, non in tortis crinibus. Denique ^{1. Tim. 2.}
sponsum totum, quantus, quantus est, facit ^{1. Pet. 3.}
Pellaciam. Quis tam Latinæ linguæ hospes ^{Pag. 30.}
& peregrinus, qui nesciat *Pellaciam* prauè so-
nare, & fallaciam, fallacémue illecebrâ de-
signare, indéque Pellacem dici vasfrum cir-
cumscriporem, ac à nonnullis cum Græco-
rum *παλαια* & *παλαιή* conferri.

Verum ubi nulla fugam repperit pellacia, ^{Vir. 4. Geor.}
&

-- Inuidia postquam pellacis Vlyssi,
(Haud ignota loquor) superis concessit ^{2. Aneid.}
ab oris.

DECIMOTERTIÒ, dolemus, quòd
ad exercendam suam poësim non aliud sibi
argumentum sumpserit. Nam cum profa-
nus sit, cum profanè perpetuò vixerit, cogi-
tarit, fecerit, scripserit, quis vnquam existi-
mabit ab eo tam sacros, tam mysticos, tam
spirituales, tam castos amores posse expri-
mi? Animalis homo non percipit ea, quæ

sunt Spiritus. Se labe Simoniaca aliquoties polluit, se suamque valetudinē stupris plurimis læsit, amores fœdos Candidæ & Audeberti cecinit, & publicavit etiam post ministerium Verbi assumptū, factionibus, motibus, bellis, cuncta in sua patria miscuit, ad externos in patriæ incendium pertrahēdos se legatum ultro constituit, Regis sui oppugnationi interfuit & pene præfuit, sicuti apud Castalionem gloriatur, ad proditoriam principum necem sicarios conduxit, æqualium impatiens multos vestrum partim Geneva expulit, partim fictis criminibus perdidit, Alios, qui aliò sese ad vitādam eius vim & tyrannidem subdlexerant, vel alibi pridem sedes habebāt collocatas conuitiis laceravit, & ad suspicionem impietatis adduxit, Passeuentis & famosis libellis Reges, Principes, Antistites, Nobiles, Magistratus, omnium ordinum probos & quietos quosque traduxit, Antiquos & approbatos auctores contumeliis affecit, nominatim Iosephum, Origenem, Hieronymum, Chrysostomum, Nicephorum, se denique aduersus omnes, tanquam ferus Ismaël armavit. Disciplinam fœdam de matrimoniis ac aliis ad Religionis politiam pertinentibus, libris Speuczi de Continentia oppositā

tradidit. Conſeſcit in impuriſſima doctri-
na & corruptiſſima de fatali prædeſtinatione,
de non curando paruulorum baptiſmo,
de ſacramentis cōtra verbū Dei, & piorum
omnium praxim adminiſtrandis, de cogen-
da in hominum captum Dei omnipotētia,
&c. & iſ Eccleſiam pulcherrimam, omni la-
be & macula purgaſſimam, omni culpa
diuino beneficio carentem optimè canet,
celebrabit, ad eam pertinebit?

DECIMO QVARTO, ingemiſcimus
quòd ſe tantopere à ſcopo Auctoris remo-
uerit. Cū enim Salomon in ignobiliſſi-
mis etiam membris nos transmittat ad cœ-
lum, iſte perpetuò nos, tanquam porcos, in
terram curuat & inflectit. Cū Salomon
perpetuo congruat Apoſtolo dicenti, Mor-
tificate membra veſtra ſuper terram. Et, Ex-
hibete membra veſtra arma iuſtitie Deo:
Et, Nescitis quoniam corpora veſtra mem-
bra ſunt Chriſti, templum Spiritus Sancti,
qui in vobis eſt, quem habemus à Deo: Tol-
lens ergò membra Chriſti, faciam membra
meretricis; Cum hiſ, inquā, perpetuo con-
gruat Salomon, iſte contrà vbique ad mem-
brorum laſciuiam, luxuriam, petulantiam,
ignes, frigidam ſuffundit. Nam quod Salo-
mon ſuo Cantico mentes noſtras ſubrigere

in cœlum, & à terrenis cogitationibus abducere instituerit, crasso exemplo doceo. Ex ignobilioribus membris ob ignobiles & cum brutis communes functiones censeatur bonis & sapientibus Venter, vt de eo clamet Apostolus, *Esca vētri, & vēter escis.* Deus autem & hunc & illas destruet. Et in eo tamen Salomon contemplatur cœlum, & ad cœlum nos iubet respicere, ac vti ventre, non vt edamus, bibamus, voluptuemur, sed vt viuamus ac seruiamus Deo. *Venter*, inquit capite quinto, *eius est eburneus distinctus siue tectus sapphiris.* Nempe quoniam Ebur candore & puritate excellit, non constat fluxa & liquenti materia, quoniam Sapphirus cœruleo cœlestique colore micat, quis est tam prauè affectus, qui non statim intelligat, se hac dicendi formula vocari, atque incitari ad temperatè, candidè, pudicè, incorruptè, diuinè, & vt ita loquar, cœlestiter membris vtendum, quæ alioqui ad gulam, intemperantiam, impudicitiam natura peccato Adami corrupta vertit & inclinavit.

DECIMO QUINTO, eius cæcitatem miseramur, quòd auctoris neq; scopū neq; literam vllò modo viderit, nec intellexerit Sponsum & Sponsam hîc describi, quātum

ad literā perfectos, cūctisq; gratiis ac virtutibus excultos, quantū ad mysteriū, plenos diuinis sacramētis & rebus. Sed quoniam mysteria ē nostris cōmentariis & Trium Rabbinorū, quos superioribus annis vertimus, abundē haurire potestis, Corticis sentētiā degustare sat nobis fuerit. Capitibus quarto, sexto, & septimo Sponsa sic pingitur, sic describitur, vt simul doceatur quales oporteat esse fœminas fideles & Christianas. In genere est pulchra, suavis & decora, sicut Ierusalem, in qua erat sedes Religionis, nēpe moribus & pietate insignis. Terribilis vt castra bene ordinata & ad confligendum instructa, nempe seuera, grauis, inuicta, inexpugnabilis, parata perpetuo ad excipiendas impressiones eorum, qui eius religionem, fidem, patiētiam, pudicitiam, & cæteras virtutes tentant. Columba, integra, chara parentibus ob obedientiam, humilitatē, suauitatem. In specie prædita est oculis columbinis, lætis, pudicis, simplicibus, Sponsum in dulci castoque amore continentibus. 2. Capillis intra vittam coccineam inclusis, non foras prodeūtib; non tortis, non crispis & calamistratis, nulla arte deprauatis, sed simplici pectine nitidis & compositis, vt pecus ouium Galadinarum. 3. Dentibus cādidis,

ADMONITIO

fungētibz suo officio , non putridis, & inutilibus, non putentibus ex gula, crapula, intemperātia, incontīnētia, otio. 4. Genis rubicundis, pudentibus, & verecūdis. 5 Labiis coccineis siue rubentibus, propter eloquium castum, pudicum & verecundum. 6 Collo munito honestis ornāmētis & torquibus, vt turris David clypeis, ne nuditate quisquam offendatur, vel ad libidinem pelliciatur. 7 Vberibus ambobus æqualibus & pastis succo liliato, odorato & niueo, cōque abundantibus ad alendos liberos, vt sit pia, recta, æqua liberorum lactatio & educatio. 8 Gressibus pulchris, pulchro & decoro incessu, non leui & præcipiti, non nimis lento, molli & effœminato, nō superbo, &c. Et calceis nitentibus, non sordidatis nimia peruagatione & cursitatione. Oportet enim fœminam, inquit Apostolus, esse *δευρον*, rariúsque exire. 9 Feminibus probè iunctis, non dissolutis, non vagis, non præuaricantibus, neque transilientibus metas sui officij. 10 Umbilico bene téperato, nunquam indigēte potu mixto. i. habente motus temperatos, nec gignente motus inordinatos & ardorem concupiscentiæ absorbentē vsum rationis. 11 Ventre instar tritici vallato liliis & munito liliata pudicitia, niuea & sua-

ui temperantia, contra morsus volucrum falacium. 12 Naso instar turris respicientis contra Damascum, acri iudicio & sagacitate procul respiciente ad res, & necessitates domesticas. 13 Capite eleuato, vt mons Carmelus, ob testimonium rectæ conscientia, nihil sibi consciente, non pallecente culpa, non depresso & deiecto propter pudendas actiones. 14 Coma, tanquam purpura regia & pretiosa, vineta canalibus, quoniam coma debet haberi in pretio, non publicè exponi, rei vœnalis instar, non palam ostentari, sed vinciri, & coerceri vitiis, ne defluat & mollitiæ animi indiget. 15 Statura palmea, non succubente operibus & negotiis domesticis, erecta in cœlum, ad Deum suspirante. 16 Gutture siue palato amabili, se solum suo coniugi & propinquis communicante, Deum inuocante. An aliquid istorum debet trahi ad impudicitiam, & non potius esse speculum virtutum, quas Deus in fœminis fidelibus, ad cœli fructum vocatis & electis postulet? An non hæc vetus est philosophia parabolis, symbolis, ænigmatibus docere solita, quæ pertinent ad mores, medicinam, naturā, res metaphysicas, Theologiam denique ipsam! ἀρχαῖον ὅμαι καὶ λίαν πλατωνικὸν ὑπὸ προσχήματι παυλοτέρως ὑποδείξεως καὶ

πτην τὰ σπουδαία. Quæ qui ignorat, aut non le-
git nostri Salomonis Ecclesiastem ænigma-
ticè Senium vltimo capite describētem, aut
non intellexit, vt taceam Prouerbiorū eius
extantium & Canticorum ad multa millia
non extantium infinitas parabolas, inuolu-
cris arcana mirabilia contegentes, τῷ μήτε τὰ
μόλις εὐρεθέντα πάλιν ἐξ ἀνθρώπων ἀπαλλυθῆαι, μήτε
μολύνεσθαι δι' ἡμοῖς βεβήλοις ἐκκείμηναι.

DECIMOSEXTO, quis non riserit,
quòd ad fulciendas carminum suorum rui-
nas absurdos & ridiculos aduoluit obices,
vt in Psalmis olim, inepta videlicet adic-
tīua & epitheta, vt quando Sponsi labella
dixit Semihulca, Gallicè *demy baillantes*,
pro Semiapertis opinor: Nā nolim, nec ipsi,
credo, velitis, vt respexerit ad semihulca
impudicorum basia.

c.5. Bina sunt labellula
v.12. Myrrheum fundentia
p.25. Semihulca balsamum.

Et malum Punicum *bians*, Gallicè *baillāt*,
proaperto.

c.6. Quale punici rubent
 v.7. Mali *hiantis* granula,
 p.33. Tale quiddam crispulæ
 Inter emicat comæ
 Tortiles cincinnulos.

Nam quàm parum his locis congrua, quàm
 parum apta, immo verò quàm non inepta
 hæc & istius metalli sint epitheta, quis satis
 explicauerit? Nescio num etiã hîc debeam
 istius in fingendis diminutiuis insultare au-
 daciæ. Ea enim è quibuslibet fingit temere
 ad fulciendam perpetuò versus sui ruinam,
 & quidem quod barbariem resipit è Parti-
 cipiis, vt si quis à Part. *Amatus*, crearet Ama-
 tulum, A *Captus*, Captulum.

c.1. Ergo tu me fessulam
 v.4. Tu me anhelam pertrahc.
 p.4.

A Fessa fessulam deduxit, Gallicè *Lassette*,
petite Lasse, quod Participium est ab anti-
 quo verbo *Fatiscor*, vt Priscianus docet. At-
 qui in puerili ludo nos præceptores nostri
 docuerunt Diminutiua à nominibus dun-
 taxat fieri, partim substantiuis, vt ab *ignis* *igni-*
culus, partim adiectiuis, vt à *tener* *tenellus*,
 præter paucula aduerbia, Sæpiuscule, &c.

Quod à Græcis observatur; Nam ab ἄδος
Substantiuo formant εἰδύμιον, ab Adiect.
μαρὸς μαρίων. A Participio doceat.

Postremò, nimis esto nūntium tanto
poëtæ hallucinationem tribuere, vt cū pro-
duxit syllabam *De* in verbo *Videritis*.

P. 27. Fortè si videritis.

Fortasse enim sibi vtēdū putauit Tribracho,
loco Daëtyli, vt Spondeo, loco Trochæi.

P. 41. Nectar mutuo tibi.

At non video ad quem pedem respicere
potuerit pagina 37. dum versum suum clau-
dit pede constante tribus longis loco Da-
ëtyli, vel Trochæi & syllabæ.

Hæ tuæ pupillulæ

P. 37. Vitreæ sunt *piscina*.

Nam in hendecasyllabo Martialis, & alibi
Piscina, penultimanı perpetuò producit.

Piscinam peto, non licet natâre.

Has macululas propter Poëtæ dignitatem
& amplitudinē facile ferrem ob Flacci Ho-
ratiij sententiam,

Quâdoque bonus dormitat Homerus.

Sed idem mox significat

Non opere in paruo fas esse obre-
pere somnum.

Nobis qui poësim non exercemus, sed ad

alia animum appellere solemus, fortassis fas esset. Verùm de Grammaticis rebus in his vestris subselliis nullam actionem intendo, sed nec vos ullam de his mentionem habete, obsecro. Vos oro obtestorque, ut solùm de moribus, de disciplina, de doctrina, de scripturarũ interpretatione disceptetis, quid nobis probabile, quid pusillis salutare, quid vobis honorificum statuatis, in sententia ferenda optimum & sapiētissimum quodque eligatis, nec tam vnus vetuli in extremo vitæ actu desipere pergētis, & Papatum quendam inter vos, priusquã è viuis migret, spe complectētis famæ, & existimationi, quàm Dei gloriæ, vestrum omnium honori, multorum saluti, proximorum eruditioni consulatis. Eum autem obnixè rogamus, ut vestram sententiam, quæcunque tandem illa futura sit, æquo animo ferat, quali nos laturos vobis ingenuè pollicemur, æquiore nostram actionem interpretetur, qui nullo priuato odio, nullo liuore, Deum testamur, ad eum traducendum adducti sumus. Nos priuatim nunquam læsit, immò verò, si id beneficio tribuendum est, de nobis honorificum testimonium sæpe, ut à multis accepimus, tulit, ac nostras in Burguinum Iosephi Gallicum interpretē, Schekium & Dantzæum Antitrinitarios cēsuras laudauit. Sed

ADMONITIO

tanta est nostræ fidei & religionis vis, ut nulum, ne quidem parentem, ferre possimus, qui sacram Scripturam indignè tractet, aut ea ad impudiciæ & sceleris velamen abutatur. Deinde existimauimus nos ipsius gratiâ inituros, si hac castigatione redderemus moderatiorem & ad spiritualia attentiorem. Nam sic intellecturum, se non ad insaniam, verum ad sanitatem, resipiscentiâque vocatum, rogatumque beneuolè ut animi rationem habeat, iuuenilia in suæ ætatis præcipitio deferat, corporeis voluptatibus nuncium remittat, de futura vita seriò tandem cogitet, mortem imminentem ob senium in oculis ferat, Tribunal Domini horrendum, in quo de verbis otiosis reddenda erit exacta ratio, multò magis de scriptis pestilentibus, de scandalis, de hæresibus, de corruptelis Verbi Dei palam & publicè expositis, paucat, se ad extremum vitæ actum peruenisse meminerit, præcedentis scenicam protasim, tragicam epitasim, comica saltem & probabili catastrophâ claudat, ac nos de sua conuersione gaudentes, Deoque Opt. Max. gratias agentes cum sanctis Angelis, efficiat. Valete omnes, & Spiritum Sanctum habetote mentium vestrarum collustratorem, Lutetia 7. Idus Octobris, 1584.



CANTICVM CANTI-
CORVM SALOMONIS

versibus Iambicis Dimetris
expressum, & commen-
tariis illustratum,

*Gilb. Genebrardo Theologo Parisiensi,
Professore Regio auctore:*

Aduersus Trochaicam Theoloni
Bezæ Paraphrasim.

Argumentum.

Parabola & Dramate Sponsæ & Sponsi oues
pascuntium, Domini & Ecclesiæ coniunctio in-
diuidua, fida, sancta, perpetua describitur. Car-
men est bucolicum similitudinibus & personis
pastoritiis exornatum.

Personæ interloquentes vel presentes.

1. Sponsa.
2. Sponsus.
3. Chorus Virginum.
4. Chorus adolescentium Sponsi comitum.



CAPITIS PRIMI

ARGV M.

*Sponsa Sponsi Christi corporatam præsenti-
am aduentumque expetit.*

SPONSA.

1 Osculetur me osculis oris sui.

2 Quia meliora sunt vbera tua vi-
no, fragrantia vnguentis opti-
mis.

3 Oleum effusum nomen tuum.
Ideo adolescentulæ dilexerunt te.

SPONSA.

VERS. 1. Tot expetitus seculis,
Tot predicatus patribus,
Tot ante dictu gentibus,
Tot nuntiatus litteris,
Tot personatus vatibus,
Tot lineatus formulis,
Tot concupitus Angelis,
Nunc ille me frequentibus
Suimet oris osculis
Exosculetur suauiter.

2 Dulces amores nam tui
Sunt præferendi poculis
Fragrantibusque balsamis.

3 Ut sis vocandus balsamum
Se cuius unguen largiter
Partes in omnes funditat.
Et hinc puellæ virgines
Sanctissime te diligunt.

4 Trahe me: Post te curremus in odorem vnguētorum tuorum. Introduxit me Rex in cellaria sua. Exultabimus & lætabimur in te, memores vberum tuorum super vinum. Recti diligunt te.

5 Nigra sum, sed formosa filiæ Hierusalem, sicut Tabernacula Cedar, sicut tentoria Salomonis.

6 Nolite me considerare, quòd fusca sim, quia decolorauit me Sol: Filij matris meæ pugnaverunt contra me, posuerunt me custodem vineis: Vineam meam non custodiui.

7 Indica mihi, quem diligit anima

4 Tu me ergo fessam pertrahe.

Ad te gradu tunc concito

Tantis adaectæ odoribus

Perniciter volabimus.

Rex duxit intro me sua

Benignus in conclauia.

Ibi simul letabimur

Tuis fruantes vultibus,

Tui ex amoris fontibus

Memores lac ire dulcius

Vllo meraco nectare.

O quem probi perdiligunt.

5 Sum nigra, pulchra sed tamen,

O Sollymorum filia,

Sum nigra ceu mapalia,

Arabs tetendit quæ Cedar.

At pulchra, sicut candida

Dauididæ tentoria.

6 Nolite me ergo Virgines

Fuscam velut contemnere:

Me decolorem feruidus

Aestu suo Sol reddidit,

Quando misellam filij

Matris meæ, per vineas

Me depulerunt exteras.

Hinc exulo procul meam

Non, mæsta, seruans vineam.

7 Te quaeso, nobis indica,

mea, vbi pascas, vbi cubes in meri-
die, ne vagari incipiam post greges
sodaliū tuorum.

SPONSVS.

8 Si ignoras, ô pulcherrima inter
mulieres, egredere & abi post vesti-
gia gregum & pascce hædos tuos iux-
ta tabernacula pastorum.

9 Equitatu meo in curribus Pharaonis
assimilaui te, Amica mea,

10 Pulchræ sunt genæ tuæ sicut Tur-
turis, collum tuum sicut monilia.

O Sponse, quem mens deperit,
Pascas ubi greges tuos,
Ubi cubes, Sol torridus
Dum verticalem possidet
Lucis diurnæ circulum,
Captans ouili umbracula.
Ne post greges horum vager,
Qui pro tuis sodalibus
Sese gerunt, quàm turpiter,
Velut quietem quæritans.

SPONSUS.

8 Id virginum pulcherrimæ
Si nescis, exito foras,
Et quæ meus grex, inspicere,
Carpens agrorum pascua
Impresserit vestigia.
Horum gregum pastoribus
Te proximam coniungito.
Hædos tuos hîc pascito.
9 Sic interim præstantiâ
Formæ sublimi præditam
Te confero Pharoniis
Ægyptiorum curribus,
Quos nunc mei trahunt equi,
O Virginum charissima.
10 Genas habes cœu Turturis,
Vtrinque tectas aureis
Argenteisve in auribus.

11 Murænulas aureas faciemus tibi,
vermiculatas argento.

SPONSA.

12 Dum esset Rex in accubitu suo,
Nardus mea dedit odorem suum.

13 Fasciculus Myrrhæ dilectus meus
mihi. Inter vbera mea commorabi-
tur.

14 Botrus Cypri dilectus meus mi-
hi, in vineis Engaddi.

SPONSVS.

15 Ecce tu pulchra es amica mea, ec-
ce tu pulchra es, oculi tui Columba-
rum.

SPONSA.

16 Ecce tu, pulcher es dilecte mi,

*Habes nouum colli decus
Monilibus cum gemmeis.*

11 *Quæ iam nouis honoribus
Augere plenè cogito,
Hinc inde sparsis punctulis
Argenteis, muranulas
Dum fabricamus aureas.*

SPONSA.

12 *Dum cum suis domesticis
Sumens cibum rex accubat,
Nardi fragrantis unguine
Perfundo tota regionem.*

13 *At hîc mihi charissimus
Inter papillas commorans
Ad fascis instar Myrrhei
Meme sedentem recreat.*

14 *Mihique sicut Cyprius
Botrus fit, inter Engadas
Olenz suaue vineas.*

SPONSVS.

15 *En tu mihi charissima
Es Virginum pulcherrima,
Es omnium bellissima,
Habens Columbæ lumina,
Sancto pudore prædita.*

SPONSA.

16 *Et tu vicissim chare mi,
Tu totus es pulcherrimus,*



& decorus : Lectulus noster floridus.

17 Tigna domorum nostrarum Cedarina. Laquearia nostra Cypressina.

INTERPRETIS COMMENTARIA IN CAP. I.

Canticum Canticorum, ut pulchrè scribit Origenes, est nuptiale carmen castos exprimens amores, iucundòsque complexus animorum, concordiam morum, & affectuum, consentaneamque spirans ad alterutrum charitatem, qua Sponsa fidelis ad perfectam ætatem, & ad annos nubiles iam peruenit, annos dico bonorum operum, non temporum, ut ad celestis Spõsi complexus idonea iudicetur. Nec est strepitus oris, sed iubilus cordis, non sonus labiorum, sed motus gaudiorum, concordia voluntatum, non cõsonantia vocum. Conscriptum autem est in morem pastoralis eglogæ & amatorij dramatis, ac in eo omnia ferè sunt bucolica, ex artèque pastoritia. Varias loquentes, præsentésve personas habere fingitur, Christum Sponsi nomine, Ecclesiam Catholicam & solidam, Sponsæ titulo

*Tu totus es gratissimus.
 Ac inde noster Lectulus,
 Vernat viretque florens.
 17 Quin & tigillis Cedreis
 Nobis nitet palatium,
 Cuius tegunt solarium,
 Pulchrè trabes Cupressæ,
 Et dulcè olentes asseres.*

titulo Sponsæ sororculâ, et si hâc personam non agnoscat Origenes, quatuor tantùm faciès. Socias & Sodales Spôsæ, quæ appellantur filiæ Hierusalem, id est, singulares Ecclesias vel personas, (Alienè R. Selon. exterarum gentes) Amicos Sponsi, id est, Angelos & Sanctos. Quæ omnia utcunque respondent choris Euripidis & Aristophanis, & distribui possunt in certas narrationes & quasi actus. Primus actus vsque ad initium tertij Capitis, ubi noua incipit confabulatio & quasi narratio. Secundus vsque ad secundũ versum quinti Capitis, *Ego dormo & cor meum vigilat.* Tertius illinc protenditur ad vsque vndecimũ versum sexti. Postremus inde ad finem, vt ex Rabbino Anonymo intelligitur. Dubium autem est, quænam ex sensu literæ hæc puella sit, quam Salomon loquentem facit. Nonnulli existimant esse filiam Pharaonis Ægyptiam, alij ex capite 7. Ierosolymitanam quandam. i. Sullamith, à Salem, quæ tandem Hierosolyma. Sed quia hæc sunt profani potiùs, quàm sacri amoris argumenta, item quia Sponsi nostri similitudines ducuntur à

rebus Salomonis, eo vel nominatim expresso, ut c.3. & 8. vel tacite perstricto, ut quod haberet nimis multas uxores, c. 6. v. 7. & soli stulti se palam perstringunt & traducunt: idcirco omnino credendum est cum hæc scriberet Salomon, multo alius spectasse, ac nullius puellæ externæ respectu, Sponsæ parabolam more suo atque stylo Spiritus Sancti afflatu usurpasse, sicque cōdidisse τὸ μουσικὸν τῶν ἀσμάτων βίβλιον, ut vocat Theod. lib. 5. de Prouid. insignis enim erat parabolis, ut historia libri Regum indicat. Et sanè hunc stylum seruat in Prouerbiis & Ecclesiaste, quod & multis exemplis Hebræi docent in Midras. Hanc autem parabolam inter cæteras delegit, primùm quia amor coniugum est arctissimus & coniunctissimus, secundo ut seruaret morem Scripturarum, ut Es. 62. Ezech. 16. Ps. 45. Os. 1. & 2. Desponsabo te mihi in sempiternum, Desponsabo te mihi in iustitia. Math. 9. Aderit dies cum tolleretur ab eis Sponsus. Ioan. 3. Qui habet Sponsam Sponsus est, Tertio, quia Christus erat incarnandus & quasi maritandus cum humana carne. Quin & Eph. 5. Paulus docet Christum ita sibi copulasse Ecclesiam, ut eam fecerit suā carnē, iuxta illud Gen. 2. de viro & uxore, Duo erunt in carne vna, & eam nutrire & fouere ut carnem suam (cibo suæ carnis & potu sui sanguinis). Quarto ut doceret, quali, quāto, quā dulci & fido amore se coniuges cōplecti debeāt, nēpe se vnos cogitare, amare, cōcordes esse, pios, &c. Quinto, quoniā legitima maris & fœminæ cōiunctio præfigurabat Christi & Ecclesiæ copulationem, ut B. Paulus disceruit ad Ephesios, Sacramentū enim hoc magnum

Matt. 21.
2. Cor. 11.
Apo. 19.
Eph. 5.
Psal. 44.

est, in Christo inquam, & Ecclesia. Christus si-
quidem maritus est. *Es. 54.* Quia maritus tuus, fa-
ctor tuus Dominus exercituum nomen eius, item-
que Sponsus. Nā ita se ipse vocat, *Mat. 9. & 25.* vt
& discipulos Spōsi amicos. *Ioh. 3.* Ecclesia autē
Spōsa, vt infra cap. 4. & 5. nominatur. Quod cau-
sam dedit Paulo & Dauidi, vt vtriusque indiui-
duam coniunctionem & tanquam desponsatio-
nem eleganter celebrarent. Ecclesia quippe Chri-
sto copulatur tam interiori consensu & volunta-
te, quā natura. Idem enim vterque vult, & prae-
terea ipse formam hominis assumpsit, qua cum
Sponsa tua conueniret, eamque sibi arctius na-
turæ similitudine deuinciret. Nam vt inter con-
iuges coniunctio est secundum consensum ani-
morum & secundum commixtionem corporum,
quorum ratione duo in carnem vnā coalesce-
re dicuntur, ōsque vnus fieri ex alterius ossibus,
& caro ex carne: ita Ecclesiae Christus concilia-
tus sociatusque spiritualiter & corporaliter. Nē-
pe dilectionis & naturæ necessitudine, dum egre-
diens ē sinu patris adhæsit vxori suæ, factusque
est idem carne, cum Ecclesia, quam diligebat. Hāc
singularem vnionē, societatemque indiuiduam
tropis & figuris pastoralibus, hoc poemate canit
Salomon, assumens identidem amica bucolico-
rum versus verba, vt propterea, eius librum, *De Eccle-*
scitē Magnus Dionysius appellat *θεῶν ἐρώτων* *sia st. Hierar.*
ἀσμάτων καὶ ἐν θεοῦς εἰκόνας, & Augustinus scripse-
rit, narrationem in his libris genus locutionis fi-
guratarum esse rerum, non gestarum, sicut in *Re-* *lit. lib. 8, ca. 1.*
gnorū libris & eiusmodi cæteris. Duobus qui-
dem aliis modis huius vnionis mysteriū à diui-

Nota.
Psal. 44.

Gen. 2.

De Eccle-
sia st. Hierar.
cap. 3.

De Genes. ad
lit. lib. 8, ca. 1.

Tribus modis Christus & Ecclesia describuntur in Script.

nis scriptoribus pingitur, sub parabola, primum, agricolæ & horri, siue vineæ, deinde pastoris & gregis, sed hic omnium longè accommodatissimus, ob causas iam commemoratas. Et si enim Hebræi non passim iuvenes admittunt ad lectionem trium tractatuum. i. ad tria capita prima Geneseos, ad principium & finem Ezechielis, à cap. 40. ad hoc Canticum, ad duo quidem prima propter obscuritatem, ad istud verò propter periculum salacis titillationis in iis, in quibus affectus nondum deferbuerint: tamen quum etiam profani, vt est apud Platonem in Symposio, duplicem Cupidinem fecerint, vnum filium Iouis & Diones castum, alterum Iouis & Veneris, impurum, non video cur aliqui hinc in cogitationem turpium amorum venire debeant aut possint, cum præsertim nulli sint tam malè imbuti diuinis literis, vt illas nesciant castimoniarum omnis magistras esse, & propterea si quæ impotentis animi speciem præ se ferat, ad spiritum esse transferendas. Scriptura enim figuratis locutionibus, similitudinibus & ænigmatibus ad nostras dicendi formulas accommodatis, vt alia mysteria, ita & diuinos diuini amoris aculeos frequenter declarat. Quod vt melius intelligatur notandum est in diuinis libris triplex intelligentiarum genus obseruari. Primum, per quod quædã accipiuntur historicè, propriæque oratione sepositis ænigmaticis, vel allegoricis figuris, vt legis Decalogus. Alterum, non tantum historiam fidemque rerum gestarum, sed figuram etiam allegoricorum sensuum complectitur. Huiusmodi est petra ex qua Moses latices elicit, quæ iuxta historiam quidè cau-

Nota triplicem modum intelligendarum Scripturarum.

tis fuit, aquasque re vera euomuit, iuxta verò al-
 legoriam Christi figuram retulit, qui cùm sit la-
 pis in fundamento Sionis fundatus, suavi spiri-
 talis vitæ poculo, credentium mentes satiat. Ter-
 tium, quod tantùm per allegoriam & secundum
 spiritũ sumitur. Tale est Canticum Canticorum
 & cæteræ parabolæ, in quibus nihil historicè ac-
 cipitur, sed omnia ad spiritum perpetua quadam
 allegoria transferuntur. Quòd autem nonnulli
 eleuant authoritatem Ecclesiastis, quia in eo non
 reperitur nomen tetragrammaton, huius verò
 quòd ne Elohim quidem aut alterius nominis
 Dei (sunt enim decem numero) mentionem fa-
 ciat, id officere non debet, quoniam Salomon ab
 instituto suo non discedens, immoratur persi-
 stitque in proposita Sponsi & Sponsæ parabola, hic liber est parabola.
 & externis inhæret internorum declarandorum
 causa. Alioqui dubium non est, quin Sponsi no-
 mine Deũ iuxta Rabbinos, aut potius iuxta nos
 Dei filium Christum Dominum nostrum intel-
 lexerit. Deinde hoc multò magis debuissent ob-
 iicere de volumine Esteræ, in quo de Deo ne hi-
 lum quidem, quatenus apud Hebræos hodie ex-
 rat. Cæterum Hebræi hoc Canticum ad Eccle-
 siam veterem, Nostri magna ex parte ad Eccle-
 siam nostram, nos ad vtramque referri volumus,
 cùm præsertim vnica sit Sponsa Christi, quæ ab
 Adamo per Abelem & Sethum ad nos deriuata
 sit. Origenes autem refert primò ad Ecclesiam ex
 Gentibus collectam, deinde ad vnamquamque
 animam, quæ ad Deum & fidem tēdit. In eo in-
 terdum Dominus collaudat Sponsam suam, in-
 terdum Ecclesia Sponsum suum, cōtra quàm fiat

In reliquis scripturæ Canticis. In quibus, ut annotant in Midras citra Dialogismum, aut Israël laudatur à Domino; aut Dominus ab Israël. At hic sanè de Domino & Ecclesia scopus est genuinus & à Spiritu Sancto intentus. Alij quinque expositionum modi, qui in hunc librum prodierunt sunt partim alieni ab instituto, partim ex isto pendent. Alienus est eorum, qui alludentes ad librum Martiani Capellæ de nuptiis Philologiæ & Mercurij Epithalamion esse putant Sapientis & Sapientiæ inuicem colloquentium. Alienior illorum, qui secundo loco de Salomone & Rep. siue regione Iudæorum exponunt. Alienissimus aliorum, qui tertio totum Canticum secundum occidentem literam de amoribus Salomonis & Pharaonis filia, siue Abisag Sunamitidis interpretantur. Nam hoc profani amoris potius est argumentum quàm sacri. Quod secutum Castalionem & Anabaptistas aiunt. Reliqui duo modi è primario veròque pendent. Nam quod vniuersè de Ecclesia dictum est, id priuatim ad Ecclesiæ membrum transcribunt, ut cum Rhetores thesim ad hypothesim reuocant. Ita quartus est de Animæ erga Deum, & de Dei erga Animam amore. Quintus autem & postremus de mutuo D. Virginis & Christi filij colloquio. Hic enim (ait Ioan. Halgrinus Cardinalis) applaudit mater filio, hic filius matre delectatur. Hic matris priuilegia describit filius, hic excellentiam filij describit mater. Verum nos in primario & germano sensu more nostro insistamus, neque per singulorum opiniones vagemur. In quo non multum à nobis Hebræi absunt. Nam quod nos personaliter

personaliter de Deo incarnato, siue de Dei filio & Christo intelligimus, id illi absolutè & simpliciter de Deo exponunt. Quin & eorum plurimi, vt è Midras perspicitur, de Messia siue Christo, aut omnia aut plura. Appellatur autem Canticum Canticorum, quia fecundissimum est mysteriis, laudatissimumque inter Cantica, quæ cõposuisse dicitur Salomon 3. Reg. 4. tam ratione artificij quàm rei subiectæ, continet enim præcipua mysteria Ecclesiæ veteris & nouæ. Sic vsitatum est dicere in Script. Regem Regum pro Rege potentissimo, Locustam Locustarum in Sophonia pro Locusta copiosissima, & apud Theologos veteres, vt Dionysium *τελετὴ τελετῶν* de Sacra Eucharistia, Nazianzenum *ἐορτὴ ἐορτῶν* de festo Paschatis, imò verò & apud prophanos, vt Sophoclem *δουλαία δειλαίων*. Cõstat carmine, sed huius ratio metrica excidit, vt & Psalmorum, Iobi, Prouerbiorum. Quæ enim oratio hodie inter Hebræos coërceri pedibus dicitur, recens est & ab aliis linguis ducta, vt alibi scripsimus. Iam cõtextum delibemus.

1 Hac formula expetit Domini aduentum in carnem, vt infrà initio capitis 8. vt non iam more veteri diuinitate duntaxat & spiritu, sed etiam corpore præsens sit, ac proximus. Oscula enim oris significant corporatam præsentiam atque congressum per vnionem hypostaticam, siue assumptionem humanæ substantiæ in diuinam hypostasim, per quam iam nos osculari corporaliter possit. q. d. Congrediatur mecum colloquio corporeo, Sumat carnem vt familiaris mecum versetur. Sat mihi apparuit modis inuisibilibus,

sat internis inspirationibus. Sat mihi locutus est per Prophetas, & Angelos. Iam ipse mecum per se colloquatur, &c. Possumus etiam per oscula intelligere in genere arctam & singularem coniunctionem. Sic Paulus cupit esse cum Christo. Sic pii optant eum sentire in se inhabitantem. Nam cum Rabbis accipere internam inspirationem, cum Ambrosio gratiosam communicationem conuiuij cœlestis, nimis est coactum.

2. Vbera Domini sunt duo Testamenta, vetus & nouum, quibus se nobis præbet amabilem & suauem. *דוד דודאין* *Daddaim* vbera, *Dodim*, autem amores metonymicè, quia amoris sedes est in vberibus & corde, cui adhærescunt vbera. Vtraque lectio congruit, Nisi quod vbera, quæ solent ad amorem pertrahere, non propriè cōueniunt Sponso, vnde & cap. 5. vbi Spōsi membra describuntur, nulla vberum mentio. Intelligunt autem nostri vberum nomine dulcedinem Euangelij, Vini verò Legem veterè paulò duriotem. Si metonymicè exponas amores, intelliges arctam & singularem cōiunctionem, qua Ecclesiam Christus deperit, per vinum quamcunque lætitiā. Amor Dei est quoddam vinum, quod exhilarat cor hominis, inebriat & absorbet vsum sensuum & rationis humanæ, quod denique audentes & disertos facit. Quin est suauior vino, quia delitiæ spirituales sunt suauiores corporalibus. Nam & afficiunt animam & redundant in corpus. Per vnguenta autem virtutes & gratias Domini.

3. Loquitur de odore verbi Domini & prodigiorum eius, quorum fama multi ceruicem sup-

posuerunt & Legi veteri & Euāgelio. Sic Eccl. 7. melius nomen bonum, i. fama, quā vnguētum. Sic nostri tradunt in sacro chrismate Balsamum propter odorem, claritatem famæ designare. Per puellas intellige singulares animas, Ecclesias, aut etiā gētes. Tanta est suauitas doctrinæ tuæ & verbi tui, vt etiam gētes, quæ te non nouerūt, amore tui capiātur tēque perquirāt. Dionysius Areopagita cap. 4. lib. de Eccl. Hier. non alienè hunc locum tractat. Iesu, inquit, nomen oleum est effusum. Christus enim appellatur, quod ipse eximie fragrans repleat diuina voluptate participes. Est enim fons suauolentiae, emittēs diuinos halitus in pias animas. Masorethæ autem alit̃us inchoarunt hunc versum, Propter fragrantiam vnguentorum tuorum suauium, oleum siue vnguentum effusum est nomen tuum. *oleum* autem siue vnguentum generale est ad omnia vnguenta. Hic κατ' ἐξοχήν, pro vnguento siue succo odorato. Tale est nomen Sponsi, quia Christus & Heb. Mashiah, siue Messias vnctum sonat. Quin & priore epistola Ioan. cap. 3. vnctio nominatur. Nempe vnctus est ratione humanæ suæ naturæ oleo exultationis piæ aliis, id est, Spiritu Sancto, eiusque virtutibus & gratiis. *Vnguentum* ergo *effusum*, gratia effusa & copiosa, quæ largiter distribuitur, *nomen tuum*, ô Christe, sic nominaris & celebraris. In Christo enim est multiplex oleum, siue vnguentum, i. gratia. Prima vnionis, qua natura humana indiuiduè communicatur cum diuina, eique vnitur hypostaticè. Altera singularis & propria, qua omnes perfectionū thesauri corporaliter in eius personam effusi sunt, Col. 1. & 2.

Tertia capitis, quasi vniuersa & generalis, ad gratias in alios trāsmittendas, per quam de eius plenitudine omnes accipimus. Nam non modo sibi est plenus gratiis, & dotibus, sed & nobis, vt proinde non simpliciter nominetur *Oleum* siue *unguentum*, verū etiam *effusionis* siue *effusum*, in alios videlicet. Vel iuxta Rabbinos *Nomen* significat famam, vt attigimus, Fama tua est velut vnguētum effusum odore sui homines capiens & illiciens. In Heb. est elegans paranomasia in *שן* *shen* & *שמן* *shemen*. Ideo adolescentula Virgines prop. dilexerunt te, tuam amicitiam ambiuerūt, relictis mundi & externarū rerum vanitatibus, voluptatibus, &c. *Adolescentula* autem sunt singulares Ecclesiæ, vel animæ corpore & animo castæ, vt loquitur Paulus 1. Cor. 7. Adolescentulas autem dixit, ait Orig. non illas verulas ac veterem hominē induratas animas, neque rugas habentes, sed eas quæ augmento gratiæ adolescunt.

4 *Trahe me.* Initium iustificationis nostræ à solo Deo est, qui nos ad sui cognitionem & amplexum vel aliud quiduis agētes trahit. **POST TERCURREMVS.** Ego cū Virginibus, Ecclesia cum fidelibus. Vel, iam iustificata curram non ego, sed gratia Dei mecum. Ideo enim mutatio numeri facta videtur, nā alioqui dicendū fuerat, **POST TERCURRAM,** Obserua ordinē salutis. Primus gradus est electio siue attractio. Secundus, ex parte nostri, apprehensio & cōcursus. *Introduxit me Rex.* Hic præteritum pro futuro nonnulli esse aiunt: introducet me in penetralia sua. Intelligi rectius potest in præterito, quasi Ecclesia gloriatur & prædicet se iam admissam esse in Domini cōcla-

uia, referta opibus & thesauris scientiæ & mysteriorum. Penetrantia enim tunc loca secretiora, ubi thesauri multi sunt. Alij nimis restringunt ad cellaria seu *rayia*, ut Græci verterunt, ex eo quod Sponsus dicatur induxisse Sponsam in cellâ vini, capite secundo Vox enim Hebræa generalior est. *In te fauore & familiaritate tua. Plerû*, vel amorû ut supra. *Recti*, Rectitudines propriè. Abstractum pro concreto, quicunque recti sunt amant te. Sic & Septuaginta & Hieronymus. Hebræi exponunt in ablatiuo, reperito puellarum nomine è superioribus. Virgines amant te rectitudinibus, & amore recto, in quo est sinceritas & planities, nihil fuci, &c. vel, Virgines te amant (præ) rectitudinibus. i. magis quàm vinû generosum, hoc enim nomen peculiariter dici volunt de vino, ex Cant. 7. & Prou. 23. Vinum ambulat in rectitudine, directè & generosè, vide Abben Ezram. Obserua autem hîc fieri transitum à secunda persona ad tertiam & contrâ, *trahere me*. Deinde, *introduxit me; Mox, delectabimur te*.

5 Per prolepsin occurrit obiectioni. Cur cum tuus Sponsus sit tam pretiosus, tam præstâs, tam amabilis, tu eius magnitudini & maiestati non respondes, sed sis nigra, &c. Mea, inquit, species & pulchritudo est interior. Nigror externus, accidētarius, non naturalis. Vis persecutionum me eo adduxit, ut nigrorem cōtraherem. Vel ex Origene. Nigra sum propter præterita peccata, pulchra propter pœnitentiam & gratiam remissionis. Sic Moses Æthiopissam duxerat in uxorem. Num. 12. *Sed formosa*. Nigra quidem sum, verum formosa ut tentoria Cedarenorû, qui Nomades

sunt & agunt vitam vagam & pastoritiam in desertis Arabiæ, & vt tabernacula Salomonis, quorū, etsi exposita pluuiis & aëris iniuriis nigrorem quēdā cōtrahunt, insignis est interior elegātia & partium conformatio seu descriptio. sic enim, si qui foris est, noster homo corrumpitur externis incōmodis, & qui interior est renouatur in dies. Lege 2. Cor., 4. Rabbinī Similitudines diuidūt, vt singula singulo membro conueniat. Nigra sum, vt tabernacula Cedarenorum populorū Arabiæ, quę nullam habēt pulchritudinē propter populi incuriam, paupertatem & inelegantiam, & quia perpetuū sub dio versantur, nigricāt. At pulchra vt pelles siue cortinæ & tentoria Salomonis, quæ ob Regis magnificentiam nitebant interius, insigni erant elegātia & artificio. Hæc autem referunt ad Synagogam, quæ iacebat afflicta in Ægypto, vt proinde appellata sit fornax fetrea. Nostri ad Ecclesiam collectam ex Gentibus, quæ fœda erat olim Idololatria & carnis operibus, postea verò vocatione, fide, pœnitentia, operibūque fidei secundum electionem prædestinationēque Domini perelegans facta est. Referri etiam potest ad omniū temporū Ecclesiam, quæ semper persequentium iniuriis opportuna fuit: cum intereā pietatem & fiduciam in Dominum nūquam deposuerit. Per filias Ierusalem nonnulli intelligūt Angelorum cateruas. R. Selomo gentes, Abben Ezra cogitationes. Noster Origenes Iudæos, Scribas maximē & Phariseos, qui cernebāt Ecclesiæ ineuntis humilitatem, non habita ratione deliciarum spiritualium & consolationum interiorum. Tu vniuersim intellige singulares Eccle-

Filix Hierusalem quæ.

fias, aut certè singulos ex Ecclesia.

6 *Fusca*, subnigra, Nigram ante dixerat, sed nunc se corrigit, vt significet se locutam ex aliorum opinione, nec tanto nigrore affectam, quanto homines existimēt. *sol*, feruor persecutionum, & malorum, metaphoricè, me eo adduxit vt nigrorem contraherem. *Decolorauit me*, aspexit me propriè. i. tetigit, deformauit. *Filij matris mea*. Ex eadem matre mecū orti, non patre. i. fratres mei vterini, q.d. Cæteri hominū cœtus me persecuti sunt, occuparūt me in suis negotiis, vexarūtque curis multis, adeo vt vineam meam, meū agrum, meam possessionem non seruarim, sed eam reliquerim incultam, squallentem, iniuriis & prædis omnium expositam. Coëgerunt me seruire huius sæculi negotiis, meaque relinquere. Nam *mater Ecclesia* est humana natura, cuius filij sunt etiā Pagani, Mahometani, Iudæi, Hæretici. *Vinea* autem possessio exterior, loca sacra & dedicata Deo, vltus item liber religionis, quem impij solēt interuvertere. Alij restringunt ad Hæreticos, quos renatos externa ceremonia nobis pro fratribus Ecclesia præbuit: cū interim Dominus eos in filiorum numero nunquam duxerit, adeo vt ex patre fratres haberi non possint Nam, vt Cyprianus rectè in libro de Simplicitate Prælatorum inquit, Non habet Deum Patrem qui non habet Ecclesiam matrem. *Pugnauerunt*, incanduerunt, propexarserunt.

7 Quia se tactam Sole dixerat, interrogat cur hoc meridiano æstu, quem ferre cogitur, Sponsæ suæ rationem Sponsus non habeat. Cur enim committas vt sim tanquam meretrix, quæ velo

obducere se solet, vt de Thamar scribitur Gen. 28. aut vt scribit Kimhi in Radicibus, tāquam diuertens & vagans ad greges sociorum tuorum. Nam vbi nostri *ne vagari incipiam*, Hebræi. *Nam cursum tāquam velata*. i. meretrix, 70. περιβαλλομένη vel *declinans*, vaga. Vagatricem similiter vocant Hebræi scortum, siue meretricem. Sic Chaldæi נפקא כרָא q. exētem foras, quòd talis esse soleat mulier, cui pudicitiae nulla cura est, vt contrā proba & casta domi residet, diligentēque curat rem familiarem. Vnde D. Paulus iubet, vt mulieres sint οἰκουποι, q. Domus custodes, & Poët 2,

Seruate uxores, caluus adulter adest.

Allegoricè, indica mihi, vbi tempore persecutionum, & malorum te possim repperire, & captare consolationes. Quare enim adacta vbi & ponderate afflictionum, atque adeo tentationum, ad idola, ad Deos alienos, ad peregrinas religiones deficiam? aut etiam Hæreticos, vt quidem Augustinus epistola 48. ad Vincentium interpretatur, quos sodales Dei ait hīc appellari propter communionem Sacramentorum. Porro sodales Dei istos omnes facit, nō ad veritatem sed ex opinione hominum. Sic enim sæpe loquitur Scriptura, Meridies ergo vehemētia & ardor persecutionum, sponsi sodales Dij peregrini & pseudoprophetae, qui se pro eius sociis ac ministris venditant vel gerunt.

8 Obserua, vt Christus antea pastor dicebatur, ita & hic Ecclesiam tanquā pastricem dici. Nempe, vt in Bucolicis puellae oues seruant, & in Genesi Rebeca, inque Exodo Iethronis filia. Seque-
re vestigia ouium, patrum, vt Hebræis, & pascē

quod tibi commissum fuerit ad tabernacula pastorum, & ad Ecclesias quasque, quas Dominus in terris instituit, ô mulierum pulcherrima, quæ ad Dei imaginem & similitudinem olim ab eo procreata, & à Christo nunc recreata es. Insignis locus contra Hæreticos. Nam hoc versu docetur ubi tempore perturbato & difficili vera sit Christi sedes, nempe in ouium & pastorum perenni successione, quæ una est è notis Ecclesiæ. Contrà Synagoga Satanæ, non potest indicare ordinem pastorum suorum, neque suū per successiones ab initio decursum, neque suos cæsus deferre ad aliquē ex Apostolis vel Apostolicis, qui cum Apostolis perseverarint. Leg. Tert. lib. de Præscriptionibus. *Si ignoras tibi*, Pron. *Tibi* Latine vacat, vel est dativus acquisitivus. tuo incómodo, vel apud te. In vulgatis exemp. *Te* mendosè. Puto nostrum vertisse *apud te*. Et certè de eo non agitur an se ignoret Ecclesià, sed an Christū, & si eum ignorat, aut eius locum, qua ratione eum possit vel reperire, vel agnoscere.

9 Similem te facio equitatu meo, qui constat curribus Pharaonis. i. pulcherrimis & præstantissimis ô Sponsa. Vel, equæ meæ in curribus Salomonis. Nam *סוס* *equa* & *equitatus*. Hoc simili, præter præstantiam & ornatum, designat celeritatem Ecclesiæ & diligentiam in vehenda nominis Dei gloria & prædicatione. Celebrantur equi Ægyptij adeo ut eos præstatiæ causa magni emeret Salomon, 2. Par. cap. 3. Reg. 10. Equitatu suum appellat equitatum Salomonis, non quo ipse vehitur, sed quo Salomon utebatur ipsius dono & beneficio. Nam etiam Reges Deo cuncta debent

ferre accepta. Hinc Rabbinī ferē putant Iod affixum primæ personæ hīc abundare per paragonem, sicque Latīnē esse expungendum. Nostri autem *Equitatu meo*. i. Cherubis, quibus quadriga mea vehitur Ezec. 1. vel Apostolis, per quos Euāgelium in mundum inuexi, Abac. 3. Quidam exponunt, Ad equitatum meum (vox enim Hebræa & equam & equitatum significare potest) quo vsus sum in curru Pharaonis, habui te pro amica. Habes historiam Exod. 14. & 15.

10 Per genas pudorem intellige qui in genis elucet, per collum, per quod cibus distribuitur & caput. i. Christus in inferiora influit, Apostolos & Prophetas, Midras. *Genas* Mosen & Aaronem. *Collum* Sanedrin siue iudices ordinarios interpretatur. *Sicut Turturis* תור Turtur Prop. auis pudicissima & mansuetissima. Hīc murænula præferens speciem Turturis. ex Abben Ezra. 3. sicut, pro ב, in legerunt 70. & noster. Vel habuerūt rationē sententiæ. Veluti Turturibus siue murænulis ad Turturis speciem effigiatis, ornatas habes genas, veluti monilibus collum. חרוזים *haruzim* aiunt esse gemmas perforatas filo, inter se connexas.

11. Murænula aurea vermiculata argēto siue conspersa punctis argenteis, vt & monilia, varia dona & distributiones Spiritus Sancti: de quibus 1. Cor. 12. *faciemus* mysterium Trinitatis, vt Gen. 1. *Faciamus* hominem.

12 Accubitus Regis huius designat præsentiam Christi in Ecclesia, de qua simili tropo Ioannes Apo. 3. Cœnabo cum illo & ipse mecum: vide & nuptiarum cœnam, Apoc. 19. & Matt. 22. *Nardus* fides, vel iuxta Orig. bona opera. Dum Sponsus

est nobiscum, dum nobiscum accumbit & coenat, Nardus & reliquæ plantationes eius. i. dona & virtutes in nobis dant odorem, fragrant, profiliunt in opus, exiliunt foras & fructus efferunt. Fortasse etiam respicitur ad præsentiam Christi corpoream. Nam efficacius omnia in nobis per Christum in carne & sacramentis ab ipso institutis sunt exhibita, quàm veteribus. *In accubitu suo. meseb* accubatio in orbè epularis, Gallicè *table ronde*.

13 Duo vbera, duo Testamenta, si nostros, vt debemus, sequimur: si Hebræos, duos Cherubim, inter quos diuinitas in Arca residebat, vel duos arcæ vectes (sicut) fasciculus myrrhæ est mihi dilectus. Eum, nempe suauem & odorem sentio instar fascis myrrhæi. Vel est mihi radix immortalitatis & causa vitæ sempiternæ. Myrrha enim symbolum incorruptionis. *Inter vbera*. Proinde eum è meo sinu instar ferti florum & fascis myrrhæ non deponam. *Commorabitur*, pernoctabit, Prop. *Dilectus*; *Dod* 70. semper hic vertunt *adversarius* fratruelem, sororis meæ filium, id est, Synagogæ. Nam Ecclesia & Synagoga sorores duæ. Aliàs significat patrum, aliàs amicum siue amorem, dilectum siue dilectionem.

14 Copher, quem Cyprum vertimus, frutex est fructum edens odoratum. Hengadi autem vicus in Tribu Iuda prope mare mortuum, inter cuius vineta Cyprus & opobalsamum nascebantur, vt apud nos ficus aut malus persica. Est etiam desertum huius nominis Ezech. 47. vbi David latuit 1. Reg. 24 Hieron. de locis Heb. Sponsus est Sponsæ botrus cyprius. i. mirificus odor & suauitas, vel causa boni eius odoris & famæ. Nam simili-

tudines latissimè patent.

15 Oculi tui sunt oculi Columbarum, nempe simplices, & casti. Columba enim simplex est, ut è quodam Euangelij loco intelligitur. Item alteri quàm suo masculo, nunquam iungitur. Vide Midras. Per oculos accipe Ecclesie perspicacitatem in iis, quæ ad fidem, cultum Dei, & mores pertinent syncerè & absque errore diiudicandis. Nam in his non hallucinatur. Vel iuxta Origenem rerum spiritualium cōtemplationem, quod Colūbæ spec'e repræsentatus sit Spiritus Sāctus.

16 Et decorus, ad verb. & suavis siue dulcis. Per lectum Hebræi intelligunt Tabernaculū Moïsis, & deinde Templum Salomonis. Nos sedem Ecclesiæ, quæ pubet vernatque Verbo Domini, fide, timore, &c. Ducitur metaphora ab arboribus virentibus, quæ promittūt fructum. Pulcher autem dicitur Dominus, ex essentia. Nam illud vnum est ex 45. diuinis nominibus, quæ illi in Scriptura tribui annotauit magnus Dionysius. Is enim ca. 4. ita de pulchro diuinè philosophatur,

τὸ θεῖον καλὸν λέγεται ὡς πάγκαλον ἅμα καὶ ὑπέρικalon
καὶ αἰεὶ ὄν κατὰ τὰ αὐτὰ, καὶ ὁσαύτως καλὸν, καὶ ἔτε μῆ-
μερον, ἔτε ἀπολλύμερον, ἔτε αὐξανόμερον, ἔτε φθίνον. ἔδὲ,
τῇ μὲν καλὸν, τῇ δὲ αἰσχροῖν. ἔδὲ, τοτὲ μὲν, τοτὲ δὲ,
πρὸς μὲν τὸ καλὸν, πρὸς δὲ τὸ αἰσχροῖν. ἔτε, ἐνθα μὲν, ἐνθα
ἔδ, ὡς πρὸς μὲν ὄν καλὸν, πρὸς δὲ καλὸν, ἀλλ' ὡς αὐτὸ κα-
θ' ἑαυτῇ μὲν ἔαυτῇ μονοειδὲς αἰεὶ ὄν καλὸν, καὶ ὡς παντὸς κα-
λῷ τίμω πηγαίαν καλλοιήν ὑπεροχικῶς ἐν ἑαυτῷ πρὸς ἅπαντα,
τῇ γὰρ ἀπλῇ, καὶ ὑπερφυῇ τῶν ὅλων καλῶν φύσει, πᾶσα
καλλοιή, καὶ πᾶν καλὸν ἐνοειδῶς κατ' αἰτίαν προουφέ-
σκειν. Postrema verba sic libuit vertere, Deus dicitur pulcher, ut qui ipse secundum se, apud sese vnica simplici que ratione semper sit pulcher, ac vniuersæ pulchritudinis fontanam elegātiā ex-

Nota verba
Diony. cap. 4.
lib. de Diuin.

cellenter in sese in primis habeat. Simplici enim & supernaturali vniuersarum pulchritudinum naturæ, omnis decor omnéque pulchrum vnicé & singulariter secundum causam primum inest. Vide scholia Maximi pag. 168. & seq.

17 *Edificium Ecclesiæ pretiosum, firmum & stabile* è trabibus Cedrinis nunquam putrescentibus & Cupressinis suaue olentibus, vnde ad Heb. 11. Fundamenta habes ciuitas dicitur, cuius artifex, opifexque Deus. Cedrus enim arbor sublimis, nō obnoxia putredini & sempiterna coma viret. Plin. cap 21. lib. 16. nat. Hist. Quæ similitudo etsi ad Ecclesiam in terris militantē accommodari debeat, tamē in beata & triumphāte Ecclesia completior absolutiorque erit, quum cœna nuptialis agni celebrabitur, & Ecclesia à mortē exsuscitata ac penitus ab omni peccato & dolore liberata, in thalamum beatæ & æternæ vitæ, lætitiæ & gloriæ intromittetur. *Laquearia* vel *rigna*, alienius *Canales* vel *Ambulachra*. Quas varias interpretationes Rabbin finxerūt, quia *Rahit* tantū hoc loco per n occurrit. *Cypressina* Berothina. Beroth quia hoc duntaxat loco reperitur, aliis est abies, aliis alia arboris suaue olentis species. Aliqui Sponsi verba esse volunt. *Origenes* amicorum Sponsi. Sed rectiūs Sponsæ.



GENEERARDI IN

XXXXXXXXXXXXXXXXXXXXXXXXXXXXXXXXXXXX

CAP. SECVNDI

ARGVM.

*Alternis Sponsus & Sponsa
virtutes suas canunt.*

SPONSVS.

1 Ego flos campi, & Lilium conual-
lium.

2 Sicut Lilium inter spinas, sic ami-
ca mea inter filias.

SPONSA.

3 Sicut malus inter ligna sylvarum,
sic dilectus meus inter filios. Sub vm-
bra illius quem desiderabam sedi, &
fructus eius dulcis gutturi meo.

4 Introduxit me in cellam vinar-
iam, ordinavit in me charitatem.

SPONSVS.

1 *Rosæ velut sum flosculus
Campis virens Saroniis.
Sum sicut album Liliū,
Quod fragrat in conuallibus.*

2 *Spinas vt album Liliū
Excellit inter asperas:
Amica sic dulcis mea
Præcellit inter Virgines.*

SPONSA.

3 *Qualem tenet malus locum
Fœcunda, fragrans, mellea
Inter comatas arbores,
Densis vigentes saltibus.
Talem inter ille filios
Quem mente totum diligo.
Hinc eius umbra gaudeo,
Sub hac sedere gestio,
Oblectat hinc me viuere,
Cuius probatis fructibus,
Nil est palato dulcius.*

4 *Me duxit in vinarium
Conclauē, flammulis ibi
Me charitatis imbuit.*

5 Fulcite me floribus, stipate me malis. Quia amore langueo.

6 Læua eius sub capite meo, & dextera illius amplexabitur me.

S P O N S V S.

7 Adiuro vos filia Hierusalem per Capreas, Ceruósque camporum ne euigilare faciatis dilectam, quoadusque ipsa velit.

S P O N S A.

8 Vox dilecti mei. Ecce iste venit saliens in montibus, transfiliens colles.

9 Similis est dilectus meus Caprea hinnulóque Ceruorum. En ipse stat post parietem nostrum, respiciens per fenestras, prospiciens per cancellos.

5 *Exinde amore languco,
Fulcite sed me floribus,
Firmate sed me odoribus,
Quos poma fundunt aurea.*

6 *Me sic iacentem languidè
Sponsus sinistra fulciet.
Me sic amore sauciam
Firmabit arctè dextera.*

SPONSVS.

7 *Adiuro vos per Capreas
Cervosque saltus incolas
O Solymorum filie,
Ne eius quietem rumpite
Eiusve somnum frangite,
Se sponte donec excitet.*

SPONSA.

8 *An non amantis audio
Vocem mei? Celerrimè
Quàm montium currit iuga,
Quàm collium cacumina
Saltu citato transilit;
9 Est Caprea perniciosior,
Est Cervulo volucrior:
Post ædium muros adest,
Nostrisque portis imminet.
En per fenestras respicit,
Iam per clathros en exerit,
Suum coruscum verticem.*

10 Et dilectus meus loquitur mihi,
Surge, propra amica mea, colum-
ba mea, formosa mea, & veni.

11 Iam enim hyems transiit, imber
abiit & recessit.

12 Flores apparuerunt in terra no-
stra. Tempus putationis aduenit.
Vox Turturis audita est in terra no-
stra.

13 Ficus protulit grossos suos. Vi-
neæ florentes dederunt odorem. Sur-
ge amica mea, Speciosa mea, & veni.

14 Columba mea in foraminibus
petræ, in cauerna maceræ, ostende

- 10 *Quin & per illos intuens
Compellat his me vocibus,
Exurge nunc charissima,
Accurre formosissima,
Virgo veni Columbea.*
- 11 *Iam nanque bruma transit,
Tempus recessit imbrium,
Serenitate iam nitet
Firmamen ante nubilum.*
- 12 *Apparuere flosculi
Multis colorum millibus,
Putationis horula,
Qua mille iam concentibus
Cali volucres personant,
Vitis flagellis ingruit.
Turtur sublimes obsidens
Tellure nostra palmites
Nunc voce garrit flebili.*
- 13 *Iam ficus alma protulit
Suos videntes grossulos.
Iam iam nouellis Vineæ
Se vestientes pampinis
Suaues odores spargitant.
Ergo veni charissima,
Ergo veni pulcherrima.*
- 14 *Virgo Columbâ purior
Quæ rupis huius in specu
Tollente se sursum lates,
Prodi cauernis è tuis,*

GENEBRARDI IN

mihi faciem tuam, sonet vox tua in
auribus meis. Vox enim tua dulcis, &
facies tua decora.

15 Capite nobis vulpes paruulas, quæ
demoliuntur vineas. Nam vinea no-
stra floruit.

SPONSA.

16 Dilectus meus mihi, & ego illi,
qui pascitur inter Lilia.

17 Donec aspiret dies, & inclin-
tur umbræ reuertere. Similis esto, di-
lecte mi, Capræ, hinnulôque Cer-
uorum super Montes Bather.

*Tuique vultus copiam
Mihi libenter exhibe.
Fac colloquentis obsecro,
Voces petitas audiam.
Nam mira verbi suauitas
Tuis labellis insidet,
Et pulchra vultus dignitas
Te reddit expetibilem.*

15 *Sed interim Vulpeculas
Serui fideles prendite,
Nostras vorantes vineas.
Nam nostra vitis floruit
Botrôsq; Sorek protulit.*

SPONSA.

16 *Vt ille totus est meus,
Arētissimè quem diligo,
Sic totus ille mutuo
Totam sibi me possidet,
Qui septa captans florea
Sepascit inter Lilia.*

17 *Nunc ergo dum se proferet
Lux, dum diefcet clarius,
Et noctis umbræ concident,
Gressu reuerte præpeti,
Dilecte vitâ charior,
Velocitate Capræ
Pernicitate Cernuli,
Ad Bather altos vertices.*

COMMENTARIA

IN CAP. 2.

Ego sum rosa quæ in planicie Saronia
crescit. Est autem Saronitis planicies à
Cæsarea ad Ioppem vsque, vt scribit
Hieronymus, de qua mentio fit Esa. 33. & Actorū
nono. Videntur autem hæc Sponsæ verba, etiam
si alij magna ex parte hîc Sponsum loqui velint.
Superiore autem cap. Hebræi putant in genere
descriptum esse amorem Domini & Ecclesiæ, hîc
specialem proponi descriptionem, reperitque à
principio, i. à beneficiis in Ægypto perceptis, vn-
de & ver depingi, quo liberatio Ægyptiaca con-
tingit. Tu ad redemptionem per Christum respi-
ce, quæ & ipsa facta est mense Martio, veris ini-
tio, cuius Ægyptiaca erat typus.

2. *Lilium.* Susanna Hebraicè quibusdam rosam
significat, contrà חבצלת, quod vertimus rosam,
lilium. Nam Susannam, inquiūt, oriri inter spinas
hîc dicitur. Hac de re sic Elias in Tisbi, Quidā,
inquit, aiūt Susanna florem esse candidum, qui
vulgo Lilium dicitur, atque ita vocari, quod per-
petuū habeat sex folia. Habatseleth verò esse ro-
sam. Atqui id mihi videtur alienum, cum præfer-
tim legamus, vt susanna inter spinas, & lilium nō
sit inter spinas. His opponimus D. Hieronymum
& veteres Græcos, qui scribunt susanna lingua
Punica esse lilium, & à liliis Susas, vrbem de qua
in Ester, vocatā esse, vt & oleum Susinum, quod
confectum est ex liliis. Cæterum his similibus si-

gnificatur suauitas Ecclesiæ. quantum Lilium præcellit spinas, tantum Ecclesia præsta inter filias, id est, cæteros hominum cætus & concilia.

3 Quantum malus præstat arboribus syluestribus, & odore & gustu, tantum Christus reliquis omnibus. Hinc illud, Speciosus forma præ filiis hominū. Ps. 45. *sub umbra*, Ad verb. Vmbra eius expetiui & confedi. Persistit in mali arboris metaphora. Vmbra gratia, fauor, refrigerium, virtus altissimi. Luc. 1. *Fructus* verbum Dei. Quam dulcia sunt, inquit, eloquia tua faucibus meis. Vel Sacramentum Corporis Domini. Manna enim Hebræis & Tyrano.

4 Per cellam vinariam Hebræi sanctuarium vel altare, vbi libabatur Domino, accipiunt, eò quòd in Sacrificiorum libaminibus, effunderetur vinū. Nos arcana Dei quæ animos hominum inebriāt. Vel Sacramentum calicis, quod lætificat Deum & homines Iud. 12. Nam continet sanguinem Christi pretium nostræ redemptionis. *ordinauit*, disposuit charitatem, vt eum scilicet amem supra omnia. Et certè charitas est Donum Dei. In Heb. metaphora est ab acie instructa, quem quisque militum sese recipit, & cogit ad suum ordinem & vexillum! *Vexillum eius super me amor*. Vexillum, quo congregat & attrahit Ecclesiam, amor est. Non enim dedit nobis spiritū timoris, sed amoris & dilectionis. vt Paulus inquit. Metu & timore olim magis homines ad suæ legis obseruantiam pertrahebat. vide Epistolam ad Hebræos. cap. 12. 5 *Fulcite me floribus*, florum odore. Heb. lagenis Nam *תורן תורן* sunt lagenæ, Chaldaicè verò fun-

damēta, vnde Chaldaeus interpres hīc ita accepit. Pro ignibus, qui fessum fouent. Midras fulcite me lagānis vinariis, sternite mihi veluti strati loco mala, quorum odore ipsa recreer. Vino enim aut odoribus defectæ viros refici solent, vt indicat Salomon Prouerb. 31. Consolationes autem quæ petuntur è verbo Domini & fide his duobus significantur. Orig. hom. 3. in hunc libellum. putat esse verba Ecclesiæ ad Sponsi amicos. i. Sāctos, qui cum Deo versantur & eos inuocare, vt ipsorum precibus ipsa fulciatur & sustentetur in hoc mundo. Est insignis locus pro Sanctorum inuocatione.

6 Gestus amplexantis per dextram & sinistram innuitur. Significat igitur signa coniunctionis Christi cum Ecclesia, vt verbum, Sacramenta & cætera externa, quibus tanquam pietatis retinaculis suos in quadam vitæ communione continet. Me his, inquit, cunctis modis fouebit & sustentabit. *Luna eius, erit*, Eclipsis verbi substantiui crebra in hac lingua. Sibi promittit aduentum ad se Christi.

7 Hæc dicuntur more pastoralis, & est inramentum venatorum. Sponsus & Spōsa toto hoc cātico sibi placent in solitudine, montibus, syluis & hortis, quoniam illis locis commodius & tranquillius oramus, cōtemplamur, philosophamur, &c. Septuaginta autem verterunt. Per exercitus & robora cāpi, quasi legerint אֵילֹוֹת vt Ps. 22.

Et sanè nonnullis capræ & hinnuli sunt hīc cælestes exercitus & virtutes. Lyrano Patriarchæ, vt Gen. 49. Nephtalim ceruus emissus. Abben Ezra symbola & fœdera cōnubii vt Prou. 5. cerua amo-

rum, pulchritudinis causa. *Ne susciteris*, ne conturberis, à requie sua ne interpelletis. vel à pietate & virtute. *Dilectam*, amorē prop. i. amicam per Auxesim. Delicias meas.

8 Hic versus intelligitur de ope, quam Dominus, cum tempus est suis offert. Magna est celeritas, inquit, Christi ad opem ferendam Ecclesiæ, eamque visendam. Hebræi de prima voce Dei vocantis Ecclesiam ex Ægypto Exod. 2. & seq. Item ad Decalogum sanciendum in monte Sinai saliebat, &c. designata velocitate diuini descensus ad legem dandam.

9 Post parietem Ecclesiæ siue sponsæ stans inducitur, vt de improviso nobis opem ferre, & quasi insciis hostibus præsto adesse intelligatur. Hebræi intelligunt nubem, quæ erat inter Deum & populum. Deus respiciebat per fenestras. i. aperturas illius nubis, emissis coruscationibus, lapidibus, &c. *Similis caprea* præ velocitate cursus ad subueniendam. *Prospiciens*, progerminās propriè & enascens more fructuum.

10 Surge ex Ægypto, & impiorum cœtu, vt me colas securiùs & liberiùs in terra sancta, *Et veni rus*. Vnde sequitur rusticationis laus.

11 Veris elegans descriptio. Affertur autem ad hunc sensum, quo Christus Ioh. 4. cùm significare vellet aduenisse tempus promouendi Euangelij, ait, regiones albas iam esse ad messem, Ait verò hyemem transisse, pluuiam abiisse, vt ostēdat, omnia vetera præteruisse, & nouis succedentibus abire in melius. *Hyems* tempus horridum seruitutis siue Ægyptiacæ siue alterius, maximè capriuitatis Satanæ. Vere exiit populus ex Ægypto. Vere

& redemptus est à Christo, nempe 15. Martii.

12 Iam, inquit, tempus Veris, nempe tempus amœnum libertatis apparuit, iam apparere signa salutis vestræ, imò verò iam allata sunt. Per flores initia bonorum operum & fidei intelligit. *Tempus putationis*. vitium. Nam verè veteres Vites amputantur, non arbores. Et sic interpretatur Epiph. hæc. 59. contra Catharos. Vox *זמר* *zamir* etiam cantillationem significat, & concentum musicum. Vnde *Mizmorim* sunt Psalmi, conuenienter loco. Nam aues verno tempore cantillare solent, & garrere suauiter. Hic autem garritus auium plurimum facit ad veris cōmendationem. Peregrè quippe proficiscentibus, camporumque virorem captantibus gratus & iucundus esse solet, præcipuè autem turturis in terra Israëlita. Sicque describitur prædicatio verbi Domini, in quo denuntiando vel ad laqueos vsque laborant pii Ecclesiastæ. Alii per cantillationem laudem Domini & confessionem accipiunt.

13 *Florentes*. Sic noster reddidit propter Hebraicam eclipsim. *Vineagemmam* siue florem protulerunt, indeque *dederunt odorem*. Nam *ססר* propriè racemum significat, qui primùm exuto flore dignosci incipit. Paulò enim grandior & tamen acerbus, quem Græci vocant omphacen vocatur *ססר*, vt iam maturus, *עכב*. Et veni tibi rus.

14 Hic sponsam comparat columbæ, propter simplicitatem & fidem coniugii, de qua Aristoteles libr. 9. de histor. animalium cap. 7. *Pera*. in habitaculis terræ sanctæ, quæ ferè montosa. nam eo alluditur. *Maceria*, gradus prop. O co-

lumba mea, quæ agis in latibulo gradus siue in
scalis & quasi gradibus. i. in rupibus præruptis,
ostende mihi faciem tuam. Quod pertinet ad
Ecclesiam, quatenus quærit latebras, vt fugiat
persecutiones. Facies autem siue aspectus Eccle-
siæ, vt scriptum reliquit Carolus magnus quodâ
loco, cognitio virtutum eius est, cuius pulchritu-
dinis venustate ab Sponso diligitur, cui per Pro-
phetam dictum est. Quoniam concupiuit Rex spe-
ciem tuam. Hortatur ergo Christus Ecclesiam, vt
faciem suam ei ostendat, id est, vt semper eum
contempletur fide & operibus, vt cum Elia dice-
re possit. Viuit Dominus in cuius conspectu sto,
ne sit de illis, quos per Prophetam denotat di-
cens, verterant terga ad me & non faciem. Hor-
tatur etiam, vt vox eius sonet in auribus illius:
quia paratus est ad exaudiendum sanctos suos.
Psalmista attestante, Clamauerunt iusti & Do-
minus exaudiuit eos, & ex omnibus tribulatio-
nibus liberauit eos. Vocem eius dulcem. Quia
orationes sanctorum semper Deo acceptæ sunt.
Atque hæc quidem ille.

15 Per vulpes Hebræi intelligunt Ægyptios. Nos
eos omnes qui interea dum vineæ nostræ gemmâ
proferunt. i. Ecclesiæ aliquam bonorum operum
frugem pollicentur, gregem Domini sectis & fa-
ctionibus infestant, aut etiam persecutionibus à
recto auertere moliantur. *Vulpes* in fonte per Asin-
theton duplicatur. Prehendite nobis vulpes (&)
vulpes paruas. i. vulpeculas. Vulpes sunt hære-
sarchæ & ministri, vulpeculæ istorum sectatores
& discipuli, vel vulpes potentiores hæretici, vul-
peculæ tenuiores.

16 Dominus pascit gregem suum in Liliis, hoc est, suauissimo & cōmodissimo pascuo, vt Præp. In Latinè abūdet: aut vt alij volunt per loca candida, florida & amœna, de quo vide Esa. 30. & Psal. 23. Dominus pascit me. Alij passiuè interpretātur, Dominus pascitur inter Lilia & loca amœna. Posset traduci ad futuram vitam, de qua scriptum Apocalyp 7. Non esurient vltra, neque sitient, nō cadet super eos Sol aut vllus æstus, quia Agnus qui est in medio Throni pascet eos, deducetque illos ad viuos aquarum fontes, abstergeſ omnem lachrymam ab oculis ipsorum.

17 Donec, quousque, priusquam, vel quandiu. Nostri & R. Selomō iungunt cum præcedentibus, Dilectus est totus meus, & ego vicissim sum tota illius, donec spirer dies & fugiant vmbra, id est, quoad vixero, quousque videlicet venerit dies alterius sæculi, & inclinarint vmbra mortis, vel quousque venerit dies iudicii & consummationis sæculi: Tum enim dies erit clarissimus, & noctes mortis vt vmbra perierint funditus. Vel iuxta R. Selomō, quousque veniat dies peccati, quousque peccem & per peccatum, illius esse destinam. Alii propter distinctiones Masoreticas sequentibus annectunt. Donec aspiret dies, & inclinentur. i. fugiant, nullæque sint vmbra conuerſe te ad montes Bather. quandiu æstus dici vigebit capta vmbraſ montiū. vel quousque (priusquam) dies accreuerit fugientibus & abeuntibus huius noctis vmbraſ, diuerſe ad illos odoratos montes, vt illic totum diem tranſigas mecum ſuauiſ. Illuc enim te ſequar. Nam paulò ante Auroræ hæc videtur dicta. Quandiu ſpirabit æstus

dicī, vel ex Abben Ezraventus dicī, qui calidus est in terris calidis qualis terra sancta, recipe te celeriter ad montes præruptos & sectos (nam Bather sectionem significat) refrigerij causa, vt illic videlicet requiescamus & captemus vmbra. i. vt cruces & afflictiones persecutionum vitemus, vel huius mundi discrimina & molestias. Sic & clauder librum, nisi quod pro *montibus sectis* dicet *montes Aromatum*. Alii putant hæc sub vesperam dicī, & inclinationem vmbra- rum intelligunt prolapsionem, quando longiores maioresque cadunt altis de montibus vmbrae, ob Solem iamiam sese inflectentem ad Antipodas. Dum adhuc dies est & vmbrae incipiunt inclinari & cadere, proripe te in montes Bather odoratissimos. Ne te nox apprehēdat priusquam illò perueneris. Chaldaeus hæc in malam partem accipit, quasi Sponsa Sponsum à se paulisper dimittere abireque velit. Deinde nonnulli *ny* pro *ny* explicāt, hoc sensu, interea dum spirat dies, &c. vt superiore capite, interea dum Rex in accubitu suo. Sed nihil est necesse, allusit autē ad Ceruam, quæ hinnulos suos ad saxa vno aditu rupta identidem ducit, vt quod refugere debeant, agitari à canibus habeant exploratum, de quo Arist. 5. cap. libri noni de Historia Animalium. Montes Bather, qui illa tempestate noti erāt. i. diuisionis, adumbrant loca Ecclesiæ vel loca quietis, quod populum Domini à cæteris diuidant, vel cælum, quod immortales à mortalibus & miseris dirimit. Sic autē vocat antra & abruptas multifidasque concauitates montium, in quas sese pastores recipiunt æstu meridiano, dum viget dicī ardor

GENEBRARDI IN

& fugiunt vmbrae. Fugiunt autem vmbrae, quia lux, quæ tum multa est, fugat tenebras, & vmbas nullas aut exiguas iactari sinit. Ita fingitur huius eclogæ argumentum verno tempore iam progresso, cum ad captandum frigus æstûmque depellendum sub montium antris recubare homines cupiunt. Idem tempus supra indicabatur Turturum & Columbarum gemitu. Plinius. Palumborum utique exaudiens gemitus, transisse Solstitiû caueto putes, nisi cum incubantem videris Palumbem. *super montes Batber.* Debet construui cum verbo *Reuertere*, vt reliqua sint interposita per parentheſim.



CAPITIS TERTII ARGVM.

*Sponsa Sponsum paulò ardentius queritans
à Sponſo corripitur.*

S P O N S A.

- 1 In lectulo meo per noctes quæsiui quem diligo. Quæsiui illum & non inueni.
- 2 Surgam & circuibo ciuitatem: Per vicos & plateas quæram, quæ diligit anima mea. Quæsiui illû & non inueni.
- 3 Inuenerunt me vigiles, qui custodiunt ciuitatem. Num quem diligit anima mea vidistis?

SPONSA.

1 Noctu recumbens lectulo
Iunctum mihi sanctissime
Partes in omnes quæsi,
Illum tamen nec repperi.

2 Nunc ergo surgam (dictito)
Totum pererrans oppidum.
Vicos per omnes deferar,
Per cuncta quæram compita,
Charissime iunctum mihi.
At ille non apparuit,
Quem mæsta valde quæsi.

3 Flens oppidi custodibus
En, inquit num visus est
Is forte vobis transiens,
Amore cuius ardeo.

4 Paululum cū pertransissem eos,
inueni quem diligit anima mea, te-
nui eum, nec dimittam, donec intro-
ducam illū, in domum matris meæ,
& in cubiculum genitricis meæ.

5 Adiuro vos filiæ Hierusalem per
Capreas Ceruósque camporum, ne
fufcitetis, neque euigilare faciatis di-
lectum, donec ipse velit.

SPONSVS.

6 Quæ est ista, quæ ascendit per de-
fertum, sicut virgula fumi ex aroma-
tibus Myrrhæ & Thuris & vniuersi
pulueris pigmentarij?

7 En lectulum Salomonis sexagin-
ta fortes ambiunt, ex fortissimis Is-
rael.

4 *Vix hinc ego discefferam
 Occurrit ille cum mihi,
 Mens vnice quem diligit.
 Hunc protinus firmissimis
 Prehendo lata brachiis,
 Laxabo nunquam pertinax
 Donec domum pertraxero,
 In qua genitrix confidet,
 Illinc mea deduxero
 Parentis in conclaui.*

5 *Adiuro vos per Capreas
 Ceruôsque saltus incolas,
 O Sollymorum filie,
 Hanc ne quietem rumpite,
 Hunc ne soporem frangite,
 Se sponte donec surrigat.*

SPONSVS.

6 *Hæc, oro, quænam, est inuia
 Deserta tristis peruagans,
 Fundens vaporum virgulas,
 Quos Myrrha spirat suauior,
 Quos thura mittunt Indica,
 Quos vniuersi pulueres
 Spargunt aromatarij.*

7 *En Salomonis lectulus:
 Quem sexageni milites
 Ex Israelis fortibus
 Toris valentes ambiunt.*

8 Omnes tenentes gladios, & ad bella doctissimi : Vniuscuiusque ensis super femur suum propter timores nocturnos.

9 Ferculum fecit sibi Salomon de lignis Libani.

10 Columnas eius fecit argenteas, reclinatorium eius aureum, ascensum purpureum. Media, charitate constravit propter filias Ierusalem.

11 Egredimini & videte filiæ Sion Regem Salomonem in Diademate, quo coronavit illum mater sua in die desponsationis illius, & in die lætitiæ cordis eius.

8 *Manu prehensis ensibus*
Ad bella sunt doctissimi.
Coxæ machæras alligant,
Ne quid per atrum nocturnum
Somni quietem terreat.
9 *Dauidides idem sibi*
De Libani struxit Cedris
Illustre valde ferculum.
10 *Id hinc & hinc argenteæ*
Firmè columnæ fulciunt,
Instrata cuius infimæ
Fulgore clarent aureo:
Velamen eius exterum
Rubente splendet purpura.
Constrantur eius intima
Sanctæ Sionis Virginum
Purissimis amoribus.
11 *Hic ergo adeste Virgines*
Sanctæ Sionis incolæ.
Hic Sollomonem cernite
Regem corona fulgidum,
Qua cinxit eius verticem
Parens corusca laudibus,
Qua luce per sponsalia
Sanctam, refertus gaudio,
Sibi paravit coniugem.

GENEBRARDI IN
 COMMENTARIA
 IN CAP. 3.

1 **S**ecundus actus, noua scilicet narratio, usque ad secundum versum quinti capituli. Nam non modò sententia à superioribus diuulsa est, verum etiam alio tēpore dicta, actaque. Nocturno videlicet, nō vt illa, diurno. Nocte nos sic gerere debemus, vt vnum Dominum somniemus, cogitemus, affemur, prece-mur, iuxta illud Apostoli, Siue vigilemus, siue dormiamus, simul cum illo viuamus. 1. Thess. 5. Hinc hīc Sponsa quid nocte egerit erga suum dilectum, explicat. *Quem diligit anima mea, quem ex animo diligo & ardentem.* Periphrasis Dilecti ad vim charitatis exprimendam, allusione ad mandatum, Diliges Dominum Deum tuum ex toto corde tuo, ex tota anima tua, &c. *Quasiui illum.* Nam in eodem lecto mecum esse putabam, prope me.

2 Tunc dixi apud me *surgam.* Ardor charitatis & amoris in zelum, quasi in transuersum Spōsam abripit, vt non vereatur noctu vagari per media tenebrarum silentia & pericula. Per noctes intellige afflictiones, per lectum sedem Ecclesiæ, per ciuitatem, vicos, plateas, loca, in quibus agere solet Christus, per custodes pastores cæcos & indoctos, aut etiam pestilētes ingenio, doctrina, moribus. *per plateas.* Masorethæ iunxerunt cum verbo præcedenti *Circuibō.* Nam ibi pinxerunt *zakeph katon* accētum, maximè omnium

1. Thess. 5.

post Soph pasuc & Athuah distinguentem. Circuā urbē per vicos & plateas (Et) quārā meū dilectū. Rectius cum sequentibus Circuam urbē, & per vicos & plateas dilectum meum quāram.

3 *Vigiles*, custodes urbis, circitores, siue circitores: in malam partem. Nam infra cap. 5. dicit se ab istis custodibus fuisse vulneratam, ita prauos magistratus, vel, vt iam dixi pastores adumbrat. *Quem*. an eum, quem.

4 Dominum inuenire, est eius gratiam, dulcedinē & Spiritum sentire, qui testimonium conscientis nostris perhibeat, quod filij Dei simus, vel ab eo domino liberationem ē malis cōsequi, propter quā absentem esse illū putabamus. Illū tenet, ac prehēdit, qui ab ipso ipsiusque fide, cōfessione & cultu separari non vult. *In domum matris meae*, in Synagogam, ē qua prodij secundum Spiritum q.d. repertum Christum nō relinquam donec eum in Synagogam introduxero, quā me per Apostolos lauacro vitæ per verbum Dei genuit. Vbi intrauerit plenitudo gentium, omnis Israel saluus fiet. in quo ex parte cæcitas contigit, Róm. 11. Es. 59. *Et in cubiculum genitricis meae*, in totam meam gentem, ē qua secundum carnem genita sum & aggregata. Aliās. mater nostra omnium est Ecclesia vniuersalis vt apud Aug. cap. 11. libr. 1. conf. *Cubiculum*, Heder, conclaue prop. penetrabile & interius cubiculum.

5 Hic versus cum septimo superioris capitis idem est prorsus, nisi quod hīc loquatur Sponsa, ne quis interturbet Sponsi somnum, vt ex præcedentibus & sequentibus intelligitur, illic Sponsus de Sponsa. Malunt alij, vt supra, vertere

dilectam, vt filia Hierusalem secundò adiurentur, ne Ecclesiæ molestæ sint, neque cius somnum & quietem per schisma, hæreses, factiones, motus, persecutiones interpellent, quo defatigata sit quærendo tota nocte Sponso. Alioqui ipsas non id impunè laturas. Nam Hebraicè ad verbum. *Aduro vos, si suscitatis*, formula ecliptica, vt subaudiatur, *disperibitis*, aut quid simile. Si suscitatis aut euigilare faciatis dilectum vel dilectam, sanè peribitis, sanè pœnas luetis grauissimas. *Dilectum*, amorem prop. i. Amicum, dilectum. per Auxesim. Anonymus abstractum retinet, Ne exciteris, ne turbetis amorem, amicitiam, dilectionem, quæ inter nos intercedit. Sic R. Selomo, ne dissoluatis, vel minuatis amorem meum de ipso conceptum.

6 Hæc sunt verba Sponsi, vel si credimus R. Selomoni gentium exterarum, admiratium speciem Ecclesiæ, formam, dotes, opes, & gratias, & eam interim solam intrepidè per deserta vagari. Quænam est ista sola è deserto prodiens, cunctis interim dotibus & gratiis ornata, quarum fama & celebritas longè latèque spargitur & fumigat, vt myrrha, thus, aliique pulueres aromatici suos odotes amplissimè fundunt. An non sibi à periculis ferarum & latronum timeret, an non alium habet locum, in quem sese tutò recipiat, an caret dilecto æquè specioso & illustri, qui eam desponsset & in suâ familiâ attrahat. Kimhi mauult loqui Spōsam de iis, quæ Sponsus de se, vbi eam primùm vidisset, dixerat. Porro fragrantia, quam tribuit Ecclesiæ, ipsius dotes, charismata & gratias adūbrat. Fumus siue suffitus odorem bono-

rum operū. Thus cum vniuerso puluere pigmentarij suauitatem orationis. *Per desertum.* Mundus desertum, quia vacuus gratia Dei, benedictione & rore spiritali. *Virgula.* ad verbum. sicut palmae fumi. i. columnæ fumi odorati recta in altum assurgentes præ copia. *Ex arom. etibz.* ex suffitibus myrrhæ. Ad verbū, aromatizata siue suffita myrra. *Mekutêreth*, in Partic. suffiri facta. Indicat Spō sã suū suffitū siue odoren habere ab alio. i. à Deo. quidquid boni inest in homine à Deo est. ne quis gloriatur. Noster videtur legisse *Mikketôreth*, nomine cum præp. iuncto. Quamquam sensus eodē recidit. *Pigmentarij.* i. eius qui pigmenta siue aromata vendit, Rochel aromatarius.

7 Quare te, & quidem nocturno tēpore non recipis ô Sponsa ad lectū Salomonis, cur ad illū non dinertis relicto huius mundi deserto. En ille adest tibi in promptu. Nam ad verbum. Ecce lectus Salomonis, circū quem sexaginta fortes de potentioribus Israel: *Voyez le list de Salomon, que n'y venez vous: il est si fort & sur.* Te illic faciē recipiet, nam tuas ambit nuptias. Aposiopesis, ecce, adest, tibi propositus est & destinatus. Digno enim ostendit lectum, in quem tuto se ipsa possit recipere. Eāque inuitat noctū per deserta vagātem & periclitantē, ad tutum, firmum & securū locū Salomonis, id est, ad Sedem Moſis, siue veteris Synagogæ, Ecclesiæve propheticæ, quandiu illa vigit, ad sedem Christi & Apostolorum, quæ illi successit. i. ad locum religionis, relictis gentium desertis & vastitatibus. Hinc Hebræi lectum Salomonis interpretantur Tabernaculum Moſis, indēque templum à Salomone cōstructum. q. d.

Tete ô desertorum peruagatrix recipe desertis illis relictis ad locum religionis, instructum firmis præfidiis ad te tuendum, lectum scilicet in quo requieuit Salomon, in quo iacuit, Deo seruiit, &c. Parùm aptè aliqui hîc putant Sponsum loqui de se in tertiâ persona, sc̃que appellare Salomonem, cum loquatur quidem Sponsus, sed de Salomone ipso huius lecti structore. Nam Hebræi rectè docent vbique in hoc libro nomen Salomonis esse *hîc profanum*, vt eo Rex ipse Salomon libelli huius scriptor intelligatur, tametsi Midras contrarium affirmet, & vbique sacrum putet de Domino. i. Deo vel Messia rege pacifico. Q Sponsa cur nocte sic vagaris, immò versaris in periculis me quæritando. En adest in propatulo lectus Salomonis, in quo me reperias. Christus inuenitur in Mose, Salomone, Prophetis, Apostolis, eorûmque omniû sedibus, in quibus Deum coluerunt, & purè colendum doceuerunt. Sed mētio fit nominatim Salomonis, quòd is templum, sedem Ecclesiæ pontificiæ & propheticæ illius temporis condidisset. Quod sequitur de Ferculo eodem pertinet. En adest ferculū Salomonis preciosissimum & ditissimum, ad illud recurre. Illic me citra desertorum peruagationem reperies & tutò quiesces. Hebræi ferè vtrobique malunt esse argumentum à maiori, reprehendique Sponsam, quòd sola auderet per deserta versari. Salomon adhibuit custodes multos ad lecti sui custodiam, veritus ne quis sibi Sponsam eriperet & violaret, & tu interea sola audes per solitudines vagari? Sed melius nostri, non reprehendi Sponsam, sed eam, quæ inuenta

esset in desertis, inuitari ad lectum siue sedem Solomonis literalis, vel iuxta illos spiritualis. i. Christi, in qua excubias agunt sexaginta fortes, vt si qui eam vellent rapere vel lædere, non possint præ præsidio. Hi sunt pii pastores, itémque angeli, à quibus quasi externis nulla est prodicionis suspitio, qui norunt pugnare cum Satana, & reliquis omnibus periculis errorum, ignorantia, cecitatis. i. noctis. Ecce ne vagare, habes lectum & thalamum tutum, firmatum optimis præsidiiis, ad quem venias & in quo Salomonem spiritalem reperiās. Ostendit ei locum in quo sit repectura Sponsum. Christus non est quærendus in desertis, & c. i. extra Ecclesiam catholicā. Ecce autem *δευξίσις*, quasi Christi locus & Ecclesia sit aperta, veluti in monte posita. Cæci soli dubitant. Nam alioqui habet certas notas.

8 Omnes gladio sunt accincti, instrumentisque quibus te tueantur, sunt rei militaris peritissimi & valdè exercitati ad cōfligendum cum Satana, & eius administris. Arma spiritualia his externis significata explicantur ab Apostolo Eph. 6. *Propter timores nocturnos*, errores, ignorantiam, peccata, pericula vitæ spiritualis & temporariæ. Ad verbum, *A timore nocturno*. Aduersus ea quæ noctu occurrere solent infelicitè.

9 *Ferculum*, id est, gestamen Pompaticum. Sic appellat tentorium quadratum gestatorium, siue cameram motoriam & portatilem, in qua thronus erat Regius, etsi nihil necesse est vt fuerit motoria. Itaque malo vt *Apirion* sit simpliciter thalamus, vel thronus regius cum suo Tabernaculo. q. d. Relicta hac solitudine diuertere ad lectum

Salomonis. i. locum religionis & communionis propheticae, quæ magnificè struxit & muniit Salomon, vnde Hebræi intelligūt templum ab ipso è Libani Cedris & pretiosa alia materia constructum. Præterea ad ferculum siue locum Throni Regij, quem pretiosè & gloriosè fabricauit Salomon, vt in eo Reges spectarentur, & affulgeret cum sua regia dignitate, maiestate, gloria. q. d. Tu es digna pontificia & regia maiestatis cōsortio, es digna quæ sis parriceps pontificatus & regni, quæ sis cōsors pontificij regique throni. Nam hoc Ferculum est symbolum throni regij. Sic vocat è deserto & solitudine gētium Ecclesiam primum ad communionem religionis propheticae & dignitatis Pontificia, quam olim in suo templo magnifico Salomon collocarat & fixerat, cū antea eius sedes vaga esset ac motoria pro locis, in quibus Tabernaculum & Arca transferebantur. Secundò ad locum & consortium regiae maiestatis, quæ Hierosolymis vrbe regia præcipuè emicabat. Significat venturam Ecclesiam è desertis gētium ad communionem Synagogæ, vbi ornetur throno Davidis. i. duplici dignitate pontificia & regia, de quo Epiphan. hæresi. 29. Thronus David & regia sedes est Sacerdotium in sancta Ecclesia, quam dignitatem regiam, simulque pontificiam simul coniunctim largitus est Dominus Ecclesiae suæ, translato in ipsam Davidis Throno, non deficiente in æternum. Ferculum Essedum vertit Beza, vehiculi gallici genus. Eum fortasse fefellit mea interpretatio anni 1570. prælis Martini Iuuenis emissa cum trium Rabbidorum conuersione, vbi ego *Leſticam* verti. Sed nūc


me corrigo. Primum quia nullus Hebræorum ita unquam sensit, sed omnes, ut Kimhi & R. Selomo Thalamum Sponsæ honorificum, cui opponatur *nub mitta* lectus Sponsi, vel ut Abben Ezra & Anonymus, Palatium, ædè sumptuosam & regiam interpretati sunt. Deinde quia hinc habere dicitur *עמודי* columnas stâtes, id est, erectas & in altum assurgentes, quod lecticis & vehiculis minimè congruit.

10 *Reclinatorium*. stratum pavimento impositum, supra quod quis se reclinare possit. Pavimentum intelligit, quod pedibus subternitur. Hoc ait esse aureum. i. auro constratum. *Ascensum*, auleum ascendens. i. amplè se expandens & pertingens è pertica in perticam, volubile ad spectanda interiora, Gall. *rideau*. metaphora ducta à stratis siue ephippiis equorum. Hinc R. Salomon velum intellexit siue cortinam purpuream Tabernaculi huc illuc volubilem ad conspicienda velaminis interiora. Nam Hebræis hoc ferculum pingit templum è lignis Libani constructum. Alij accipiunt operimentum, auleum videlicet siue peristroma, quod trabes obtegit. Nam *Mercab* prop. stratum iumentorum, siue ephippium & quicquid iumentis supersternitur. *Media eius*. i. interiora. Sic appellat quicquid erat intra hoc ferculum siue Thalamum præter reclinatorium siue stratum. i. pavementum. Iam enim illud dixit fuisse aureum. Porro cuncta ista interiora *constravit*. i. obtexit, obduxit, sculpsit & ornavit *charitate*, amore filiarum Hierusalè. i. per metonymiam iis, quæ amorè charitatè conciliant filiabus Hierusalè, vel rebus quæ eas ad amorè pelliciunt. t. q. d. omnia intima illic pertinent ad conciliandam

charitatē. *Propter filias Hierusalem.* i. vt eas ad hoc ferculum vel thalamū pelliciat, contemplādum. Itaque egredimini ô filiæ Hierusalē, &c. vt sequitur. Ad verbum, Amore de filiabus. i. filiarū, amore pelliciēte filias, vel amore propter filias, vt, vā mundo à scandalis. i. propter scandala. præp. 10 à, de, præ, propter. Amor siue charitas filiarū metonymicè, res amabiles, charæ, expertitæ filiabus.

II PER Apostrophē ex abrupto se cōuertit ad filias Hierusalē, vt earum exemplo vehementius excitet ac alliciat Sponsam ad diuertendū in hāc throni ædem, in qua Salomō cum suo regio ornatu & diademate pretioso auro gemmisque radiante spectatur. Igitur ô filiæ Hierusalem, cum hoc ferculum conſtratū sit amore siue charitate vestra. i. rebus, quas amatis, cū eius sit tanta magnificentia, adeste. Egredimini è vestris thoris & cubilibus, in quibus noctem hanc traducitis, & contēplamini in hoc ferculo regem Salomonem cum illo pretioso diademate, quo eum mater sic redimiuit. i. gens sua & natio (hinc Hebræi Synagogam exponunt) vel etiā Berſabæa, quo die sibi filiam Pharaonis despōſauit. Alludit ad morem, quo Sponsaliorū Regis die populus & Principes munera ei offerebant sumptuosa in symbolum grati animi, & erga ipsum voluntatis & obseruatiæ. Mysticè Christus est Salomon Rex pacificus, filia Pharaonis, quā Salomon sibi tam magnificè & pretiose despōſauit, Ecclesia gentium primariarum Christo despōſata magno pretio, id est, sanguine ipsius. Mater natio Iudaica vel Virgo. Diadema regium gloriosa eius humanitas, qua caput ipsius, (id est, diuinitas) co-

rpnatum fuit & cinctum, quæque gemmis gratiarum, virtutum & perfectionum radiat. Dies Sponsaliorum (quem eundem appellat diem lætitiæ) dies aduentus Domini in carnem. Adeste filiæ Hierusalem i. Ecclesiæ Gétium vel Synagogæ Iudæorum, quarum omnium mater est Sion. Nam ab ea tanquam à matrice & prima religionis sede proceditis. Et illic videte, ut gēs Iudaica vel Virgo eum humana substantia regis donis & vnctionibus illustri, maiestate & dignitate Messiae gloriosissima coronauerit cinxeritve, in aduentu suo in carnem, indēque Synagoga ex Apostolis & Discipulis sumpta, è qua ipse prodit, carnemque sumpsit, ipsum supra se Regem constituerit, agnoscite & vos eum Regem, Osculamini filiū, ne quādo irascatur dominus (Psal. 2.) Aliqui referunt ad mysteriū passionis. Er si enim gēs Iudaica ridiculè ei infixit coronam spineam, & cætera regni symbola, tamen sua providentia Spiritus Sanctus in seria vertit, ac inde docuit Christum verè Regem esse Iudæorum, & à singulis talem habendum. Hebræis Corona mater redimiuit Sponsum. i. omnia ei detulit Synagoga, quæ, ut annotant in Midras pro Sponsi affectu, nunc dicitur Sponsa, nunc filia, modò mater, modò soror. Sic in Euangelio, qui egerit voluntatem Patris mei, is meus est frater, soror, mater, Mat. 12. Kimhi in Rad notat matrem Salomonis hīc nationem ipsius dici, אִמּוֹ *Immò*, pro אִמְתּוֹ *ummat ho*. Sic Ierem. 5 Introduxi super matrem, Chald. vertit נְיֻב cœtum.



CAP. QVARTI ARGVM.

*A decore & concinnitate singulorum membrorum
sponsa extollitur.*

S P O N S V S.

1 Quàm pulchra es amica mea, quàm
pulchra es ! Oculi tui Columbarum,
absque eo quod intrinsecus latet. Ca-
pilli tui sicut greges Caprarum, quæ
ascenderunt de monte Galaad.

2 Dentes tui sicut greges Tonfarum,
quæ ascenderunt de lauachro. Om-
nes gemellis fœtibus , & sterilis non
est inter eas.

3 Sicut vitta coccinea labia tua, &
eloquium tuum dulce. Sicut frag-
men mali Punici , ita & genæ tuæ,
absque eo quod intrinsecus latet.

SPONSVS.

- 1 Quàm pulchra tu charissima,
Quàm pulchra tu iunctissima,
Habes Columba lumina,
Habes decoros undique
Tui capillos verticis,
Tam qui latent intrinsecus,
Quàm qui patent extrinsecus.
Quali pilo nos cernimus
E monte Galad pascuo
Greges redire Capreos
- 2 Iunctos & albos dentium
Habes gemellos ordines,
Quos compararim candido
Tonsæ bidentis velleri,
Quæ cum suis gregalibus
Nitente scandit ex aqua.
Vbi gemellis fertiles
Spectentur omnes foetibus.
Nec inter illas conspici
Effœta possit vnica.
- 3 Habes labella gratiæ
Ad coccinæ vittæ modum,
Fauis habes & melleis,
Vocem fluentem dulcius,
Quali rubore fragmina,
Mali rubescunt Punici:
Tali genis rubes tuis,

4 Sicut turris Dauid collum tuum,
quæ ædificata est cum propugnacu-
lis. Mille clypei pendent ex ea, om-
nis armatura fortium.

5 Duo vbera tua, sicut duo hinnuli
Capræ gemelli, qui pascuntur in Li-
lis.

6 Donec aspiret dies, & inclinentur
vmbre, vadam ad montem Myrrhæ,
& ad collem Thuris.

7 Totā pulchra es amica mea, & ma-
cula non est in te.

8 Veni de Libano Sponsa mea, ve-
ni de Libano veni, coronaberis de

*Præter capillos tortiles,
Quos condis intrò coccinis.*

4 *Collo rotundo promines
Cincto decoris torquibus,
Gemmis & auro fulgidis,
Qualis Davidis eminet
Instructa turris arcibus,
Illinc & hinc pendentibus,
Plus mille belli umbronibus,
Armisque cunctis fortium.*

5 *Habes dicata paruulis
Duo educandis ubera,
Cremore plena lacteo.
Quales gemelli Capræ
Duo videntur hinnuli,
Qui delicatis floribus
Pascuntur, atque liliis.*

6 *Sed dum diescet clarius,
Et noctis umbræ concident,
Adibo montem Myrrheum,
Adibo collem Thureum.*

7 *O Sponsa vitâ charior
Es tota formosissima,
Es labis omnis nescia.*

8 *Ergo veni, Sponsa ô mea
Prodi celer de Libano,
Ex eius exi montibus.
Amaneo de culmine,*

capite Amana , de vertice Sanir &
Hermon, de cubilibus Leonum, de
montibus Pardorum.

9 Vulnerasti cor meum, soror mea
Sponsa, vulnerasti cor meum in vno
oculorum tuorum , & in vno crine
colli tui.

10 Quàm pulchræ sunt mammæ tuæ
soror mea Sponsa. Pulchriora sunt
vbera tua vino , & odor vnguento-
rum tuorum , super omnia aromata.

11 Fauus distillans labia tua Sponsa,
mel & lac sub lingua tua: & odor ve-
stimentorum tuorum , sicut odor
thuris.

Sanireo de vertice,
Hermonis è cacumine,
Leonis è cubilibus,
Pardique celsis rupibus
Feres coronam regiam,
Gemmis & auro splendidam.

9 Exulcerasti cor meum

Amoris alto vulnere,
O Sponsa dulcis & soror.

Me sauciatum possides

Vno tuorum luminum,

Vno tuorum torquium,

Collum quibus cingis tuum.

10 Quàm pulchra gestas vbera,

O Sponsa dulcis ô soror!

Sanctos amores inserunt

Meri Falernis omnibus

Præstantiores potibus.

Tua ut fragrant plus unguina

Quàm cuncta Iudæ balsama.

11 O Sponsa labris iam tuis

Favos adæquas melleos.

Lingua liquorem lacteum

Stillamque dulcem depluis.

Quocumque virgo commeas

Tuis odoris vestibus,

Ad thuris instar, fumigas,

Quod mons propagat Libani.

12 Hortus cōclusus Soror mea Sponsa, hortus conclusus, fons signatus.

13 Emissiones tuæ paradisus malorum Punicorum, cum pomorū fructibus. Cypri cum Nardo.

14 Nardus & Crocus, fistula & Cinnamonum, cum vniuersis lignis Libani, Myrrha & Aloë cum omnibus primis vnguentis.

15 Fons hortorum, puteus aquarum viuentium, quæ fluunt cum impetu de Libano.


12 *Conclusus hortus es Soror,
Es Sponsa clausus hortulus.
Fons obseratus, regia
Quem muniunt signacula.*

13 *Hortus quidem, quo germinant
Mali rubentes Punicæ,
Hic omne pomorum genus
Fruetus propagat dispares.
Hic botrus efflat Cyprius.
Hic naribus nardus sapit.*

14 *Hic suaue fragrat fistula,
Hic Cinnamomum cum Croco
Fumos odoros dissipant.
Hic vniuersæ Libani
Semper vigescunt arbores.
Hic Myrrha, nec non Alloë
Reddunt vapores Thureos.
Hic omnis arbor denique
Vnguenta dans primaria,
Quous olefcit tempore.*

15 *At fons es hortos irrigans,
Vnde scatebra vitreæ,
Quam montis ima Libani
Fluore voluunt prapete.*

16 Surge Aquilo , & veni Auster,
perfla hortum meum & fluant aro-
mata eius.



COMMENTARIA

IN CAP. 4.



Via Sponsus & Spōsa inter pecora age-
bant , quærit hoc toto cap. similitudi-
nes pastoritias, vt ab arte innocua & iu-
cunda profectas. *Quàm pulchra.* Repetitio, quòd
pulchra sit intrinsecis donis & spiritualibus , &
extrinsecis operibus, disciplina, moribus, doctri-
na, prædicatione Verbi Dei , Sacramentis , exte-
riori denique omni cultu. Hanc propositionem
vniuersè propositam probat enumeratione. Oma-
nia membra eius sunt pulchra , Incipiētes, profi-
cientes, perfecti. Item omnes ordines, vt pasto-
res, oues, Nazarei , &c. Item omnia eius opera.
Amica mea. Vox חַיִּית *Rabaiá* nō tam amicā sonat
quàm sociā & cōpastricē. Sic appellat Spōsam, vt
thori consortē ad quē nulla sit admittēda præter
legitimam coniugem. *Oculi.* Describit oculos Ec-
clesiæ simplices, puros, sinceros, pudētes, absque
labe & lippitudine. Nam nota sunt Columbi-
norum oculorum propria . Addit eos non nisi
transparere per comam vel intra comam , vt in-
dicet Spōsam tā pudētī & verecundo esse aspe-
ctu, vt oculi eius intra comam se cōtineant, nec
huc

16 O *Aura, qua Septentrio*
Orbis sinistram concutit.
 O *Aura, quam contrario*
Spirat Notus de cardine,
Perflate nostros hortulos,
Horum fluant aromata.
Fundant odorem nobilem,
Fragrantiorē balsamis.

huc illuc meretricum ritu vagetur, q. d. non modò Columbini sunt oculi tui & pudici, sed etiam coma tua, quam proinde intrus occultas & vitra coërces, ne diffuat. Oculi autem Ecclesiæ sunt perspicacitas eius in diiudicandis erroribus, & simplicitas in proponenda veritate absque fūco, amphibologia & tergiuersatione, quæ hæreticorum est propria. Hinc nostri intelligunt doctores, per quos Ecclesia cernit. Hebræi autem, scorsum Abben Ezra, Prophetas, qui & Videntes dicuntur. *Absque eo quod intrinsecus latet.* absque coma interiore. Hinc hebraicè, Intra comam tuam, intra cincinnos tuos, qui alioqui procurrere solent supra frontem mulieribus, transparent oculi tui, nō foris. Sic è medio totius multitudinis cōspicui sunt Doctores & Prophetæ. Significat vt oculos Spōsæ, sic etiam capillos esse nitidos quidem & elegantissimè dispositos, sed tamen foras non multum procurrere. Vnde R. Selomo & R. Iona ~~noy~~ *stammá* non comam, sed vittam comam contegentem & inuoluentē interpretatur. Nam castæ & pudicæ à fluxis crinibus abhorrent. Hoc

autem iungit cum sequentibus, Intra vitram pilus tuus est pulcher. Sed rectius Noster & Malo-
ræthæ cum præcedentibus, eo sensu quem dixi.
Hic enim pinxerunt Athnah. *Capilli tui*, capilli
Ecclesiæ multitudo credentium, quæ pascitur in
campis Galaad, vbi pascua sunt iucundissima, &
pecudes habet subtilissimum pilum, tersissimum
& nitidissimum. Vide Kimbi in 16. Ezech. Naza-
reos Abben Ezra intelligit qui comam nutrie-
bant, Num. 6. *Sicut greges*, sicut gregum Caprarum
pili, si hoc pertineat ad pulchritudinem. Sicut
ipsimet greges Caprarum Galaad, si ad nume-
rum. Nam copiosus numerus Caprarum delica-
te pascebat in monte Galaad, quod ille bonis
abundaret pascuis, Num. *Qua ascēderunt*. *וְהָאֵלֶּיךָ גָּלָאד*
hic tantum occurrit, & cap. 6. Hebræi, variè, quæ
prominent, quæ spectantur, emicant, eminus pro-
spiciuntur è monte Galaad nobili pascuis ultra
Iordanem, quem propterea delegit tribus Gad,
Quorum gregum cōspectus iucundissimus erat.
Dum conuenerint Nostrum sequere. Nam eius
coniectura illorum opinionationibus nihil cedit.

2. Significat dentes Sponsæ esse candidissimos
& iunctissimos, deinde omnes fungi suo officio,
nec inter eos esse sterilem & vitiatum, alludens
ad gemellum ordinem dētium, qui pulchro or-
dine sese consequuntur. Hi sunt qui firmiore sunt
animo & fide, quos Paulus vocat spirituales,
Vos, inquit, qui spirituales estis, talem in spiritu
lenitatis corripite. *et quorum*. Qualium nullus
est qui fructum in Ecclesiam non reponat. *Tonsa-*
rum, præcisarum prop. ouium scilicet. Nam sub-
audiendum est commodum substantium de

more linguæ. Oves præcisæ & detonsæ symbolum firmiterum, quos iam diximus spirituales appellari à Paulo, quique aliis cibum spirituales comminuunt, ut manducari ab illis possit facilius. Omnes æquales sunt statura & magnitudine quasi præcisi essent. Hoc enim est decorum dentibus ut alter alterum non excedat. Sic enim Spirituales debent esse conformes & concordēs, ut omnium sit eadem doctrina & sensus. Omnes sint mundi, quasi loti eodem sancto lauacro. Omnes gemellos pariant. i. ne sint steriles, inutiles, infructuosi, sed semper aliquos gignant & lucrentur Deo. *Sterilis*, orba prop. vel abortiens.

3 Rubor in labris ad pulchritudinem facit, significantur autem præconia verbi Dei, vel suffragia precēsque, quas pudore zeloque oportet esse instructas, vel cruore Christi perfusas, q. d. Eloquia tua sunt verecunda, pudica & rubore suffusa. Hebræi allusum putant ad filum coccineum, cuius conspectu seruaram fidem ipsi Raab meretrici scribit Iosua cap. 2. Sic & Christi sanguis nos saluat, *Sicut vitta coccinea*, sicut filum coccineum prop. *Eloquium tuum dulce*, Ecclesiæ oratio Deo grata est & dulcis. *Dulce*, pulchrum propriè & decorum. *Genæ tuæ*, tempora tua intra comam tuam, propriè. Genæ subiacent oculis, Tempora auribus. Tempora tua per capillos medios apparent rubella, non secus ac fragmen mali Punici. Sic genæ rubentes fragmen mali Punici dimidiatum referunt. Vnde: naxæ etiam dicuntur, quod rotundam, inquit Grammatici, mali speciem præ se ferant. Per genas siue tempora intellige pudicitiam pudorémque Ecclesiæ, qui in il-

lis maximè apparet, cuiusque decor similis est non tam malo Punico, quàm eius fragmini, quod altera parte tuberositatem, altera ruborem granorum ostendit. R. Selomo plenitudinem præceptorum & bonorum operû, vt malum Punicû plenû est granis. Abben Ezra Sacerdotes, fortasse, quia vxoribus abstinebant toto ministerij & vicis suæ tempore. *Abſque eo*, abſque interiore coma, quam stringis vitta coccinea, ne diffuat, vt solent pudicæ.

4 Turris David ea est, quæ dicitur Turris exiens è domo regis Neh 3. & turris regis Mich. 4. quâ in monte Sion in propugnaculum vrbis & regiæ suæ construxit, munijtque clypeis & pharetris virorum fortium. Huic comparatur collû Sponsæ, quia rotundum, erectum, procerum, formæque eleganti. Monilia verò, torques & reliqua ornamenta è collo pendentia clypeis de turri illa pendentibus, quasi collum habeat instructû armis ad debellandos vel sustinendos hostes. Per collum Midras Sanctuarium intelligit, Abben Ezra Regem, vt per clypeos Principes, R. Selomo Senatum. Nostri præcones Verbi Domini, per quos trās mittitur cibus in corda fidelium, vt per clypeos Verbum ipsum Ephes. 6. & Prou. 30. vel gratias & ornamenta, quibus illi ornari munitique debent, vt collum torquibus, turris propugnaculis, clypeis, armis. *Cum propugnaculis* לחלצות *Let alpiioth* ferè interpretantur, *ad disciplinas*. i. discendi causa, vt inde viam doceantur viatores, tanquam à Pharo aliqua, vel vt inde artifices discant & exemplar sumât ad aliquid egregij ædificandum. Gall. *batie pour patron ou chef d'œuvre*. ab

אלף *Alaph* didicit. Noster ad propugnacula, à ללן *Talal* eleuatus est, eminuit. Alii ad aceruū orum, quasi ללן *al pith* duobus vocabulis, Gall. à *cren. aux. Armatura*, pharetræ prop. sed est synecdoche species pro genere.

5 Vberibus, quæ ut gemelli hinnuli succulēti, ut pote optimo & delicato pabulo educati, esse solent æqualia bonique succi plena, Hebræi in Midras adumbratos sentiunt Mosē & Aaronem, aut apud Abben Ezrā & Kimhī 16. Ezech. & 23. legem scriptam & non scriptam. i. Cabbalam, aut apud R. Selomonem duas decalogi tabulas. Nostri duo testamentā, è quibus exugimus lac siue doctrinam salutarem tanquam gemellos ab vno eodēque Deo prodeuntes. *Qui pascuntur in liliis.* i. suauissimo pabulo. *In præp.* nō dicit hīc locum sed materiam, sicque Latine vacat. Qui aliter sentiunt, Inter lilia, interpretantur.

6 *Donec*, priusquam diescat, priusquam dies appetat, & noctis umbræ abeant, abscedant, fugiāt, euanescent, ibo ad montem odorum. Gall. à *la fraicheur, deuant que le iour soit venu, & l'ombrage de la nuit euanoit*. Habetur enim ratio climatis terræ Sāctæ, vbi dies penē totus æstate ardere solet. Dies symbolum Euangelii, Vmbræ & nox legis Mosaicæ. Col. 2 Sabbata, Neomeniæ, cibi, &c. umbræ futurorū. Cum in Christo requiem inuenimus, verē sabbatizamus. Nouam Lunam obseruamus, quando vitam nostram in nouamus & sanctificamus. Pascha nostrum est Christus. Azyma nostrum sinceritas veritatis, fermento carens vetustatis. Et cibos, quos Iudæi vitant in pecoribus, nos vitemus in moribus, Et-

go donec affulgeat dies Euangelij, clarus & legis
 vmbra fugiam, ibo ad montes sanctos & dedi-
 catos cultui meo, vt illic me præsentem, propi-
 tiúmque vni populo Israel exhibeam. Agam in
 sanctuario Mosaico siue Salomonio. ibique cum
 veteri populo versabor. Postea aliud etiam com-
 migrabo, nempe ad cunctas gentes. Atque id,
 quoniã ante Auroram dicta hæc videntur. Si sub
 vesperam, vt alij sentiunt, alius erit intellectus.
 Interea dum spirabit dies & inclinabũtur, id est,
 cadent, superueniẽt vmbra vespertinae. i. interea
 dũ aduesperascet, vel noctescet ibo mihi, &c. Gall.
deuant qu'il soit plus tard. Nostri iungũt hæc primã
 versiculi partẽ cũ præcedẽtibus, & fortasse recti.
 Nam cap. vltimo vers. vlt. vbi sequentia tangen-
 tur, istorum nullum est vestigium. Erit ergo
 sensus, Vbera tua sunt sicut duo hinnuli pasti li-
 liis, donec appetat dies immortalitatis, & fugiãt
 mundi huius caliginosi vmbra. Vbi enim appe-
 tierit ille lucis dies post consummationem sæculi
 nullus erit vberum Ecclesiæ vsus. Quando nulli
 amplius erunt educandi. Et sic R. Selomo capite
 secundo iunxit cum præcedentibus, & si hĩc nũc
 sequatur distinctiones Masoreticas. Vide vers.
 vlt. 2. capitis. *ad montem Myrrha*, Mons Myrrhæ &
 collis Thuris vidẽtur esse, qui cap. 2. montes Ba-
 ther. & cap. 8. montes Aromatum, quales erant
 montes Libani. Nam illi proferebant myrrham,
 & thus & alia aromata, vnde & *Lebona* significat
 thus, vt *λιβανωτίς* & *λιβανός* Græcè, a quo Libano
 monti nomen *Lebanon* impositum videatur. Inte-
 rim quia *Mor* Hebræis est myrrha, alluditur ad
 montem *Moria*, in quo constructum fuit templũ

2. Par. 3. & colebatur Deus thymiamate confecto
 è Nardo, Cinnamomo, & præcipue Myrrha. q.
 d. Dum dies est, & paucae sunt noctis umbræ, il-
 luc veniam, vt exaudiam precatum preces & sa-
 crificia. Res enim diuina fiebat in Lege die non
 nocte. Hinc sacrificium *matutinum* post stellarum
 occasum & Auroræ exortū, *Meridianum* post me-
 ridiem, *Vespertinum*, ante stellarum noctisque cō-
 spectum. Vel potius, quoniam isthæc videntur
 ante Auroram dicta, Dum dies appeter, & eua-
 nescent noctis umbræ, illuc me conferam, vt pre-
 caturos, sacrificaturos, inuocatuos anteuertam.
 Nam non nisi sacris operari poterāt post Auro-
 ræ exortum. *Collem thuris*. rursus quia *Lebona* est
 thus, alluditur ad montem Libani, in finibus ter-
 ræ Israel, amœnissimum, odoratissimum, & ferti-
 lissimum, è cuius lignis structum fuit à Salomo-
 ne templum & regia illa, quæ dicebatur domus
 Libani, & è quo sumebatur thus ad sacra. Illuc,
 inquit, me conferam, captaturus auram terræ
 sanctæ, & speculaturus an aliquis in eius fines ve-
 lit irumpere, hausturus etiam fumos thymia-
 matum, quæ à piis adolentur.

7 Hoc pluribus enuntiat Paulus Eph. 5. Chri-
 stus dilexit Ecclesiam, & seipsum tradidit pro ea,
 vt eam sanctificaret mundans illā lauacro aquæ
 in verbo vitæ, vt exhiberet ipse sibi gloriosam
 Ecclesiam non habentem maculam aut rugam,
 aut aliquid eiusmodi, sed vt sancta sit & imma-
 culata. Quod quomodo verum sit non omnibus
 est exploratum, præsertim cum omnes nos quasi
 ones erremus Esa. 53. nec est homo, qui non pec-
 cet Eccl. 7 3. Reg. 8. 2. Par. 6 Hinc etiam Apostoli,

quantumlibet profecerint necesse habuerūt dicere, Dimitte nobis debita nostra. Aug. sub finē epist. 29. ad Hierony. & lib. de Spiritu & gratia. Et si quis illud Ioānis, Si dixerim⁹, quia peccatū non habemus, ipsi nos seducimus, sic accipiendū putauerit, vt dicat propter humilitatē oportere dici nos nō habere peccatū, & nō quia est veritas, Anathema sit. can. 6. concilij Mileuitani contra Pelagianos. Non enim humiliter solū, sed etiam veraciter quiuis sanctus in terra dicit oras, Dimitte nobis debita nostra. Sanctus enim & iustus erat Iacobus frater Domini, qui dixit, in multis offendimus omnes (cap. 3.) & Ecclesiasticus, Non est homo qui non peccet, &c. Ibid. Can. 7. De sola Virgine, cum de peccatis agitur nullam haberi volumus quæstionem, cum Aug. Nam (ea excepta) impossibile est non peccare, Amb. cap. 5. ad Rom. Cum ergo singula mēbra Ecclesiæ fuerint peccatis cōtaminata, quā tota pulchra, & in qua nulla sit macula à Salomone canitur, quā nō habere rugam aut maculam aut aliquid eiusmodi ab Apostolo asseritur? Hæretici respōdent esse hyperbolem amoris vi eliciā. Nam hīc nisi vana & amatoria contemplantur. Nos veram esse propositionem, Sponsam Christi esse sine ruga & macula. Nam primò non sequitur. Singula membra Ecclesiæ habēt maculas, ergo & totum, id est, Ecclesia. Quoniam alia est ratio totius Metaphysici, siue collectiui, alia partiū. Nam, verbi gratia, fieri potest vt Senatus probè institutus diuissim erret, cum interea coniunctim non sit erraturus. Sic enim fatemur Ecclesiam diuissim distributimve interdum errare & in doctrina &

in moribus, quæ cōiunctim collectimve in concilio œcumenico neutro modo hallucinari potest propter præsentiam Spiritus Sancti, diuinas promissiones, &c. Secundò respicitur per synecdochen ad præcipua & nobiliora Ecclesiæ membra, verbi causâ ad Virginem ab omni peccato, etiam originario Dei gratia liberatam, Prophetas, Apostolos, præstantiora alia diuinæ gratiæ vasa tam minutis affecta næuis post purificationem Spiritus Sancti, tantâque perfectione, virtute & gratia, vt perfecta & sine labe dici mereantur, siletem quantum humanitatis ratio & modus, quam perfectionem viæ, non patriæ appellâr Scholastici, postulat. Sic respondet Augustinus lib. 1. Retract. cap. 19. Dum illud quod dixerat priore libro de Sermone Domini in monte, *Et ista quidem compleri in hac vita possunt, sicut in Apostolis completa esse credimus*, sic accipiendum monet, non vt in Apostolis hîc viventibus nullum carnis motum arbitremur Spiritui repugnasse, sed hætenus ista posse compleri, quatenus in Apostolis credimus esse completa, ea videlicet mensura perfectionis humanæ, quanta in hac vita potest esse perfectio. Tertid habetur ratio Ecclesiæ triûphantis in cælôque versantis, cuius status est perfectissimus, & ab omni macula culpæ, erroris, malorum alienissimus. Sic intellexit Augustinus eodem loco Retractionum, Propter gloriam, in qua apparebit, quando Christus apparuerit vita eius (Col. 3.) ecclesia dicta est gloriosa, non habens maculam aut rugam, vt sit sancta & immaculata, in resurrectione videlicet. Et cap. 18. lib. 2. eiusdem operis, Non est accipiendum si-

ne ruga & macula esse Ecclesiam, quasi iam sit, sed quòd præparetur vt sit. Et Hilario epist. 88. inter reliqua quærenti, quænam sit illa Ecclesia, de qua scriptum non habere rugam neque maculam, vbi hæc sit, an in qua nunc congregamur, an illa quam speramus, respondet epistola sequenti 89. breuissimè, quod necesse sit ad finem vsque sæculi portet bonos ac malos, tunc verò suscipiat has laudes, &c. Quartò Ecclesia etiam militans ac in terris miserè exulans suo modo tota est pulchra & sine labe, non secundum vitæ iustitiam, inquit Cyprianus vel Ruffinus in Symbolo, sed secundum doctrinæ veritatem. Ideo enim Virgo incorrupta dicitur à veteribus, & à Prophetis Virgo filia Sion: & ab Apostolo, 1. Tim. 3. columna & firmamentum veritatis. Quis enim Sanctorum eam vnquam errasse sensit in fide & moribus? quis in dubiis ad eam tanquam ad sacram anchoram non confugiendum docuit, quis ei in credendis, sperandis, amandis, vitandis, timendis non fidem habuit? quis denique in hac difficultatum caligine, non exclamauit, Credo vnam sanctam, Catholicam & Apostolicam Ecclesiam, & ad illam paruulos Babyloniorum tanquam ad petram non allisit? Postremò, ne secundum vitæ quidem iustitiam penitus excidit ab hoc elogio, Tota pulchra es & immaculata. Nam spe saltem, affectu, desiderio, voto iusta est. Adde diuinam acceptionem, non solum quia peccata ei non imputantur, verum etiam quia verè & reipsa iustificatur, veram & realem peccatorum remissionem consequitur, innocentiae & gratiae primæ verè per Christum restituitur. A quibus qui exci-

dunt

dunt improbi, magis sunt in Ecclesia, quàm de Ecclesia, & si sint de Ecclesia, id sunt numero, non merito, vel secundum præsentem iustitiam, non æternam præscientiam. *Amica mea. Rahiati,* focia mea propriè. Est enim hæres Dei, cohæres autem Christi.

8 Rectè Abben Ezra vnde quaque in templum, id est, ad religionis locum & communionē confluras gentes ab extimis terræ promissæ limitibus, vt Libano, Amano, immò & è regionibus remotissimis incircumcisorū, qui Leonibus & Pardis comparentur. q.d. Venies mecum ex illis locis in terram sanctā, & aspicies percipiēsque eius bona, opes, gratias. Alluditur autē ad ingressum terræ Israelis. Per illa enim loca Israelitæ in eam ingressi sunt, Deut. 3. vbi dicitur Senir & Hermon nomina esse eiusdem mōtis in terra Amorrhæorū, id est, vnius montis, qui esset biceps. Inde enim pro duobus numerātur, i. Par 5. Amana autem mons est in finibus terræ Israel ad Septentrionem, vbi initia Iordanis, de quo Plin. lib. 2. Nat. hist. cap. 22. Alij putant esse Amanum montem Ciliciam à Syria dirimentem. Libanus verò collis ille Thuris, ad quē se iturū dixerat, *לבנון* Heb. & Græcè thus & mons thurifer, nisi quòd Heb. *Lebona* propriè thus, *Lebanon* mons thurifer. Ascende, inquit, & ex his montibus subiecta loca, atque totam terram Israelis aspicies, vt iucundum est è verticibus mōtium inferiora pulcherrimis arboribus, pratis, herbis, floribus, vrbibus, rebūque aliis vestita cernere. Hac adhortatione intellige Dominum ostendere omnes diuitias &

myſteria regni cœlorum ipſi Sponſæ è montibus illis horridis & barbaricis, vbi Og & Seon Tyranni imperitabant, ac ex illis eam vocare ad tantas opes participandas. Quasi dicat fore vt Gentes è mediis Tyrannorum persecutionibus perueniât ad religionis communionē, indéque celeſte regnum, terram vtpote promiſſam. *Coronaberis* חֲשׂוּרִי *Tasuri* aspicias, ſubiecta videlicet loca. Anonym⁹ ab חֲשׂוּרִי *ashur* deducit. *Ibis, venies*. Sic 70. *διελεύσῃ*. Noster ſecutus eſt ſenſum. Nam hic ſiue aſpectus ſiue aduentus non eſt inutilis, ſed ad fruitionem & participationem regni cœleſtis, in quo gloria & honore coronamur, pertinet.

9 *Vulneraſti*, ad verb. excordaſti me, vel cepiſti mihi cor, Gall. *Tu m'a ſaiſi le cœur*. *Soror*. Sponſam, quia communicat carni & ſanguini, & ipſe ſimiliter participauit eiſdem per vnionem naturalium & ſubſtantialem, Sororem ſuam appellat, vt nos fratres Hebr. 2. Per oculum autem Eccleſiæ intellige perſpicacitatem & vigilantiam eius, per torques virtutes, quibus abundè & opulentiè dotata eſt. Harum vel minima Chriſtum pellicit, & amore vulnerat. Ipſius enim deliciæ eſſe cum filiis hominum, Prouerb. 8. Ad hos cordis oculos Hieronymus principio in Eſaiam multa alia Scripturæ loca aptat. Eum conſule. *Crine*. Torque prop. fortalſe Noster non accepit crinem pro capillo, ſed pro ornamento colli, è crinibus rutilantibus confecto. Nam ſic apud Plin. 17. cap. 21. eſt quoddâ genus vinculi. Aliqui Gallicè *perruque* interpretantur.

10 *Mamma* & *ubera* pro amoribus metonymicè.

Nam illic est amoris sedes. Quare in fonte ea est forma (*Dedim*) quæ magis amores, quam Māmas siue vbera significat. Quin illic est eiusdem nominis repetitio, ad vehementiam. Quàm pulchri sunt amores tui soror mea, quàm boni sunt amores tui præ vino. *Pulchros*, id est, dulces appellat per communicationem sensuum, ob suauitatem morum & vitæ. *bonos*, vtiles, efficaces, sicut vinum, quod vtile est & efficax ad multa. *Oder*. Odor vnguentorum tuorum præstat cunctis aromatibus. Intelligit famam Ecclesiæ, quæ latè longèque diffunditur.

11 Suaue est Domino audire cōfessionem & inuocationem Ecclesiæ. Eius vestes sunt virtutes & bona opera, quibus decorata est & conuestitata. 2. Cor. 5. Itaque odor vestium famam virtutū eius indicat. *Labia*. Vocales preces & inuocationes sunt dulces Domino vt fauus. *sub lingua*. i. in corde. Nam sub lingua est cor. Preces interiores & cordis sunt suaves & gratæ instar mellis & lactis. Midras labia ad Cantica Leuitatum, Vestimenta ad vestes sacerdotales quatuor & pontificias octo refert. *Libani*. Metonymicè Arborū & florum Libani.

12 Hebræi referunt ad pudicitiam Ecclesiæ, quæ ita vndique clausa est & sepra, atque veluti obserata, vt nō pateat cuiusquā iniuriis & raptibus, sed nec externos & Chananeos admittat. Es. 51. Zach. 14. Porro quidam eam notant decies Sponsam in Scriptura nominari, quinquies hoc capite, semel sequēti, quater aliis libris. *Conclusus*, obseratus prop. metaphora à sera. Sera autem est præsidium Domini. *Hortus*, secundo loco in

Fonte legitur 43, Gal, scatebra, scaturigo, nō 12
Gan hortus. Nihil refert, Nam vtraque formula
 significat Spōsam more horti & fontis pretiosi
 vndique clausam & septam esse, ne eo quicquam
 noxij irumpat. *signatus* sigillatus, Gallicè *cacheté*,
 munitus sigillo, siue annulo signatorio, ne quis-
 quam ingrediatur ad illum inhiendum.

13 Hic particulatim amplificat horti & fontis
 huius laudes, quibus Ecclesiam in genere cōpa-
 rat, & primum Horti. *Emissiones*, propazines,
 plantæ, quas emittis, effundis, extendis. *Paradisus*
Pardes vocabulum est Persicum quod in omnes
 ferè linguas manauit, pro horto pretioso & deli-
 cioso, omni arborum genere confito. Errat Ab-
 ben Ezra dum putat lingua Arabica restringi ad
 viridarium vnus generis arborum. *Punicorum*,
 quæ suauitate & rubore grata sunt: posset legi
 Punicarum. Nam vox Fontis *Rimmonim* arborē
 & fructum significat. *Cum pomorum fructibus*, pro-
 priè cum fructu deliciarum. i. cum fructu delica-
 to & exquisito. *Megadim* non poma duntaxat si-
 gnificant, verum etiam quicquid est delicatum
 & pretiosum siue in fructibus, siue in rebus aliis.
 Delicias rectè vertes. *Cypri cum Nardo*. In Hebræo
 pluraliter, cum Nardis. Bina autem hinc deinceps
 proponit, quod huiusmodi siue mixta, siue
 maritata partim magis vigeant, partim fundant
 odorem fragrantiolem ac suauiolem. Hinc nar-
 dum sequenti versiculo repetit, & copulat cum
 croco eandem ob causam. Sic Scriptura vbique
 commendat charitatē, vñionem, amicitiam. Cy-
 prus autem ea fortasse est planta, Nardi odorem
 spirās quæ in Phœnicia nascitur, & vocatur Cy-

prius apud Plin. cap. 18. lib. 21.

14 Hic etiam versiculus est primæ similitudinis explicatio. Illa autem omnia adumbrant varias virtutes, dona, dotes quibus floret Ecclesia. Nihil est, inquit, eximium quod non crescat in horto tuo. Nam etiam Myrrham & Aloem, quæ duo adhibentur ne res putrescant, proferunt. Sic appellantur Electi propter virtutes, quos plantat Pater Matt. 15. quique sunt Domini bonus odor. 2. Co. 2. De Nardo, quæ in unguentis principem locum tenet, & cuius cacumina in aristas se spargunt, lege Plin. lib. 12. cap. 12. Eundem de Croco, cap. 14. & 15. eiusdem libri. Fistula autem, id est, calamus aromaticus, siue iuncus odoratus, inter Libanum & alium monticulum nascitur apud eundem lib. 12. cap. 23. & Theophrast. libr. 9. de histo. plantarum cap. 7. Cinnamomum frutex, cuius cortex odoratissimus, in Syria, Iudæa, & Arabia. Theoph. lib. 4. hist. plant. cap. 6. Plinius Cinnamum appellari ait cap. 20. libri 12. Ab Hebræo sanè קינמון *Kinnamon canelle* vulgo. *Cum primis unguentis*. cum primariis & præcipuis aromatibus. Ad verb. cum omnibus capitibus aromatum.


15 Alterius similitudinis explicatio. Secundo enim fonti & scaturigini compararat Ecclesiam. Hic igitur qualis sit fons traditur, nempe *Hortarum*, multos hortos irrigans, vberrimè. Ecclesiæ enim doctrinà omnes singulares Ecclesias rigat copiosissimè. Putens aquarum viventium, è quo petendæ sint aquæ viuæ & perennes salientes in vitam æternam, vide Zach. 13. Nam illa Ecclesiæ doctrina est viua, perennis & limpida, nullo hæ-

reticorum cœno turbida & corrupta. Cum verò eas ait fluere è Libano, alludit à Ior & Dan, siue Paneaden, qui fontes limpidissimi è monte Libano scaturiūt, Iordanemque paulò post coëuntes efficiunt, lege Iosep. cap. 18. lib. 3. de bello, & Plin. lib. 5. cap. 16. Nat. hist. Adhuc ergo Sponsus narrationem suam persequitur, nec, vt Beza ineptit, ex abrupto illum Sponsa intercipit, vt laudes sibi, tanquam assentationis non veritatis animo, tributas in Sponsum reflectat. Nam etsi Spōsus vnus sit fons horros omnes irrigans, ac vnicus perennium aquarum puteus, naturâ, at participatione tamen & gratiâ Sponsa idem verè & efficaciter præstat. *Quæ fluunt*, Ad verb. Et fluentium ex Libano. Nā alienius est quod aliqui *Nezelum* malunt esse nomen, quàm participiū, vertuntque, *Et fluentia ex Libano*.

16 Protopopœia elegans per Apostrophē ad ventos Aquilonem & Austrum Sponsę, vi amoris, erumpēs. Ex eo autem sumitur occasio, quòd Sponsus ipsam hortum appellasset. Inuocat & precatur Spiritum Sāctum vt ad se veniat, se foueat, & odorem, fumum, bonam famam suarum virtutum gratiarumque ad Spōsum assiduè perferat & spargitet. Alioqui sine Spiritu Sācto torus eius hortus aresceret. His enim duobus vētis intelligit perpetuam spirationem Sācti Spiritus. Hi enim omnibus anni temporibus flant, cæteri non item, sed statis, vt docet Arist. 2. Meteor. cap. 4. Duos autem memorat, eosque flantes è contrariis mūdi cardinibus, vt in omnem partem manet odor, vētis hinc inde flabellatus. Spiritus Sāctus nunc Aquilo, quia frigidus refri-

gerium præstat cōcupiscentiæ ardoribus, renum affectus extinguit, &c. iuxta illud, Virtus altissimi obumbrabit tibi, nunc Auster quia calidus inflāmans corda, &c. *Fluant.* Spargantur latè per hortum, & per auras ad attrahendos homines, maxime Sponsum. foras manēt, exeant, ne sint ociosa, torpida, inertia. Excitetur interior vis & calor. Hic caput quartum & versum decimum sextum capitis Nostri finiunt. At Hebræi Athnah, id est, mediam sententiam versiculi duntaxat constituunt. Nam alterum sententiæ siue versiculi membrum his absoluunt verbis. *Veniat dilectus in hortum suum, & comedat fructus deliciarum suarum.* Si non rectius, certè facilius, ut vnico versu suam precem & votum Sponsa expleat, sequens verò non interrumpatur duarum personarum interlocutione.





CAP. QVINTI ARG.

*Expetitus, quæsitûsque Sponsus ab externis
præcipuorum membrorum notis illustratur.*

SPONSA.

1 Veniat Dilectus meus in hortum
suum, & comedat fructû pomorum
suorum.

SPONSVS.

2 Veni in hortum meum Soror mea
Spôsa. Messui Myrrham meam cum
aromatibus meis. Comedi fauum cû
melle meo, bibi vinum meum cum
lacte meo. Comedite amici & bibite
& inebriamini charissimi.

SPONSA.

3 Ego dormio & cor meum vigilat.
Vox dilecti mei pulsantis. Aperi mi-
hi soror mea, amica mea, columba

SPONSA.

1 *Visat suum pomarium
Sponsus mihi charissimus.
Suis fruatur fructibus,
Quos eius edunt arbores.*

2 *Veni frequenter ô Soror,
Iam, Sponsa, visi sæpius.
Iam sæpe maturos ibi
Myrrhæ fluores messui,
Odora legi aromata,
Fauum comedi melleum,
Bibi liquorem lacteum,
Haustum meraci sorbui,
Quæ cuncta nobis hortulus
Insignis ille protulit.
Isthec amici cæpitem,
Gustate mecum talia,
Quin & meo simul mero
Vos irrigate largiter.*

SPONSA.

3 *Me dormientem corpore,
Sed mente prorsus excitam,
Mihî ille vitâ charior
Ad ianuam pulsans meam*

mea, immaculata mea. Quia caput
meum plenum est rore, & cincinni
mei guttis noctium.

4 Expoliaui me tunica mea, quo-
modo induar illa? Laui pedes meos,
quomodo inquinabo eos?

5 Dilectus meus misit manum suam
per foramen, & venter meus intre-
muit ad tactum eius: Surrexi vt ape-
rirem Dilecto meo: Manus mea stil-
lauerunt Myrrham, & digiti mei ple-
ni Myrrha probatissima.

6 Pessulum ostij mei aperui Dilecto
meo: At ille declinauerat, atque tran-
sierat. Anima mea liquefacta est, vt

*Affatus est his vocibus
Eia fores mî pandito
Soror, Columba perpudens,
Amica, labis nescia.*

*Nam noctis aspergo caput
Meum repleuit roribus.*

*Guttis madentes reddidit
Mei capillos verticis.*

*4. Exuta lucis vestibus
Quinam resumam denuo,
Hac noctis in caligine,
Vestes semel, quas exui.*

*Quinam pedes nunc polluam,
Quos antè paulò collui.*

*5. Hac non repulsus causula,
Mihi ille vita charior*

*Manu foramen transiit,
Moturus ipse pessulum.*

*Hinc ventre toto palpitans,
Surrexi, ut illi panderem.*

*Tunc apprehensus pessulus
Meas fluentes reddidit*

Nidore palmas Myrrheo.

*6. Recludo amanti ianuam,
At ille declinauerat,*

*At ille iam transiuerat,
Cuius loquela cor meum*

Liquarat antè funditus.

locutus est. Quæsiui, & non inueni
illum: vocaui, & non respondit mihi.

7 Inuenerunt me custodes, qui cir-
cumeunt ciuitatem. Percusserunt me,
& vulnerauerunt me. Tulerunt pal-
lium meum mihi custodes murorum.

8 Adiuro vos, filia Ierusalem, si in-
ueneritis Dilectum meum, vt nun-
tietis ei, quia amore langueo.

PVELLAE SIONIÆ,

9 Qualis est Dilectus tuus ex dile-
cto, ô pulcherrima mulierum! Qua-
lis est Dilectus tuus ex dilecto, quia
sic adiurasti nos?

SPONSA.

10 Dilectus meus candidus & rubi-
cundus, electus ex millibus.

*Vt ergo demens cursito,
Hinc inde quærens clamito.*

*Sed paret ille nusquam,
Nec verba reddit amula.*

7 *Occurro circitoribus,
Qui ciuitatem circuant.
Contundor atque vulneror,
Et dite nudor pallio
A mœnium custodibus.*

8 *Adiuro vos, ô Virgines,
Sacra Sionis incolæ,
Vt unice iuncto mihi,
Si fortè consequamini,
Me nuntietis languidam
Ipsius esse amoribus.*

PVELLAE SIONIAE.

9 *Dilectus ille iam tuus
Quid, cedo, differt cæteris,
Possimus ut dignoscere,
Ac cæteris distinguere,
O Virginum pulcherrima!
Excellit ecquid unicus,
Sic nos quod adiuraueris.*

SPONSA.

10 *Dilectus ille est candidus,
Vultu decorè subrubet.
Insignis inter millia,
Et lectus, ut vexillifer.*

11 Caput eius aurum optimum. Comæ eius sicut elatæ Palmarum, nigre quasi Coruus.

12 Oculi eius sicut Columbæ super riuos aquarum, quæ lacte sunt lotæ, & resident iuxta fluentia plenissima.

13 Genæ illius sicut areolæ aromatum confitæ à pigmentariis. Labia eius lilia distillantia Myrrham primam.

14 Manus illius tornatiles aureæ, plenæ hyacinthis. Venter eius eburneus, distinctus sapphiris.

11 Pellucet eius sinciput
Aurum velut purissimum.
Se crinis eius densitat
Elata sicut palmea.
Nigrore verò fulgurat,
Quali capillo nigrior,
Nec Coruus extat unicus.

12 Latos ocellos possidet
Puppis nigellis præditos,
Albo rigatis alueo.
Qualis Columba cernitur
Riuus aquarum confidens,
Lymphis abluta lacteis,
Plenis fluentis imminens.

13 Habet genas, ceu areas
Plantis odoris unguinum
Vtraque parte consitas.
Hinc inde succrescentibus
Pulchris pilorum flosculis,
Habet labella liliis
Æquanda suaue olentibus,
Myrrhæque distillantibus
Se spargitantem largiter.

14 Huic sunt manus tornatiles
Ex annulorum copia,
Baccis onustæ fulgidis,
Quas pala claudit aurea.
Huic venter est eburneus

15 Crura eius columnæ marmoreæ,
quæ fundatæ sunt super bases aureas.
Species eius vt Libani . Electus vt
Cedri.

16 Guttur illius suauissimum, & to-
tus desiderabilis . Talis est Dilectus
meus, talis est amicus meus, filiæ Hie-
rusalem.

PVELLÆ SIONIAE.

17 Quò abiit Dilectus tuus, ô pul-
cherrima mulierum? Quò declina-
uit Dilectus tuus, & quæremus cum
tecum?


Puris opertus sapphiris.

15 *Iam crura credas illius
Firmi columnas marmoris,
Quas aureæ fundant bases.
Sic ambulanti qui videt,
Illum sublimem Libanum,
Cedrosque lætas Libani
Spectare sese dixerit.*

16 *O quam suavi est gutture!
Profecto tantus quantus est,
Est totus expetibilis,
Achis amicus est meus,
Quem tam potenter diligo,
Rebus notisque præditus.
O Solymorum filia.*

PVELLÆ SIONIÆ.

17 *Quò charus ille transiit,
O Virginum pulcherrima?
Quò se repente contulit?
Vt te sequentes sedulò
Possimus unà querere
Quem tam potenter diligis.*



COMMENTARIA

IN CAP. 5.

VTinuocauerat Sponsa Spiritum Sāctum parabola Aquilonis & Austri, ventorum hortis valde vtilium ad excitandos plantarum & florum odores, ita etiam nūc Christum Dilecti vocabulo. Veniat ille ad me, quam suum hortum esse dixit, fruatur fructibus horti deliciofis, id est, fide, virtutibus, bonis operibus meis, eius gratia & plantatione designatis. Vel pergit in precando Spiritu Sancto vt veniat Dilectus, id est, vt eū ad se mittat. Sic *veniat* non erit Optatiui, siue Imperatiui & Deprecatiui modi, sed Subiunctiui, per eclipsim particulæ *Vt. Pomerum.* deliciarum prop. recurre ad versum 13. capitis superioris. *In hortum meum.* ad te iam veni, quā dixi esse hortum meum pretiosissimum omnique aromatum genere affluere, collegi myrrham, vidi, inquit, & probaui tuorum operum fructum, comedi, summa auiditate hausi, acceptaque habui tua opera, & Ecclesia, ex iis iam percepi maximam voluptatem. Myrrha, aromata, mel, fauus, vinum, lac ad varietatem virtutum & sanctorum operum pertinent. R. Selo. per hortum accipit Sanctuarium, per vinum Libamina, per fauum, mel, lac, oblationes & sacrificia. Sic & transferes ad Sacramenta & mysteria Christianæ religionis, præsertim autem ad sacrificium altaris Eucharisticum simul & propitiatoriū, quo quotidie Domino per Sacerdotes litatur. Est enim gratissimū,

quoniam viua, iugis, & efficax sacrificij Crucis
 cōmemoratio, representatio & applicatio. Hoc
 sequitur Ambrosius lib. 5. de Sacramentis cap. 3.
 Nam de Communione Eucharistiæ ista interpre-
 ratur. Quale hic innuit Abben Ezra. Scribit enim
 Dominum hic recusare antiqua sacrificia, iuxta
 illud Psalmi 49. Non in sacrificiis tuis arguam te,
 holocausta tua non erunt in cōspectu meo sem-
 per, non accipiam de domo tua vitulos, &c. Im-
 mola Deo sacrificium laudis, & redde altissimo
 vota tuā. *Amici, Rehim*, ô socij. quos mox appel-
 lat *Dodim*, amores vcl amicos, siue vt Noster ver-
 tit, charissimos. Per hos cum Abben Ezra & Ori-
 gene Angelos intellige, quibus in Scriptura Do-
 minus perpetuò stipatus sociatúsque inducitur
 ob singularem ipsius maiestaté & gloriam. Itém-
 que Sanctos, qui ex Apocalyp. Ioannis sequun-
 tur Agnum quocunque ierit. Eos hortatur, vt
 fructum voluptatémque vnà secum capiant ex
 horti plantis. Nam hi similiter gaudent piorum
 iustitia, virtute, fide, conuersione, Luc. 15. Ac, vt
 Ioan. 4. Dominus suum cibum appellat Samarita-
 norum vocationem, iustificationem, fructifica-
 tionem, ita cœlites se his pascunt, & delectant, at-
 que pro cibo ducunt delicato nostram conuer-
 sionem vitæque probitatem & fidem. Vbi obser-
 ua Dominū Sāctis cœlitibus suis narrare reuela-
 réque opera Ecclesiæ, preces, res, negotia, adeo vt
 ea vel per se intueantur, vel speculentur in verbo
 ac diuina essentia tanquam in speculo, inde ex-
 citentur ad interpellandum & precandum pro
 nobis, succurrendum, congaudendum, com-
 patiendum, concipiant quoddam gaudium, &c.

vt Luc. 15. Cum auiditate haurite, ipsis fruimini, ex eis gaudium concipite. Non tam appositè R. Selomo Sacerdotes, quos Sponsus habeat comites, socios, amicos intelligit. Sed nec illi, qui fideles cunctos in genere, de quibus alioqui Dominus ipse Ioan. 13. Iam non dicam vos seruos sed amicos. *Comedite fauum & mel per zengma*, id est, dulcem cibum, dulcia opera & gratos fructus horti mei. *Inebriamini*: largiter bibite & ad satietatem vinum & lac, id est, dulces potus & liquores è fructibus horti mei expressos. De fructibus & virtutibus Ecclesiæ. *Charissimi*. Ita Noster in vocatiuo reddit *Dedim*, ô amores, id est, amicissimi. Quoniam autè nominum Hebraicorum casus non distinguuntur terminationibus, sed duntaxat articulis, aliqui interpretantur in ablatiuo è 7. cap. Prouerb. Age inebriemur amoribus. q. d. largiter ô socij fruamini amoribus, id est, iis quæ ego & Sponsa vehementer amamus, quibus delectamur in hoc horto.

2. Tertius actus & quasi narratio vsque ad vndecimum versum sexti capitis, de eo quod sibi accidit in Somnis. Ego semel dormiebam, sed cor meum vigilabat, sicque mihi apparuit Sponsus, pulsauit fores, me est allocutus his illis vocibus, Caput Christi, est ipsius diuinitas, cincinni multitudo virtutum, perfectionum & gratiarum eius. Ros & guttæ noctium, contumeliæ, blasphemix, iniuriæ, quibus ipsius diuinitas & virtutes asperguntur à Iudæis, hæreticis, impiis, Quoniam sic ab istis in capite & cincinnis, contumeliis aspergor ô Sponsa, ô Gentium natio, me hospitio excipe, apud te saltem, fac, quietem nan-

ciscat. Hinc Abben Ezra ait Dominum cōqueri, quòd tandiu post reditum è Babylonia neglectus fuerit, & caruerit templo, & sub dio habitat, iuxta illud Aggæi, Nunquid tempus vobis est, vt habitetis in domibus laqueatis, & domus ista deserta? Quomodo conqueri possit Christus, quòd cū ipse pauper, egenus, & multis malis & calamitatibus obnoxius venerit in hunc mundum, nec Mat. 8. habuerit. vbi caput suum reclinaret, non satis tempestiuè recipiatur & admittatur à mortalibus. Illud est Ioannis, In propria venit & sui eum non receperunt, immò verò malè & barbarè exceperunt. Alij in bonam partem rorem & guttas noctium accipiunt pro benedictionibus, donis, gratiis. Sic caput Christi, id est, diuinitas plena est rore gratiarum. Cincinni, id est, humanæ eius qualitates & virtutes è diuinitate, tanquam è capite prodeuntes, plenæ sunt guttis, & stillis benedictionū. Vel iuxta alios caput Christi, Deus Pater, qui plenus est rore fecunditatis. Ab eo enim omnis manat paternitas, siue quæ in cælis, siue quæ in terris. Cincinni eius, qui è capite prodeunt, Spiritus Sanctus multiformis, qui à Patre procedit. Hi pleni sunt guttis nocturnis. Multiplices enim & variæ sunt gratiæ Spiritus Sancti. *Columba* propter castitatem, puritatem, simplicitatem. *Immaculata*, vel integra.

3 Sponsa hæc in somnis nuda sibi videbatur loqui, se excusans, tergiversans, denique detrectans aperire pulsanti Sponso. Hæc autem dicuntur in persona segnescentis populi Domini, qui Domino à priuata vita & quiete ad actuosam, à bonis ad meliora, vel à peccatis ad virtutes inuitati, non

statim prima vocatione obsequitur. Priore modo talis est sensus. Exui vitam actuosam, iam me totam tradidi quieti & contemplationi, quomodo iterum illam repetam? Ablui actus meos, & pristinam viuendi rationem ab inquinamentis mundi, quæ vitam illam actuosam & operariam circumstāt, mundo eiusque operibus vale dixi, & me recepi in portum quietis & tranquillitatis, id est, vitæ solitariae & contemplatricis, vt in perpetua viuam meditatione, precatione, lectione, studiis rerum diuinarum & cœlestium, vel vt priuatam vitam in perpetuum exerceam, quānam nūc inquinem actus meos semel purgatos & abstersos tumultuariæ vitæ sordibus & inquinamentis? Quānam ab hac contemplatione & sacri otij dulcedine, retrahar ad vitam actuosam, & exercitationes illius, quantumuis sanctas? Pij ad vitam in oculis & luce mundi versantem post gustatam dulcedinem vitæ cōtemplantis & solitariae, non se faciliè retrahi patiuntur. Sic Moses refugit rectionem populi Israel. Sic D. Marcus, Chrysostomus, Bernardus & plerique alij Sancti allekti dulcedine vitæ præstantioris, & ab inquinamentis & turbis huius mundi remotioris recusarūt amplissimos episcopatus, &c. *Tunicam* ergo vocat vitam actuosam & operariam. *Pedes*, actiones, exercitationes, labores & molestias illius vitæ. *Inquinamenta*, curas, sollicitudines, turbas & motus. Posteriore excusationem Sponsæ in deterio- rem partem accipiamus. *Tunicam*, pro iugo Domini, via virtutis, pietate, innocentiae stola. *Pedes*, pro vitæ cursu, vita voluptaria, affectibus inundanis. *Inquinamenta pedum*, pro asperitate & squal-

lore vitæ sanctæ. Iam exui tunicam, i. iugum Domini, ut illud iterum subibo? Iam nouo cultu aut noua viuendi ratione absterſi priſtinam, quo pacto illa miſſa, quæ mihi placet admodum, hanc iterum repetam? meamque ſplendidam vitam cum terrica, ſquallida, aſpera, pallêti commutabo? Sic Iſraelitæ faſtidiunt iugum Domini, & alienum atque vitioſum laudant, Ierem. 44. Interea dum coluimus militiam cœli, cuncta nobis erant proſpera, cum autem, &c.

4 Pergit narrare Sponſa ſuum ſomnium. Cùm ergo renuiſſem aperire Sponſo meo, ille inſtabat, & miſit manum per foramen, oſtij videlicet, (non ventris ut impuri cogitant) quaſi volens peſſulum reuoluere, vel ſeram reſerare. Hoc percepto tota cômota ſum ad intima uſque viſcera. Significat Dominum multis rationibus, ut ſibi aperiamus inſtare. Miror hîc Bezam oblitum ſui moris, nec traduxiſſe iſthæc ad Venerea. & ex foraminis mentione, itémque ex eo quod Noſter ſatis leuiter verterit, Venter meus intremuit ad tactum eius, pro, *Viſcera mea inſonuerunt propter eum*, non ſumpſerit obſcœnitatis occaſionem. Nam etſi Hebraici contextus primas ſyllabas non norit, hîc ſenſum eſt aſſecutus. fortassis quia ſimpliciſſimus & facillimus. *per foramen*, oſtij, vel ſeræ, *immiſit manum ſuam*, indêque *Venter meus intremuit ob ſponſum contingentem & volutantem peſſulum*, ſive ſeram, ut oſtij reſeraret, id eſt, Sponſus conrectans & reſoluens peſſulum vel ſeram (nam *manhul* utroque modo exponitur) me tremulam & palpitantem reddidit, ut accidit pudicis puelis, quæ cuncta habent ſuſpecta, metu amittendæ

pudicitiae, vel verecundia & pudore virginali. Sic enim Virgo Christi mater turbata est in sermone Angeli, & cogitabat qualis esset ista saluatio. Hic ergo nulla impudicitia, sed mirabilis pudicitia notanda est, dum de ea sibi, etiam à Spōso, videtur metuere. In huiusmodi suspicacem esse virginem est laudatissimū. *Venter*, prop. viscera mea, id est, intestina mea. Interiora mea cōmota sunt, & palpitant prae pauore. *Intremuit*, puto Nostrium vertisse *infremuit*. Nam ad verbū, insonuerunt, infrenauerunt. *Ad tactum eius*, quando is tetigit pectus ex foramine. Doctē expressit istud Fontis, *super eum*, propter eum, dilectum meum scilicet, id est, propterea quod ipse mouebat pectus. In aliquibus exemplaribus Hebraicis mēdo sē legitur *ihv alai* sine vau, *super me*, id est, mihi. Nam emendatiora, vt Rabbinī monent, habent *ihv alai*, per vau, vt & Noster & 70. legerunt. Viscera siue intestina appellat interiores cogitationes. Eas Sponsus suis inspirationibus commouet ad pœnitentiam, ad suspiria, &c.

5 Cum surrexi ad aperiendum, manus meae fuderunt myrrham, cuius odorem conceperat illa ostij pars, quam Sponsus meus Myrrham olens contrectauerat. Si quis contrectat res odore cōditas & imbutas, manibus etiam odorem cōtrahit. Significat se nouum spiritum & affectum concepisse, qui manarat à suo Spōso, se vel solum conatam aperire Spōso, sensisse in se magnam suauitatem & gratiam. q. d. Intellexi me nouo spiritu agi, atque antea improbè fecisse, quod Sponsum tam suauem & myrrham manibus spirantem foris reliquerim. Myrrha hic designat

Spiritum & affectum pium, vel iuxta R. Sciomonem, pœnitentiam. De hoc aromate lege Plin. lib. 12. cap. 16. & 17. *Probatissima*, transeunte prop. id est, manante longius, quale aroma est pretiosissimū & laudatissimum, trāseunte inquam, per manubria siue anfas pessuli. Sed istud posterius Nostri iungunt cū sequentibus, vt mox dicam.

6 *Pessulum ostij mei*. Heb. per manubria (capulos) pessuli, seræ (nam *manhul* seram propriè notat) q. d. prehensis manubriis & capulis pessuli, vel seræ aperui dilecto meo. Gall. *par les prinſes du verrou, ou de la serrure*. Plurali numero, quasi vna manu vnū capulū, altera alterū corripuerit præ vehemētia & cupiditate aperiēdi. Vbi obserua ostij pessulam fuisse firmissimum, vt qui habuerit duo manubria. Item intus fuisse hanc seram, cuius hic esset pessulus. Se se videlicet sera intrinsecus clauserat & obserauerat. Virgo nō potest satis turdè & firmiter se includere. Aliqui *Cappeth* q. palmas, volas manūū, exponūt cardines, intra quos volnitur seræ pessulus. Per illos aperuit Sponso. i. illis euulsis, vt præ celeritate & impatientia clauē nō admouerit, sed cardines pessuli seræ auulserit. Ita hīc Nostri versum incipiunt. Ad Masorethæ claudunt per Soph Pasue, & cōstruūt cū præcedenti participio *Transeunte*, vel verbo *stillarunt*, hoc sensu. Digiti mei pleni fuerūt myrrha transeunte super, vel per manubria pessuli. i. transfusa per capulos pessuli, cōsque imbuenſe. Atqui *Transiens* hīc absolutè accipitur pro præstāti, excellenti, & est epithetum Myrrhæ excellentis, cuius odor latè transit, manātque. Vnde Noster eruditè vertit, *Pleni Myrrha prebatissima*. Quod li-

quet è vers. 13. infra. labia distillantia Myrrham
trâscuntem, id est, vt Noster rectè habet, primam.
i. præcipuâ, primariâ notâ, pretij, odoris. Quare
Rabbinorum alij ne discedant à suorum Maso-
retarum districtiõibus, construunt cum verbo
præcedenti *stillauerunt*. Manus meæ stillauerunt
Myrrham super manubria pessuli, ea Myrrhæ
suffitu & nidore perfuderūt. Verùm præstat iun-
gere cum sequentibus cum Nostri, eo, què dixi,
sensu, etiam si retineatur Soph pasuc. Nam Soph
pasuc interdum sententiâ transmittit ad sequen-
tem versum, vt docet Kimbi. 2. Paral. 30. v. 18. qui
versus clauditur per *7 v3 pro*, & extenditur in se-
quentem. 31. *pro, omni qui cor suum præparat*. & qui-
dem in proia, quâto magis in carmine. *Declinaue-
rat*, verterat se se, abierat. *Liquefacta est*, Ad verb-
exiit, extra me fuit præ stupore, valde attonita &
obstupefacta est. *Non inueni*. supra cap. 3. offendit
citius, statim videlicet post custodes pertrâsitos.
Hic tardius & post diurnam quæritationem.
Nempe secunda iustificatio eget maiore conatu
& studio, quàm prima. Immodò prima est merè gra-
tuita, & absque vllis præcedentibus operibus.
Quare illic se de repente obtulit, hîc minimè.

7 *Et*. In Fonte maior vis. Nam illic cuncta sunt
Asyntheta, Percusserunt me, vulnerauerunt me,
abstulerūt peplum meum seu velum, vel, ex No-
stro, pallium. Eo autem intelligitur velum mo-
destiæ, patientiæ, deuotionis, vel puritas doctri-
næ. Nam per custodes accipe Pseudoprophetas
& hereticos, vel tyrannos qui corpora & corda
grauissimè percellunt. Hinc Abben Ezra An-
tiochum & similes ei reges intelligit, R. Selomo

Nabugdonosorem & eius copias.

8 *Dilectum meum*, prop. Amorem meum, delicias meas, per Auxesim. *Et nuntietus*, emollivit interrogationem Hebraicam. Quid indicabitis ei? Post quam sibi ipsi respondet, Quòd amore langueo.

9 *Ex dilecto*, præ dilecto, præ aliis dilectis, extra, ultra alios dilectos. Hebraismus, quo præp. *Ex*, siue ꝑ *min* inseruit comparationibus. Quid habet Dilectus tuus eximij, præ cæteris, quia sic adiuras nos, quas notas excellentiores & præstantiores, ut cum à cæteris internoscamus & distinguamus?

10 Occasione sumpta ex interrogatione Sioniarum, pingit notis certis suū Dilectum, primū in genere, deinde per partes & membra decem præcipua. In genere candidus est & rubicundus. Nam hæc duo iuncta faciem adolescentis reddunt pulchriorem. Cādidus miserationibus, rubicundus irā, Dum probos bonis, improbos malis afficit. Quantum ad litteram depingit Sponsum perfectū, omnibūque virtutibus decoratū. In genere est *candidus* totus, sinceris moribus, candidis, sine hypocrisi & fūco. *Rubore pulchre suffusus*, totus pudens, & modestus. *Eximius præ millibus*, inter adolescentes bene moratus & conspicuus magnis virtutibus & rebus. In specie. Est *capite pure aureo*, i. sapientissimo. 2. *Comis densis & nigris*, non fucatis, non mollibus, & effæminatis, sed virilibus & rigidis. 3. *Oculis Columbinis*, pudicis & castis. 4. *Genis aromaticis & pigmentatis*, suauibus, mitibus, non tetricis, non sæuis. 5. *Labiis distillantibus myrrham*, fundentibus verba myrrhea, incorrupta, non lasciua, non vana & fluxa, non lu-

brica. 6. *Manibus tornatilibus aureis*, plen^{is} hyacinthis, industriis, negotiosis, actuos^{is}, plen^{is} bonorum operum, non pigris, huc illuc se versantibus ad labores, studia, negotia. 7. *Ventre eburneo, tecto sapphiris*, puro, continenti, temperato & prop^{er} cœlesti, patiēte inedia. 8. *Cruribus marmoreis, fundatis super bases aureas*, diligētibus, sedulis ad præclaras exercitationes & labores, nunquam se fatigantibus bene agendo. 9. *specie Libani & Cedrorum*, consuetudine suavi, cōversatione facili, florente & iucunda. Quantum ad mysterium, iam illud figillatim per singulos versus patebit. *Electus è millibus*, præ millibus. Numerus certus pro incerto. prop. vexillatus de Myriadibus, siue decem hominum millibus. Nempe quia tot stipatur, quali vexillum habens, quod decem hominum millia sequantur, vel quia insignis est max^{ime}. nē inter decem millia. Hebræi ad priorem sententiam pertinere volunt illud Dan. 7. Decies centena millia ministrabant ei. Est enim Dominus exercituum. Ad posteriorem Noster suam versionem deflexit.

11 Particulatim per membra incipit Sponsum describere. Pellucet, pretiosum purumque est eius caput sicut aurum optimum, quod *paz* siue obrizum appellant, inter cunctas auri species purissimū, & sapientiæ, omnisque pretiositatis symbolū. Cinnam^{is} est decorus & spectatus præ nigrore rutilāte, nec canis asperso. Per caput Christi Nostri intelligunt diuinitatē eius, per capillos multitudinem gratiarū & perfectionum redundantem in humanitatem ex ipsius diuinitate, ut è capite. Paulus etiam ait Deum Patrem esse caput

Christi, Abben Ezra thronum gloriæ & maiestatis. *Sicut elata Palmarum*, Elatae tenera Palmæ germina ex Hefychio. His comparat comas siue cincinnos Sponsi ob densitatem & rectitudinem. Sant, inquit, densi, non rari, recti, nō fluxi & dissoluti, quales spectantur in cerebro malè, affecto pituita & humoribus diffuēte. Tallalim, acerui propriè, id est, comæ eius sunt densæ aceruorum instar. *Nigra*, Capillos cōmendat à nigrore Coruino & rutilante, nullo candore asperso, vt illius temporis iudicium erat. Sic Flaccus laudat

 Spectatum nigris oculis, nigróque capillo.
Et alibi,

 & nigro crine decorus.

Quod etiam argumentum est fortitudinis & virilitatis. Cinnini, inquit, eius sunt nigerrimi, fortes, viriles, vt in virili & florenti ætate incorrupti, nullis canis aspersi, sicut coru⁹ pluma niger tima præditus, sine vlla candicatum pēnarū aspersione. Multitudo gratiarū & perfectionū Christi nigerrima est absque vlla canitiei aspergine. i. in suo perpetuo incōprehēbili statu, vigore, flore. Christus heri & hodie ipse & in sæcula. Heb. 13. idē ipse est perpetuó, idem semper permanet nunquā veterascit, anni eius non deficiunt. Heb. 1. & Psal. 102. Est autem nigror, vt caligo & tenebræ, in quibus Deus inhabitare dicitur, incomprehēibilitatis Symbolum quemadmodū Dionys. de cælesti Hierar. tractat.

12. Per oculos perspicaciam & acre, subtilēque iudicium Domini, aut eius quoque commiserationem, benignitatem, providentiam intellige, propter quam apud Zach. cap. 4. & Prou. 13. Oculi

Domini dicuntur vbique intueri bonos & malos, ac vniuersam terram. Eos commendat à candore lacteo, nempe quia quum oculi duæ sint partes, vt docet Arist. lib. 1. de historia animalium, vna candida, altera nigra, ille est longè pulcherrimus, qui quamque partem suo colore insigniter tinctam habet. Nam pupilla glauca vel hircina, & candor oculi obscurus vel mixtus pulchritudini plurimum detrahunt. Quòd similes dicantur columbis siue columbarum oculis respicitur ad simplicitatem & castitatem. Oculi hi loti sunt lacte, quia sunt candidissimi & maximè sinceri, siti iuxta fluentia plenissima, quia rigantur largiter humore suauis cristallino ad fouendam & conseruandam aspectus acrimoniam, vel iuxta alios, collocati super impletionē. i. in inclusione sua & tanquam pala seu concauitate, quoniā nec nimium extant, nec nimis depressi sunt. Verbum enim implendi apud Hebræos, sæpe dicitur de inclusione gemmarum & pala, in quam gemma immittitur. *Columba*. Nominatiuus pluralis, vt Heb. *tonim*. i. vt columbarum oculi. *super riuulos*, iuxta, ad riuos. Nam colubæ frequentant aquas, eisque delectantur. Quo Hebraismo Ioan. 4. Iesus sedebat supra fontem, id est, iuxta, ad fontem. *Quæ*, quarum oculi sunt loti lacte, id est, candidissimi & quasi lactei. tam puri & candidi, quā si essent loti lacte. *super fluentia plenissima*, interpretatur hæc Hebraica, *super plenitudinem*, aquarum videlicet. Nam Columbae aquas intuentes pulchriore & lætiore sunt oculo. q. d. Oculi eius sunt candidi & læti, non tristes, tetrici, sicut Columbarū ad aquas sitarū, quarum tum oculi

sunt latiores & pulchriores propter aquæ siue refocillationem siue reflexionem. Et sic R. Selo-
mo intellexit. Nam mysticè exponit super pleni-
tudinem orbis, quòd perlustret Dominus oculis
æquis serenisque totum orbè. Aquæ passim sunt
huius instabilis & fluxi mundi Symbolum Alij
non ad plenitudinem aquarum, sed annulorum
referunt. Oculi eius nec nimium procurrunt, nec
nimis profundatur, sed sunt sicut gemmæ positæ
in suo orbe & plenitudine. Quod hîc dicitur, *Loti
lacte & resident super plenitudinem*, Hebræi referunt
ad oculos, Nostri ad Columbas, unde legût *Lota*.
Sanè ad virosque pertinet. Nam & oculi tam
Sponsi quàm Columbarû sunt lactei & siti iuxta
plenitudinē aquarum vel palatû, eo sensu quem
explicavi. Sed melius Noster, id est, melius *lota*
quàm *loti*, & *sita* quàm *siti*. Quoniam Salomon
solet ad comparationes Epitheta referre, non au-
tem ad res comparatas, vt doceat cuius causa &
respectu similitudinē afferat, & quòd eam restrin-
gat. Alioqui omnis vaga similitudo claudicat.
Postea autem facillimè ad rem comparatam &
assimilatam reducitur.

13 Genæ Sponsi siue malæ sunt suaves, & plenæ
confertæque gratiis & virtutibus, vt aromatum
areolæ, & turriculæ, siue pixides pigmentorum
(Gall. *boetes de senteurs*) suauibus odoribus. Labia
eius fundunt dulcedinem, veritatem, immortalita-
tē, iuxta illud, Verba vitæ æternæ habes, secun-
dum Myrrhæ proprietates, amaræ quidem vt ve-
ritas, at vtilissimæ ad odores, & ad conservanda à
putredine corpora. Per Geuas Hebræi quidem
ferè intelligunt duas diuinæ legis tabulas, sed nos

rectius pudorem, honestatem, modestiam vitæ,
mansuetudinem, suauitatem consuetudinis siue
conuersationis Christi, quæ omnia apparent in
genis. Infra oculos, inquit Plinius lib. ii. cap. 37.
malæ, tātum homini, quas priscei genas vocabāt.
Ibi ostenditur pudor. *Tam suauis*, modesta, man-
suetæ vitæ, tam dulci consuetudine & verecundia
fuit Christus, vt de eo Esaias scripserit cap. 42.
Non clamabit neque audietur vox eius foris, Ca-
lamum quassatum non conterer, & linum fumi-
gans nō extinguet, In veritate educet iudicium,
non erit tristis neque turbulentus. Hinc cap. 53.
eum comparat oui, etiam eo tēpore quo ad cæ-
dem ductus est. & in Euangelio nunquam iracū-
dè locutus deprehenditur, nisi quando zelus Dei
eum comedit & immutauit, Ioan. 2. Hęc eius vitæ
areola est aromatum, & pixis pigmētorum, quasi
cornucopia omnium virtutum & perfectionū.
Per labia verba eius atque eloquia, quæ tam sua-
uia extiterint, vt in communi colloquio neminē
vnquam offēderit, cunctis non malignē affe-
ctis placuerit. Comparantur Myrrhæ, fortasse
quia fundebant veritatem, quæ amara est impro-
bis, vt myrrha. Aliud sequitur Abben Ezra, &
ista duo refert ad duo Angelorum genera. Ge-
nas ad *Sarē hispanim*, principes, qui nunquam
discedunt à Dei vultu. Labia, ad *hammalachim*
hasselluhim, Angelos administratorios, qui ad ho-
mines mittuntur, & per quos, tanquam per labia,
loquitur. Quaratione D. Dionys. in cælesti Hie-
rarch. è Daniel. 7. alios semper assistere Deo, alios
foras mitti docuit. Denique Abben Ezra cuncta
hæc Sponsi membra, vel ad aliquā Dei virtutem,
conditionem

conditionem, operationem, vel ad naturæ opera transfert, cum alij, vt R. Selomo, ad Ecclesiæ mysteria. *Confite à pigmentariis.* In Hebræo altera est similitudo, *Turricula pigmentorum.* i. genæ illius sunt flores crescentes instar turriū, è quibus fiunt pigmenta, quibus fortasse in genis respōdent pulchri pilorum flocculi, in illis succrescentes. Nam gena est pars illa faciei exterior rotūdula, quæ barbam emittit, Gall. *Toue.* Nec disputandum an non vox Heb. *Lehhi* propriè significet maxillam siue mandibulam. Nam vtramque vultus partem significat pro loci commoditate, & tam latè patet quam apud Latinos mala, quæ apud Cicero. de Orato. Maxillam, partē illam oris, qua mādimus, designat, imò è maxilla, ad Euphoniā dūtaxat, contracta est, vt Ala ab axilla, Palus à Paxillo, velum à vexillo: Et apud Plin. lib. 11. cap. 37. Genam, quæ emittit barbam. Malas, inquit Plinius lib. 11. cap. 37. infra oculos Prisci genas vocarunt. Sic *Lehhi* mandibulam Iud. 15. Genam lamenta. i. ver. 2. & supra cap. 1. apertè, imò & per totum hoc Canticum. Quòd autem genas hīc compareret turriculis pigmentorum, potiùs quàm mandibulas, apparet ex eo, quòd genæ, non mandibulæ, turricularum speciem gerāt, vt proinde malas eas Latini appellarint, quòd rotundam mali speciem præ se ferant. Vnde & cap. 4. suprā Salomon illas cum fragmine mali Punici contulit. Quòd fortasse respexerunt hi, qui Turriculas hīc thecas siue pixides odorum interpretantur. Sed malo vt alludat ad Topiarios. Veteres enim in hortis suis varias figuras deliniabant, & huic rei præficiebant, quos Latini topiarios appellarūt. Ita ergo

fortasse pigmenta disponebantur. Iudicat Christū multis abundare pigmentis, suauitatibus & consolationibus.

14 Manus Sponsi, opera eius. Vnde ab Arist. vocantur organum organorum. Nam manus plura & magis varia opera efficit, quàm vllum organum siue instrumentum. Quin & omnia organa fabricat. Illa autem Sponsi opera sunt pretiosa, verè aurea, siue considerentur humana siue diuina. Nam humana erant in infinitum meritoria propter infinitam Personæ dignitatem & excellentiam. Diuina plena erant miraculorum & virtutum, erant salutaria & consolatoria non tantum hi, quibus exhibebantur, sed & omnibus nobis. Nam per ea confirmati sumus in fide, agnouimus omnipotentiam Dei, maiestatem & gloriam Messiae, &c. Vtraque abundabant annulis aureis, & hyacinthis, quoniam pretiosissima, præsertim eæ, quibus redempti sumus. Non enim redempti sumus auro corruptibili, sed ipsius sanguine, quibusuis annulis aureis & gemmis pretiosiore. *Venter*, siue viscera, amor quo nos est prosecutus. Illa nitent in modum eboris tecti sapphiris cæruleis, qui cæli est color, quoniam eius erga nos amor primum instar eboris est candidissimus, purissimus, sine fūco, pretiosissimus: deinde cœlestis & varius, ut distinctus rectusque videatur sapphiris, cærulei cœlestisve coloris notis punctisque, quibus decoratur saphirus. Alij intelligunt interiores & arcanas cogitationes Domini, quæ sunt variæ & purissimæ. Cogitationes meæ, inquit apud Esaiam, cogitationes pacis, & non afflictionis. *Tornatiles au-*

rea, tornatæ & circumdatæ annulis aureis. Vnde in Fonte, Orbes (annuli) aurei. Metonymicè, ornatae tot annulis aureis, vt nil quàm orbes circuliq̃ aurei putentur. *plena*. Verbū *implendi*, apud Heb. enuntiatur de inclusione Gemmarum, siue de concauitate annulorum, quatenus impletur gemmis, vt notauit versu 12. Manus eius abundāt annulis, in quorum palis inclusi sunt hyacinthi, aliue lapilli pretiosi, quicunque tandem illi sint, quos Hebræi vocant *Tarsis*. Nam quales illi sint adhuc quæritur. *Venter*, viscera prop. quorum capedo est venter. Interiora eius sunt firma, non fluxa, non obnoxia pollutionibus, carnisque motibus, vt ebur. *Eburneus*, nitor eboris, duobus vocabulis in Fonte. *Distinctus*, tectus, ornatus sapphiris, variegatus punctis sapphiri cœruleis. In Fonte non construitur cum *venter* siue *viscera*. Viscera eius sicut nitor eboris tectus sapphiris, vel, vt referatur ad Ebur, tecti sapphiris. At idem est sensus, dum quod in comparatione dictū est, postea debet ad comparatum aptari, vt supra docui vers. 12. Sapphirus autem genus est lapidis preciosissimi in Scriptura. Quare non videtur esse noster vulgaris, vt qui non sit valdè pretiosus, sed grandis, crassus, obscurus.

15 Crura, robur, vires in suscipiendis laboribus, sedulitas, quā in fungendo concionandi munere adhibuit, & quotidie per suos adhibet. Non fatigatur, inquit, agendo, consolando, patiando, euāgelizando, peragando pagos, castella, vrbes, regiones ad euāgelizandum, miracula patrāda, & lucrandas Deo animas, adeo vt crura videatur habere marmorea, fundata super fumas & pre-

triosauri bases. Origenes simili tropo appellatus est adamantius, quasi esset inuictus & adamantino pectore, non succumbente laboribus loquendi, scribendi, docendi, exhortandi, disputandi contra paganos, hæreticos, philosophos. *Species eius ut Libani.* Epiphonema summam proponens tanti adolescentis præstantiæ. Tota eius species ut Libani viridis, florens, procera, dulcis, iucunda, & amœna. Nam hæc omnia spectantur in saltu & nemore Libani. Abben Ezra refert ad admirabilitatē. Tota eius species est admirabilis qualis est Libanus. Quo plus cernitur, eo maiorem excitat admirationem & mirabiliores sui amores. ut in Libano quo quis interius progreditur, magis ac magis admirabiles spectat arbores. Per speciem siue aspectum intelligit opera Domini, in quibus ipse cernitur Rom. 1. Nam in eis omnibus est Dei vel imago vel vestigium. Nos totam Domini personam, cunctasque qualitates nobis cognitās. Nam מַרְחֵ מַרְחֵ species, aspectus, res visui obiecta, ut Exod. 3. Videbo visionem hanc magnam, i. flammam ardentem in rubo, nec eum consumentem, oculis meis obiectam. Sic hoc loco aspectus id, quod videtur in Sponso, non quo videt Sponsus. Species eius, hominum oculis obiecta tota est mirabilis. *ut Libani, species.* Alij in nominatiuo vertunt, *ut Libanus*, qualis cuiusve speciei, formæ, præstantiæ est Libanus. Eodē perpetuo sensu. *Electus*, egregius, eximius, erectus. *ut cedri*, propter magnitudinem robor, staturam.

16 *Guttur.* Hebr. per Auxesim palatum eius dul-

cedines, id est, mera dulcedo, quàm dulcissimum, quàm suauissimum. *¶* In *hæc* prop. palatum. Arg. *ga-* *ron* guttur. Quantum ad sententiam nihil admodum refert. Nam perpetuò verbum Sponsi significatur, quouis melle dulcius, purum afflictarum animarum solatium. Idque quoniam utroque instrumento articulata vox perficitur, sed suavius palato, quemadmodum literæ Hebræorum palatinæ sunt gutturalibus multò suauiores. Alia humanæ siue articulatæ vocis instrumenta sunt tria, lingua, dentes, labia, quæ proinde etiam metonymicè accipiuntur pro verbo, sermone, loquela, præsertim lingua & labia. Appellatur igitur, etiam hîc palatum siue guttur verbum Sponsi & orationem. Illud est dulcedines. Nam quid (inquit R. Selomo) dulcius quàm Lex & Prophetæ, quorum hæc est summa. Nolo mortem peccatoris, sed ut convertatur & viuat. Quod pertinet illud Esaiæ, Omnes sitientes venite ad aquas, properate, absque argento emite, comedite, bibite vinum & lac. Immò totus Esaias, præsertim à cap. 40. ad finem usque, quæ idcirco pars à veteribus Rabbiniis inscribitur liber *Nehhamoth*, consolationum. Sic in Evangelio, Venite ad me omnes qui laboratis & onerati estis, & ego reficiam vos. Discite à me quia mitis sum. Et sanè Evangelium, id est, Christi vox & oratio multò Lege & Prophetis dulcior. Nā tota est de iustificandis hominibus, de adoptandis, de eorum remittendis peccatis, de vita æterna eis danda, de alliciendis ad regnū Dei, de consolandis in hac vita, de liberandis à malis &

GENEBRARDI IN

afflictionibus, de iuuandis, augendis, ornandis,
dirandis, &c. *Desiderabilis*. in Fonte alia Auxesis.
Totus est desideria, id est, expetendus & deside-
randus modis omnibus. *Talis*, Conclusio per
Epiphonema. Ille est Dilectus meus, his notis &
signis à vobis dignoscetur & distinguetur à cæ-
teris



CAP. SEXTI ARG.

Se & sua vicissim describunt & efferunt.

SPONSA.

1 Dilectus meus descendit in hor-
tum suum, ad areolam aromatum, vt
pascatur in hortis & lilia colligat.

2 Ego Dilecto meo, & Dilectus
meus mihi, qui pascitur inter Lilia.

SPONSVS.

3 Pulchra es amica mea, suavis & de-
cora, sicut Hierusalem, terribilis, vt
castrorum acies ordinata.

teris. *Amicus, socius propriè.*

17 Hæc interrogari in malam partem putat R. Selomo, intelligens per filias Hierusalem exteras nationes. Rectius Nostri in bonam, de particulare Ecclesiis, quæ cum Catholica se iungunt, ut Christum inveniunt & nanciscantur.

SPONSA.

1 *Suum reuifens hortulum,
Ad areas aromatum
Dilectus ille transiit.
Illic ubi lectissimis
Sepascit horti fructibus,
Et cana carpit lilia.*

2 *Sum tota prorsus illius,
Ut ille totus est meus,
Qui septa captans florea
Sepascit inter Lilia.*

SPONSVS.

3 *Es Tirsa pulchritudine,
O Sponsa quam perdisigo!
Es suauitate Sollyma,
Es & reformidabilis,
Ceu ordinatæ copię
Strictis cluentes ensibus.*

4 Auerte oculos tuos à me, quia ipsi
me auolare fecerunt. Capilli tui sicut
grex Caprarum, quæ apparuerunt in
Galaad.

5 Dentes tui sicut grex ouium, quæ
ascenderunt de lauacro, omnes ge-
mellis foetibus, & sterilis non est in
eis.

6 Sicut cortex mali Punici: sic genæ
tuæ absque occultis tuis.

7 Sexaginta sunt reginæ & octogin-
ta concubinæ, & adolescentularum
non est numerus.

8 Vna est Columba mea, perfecta
mea. Vna est matris suæ, & electa ge-

- 4 Tuos ocellos paululum
Hinc in latus conuertito:
Nam me retrorsum transuehant
Horum micantes flammulae.
Vtrinque cernam splendidos
Tui capillos verticis,
Quali pilo nos cernimus
E pastione Gallaad
Greges redire capreos.
- 5 Cernam gemellos dentium
Iunctos & albos ordines,
Quos ritè, tonso, dixerim
Pares bidentum velleri,
Quæ cum gemellis partibus.
Aqua nitente prodeunt,
Secum nec orbam sustinent.
- 6 Quali rubore cortices
Mali videntur Punici,
Tali genas cernam tuas,
Præter capillos flexiles,
Quos stringis intrò coccinis.
- 7 Sunt Sollomoni regie
Et sexaginta coniuges,
Et octoginta pellices,
Et mille plusquam virgines.
- 8 Mihi sed astat vnica,
Quam præter, odi ceteras.
Columba simplicissima,

nitrici suæ. Viderunt eam filia, &
beatissimam prædicauerunt: Regi-
næ & concubinæ, & laudauerunt
eam.

9 Quæ est ista, quæ progreditur
quasi Aurora confurgens, pulchra vt
Luna, electa vt Sol, terribilis vt ca-
strorum acies ordinata.

SPONSA.

10 Descendi in hortum nucum, vt
viderem poma conuallium, & inspi-
cerem si floruiſſet vinea, & germinaf-
ſent mala Punica.

11 Nesciui, anima mea conturbauit

*Amica, coniux & soror,
Perfectione nobilis,
Suae parentis unica,
Matri suae lectissima.*

*Hanc conspiciat Virgines
Dixere felicissimam.*

*Hanc imperantes foeminae,
Hanc concubinae regiae
Dignis tulere laudibus.*

9 *Hac, oro, quanam est, inquiunt,
Ut clarus, ardens, Phosphorus.*

*Ut Luna, formosissima,
Ut Sol nitens, lectissima.*

*Splendore mundum territans,
Ut ordinatae copiae
Strictis cluentes ensibus.*

SPONSA.


10 *Inlandis hortum transij,
Vertente veris tempore,
Ut poma se promentia
Hinc inde laetis vallibus
Soluta curis cernerem.*

*Et conspicerer sedula,
Num vitis ultro germinans
Gemmae tumentes truderet,
Num parturirent flosculos
Mali rubentes Punicae.*

11 *Illuc gradu tam praepete
Me cogitando contuli,*

me propter quadrigas Amminadab.

12 Reuertere , Reuertere Sullamithis , reuertere , reuertere , vt intueamur te.



C O M M E N T A R I A

I N C A P . V I .

Respondet Sponsa puellis , quærentibus quò esset profectus Dilectus ille tanto-
perè celebratus , tot laudibus & orna-
mentis insignitus . nempe *in hortum suum* . i . in se-
dem Ecclesiæ , in locum religionis , ad Ecclesiam
ipsam , quam cap . 4 . horti vocabulo affecit . Extra
Ecclesiam Christus non conuenitur . Vnde R . Se-
lomo per hortum intelligit templum , per Aro-
mata Thymiamata , quæ in templo adolebantur .
vt pascatur in hortis , vt pascat se in Ecclesiis singu-
laribus , & colligat lilia . i . sancta opera , eaque pro-
bet & remuneret . Aliqui actiue per Eclipsim .
vt pascat oues suas , in hortis .

2 *Dilecto* . Hebraismus , Dativus pro genitiuo in
possessionibus . Nam *Lamed* articulus propriè da-
tīui casus , quando significatur possessio , fit geni-
tiui . Ego sum Dilecti mei , ad Dilectum meum at-
tineo , me ille totam sibi possidet . *mibi* . i . meus est .
Nam

Vt nescientem traxerit
Memens procul, celerrimis
Velut quadrigis, qualibus
Nomen dedit Gamminadab.
 12 *Donec reducor in viam,*
Retrò loquentum vocibus.
O Sullamithis restita,
Redi, rogo, redi, redi,
Nobis videndam te dato.

Nam sumitur per superiorem Hebraismum possessiue. Vicissim Dilectus meus est planè meus, ad me omnino attinet, illum ego totum possideo, ut ad aliam nunquam sit diuersurus. *pascitur*, pascit propriè per Eclipsim Accusatiui. Pascit se scilicet, vel oues, ut sup. versu. Cætera, cap. 2. v. 16. Vbi hic versus occurrit, sed transpositus.

3 *suavis*, Heb. Ketirsa, sicut Tirsa (vrbs de qua post) & appellatiue, sicut suauitas, gratitudo, beneplacitum, sicut res grata & accepta. Posteriore modo, ut sit appellatiuum Nostri intellexerunt, ut & 70. *ὡς εὐδοκία*, & ex Hebræis R. Salomo. Quod Chaldeus sequitur, dum sic interpretatur. Pulchra es hodie tempore secundi templi, sicut accepta fuisti olim tempore primi. Et sanè Tirsa tempore Salomonis non videtur fuisse tantæ pulchritudinis & gloriæ, ut ei comparari potuerit Ecclesia. Nam eam consecuta videtur post mortem Salomonis & scissum eius regnū, dum illam

Ieroboam & reliqui reges Israel, vsque ad Amri patrē Achab ornauunt, & metropolim capūque regni decem tribuum cōstituerunt, conati æquare Hierosolymā, in qua erat sedes regni dauidici, siue duarū tribuum & cathedra religionis. Priore modo, vt sit propriū vrbis, alij. Tirsā autem regia erat Regum Israel ante Samariam, ad id electa ob pulchritudinem & amœnitatem, 3. Reg. 14, 15, 16. Sic Ierusalem longē pulcherrima vrbium Orientis, inquit Plinius lib. 5. Nat. hist. cap. 14. vrbis perfecti decoris, Lament. 2. velut caput in corpore emīnens, splendidisque ædificiis, sicut Sol præ cæteris lucens, Ioseph. 3. belli, c. 2. Denique Ecclesia ei comparatur, quod multis ornamentis per totū Orientem fulgeret, ciuitas Dei electa in domum sacrificij, & sedem religionis, 2. Par. 7. sancta, gloriosa, fundata in montibus sanctis, Psal. 47. & 86. Matt. 4. & 5. loci eminentia, cæli solique fœlicitate cunctas mundi vrbes superans, orbis veluti vmbilicus, centrum, miraculum, gaudium vniuersæ terræ, Ezech. 5. & 38. Ps. 73. & 47. à Dauide metropolis regni & religionis constituta, à Salomone aliisque Regib. Iudæ amplificata, validissimis portis, turribus, muris, fossis, tēplo, palatiis munita, loci situ tuta, velut terrenus paradysus, Ioseph. lib. 1. contra Appionem, lib. 1. belli, cap. 13. lib. 3. 6. & 7. & c. lib. 8. Antiquit. c. 2. Strabo lib. 16. Geog. circuitu quinquaginta stadiorū, & fossa in lapide excisa sexagenūm pedum profunditate, ducentorum & quinquagenūm latitudine. Ibid. habitatio Prophetarum, Christi, Apostolorum, sanctorum præcipuorum veteris Ecclesiæ, typus non modo in terra mili-

tantis, sed & in cœlo triumphâus. Apoc 21. Tob. 13. Heb. 13. *Terribilis*, formidabilis procis & impuris, gravitate & maiestate terrorem æmulis incutiens. *vt castrorum acies ordinata.* Doctè. Ad Verb. vt vexillata, sup. castra. Nam Rabbini docēt subaudiendum substantiuum cōmodum *מנוח Mahanoch.* vt copiarū vexillis ductæ & collectæ in ordinem. Hic observa mulieris præcipuas virtutes, venustatem & suauitatem erga maritum, erga reliquos maiestatem.

4 *A me.* propriè ex aduerso mei, Gall. *de deuant moy.* A conspectu mei aufer, circumduc, retrahere oculos tuos: Nam ea es oculorum pulchritudine & luce, vt meos perstringas, tuisque cogas cedere. Anthropopathos de summa eximie pietatis vi, vt à Deo omnia extorqueat. Sic Iacob in lucta præualuit Deo, indèque nomen Israelis est consecutus Gen. 32. Sic Moyses in iudiciis, quæ Deus exercere statuerat contra populum Exod. 32. *Me auolare fecerunt,* prop præualuerunt mihi. Describitur encomium Ecclesiæ, vt supra initio capitis quarti, paucis immutatis. Nec alienè putant encomium illud pertinuisse ad Ecclesiam veterem, id est, Synagogam, hoc ad nouam, id est, nostrâ. Vtraque habet eadem membra & iisdem notis illustria. Quoniam eandem fidem, eandem gratiam, promissionem, expectationem, doctrinam, religionem. Oculi eius sunt sincera pietas & fides, vel pij pastores & doctores. Capilli, multitudo fidelium.

5 Dentes candidi, omnes suo officio fungentes, inter quos nullus sit sterilis, id est, inutilis, vitiat & putris, qui in ea sunt firmiores, nec indigēt

lacte, sed cibo solidiore. Hæc etiam commemorata sunt cap. 4. Quibus si iungas laudes Sponsæ attriburas cap. sequenti, percipies (quantum ad litteram) pingi Sponsam perfectam, cunctisque virtutibus & gratiis instructam, vt taceam mysterium per singulos versus & capita sparsim à nobis explicatum. In genere est *pulchra, suavis, & decora sicut Ierusalem*, in qua erat sedes religionis, nempe moribus excellentibus & pietate insigni. *Terribilis vt castra bene ordinata*: nempe seuera, grauis, inuicta, & inexpugnabilis iis, qui tētant eius virtutē & pudicitiam. *Columba, integra, chara parentibus*, ob obedientiam, pudorem, castitatem, &c. In specie *oculis Columbinis*, lætis, pudicis. 2. *capillis intra vittam coccineam inclusis*, non foras eminentibus, non tortis, non fucatis, &c. 3. *dentibus candidis, fungētibus suo officio, non putridis ex gula, intemperantia, otio, &c.* 4. *genis rubicundis, pudentibus, verecundis*. 5. *labiis coccineis*, eloquio dulci, verecundo, pudico. 6. *collo munito honestis ornamentis & torquibus*, vt Turris Dauid clipeis, ne nuditate quenquam vulneret. 7. *uberibus equalibus & succulentis*, ad alendos per se liberos & æqualiter. 8. è sequenti capite, *gressibus pulchris*, pulchro & decenti incessu & *calceis nitentibus*, non lutulentis nimia cursitatione & peruagatione. 9. *femoribus probe iunctis*, non vagis, non luxatis, non dissolutis, & præuaricantibus. 10. *umbilico benè temperato, nunquam indigente potu mixto*, non calente ad libidines & affectus. 11. *ventre, instar acerui tritici, val-lato liliis, & munito niueis*, & suauiter olentibus virtutibus, temperantia, continentia. 12. *naso instar turris respicientis versus Damascum*, acri iudicio, sagacitate.

gacitate, prudentia, procul respiciente ad rem familiarē. 13. *capite eleuato ut mons Carmelus*, ob testimonium rectæ conscientiae, non deiecto & demisso. 14. *Coma ut purpura regia vincta canalibus*, vitris coercita, non pōpaticè ostentata, non extrinsecus torta. 15. *Statura palmea*, spectāte in cœlum, ad illud suspirante, non succumbente oneribus. 16. *Guttur, siue palato, vino optimo simili rectā tendente ad Sponsum*, amabili, se solū suo coniugi cōmunicante. Quæ sunt dotes, quas Deus requirit in probis fœminis, Prou. 31. 1. Pet. 3. 1. Timot. 2. & alibi.

6 Genæ siue tempora, ex occultis comis fulgētia, ad quæ occultata vittis coma propendet, qui pudicitiae & pudori student. In temporibus enim & genis pudor maximè cernitur. *Absque occultis tuis*, absque coma tua, quam occultas vitta coccinea & rubente. Ad verb. præter vel intra comam tuam. Quin & R. Iona vocem *תַּשְׁמָמָה* non *comam*, sed velum exponit, vt Es. 47. quo scilicet pudicæ constringunt suos capillos, ne effluant.

7 *Adolescentularum*, virginum prop. Nam *Alamoth* est plurale singularis *Alma*, quo vsus est Esaias c. 7. Ecce virgo concipiet. Vnde & hîc eas opponit vxoribus regis & concubinis. Solus Kimhi & Rabbinî recentiores cōtendunt vocem illam enuntiare de qualibet puella, siue illa sit virgo siue corrupta. Reginae sunt vxores regiae, quæ assuuebātur non solū ad thorū, verum etiam ad familiam, familiae que opes, iura, communio- nem. Cōcubine autē, siue Pelagim, vxores vsuariae, non dotatae, quæ accipiebantur in vsum thori, sed non bonorum & familiae. Vnde earum si-

liis nō cedebat hæreditas, sed munera. Et sic cuncta quæ possederat Abraham filio Isaac dedit, filiis autem concubinarum largitus est munera, eosque separauit ab Isaac filio suo dum adhuc viueret, Gen. 26. Alluditur autem ad numerum vxorum & concubinarum Salomonis, nisi quòd multò plures ad extremum habuerit, id est, mille: septingentas, videlicet Reginas & trecentas concubinas, 3. Reg. 11. in quo tacitè hîc perstringitur. Ecclesiæ similiter impudicæ & malignæ sunt multiplices. Alij Mahumerani, alij Iudæi, pars Idololatæ, pars Mauri, nonnulli hæretici, quidam semichristiani, & horum omnium variæ familiæ & multiplices. Gentes istorum celebriores pro reginis hîc habentur, aliæ pro concubinis.

8 At vna est sancta, Catholica & Apostolica Ecclesia, quam Deus Sponsæ loco habet: vide Psal. 43. Noster Epiphanius in epilego Panarij hunc locum ita tractat. Reginæ, inquit, sunt quæ iam antea in genealogiam nomina dederunt animæ. Vt enim Regem comitantur multitudines magnæ. Rex autem est caput, sicut cum in corpore multa sunt membra, à capite vnus homo numerabitur, ita ab vno Rege tota multitudo quæ sub Rege est ad vnum reputabitur. Regina autem appellata est generatio in Christo, non quòd omnis generatio regnarit, sed quòd vna quæ agnouit Dominum, per appellationem, viri causa, regiam dignitatem ac ordinē habeat. Verbi gratia, Adam & tota ipsius generatio Regina numerabitur, Principatus autē ipsius & Patriarchatus, qui regnauerunt cum his, qui cum ipso fuerunt, propter cognitionem Dei & propter formationem,

qua formari primus dignus factus est, & quòd primus pœnitentiam ostendit, velut rerum consequentia habet, deinde post hunc Seth & vniuersa cum ipso humana Natura, & Enos, & Caïn, & Malaleel, & Iared, & Enoch, & Mathusala, & Lamet, & Noë, his sanctis ex ordine in numero per generationes enumeratis, quorum numerus apud Matthæum indicatur. Sexaginta enim generationes & Patriarchatus apud ipsum habentur, per nomina præstantiorum virorum, qui cognitionem Dei habuerunt. Ab Adam enim vsque ad Christum sunt generationes 62. quæ hic 60. per compendium numerantur, vt cum 72. stirpes palmarum in lege 70. nominantur. Pellices autem sunt sectæ & hæreses. Ecclesia autem vna est ab vna fide genita per Spiritum Sanctum. Ab Epiphanio non multum abiudit R. Selomo. Nam numerum sexaginta reginarum ad Abraham & eius filios transfert, nepe Ismaëlem cum filiis suis tredecim, Isaac cum duobus Iacob & Esau, Iacob cum filiis duodecim, Esau cum sedecim. Hi enim simul iuncti conficiant sexaginta. Octoginta autem concubinarum ad Noë & generationes ab eo descendentes vsque ab Abraham, vt minus celebres & pias. *Perfecta*, integra. *Vna matri suæ*, vnica est Synagoga. Ecclesiam vnicam Synagoga peperit. Aliæ Ecclesiæ sunt filia concubinarum. i. gentium exterarum & humanarum. Epiphanius matrem & genitricem fidem & religionem veram intelligit, quæ peperit Ecclesiam. *Electa*, pura, eximia, vel chara. *Filia*, aliæ gentes, beatam eam prædicarunt. Nam ex omnibus gentibus multi, immò totæ gentes se ei adiunxerunt. *Regina & concubina*

gentes tam nobiles, quàm ignobiles & barbaricę.
Et laudauerunt eam, dicēdo sup. id quod sequitur.
 Est enim Mimesis Hebræis familiaris per eclipsim
 Gerundij למור. *Lemór.*

9 Inter alia sydera in cœlo fixa, Luna maximè
 noctu perspicua, interdiu Sol: Sic ecclesia in môte
 posita vtroque tempore, tam rerum videlicet ad-
 uersarum quàm prosperarum, quarum symbola
 sunt nox & dies, formidabilis Diabolo & cate-
 ris hostibus, vt vexillata sup. castra. i. vexillis in-
 signia & ducta, vt castrorum acies ordinata &
 instructa, vti Noster interpret eleganter translu-
 lit. Nam Hebræi subaudiūt כחנות castra. *qua*
progreditur, prospectatur prop. è loco edito pro-
 spicitur, vt Aurora magis ac magis augescens, &
 pūcto totum nostrū orbem illuminans. Sic enim
 Ecclesia tam vetus quàm noua à parvis initiis ad
 maxima incrementa progrediēs illuxit toto orbe.
Electa v. Luna, lucens pulchrè in tenebris, pura vt
 Sol diem illuminans, imò & efficiens, vmbraśque
 depellens.

10 De hoc versu controuertitur, cuiusnam ver-
 ba sint, Sponsine an Sponsæ. Hebræi existimant
 verba esse domini, seu Sponsi quærētis, num ager
 suus fructum afferat. Alij, quorum potiozem sen-
 tentiam existimo, verba esse Spōlæ descendētis
 vt videat fructus, qui rigantur in vallibus, torrē-
 tium defluuio, &c. nempe vt videat an Dominus
 secum mysteria sua communicaturus sit, an signa
 salutis, gratiæ, donorum sibi ostensurus sit. vel ve
 videat num bona opera sui ediderint. Hic autem
 noua & quarta est narratio. i. actus quartus & po-
 stremus. Hortus nūcū Scriptura sacra, pietas, de-

uotio, virtus, quorum testa & cortex exterior durus, & amarus, nucleus dulcis ac suavis. Hinc Apoc. 10. & Ezech. 3. Liber amarus ventrem, at in ore dulcis tanquam mel. Aliis est conscientia cuiusque. Sic ferè Abben Ezra, quoniā hunc nucum hortum Synagogam interpretatur vel eius cor. *Poma conuallium*, fructus nascentes in vallibus magna copia propter soli irrigui bonitatem. vox *Nahal* etiam torrentē designat. i. vallem, per quā torrēs, siue hybernum flumen fluere solet, quando liquātur niues, & similia meteora. *Mala Punica*, vel mali Punicæ.


11 Sponsa his verbis describit celeritatem, quam adhibuit in petendo nucum hortu. Cæterum qui hîc vocatur Hamminadab, alias appellatur Hamminadab. Lyranus respexisse ait Salo. ad Amminadab filiū Aram abnepotem Iudæ Patriarchæ. 1. Par. 2. socerum Aaronis Exod. 6. quē Hebræi scribunt ducem fuisse tribus Iuda in exitu ex Ægypto, & primum post Mosē in diuisas Rubri maris aquas ingressum esse citra hæitationem. Fuit & alius Amminadab frater dauidis Regis. 1. Reg. 17. Hypotyposis ergo ardoris & celeritatis est eiusmodi. Me nescientem, non sentientem, aliud cogitantem mens mea tāta celeritate in hortum vel trās hortum Nucum abripuit, ac si fuissem vecta quadrigis, quib⁹ utebatur princeps Amminadab, vel quas adinuenerat. Nōnulli appellatiuè exponunt, pro populo principis, aut etiam pro populo principe per Eclipsim præp. inter, aut alterius commodæ, vel etiam Infi. מִיָּנִי ad effendum, ut esset currus populi principis. i. gentium imperantium. Nam *Am* & cum Iod paragogico *Ammi*

populus, *Nadib*, princeps, magnificus. Sic R. Sclomo, Abben Ezra & Anonymus. q. d. Posuit me anima mea currum & quasi dorsum gentium, vel reuocauit me anima mea ad studia reliquarum gentium, propter splendorem imperiorum. Negligentia membrorum Ecclesiæ ipsam huius mundi potestatibus subiicit & mancipat, adeo vt ab iis multa indignè patiatur. Hoc sequitur Noster interpret, nisi quòd pro nomine proprio accepit *Amminadab*. Propter quadrigas sumptuosas, magnificas & splendidas, quibus celebratus est *Amminadab*. i. vt eis fruerer, anima mea me conturbauit, & ab horto nucum longius abripuit. Propter bona & opes huius sæculi mentis pietas, fides, virtus, tranquillitas perturbatur, & læditur, adeo vt abducti à contemplatione & virtute, versetur in turbis, affectibus & passionibus sæculi, &c. *Conturbauit me* ad Verb. Posuit me anima mea quadrigas *Amminadab*. *Anima*, mēs, mētis ardor, & vehemens cogitatio. Aliqui metonymicè, desiderium & voluntas.

12 Verba filiarum Hierusalem reuocantiū Sponsam tam celeriter per imprudentiam delatam ad rectum horti iter. q. dicant, redi in viam, transis nucis hortum. Hebræorum aliqui verba esse volunt gentium dehortantium Ecclesiam à recto, quod iam cœperat, itinere. Alij Domini inuitantis populum ad egressionē ab exilio. *Sullamithis*, *Sullamith* vulgo interpretantur Hierosolymitanam, patronymicè à Salem, quæ postea dicta est Ierusalem, vt *Sunamith*, & Latinè *Sunamithis*, à *Sunem*, quòd Ecclesiā à Ierusalem ortum accepit. Alij integram, perfectam in fide, vel etiam pa-

cificam appellatiuè vt R. Selomo. Nam *salam* integram vel pacificū esse. Existimarim potius nomen esse Sponsæ. i. Ecclesiæ proprium, non patronymicum, nō appellatiuum, vel certè cognomen defluxum à Salomone, vt quemadmodum Christus Sponsus dicitur Salomon, tanquam pacificus, ita Ecclesia eius Sponsa Sullamith, aut vt in Marco & apud Iosephum σαλώμη. q. Salomonia, Salome, vel Salomonis vxor, & veluti pacifica. Sic ferè videas fœminas dici de viſtorum nomine, genere murato, Paulus & Paula, Ioannes & Ioanna, Iuda & Iudith. Mendosè in aliquibus exempl. Sunamithis, quam lectionè quidam secuti alienè exposuerūt Abisag Sunamithidè vxorem David. 3. Reg. 1. & 2. quam inde colligunt à Salomone in vxorem: tādē acceptā. Reuertere, quater Hebræi in Midras reperitum non solum ad vehementiam, verum etiam ob quatuor monarchias, à quibus Ecclesia vexata fuit, Babylonicam, Persicam, Græcam siue Macedonicam, & Romanam. q. d. Illinc te abripe, redi in portum tranquillitatis. ab istorum imperiorum persecutionibus egredere, & in horrum nūcum quietum tranquillūque retrocede.





CAP. SEPTIMI ARG.

*Virgines Sponsam à membris extollunt, cuiusque
succo & fructibus pasci cupiunt.*

1 Quid videbitis in Sullamithide, ni-
si choros castrorum?

PVELLÆ SIONIAE.

2 Quàm pulchri sunt gressus tui in
calceamentis, filia Principis. Iunctu-
ræ feminum tuorum, sicut monilia,
quæ fabricata sunt manu artificis.

3 Umbilicus tuus crater tornatilis,
nunquam indigens poculis. Venter
tuus sicut aceruus tritici, vallatus li-
liis.

1 *In me Sionis Virgines,
 Quæ Sullamithis nuncupor,
 Quid, obsecro, videbitis?
 Ni forte castrorum choros,
 Qui præcinente classico,
 Cultu corusco conciti
 Suum sequuntur principem.*

PVELLAE SIONIAE.

2 *Quàm sunt tui nitentibus
 Gressus venasti calceis,
 O Regis almi filia:
 Tuae rotundum tam fermen
 Iunctum cohæret tibiæ,
 Quàm bacca paleæ gemmea.
 Opus, peritus, dixerim
 Quod fabricavit artifex.*

3 *Es umbilico prædita,
 Qualis rotundus est calix
 Mixto redundans nectare.
 Ut temperata profluus
 Cunctis in orbem porrigat.
 Es inde ventre purior,
 Quàm sint acerui tritici
 Vbique septi liliis.*

4 Duo vbera tua, sicut duo hinnuli
gemelli Capræ.

5 Collum tuum sicut turris eburnea.
Oculi tui sicut piscine in Hesebon,
quæ sunt in porta filiæ multitudi-
nis. Nasus tuus sicut turris Libani,
quæ respicit contra Damascum.

6 Caput tuum vt Carmelus, & co-
mæ capitis tui, sicut purpura Regis
vincta canalibus.

7 Quàm pulchra es, & quàm decô-
ra, charissima in deliciis.

4. *Habes dicata liberis
Ambo fouendis vbera,
Sibi inuicem simillima,
Quales videntur hinnuli
Duo gemelli Caprea.*
5. *Sublime collum possides
Candore præstans lacteo,
Vt turris hæc eburnea.
Refers ocellis vitreis
Hesbonis undæ balneas,
Quas circinatas affabrè
Prospèctat hæc subselliis
Dicata porta principum.
Assurgit in rectum tibi
Nasus decenter eminens,
Vt turris illa Libani,
Quæ rus Damasci prospicit.*
6. *Corpus caput mox sustinet
Constans, rotundum, coccinum,
Carme leum velut iugum.
Tui capillis verticis
Luces, recens vt purpura,
Quam fullo vinxit principi
In ædium canalibus.*
7. *O quàm venusta denique,
O quàm referta gratiis,
Mea ô voluptas, ô amor.*

8 Statura tua assimilata est Palma,
& vbera tua botris.

9 Dixi, Ascendam in Palmam, &
apprehendam fructus eius, & erunt
vbera tua, sicut botri vineæ: & odor
oris tui sicut odor malorum.

10 Guttur tuum sicut vinum opti-
mum, dignum Dilecto meo ad po-
randum, labiisque & dentibus illius
ad ruminandum.

SPONSA.

11 Ego Dilecto meo, & ad me con-
uersio eius.

- 8 Proceritate promines,
Vt Palma pubens edito
Assurgit alta palmite.
Sic plena præfers ubera,
Sicut racemi vineæ
Dulci redundant nectare.
- 9 Hinc ergo decretum est mihi,
Palmam per istam scandere
Eiusque fructus carpere,
Mammas vt istas sim potis
Sicut racemos sugere,
Nec non tui me pascere
Fragrantis oris spiritu,
Qualem nec vlla suauius
Odora poma funditant.
- 10 Tuis adequas faucibus
Vini Falerni poculum,
Quod recta, amicum, defluens,
Sese bibentem recreat,
Ac dormientum fortiter
Labella fari perdocet.


SPONSA.

- 11 Sum tota Sponsi, Virgines,
Vt ille solam me cupit,
Quem tam potenter diligo.

12 Veni Dilecte mi, egrediamur in agrum, commoremur in villis.

13 Mane surgamus ad vineas. Videamus si floruit vinea, si flores fructus parturiunt, si floruerunt mala Punica. Ibi dabo tibi vbera mea.

14 Mandragoræ dederunt odorem. In portis nostris omnia poma: noua & vetera, Dilecte mi seruaui tibi.



COMMENTARIA

IN CAP. VII.

V Erba Sponsæ respondentis Virginibus. In me, quæ vocor Sullamithis, quali Salome, vel Salomoniam, vel iuxta alios Solymana, siue Hierosolymitana, quid spectabitis blandi,

12 *Dilecte promptus huc ades,
Petamus Agros, frondeis
Pagi moremur in casis.*

13 *Nos manè colles arduos
Lætis dicatos vineis
Visemus, & spectabimus
Vitisne germinauerit,
Florésne fructus truserint,
Florêre iam ne cœperint
Mali rubentes Punicæ.*

*Illic meis amoribus
Tibi licebit perfrui.*

14 *Suaues ibi Circæia
Iam reddidêre flosculos,
Iam poma quæuis dulcia,
Iam delicatos quoslibet
Fructus vetustos ac novos
Ibi repostos colliges.
Nam cuncta dilectissime
Soli tibi recondidi.*

Plin. lib. 15.
cap. 13.

blandi, iucundi, delicati, voluptuosi, pulchri. Me fortasse vultis ad vos redire vobisque videndam dare, relicto meo itinere, ut meo conspectu fruamini, & mecum vitæ deliciis & voluptatibus afficiamini. Atqui nihil in me videbitis, quod vos captantes quietis & tranquillitatis dulcedinem delectet. Nihil in me spectabitis, nisi triste, durū,

seuerum, graue, terrificum, vt in castrorū choris,
 nihil nisi castrensem formam, habitum, vitam, fa-
 ciem tumultuariam, turbulētam, tetricam, mœ-
 stam, terrificam. Mea enim vita est iugis militia
 super terrā. q. d. Nihil in me esse puto, cuius causa
 me tam sollicitē & anxie spectare debeatis. Nota
 Ecclesiæ humilitatem & modestiam, contra Fa-
 stus & Typhos hæreticorum. Ipsa quidem est ter-
 ribilis vt acies castrorum ordinata, vt sup. capite
 dictum est, at præterea spectabilis vt Aurora, pul-
 chra vt Luna, electa vt Sol, & tamen hæc dissimu-
 lat & reticet, illud confitetur & agnoscit, immò
 verò in sui contemptum interpretatur, quod ta-
 men dictum fuerat in laudem. Sic docet mētem
 non esse adiiciendam ad suas laudes & ornamen-
 ta, licet vera, sed ad suas misérias, vitiositates, in-
 perfectiones, peccata. Miseria est in Ecclesia ob-
 noxiam esse perpetuæ militiæ, & conflictari ad-
 uersus carnem, mūdum, peccatum, Satanam, ver-
 sari in perpetuis excubiis, nunquam conquiesce-
 re ab insultibus, motibus, turbis, crucibus, aut eo-
 rum suspitione. Sic Ruth 1. cap. Ne vocetis me
 Noëmi (.i. suauem) sed vocate me Mara (.i. ama-
 ram) quia amaritudine valde repleuit me omni-
 potens. Nihil promittit puellis sese ipsi adiunge-
 re cupientibus, nisi cruces & conflictus carnis &
 spiritus, &c. Hoc sequutus est noster Interpretes.
 Nam ad emolliendam obscuram Fontis subie-
 ctionem, *Tanquam chorum castrorum*, qua ipsa mer
 sibi respondet, doctè vertit, *nisi choros castrorum*,
 nisi turbas militares & binas acies velut in cho-
 ro, ordine procedentes ad committendam pu-
 gnā. Nam *Mahhanaim* dualis est numeri. Sic me
 videbitis

videbitis mulierē accinctam & paratam ad confligendum omni ex parte cum mundo, carne, Satana, non ad delicias & voluptates compositam, mollibus vestitam, &c. Huc quadrat Christi dictum, Matt. 11. de Ioanne Baptista, Quid exiistis videre in desertū. Hominem mollibus vestitum? Ecce qui mollibus vestiuntur in domibus Regum sunt. Alij in laudem Sponsæ, non in humilitatem interpretantur. Me videbitis gravitate quadam castrensi, vt non sit quod me curiosius cōtemplemini, & tanquam chorum *Mahhanaim*, id est, duūm castrorum, qui apparuit Iacobo illic loci, cui id ex euentu nomen fuit, Gen. 32. vel, In me videbitis tanquā chorum castrorū i. cœlestes copias, quæ me tueātur & defendāt, vt olim Iacobū ab Esau occurrēte cum 400. viris periclitātem Ibid. Nam eo videtur allusum. Non desunt, qui putent respondere puellas. Quid spectabitis in Sullamithide. i. in me, quæ Sullamithis vocitor? Tanquam (inquiunt) chorum castrorum. i. te rectè ordinatam, dispositam, instructam & ornatam. Quod postea declarent enumeratione singulorum membrorum. Pedes tui, &c. Malo, vt ipsamet sibi per Subiectionem respondeat, cum nostro Interprete. Abben Ezra in Recto casu intelligit. *Tanquam chorus castrorum*. O vos quæ adestis velut duæ acies paratæ ad concurrendum.

2 Verba virginum excurrētium in laudes Sponsæ per enumerationē membrorum, propter quæ spectatu & admiratione digna sit, contrario ordine ac Sponsus, cap. 4. & 6. Nam progrediūtur à pedibus ad caput & capillos, quoniā Sponsus respicit interiora, Homines exteriora. i. opera,

quoddam de interioribus indicare non possint nisi per posteriora. Non tam rectè aliqui putant esse verba Sponsi, Gressus cum calceis celeritatē vocant, quam Apostoli & Apostolici adhibent in denunciando Euāgelio. Illi enim sunt velut gressus seu pedes Ecclesiæ, ex Esa. 52. & Eph. 6. Alij, opera & actiones. Femora siue femina referūt ad generationem, qua multos genuerunt Christo. Et certè Elias in Tisbi, scribit *וַיִּפְּסֵם* *femur, semen*, summi, pro ea parte hominis, in qua procreandi vis inest. *Gressus*, incessus, passus tui. Aliqui metonymicè exponunt Pedes. *Filia principis*. Dei omnipotentis. *Iunctura*. Alij circuitus, ambitus, vertebræ, latebræ. Rectiùs Noster. Ut monilia artificiosissimè iunguntur & conferuntur, ita femur tuum mirificè & affabrè iunctum cohæret suæ tibie & pedibus. Conuersi & geniti Christo conueniunt mirabiliter cum Apostolis & Apostolicis. Est maxima coniunctio & consonantia inter Apostolos & prolem spirituales Apostolorum. Quod opus est opus manuum artificis. Nam hîc peculiariter eluxit Spiritus Săcti industria & ars, citra quam labor gressusve Apostolicus inanis extitisset. *Quæ fabricata*. In Fonte est appositio epiphonematica, sicut monilia (appositorie) opus manuum artificis.

3 Umbilicus Ecclesiæ, est medium eius, nempe terra Sancta, vel etiam Ierusalem. Ea enim est in terræ Sanctæ atque aded orbis rotius medio, seu centrum & umbilicus terræ, à qua rāquam à centro Apostoli Euāgelicam prædicationem in vniuersum terrarum orbem diuulgauerūt. Ezech. 38. Hæc dicit Dominus Deus. Ista est Ierusalem, in

medio Gērium posui eam, & in circuitu eius terras. Ps. 73 Deus autem Rex noster ante sæcula, operatus est salutem in medio terræ. Tob. 13. Nationes de lōginquo ad te venient, & munera deferentes adorabunt in te Dominum. *velut* crater tornatilis siue rotundus nunquam indigēs mixtis poculis. i. vino diluto & temperato, quia in orbem & circumquaque per omnes mundi partes potionem Euāgelicam ab Apostolis mixtam & temperatam cōtra legis violentiam, duritiam, rigores distribuit. Ex Sion enim exiit Lex, & Verbum Domini de Ierusalem, Esa. 2. & Mich. 4. vt proinde Sion appelletur mater Ecclesiarum à D. Iacobo in liturgia, & gaudiū vniuersæ terræ, Lament. 2. Umbilicum omnes linguæ appellant cuiusque rei medium, quoniam ligamentum illud intestinorum mediam ferè vētris planitiem obtinet. Hinc Cicero Ennam, ymbilicum Siciliæ, Horatius Delphos orbis, Reatinum lacum Italię Plinius, locum quendam Crete *ὀμφαλὸν* Callimachus appellant. R. Selomo refert ad doctrinam Concilij. siue Synedrij magni, centum habentis iudices, cuius sedes erat Ierosolymis terræ Sanctæ ymbilico siue medio. Hoc modo referamus ad nostra Cōcilia in medio Ecclesiæ celebrata. i. palam, publicè, in omnium cōspectu, intra ipsam, vt ex omnibus partibus eò conueniri possit, tanquam ad centrum. Eorum confectus est veluti crater rotundus, quo in omnes partes æqualiter propinent potum à se temperatum contra violentiam hæreticorum. Quin & fortasse alluditur ad cætum hominum in orbem collectorum, vel locum in quo colliguntur, qui proinde circus, cir-

culus, & corona Latinè dicitur. Mixtio, siue vinum mixtum & temperatum est verbum Domini, explicatum & præparatum populo, dilutum aqua, i. expositione & interpretatione, vt vera eius sententia contra hæreticos percipi & hauriri possit fructuosè & vtiliter, citra cerebri noxâ. Adde vt per vmbilicum suum Embryo alitur, augetur, respirat, quemadmodum cernimus poma, pyra, sorba, mespilla & similes fructus per petiolos succum ex arbore consequentes: vt vmbilicus ventrem ventrisque ardorem temperat & ad illum aërem externum transmittit, vel internum expirat, in eius medio situs velut quædam fenestra: ita Concilia, &c. *vmbilicus*. Adeo Hebræi sibi meruunt à cogitatione impura, vt eorum doctissimi, inter eos Abben Ezra, legant in ablatiuo per Eclipsim præp. 3^m (In) vmbilico tuo est crater, *Torna: ilis*, rotunditatis lunaris prop. i. rotundissimus instar Lunæ Humorû fontis. *Nūquā indigēs paculis*, non deficient mixto prop. In quo vinū mixtum nō deest. Talis enim crater eximium colorem ingerit, suum cum vini specie miscens. *Venter*. Venter Ecclesiæ, qui cibos transmissos excipit, facultatibus naturalibus nutriendi, accrescendi & generandi inseruit, earum vasa & organa continet, est Dei populus. Nam is transmissos verbi Diuini cibos à Doctoribus excipit, nutriendæ, augendæ, perpetuandæ, propagandæque Ecclesiæ inseruit, eam nutrit, auget, propagat & gignit per sanctam & legitimam filiorum generationem, id est, per Sacramentum Matrimonij. Paruum concilium siue synedrium viginti tribus constans Abben Ezra intelligit. Sic referes ad Concilia & Syno-

dos prouinciales. Est sicut aceruus tritici, quod reconditur in horreum propter utilitatem, non autem eiicitur vel comburitur vt palea. vallatur liliis. i. bonis & suauibus operibus, præsertim pudicitia. In ventre sunt alimenta & excrementa, in aceruo tritici triticum & palea, sic in populo boni & mali, electi & reprobi. vt triticum alunt boni Ecclesiam bonis operibus, augent, fructificant, multiplicant, nec sunt inutiles, vt palea Matth. 3. & Luc. 3. Congregabit triticum in horreum suum, paleas autem comburet igni inextinguibili. *Sicut aceruus*: fortasse alluditur ad formam ventris. Nā forma est rotunda, oblonga, sed non nihil ampliore fundo. Hinc se paulatim erigit versus sinistrum latus, sicut aceruus latus est infernè, angustus superne. *Vallatus*, septus.

4 Duo vbera, duæ leges scripta & tradita, vel duo testamenta vetus & nouum, quæ velut lac subministrant alendis & potandis delicatè fidelibus, suntque velut gemelli capræ, quia sunt eiusdem authoritatis, & ab eodem procedunt. R. Selomo Regem & Pontificem, quibus duobus status fidelium pascitur, & in vita tranquilla conseruatur, adumbratos putat.

5 Collum designat Christum Abben Ezræ, nostris melius pastores & Doctores sub vno capite Christo, per quos cibus spiritualis in inferiora transmittitur. Turris autè fit mentio, quod Christus vel Doctores robur & præsidium præstent Ecclesiæ. Eburneam struxisse volunt Salomonem inter alia suæ magnificentiae opera R. Selomo & Chaldaeus. Sic collum laudatur candidum, oblongum, rotundum, lenè & æquabile, sine vlla aspe-

ritate. Oculi Prophetas. Nam vt oculi semper recipiunt Spiritum influentem è cerebro per nervos opticos, ita illi Spiritum propheticum à Deo per Spiritum Sanctum. Comparantur Piscinis Hesbonis vrbis frequentissimis & clarissimis ultra Iordanem Iud. 21. & Num. 22. ad portam filiae multitudinis, id est, populosam in qua erat præcipuum vrbis forum, vt in portis iudicia & mercatus exercebantur, quia sunt aquei siue aqueæ substantiæ, vt docet Aristot. ex aqua quam effundit oculus, dum eruitur vel cõfoditur, item ex lachrymis quas mittit. Et sanè in oculo tres humores notantur, Albugineus albo diuorum similis, sed fluidus & tenuis, Vitreus, vitro liquato, aliquanto firmior, vt qui non fluat, Cristallinus siue aqueus Cristallo, à vitreo humore nutritus, eique insertus vt gemma annulo, omnium firmissimus, penè vt cera. Sic ad Prophetas vndique confluit populus ad copiosè hauriendam aqua. i. doctrinam, consolationes spirituales, &c. & ad suscipièda Sacramèta, inter quæ Baptismus piscina est omnibus proposita. Aliqui Rabbinorum Hesbon appellatiuè exponunt pro numero sed insipidè. *In porta filia multitudinis* prop. iuxta portam Bath rabbim. i. filia multorum. Nam fortasse rectius denominatio Hebraica retineatur, quamuis sic diceretur, quòd eo multi conuenirent propter vtrumque forum vænale & iudiciale. *Nasus*. Nasus Ecclesiæ ij qui in ea pollent, & donum habent intellectus, sagacitatis, & iudicij ad gentium corda conuertenda, vel ad detegendas hæreticorum & Satanæ fraudes. Hi sunt velut turris & specula Libani versus Damascum spectans, vt eam

urbem sibi adiungant, id est, versus gentes, ut eas Christo subiiciant & conuertant, vel ut detegant insidias & adortus hostium, maximè Damascenorum, qui vicini & sempiterni hostes erant populi Israël & æmuli imperij. Dicitur autem saltus Libani 3. Reg. 7. spectās Damascum. Abben Ezra summum Sacerdotē intelligit, qui natibus Domini thymiama adolebat, eūq; placabat Deut. 33. fortasse etiam quia ut Nasus, ita Pontifex summusve Sacerdos in facie Ecclesiæ eminet. Kimhi in 23. Ezech. mauult esse symbolum Regis. Nam Rex, inquit, populo supereminet & elatus est sicut nasus in facie. Aures autem Synagogæ potius sacerdotes representant, quia sacerdos audire facit vocem suam auribus Domini, dum ingreditur sanctum cum tintinabulis. Atque ita dum Deus vult punire Ecclesiam, Nasum tuum (inquit Ezechiel) & aures tuas auferent. i. te priua bunt utroque magistratu politico & sacro. *Contra Damascum*, cōtemplans faciem Damasci prop. 6 Pellucet & caput & coma Ecclesiæ. Caput Ecclesiæ Christus qui est tanquam Carmelus, mons Phœnices altissimus, pulcherrimus, feracissimus, arborum fructiferarum & agrorum plenus. Recentiores Cannelum sumunt pro colore puniceo, non monte, ut 2. Par. 3. Sed non video quid caput puniceum possit laudari, nisi ad vitam puniceam pertineat. Coma, frequentia & multitudo populi, quæ est sicut purpura Regis alligata canalibus. i. pretiosissima & recentissima, Deus amat, in pretio habet populi fidelis multitudinem, eam ducit pro purpura regni pretiosiss.

sima, pulcherrima & recentissima, quam tincto-
 res adhuc siccant Regibus in summis ædium ca-
 nalibus, vel tingunt in suæ officinæ tubis. Allu-
 ditur etiam ad comam vittis purpureis vinctam
 & alligatam, ne immodestè & parum pudicè dif-
 fluat. Præterea mentio Regis pertinet ad Chri-
 stum, vt è maiorum traditionibus memorat Ab-
 ben Ezra vinctum & ligatum pro peccatis no-
 stris. *sicut purpura*. Extrema hæc verba huius
 versiculi ab Hebræis & Græcis, aliter quàm à
 Nostreis intelliguntur. Illi enim distinguunt post
 אֲרָמָא *Argaman, purpura*, & quæ sequuntur legūt,
 vt Græci βασιλεὺς δεδµένος ἐν παραδρομαῖς, Rex li-
 gatus in ambulachris siue curriculis, aut vt He-
 bræi sentiunt, in canalibus vel trabibus, hoc sen-
 su. Rex nempe Dominus, siue, iuxta etiam vete-
 res Hebræos, citante Abben Ezra, Messias tanto
 tui amore capitur ob caput tuum puniceum &
 comam tuam purpuream, vt sit alligatus vin-
 ctusque domus tuæ canalibus & ambulachris.
 Et sanè propter nos, propter nostram salutem,
 nostrique dilectionem apud nos & in Synago-
 gæ ædibus vinctus fuit ac dira passus. Egregius
 sensus, quem Beza & impuri homines sic cor-
 rumpunt. Rex tanto amore tui capitur, vt cu-
 piat alligatus esse canalibus domus tuæ & im-
 pluuiis ad tui corporis speciem assiduè contem-
 plandam. Nam vel illinc lubens formam tuam
 spectaret. Vel, vt cupiat vinciri & ligari funibus
 tuæ comæ, &c. Hoc enim est alludere ad obscæ-
 nos poetas Iouem per impluuium gremium Da-
 naes subeuntem fingētes, aut ad adulterium Da-

uidis, è solario domus regiae Bethsabeam nudam impudicè conspicientis, 2. Reg. 23. aut ad principes Cedar, inquit Abben Ezra, turpibus amoribus indulgentes. Noster interpretes simplicius iunxit cum præcedentibus legítque כְּאַרְגֶּמָן *kearg-heman* in regimine per pathah absque distinctione vlla, in hanc sententiam. Coma tua seu reticulum tuum è coma confectum, est veluti purpura Regis. i. pretiosissima, quam Reges solent comparare, alligata canalibus purpurariorum & tinctorum, vt tingatur vel siccetur. Nam, vt tum recentior est, ita & coloratior, pellucidior, iucundior, atque aspectu pulchrior, Deinde vt retineatur camers, formaque absoluta, faciliè subauditur כְּחִנְטָן. i. Syntacticum, vt infra cap. 8. v. 2. de vino pigmenti כְּחִנְטָן *Iain hare'kah*, pro *tén hare kah*. Canalibus, impluviis ædium, per quæ è recto deorsum pluuiæ decidunt. i. super tecta, vt purpura citius desiccetur. Vel canales intelligit tinctorum, in quibus pannos macerant, ad eos coloribus imbuendos. *Rehatim* in genere canales, Gen. 30. Recentiores trabes siue laquearia, cap. 1. supra. Verùm quia illic per n scribitur, hic per n, non est illis assentiendum, etiam si Masorethæ, vt sæpe temerarij sunt, correxerit, & heth in he illic mutauerint contra exemplarium fidem.

7 Quidam hîc putant loqui Sponsum vsque ad versum vndecimum, vt Anonymus. Rectius Virgines Sioniae cœptum sermonem continuât. Quàm decora, ad verb. quàm dulcis, ô amor in deliciis. i. ô amor deliciosissime & suauissime ! ô amica deliciosissima & dulcissima, propter sua-

uitatem morum, gratiarum, &c.

8 Es statura palmea & erecta propter testimonium conscientiae. Nihil admisisti in Sponsum, cuius causa te oporteat vultu esse deiecto & demisso. Item respicis in caelum, ad Deum suspiras, recta es & in rectum te attollis, vt Palma, quae etiam cum ponderibus premitur, se erigit. Vide Gellium. Es patientissima in aduersis rebus. Nam palma, & rectitudo siue statura palmae est patientiae symbolum. *Botris vineae* est sequenti versu, quae quidem simul cum Palma crescit & erigitur, ei veluti maritata. & conexa. Aliene de Botris Palmae.

9 Hic etiam loquuntur puellae Sioniae, sed singulae de se singulariter, & persistunt in comparatione palmae & botrorum. Cupij tibi adhærere & cooptari in tuum album. Vtinam in te ascendam vt in palmam, vtinam apprehendam ramos tuos ad carpandos fructus, quibus abundas: vtinam vbera tua exsugam, tanquam vitis racemos, qui famem simul & sitim depellunt. Vtinam fruatur & pascatur suauis odore oris siue naris tuae, vt me firmem & recreem. q. d. me ale & pota tuis vberibus, id est, lege vtraque, scripta & non scripta iuxta Hebraeos, vtroque testamento ab Ecclesia subministrato secundum suam intelligentiam, iuxta nostros. Præterea me exhilara & recrea tuis naribus, id est, tuo spiritu. Quod si sint verba Domini, Dominus significabit se præsto affuturum Ecclesiae ac eam ornaturum. *Et erunt*, Optatiue prop. Et sint obsecro vbera tua sicut botri vineae. *Oris*, naris proprie. *Sicut malorum* odor per zeugma.

10 In Fonte est hypotyposis vini optimi, quod rectà sursum flammulas præstantiæ suæ indices spargit. Guttur siue palatum Ecclesiæ comparatur vino bono, quod it ad rectitudines, hoc est, quod rectà vultū ferit & generosè, suamque præstantiam & vim in cyatho ostentat, vt intelligitur è Piouerb. cap. 23. Porro ne putes repente mutatā esse personam; obserua virgines Sionias adductas superiore Sponsi commendatione & descriptione Spōsam hīc habere dilecti sui loco. *Guttur.* palatum propriè. Recurre ad 16. v. cap. 5. Palatum tuum sit obsecro (nam hoc optatum est reperendum è superiori versu per zeugma) sicut vinum optimū, quod se Dilecto meo generosum ostentat, & rectà ad eum vergit. Alij Indiciariuè. Palatum tuum (est). vt puellæ reuertantur ad describenda Sponsæ membra. Ecclesiæ particulares etiam Christum dilectum suum appellant, nedum Catholica, quia eum etiam diligunt, & ab eo diliguntur, vt propter eas quoque ipse mortuus sit. Palatum autem Sponsæ est eius doctrina vel Cantica, Hymni, Psalmi, Preces, vt certè exponit Abben Ezra, q. d. Tua doctrina recta est, laudabilis, generosa, digna Deo, vel tua Cantica ei sunt gratissima, & instar optimi vini efficacissima & dulcissima, nobis magnopere conferunt, & recta eunt ad dilectum Christum, illum mouent & excitāt ad commiserationem, & prosunt dormientibus. i. mortuis. Nam pro, *Dignum Dilecto meo ad potandum labiisque & dentibus illius ad ruminandum.* Fons habet per hypotyposim vini præstantis, *Iens ad Dilectum meum ad rectitudines. i.*

recta. loqui faciens labia dormientium. Vinum generosum in rectum iacit flammulas & recta oculos inspicientis ferit, dormientium item labia fari facit, dum sensus sopitos excitat, parit somnia, & commouet ad fandum, quæ vigilantes solent cogitare & loqui. Iuxta mysterium, palatum Ecclesiæ vino congruenter recta ad dilectum Dominum transmittit sua Cantica, & patres in sepulchro dormientes recreat, eosque adducit in spem quietis breui futuræ. Ita & R. Selomo. vbi obserua Hebræos etiam orare pro defunctis. *Dentibusque*: Noster & Sept. legerunt per Vau וְשֵׁנִי *veshinnaim*, & dentibus. non per Iod, וְשֵׁנִי *teshehim*, *dormientium*. Siphte autem putarunt esse syntacticum pro absoluto, vt sæpe aliàs.

II Tota sum illius, vt alteri me copulare non possim aut debeam eo inconsulto. Nam & ipse totus mei tenetur desiderio. q. d. non est meū vobis concedere, quod optatis, quia sum tota in eius potestate. quicquid ille volet, quicquid statuet, efficiam, sum enim illius tota, ab eo hoc petite, hoc ille concedat, si vos in nostrum contubernium admittit, mei potestatem & opes non sum denegatura. Id responderet Sponsa virginibus Ierosolymitanis sui participationē expetentibus, quasi eas à sua familia & cōmunionē repellat. Significat videlicet neminē ad se venire, nisi Christus traxerit. Gratia Dei sumus quicquid sumus. Frustra foris Ecclesia prædicat, nisi interius Christus per suum spiritum operetur. Deinde neminē potest in sui communionem recipere, nisi secundum leges & præscripta Domini. Hanc repulsam

R. Selomo in sinistrum interpretatur. Nam per puellas non Ecclesias particulares vel personas singulares intelligit, sed exteras prophanasque nationes, quas à se Sponsa hoc dicto auerſetur. Alij non putant Sponsam reſpōdere ad optatum puellarum, sed ad laudationes, q. d. qualis qualis ego sum, sum dilecti mei, quicquid ipsa sum & quantacunque. Hæc laudum ornamenta, quæ mihi tribuitis, fero Sponſo accepta, hæc ab illo habeo, vt dicebat Paulus, Gratia Dei sum, id quod sum. Et ſicut. Nam *nan* hîc est *haſuah*, id est, adæquationis. vt paſſim in Prouerbiis. Sum tota illius, ſicuti ille me totam deſiderat & cupit, ſicut ad me ſolam conuertitur, nec ad aliam deſleſcit. *Dilecto*, dilecti. Sic loquuntur in poſſeſſionibus, pro genitiuo Latinorum, vt ſupra alibi annotatum. *Conuerſio* vel deſiderium.


12. Iam miſſis puellis ſe ad Sponſum conuertit, vt eas ſe eodem pacto gerere doceat. *Veni*, particula hîc hortandi, age, agedum. *Commoremur in villis*. prop. pernoſtemus in pagis, illic noctē tranſigamus, vt mane petere poſſimus vineas.

13. Vineas vocat Eccleſias Domini ſingulares Eſa. 5. Videamus an Eccleſiæ diſtinctæ locis bona opera proferant, vel ex Rabbiniſ, an pœnitentiâ agant, & ſigna reſipiſcētiæ nouæque vitæ edant. Ibi cōmunicabo tecum amores meos. In Eccleſia enim amoribus mentium potitur. Extra Eccleſiam verò odium Chriſti eſt, ſed nec ibi reperitur Chriſtus. *ſi*, an. Nam hîc in ſingulis membris interrogat. *ſi flores fructus parturiunt vitis*. Ad verb. an aperta ſit gemma vuz. i. an cecide-

rit flos vitis, & vuz gemmam extruserit, forasque
emiserit. *Mala Punica* rectius de arbore, An florē
fuderint mali Punicae. *Ybera*, metonymicē amor-
res. Vnde Masorethæ legunt *Dodai* non *Daddai*.
14 Odorem mandragoræ, cuius radices huma-
nam speciem gerunt, dum formam habent capi-
tis, manuū, & sexus partim masculei partim fœ-
minei, refer ad bona piorū vtriusque sexus opera.
Sic & delicatos omnes fructus novos ac veteres
in portis hortorū referuatos & recōditos. Omnia
illa, inquit, ô Sponse tibi referuavi, apud te mea
opera deposui, certa q̄ fidelis sis & iustus iudex,
non solum mihi, sed & omnibus qui diligūt ad-
uentū tuum. 2. Tim. ult. Inter signa veris mādra-
goræ meminit, quoniam tum in locis illis cali-
dioribus odor eius est suavis, & aspectus pulcher.
Alij addunt quod valeat ad conceptum, ē cap. 30.
Genes. quia somnifera, alioqui temperamento
frigido: item ad philtrea siue pocula amatoria, ut
proinde Circeium etiam appelleretur à Circe ve-
neficiorum peritissima. De ea plurima traduntur
apud Cœlium lib. 9. cap. 49. & Plin. lib. 25. cap. 13.
In portis nostris, id est, in promptu. *Poma*, Megadim
deliciæ, delicioſa, delicata, fructus delicioſi. Nam
proprie est nominatiui calus per Eclipsim verbi
subst. *sunt*, & relatiui, *quæ*. In portis nostris om-
nes fructuum deliciæ nouæ atque veteres (sunt,
quas omnes) Dilecte mi tibi (soli) recondidi.
Noster videtur accepisse in accusatiuo, eodem
sanè sensu, quod nullam Eclipsim faciat. In por-
tis nostris omnes fructuum delicias, siue omnia
poma delicioſa noua atque vetera seruavi tibi.

Omnes meos fructus tibi dedicaui, & in vsum voluptatémque conseruaui. Hebræi referunt ad veteres & novos fideles & sanctos, vtrunque populum veterem & nouum. Nouos sanctos cum Patribus veteribus per fidem & religionem tibi coniunxi, vtrunque populû & veterē & nouum tibi consecraui. Nostriad opera noua & vetera. *Dilecte mi*, In Fonte, Amor mi, per Auxesim, quod Kimhi intelligit in accusatiuo, Amorem meum tibi recôdidi & seruaui. Sed rectiùs in vocatiuo. *Seruaui*, recondidi propriè, occultè reposui, ne quisquam surriperet.





CAP. OCTAVI ARG.

*Corporationem Sponsi, dilectionem perpetuam,
& consuetudinem optat & deprecatur.*

SPONSA.

1 Quis mihi det te fratrem meum,
fugentem vbera matris meæ, vt inue-
niam te foris, & deosculer te, & iam
me nemo despiciat.

2 Apprehendam te & ducam in do-
mum matris meæ. Ibi me docebis, &
dabo tibi poculum ex vino condi-
to, & mustum malorum granato-
rum meorum.

3 Læua eius sub capite meo, & dex-
tera illius amplexabitur me.

SPON-

SPONSA.

1 O quis petenti praebeat,
Vt frater effectus mihi,
Sugas labellis dulcia
Meae parentis vbera.
Te conuenirem publice,
Deoscularer te foris,
Vt assolet fratrem soror,
Me iam nec ullus sperneret.

2 Te leta dextrâ prenderem,
Te matris intra splendidum
Conclauē plaudens ducerem,
Hic me erudies suauiter.
O quàm beata vocibus
Tui loquentis redderem.
Tibi vicissim traderem
Condita vini pocula,
Et musta pressa torculo,
Malis bibenda è Punicis.

3 Hinc ille porrectâ meum
Caput sinistra tolleret.
Fulciret illinc dextera

4 Adiuro vos filiæ Hierusalem ne
fufcitetis, neque euigilare faciatis Di-
lectum, donec ipfe velit.

P V E L L Æ.

5 Quæ eft ifta, quæ ascendit de de-
ferto, deliciis affluens, innixa fuper
Dilectum fuum?

S P O N S A.

6 Sub arbore Malo fufcitaui te. Ibi
corrupta eft mater tua, ibi violata eft
genitrix tua.

7 Pone me vt fignaculum fuper cor
tuum, vt fignaculū fuper brachium
tuum. Quia fortis eft vt mors dile-
ctio, dura ficut infernus æmulatio,
lampades eius lampades ignis atque
flammarum.

4 Obtestor at vos interim,
 O Sollymorum filia,
 Ne somnum amantis rumpite,
 Ne suscitetis intimum,
 Se sponte donec surrigat:

PVELLAE.

5 Hac, oro, quænam est, inuia
 Egressa solitudine,
 Quæ delicatis affluit,
 Suoque amante nititur?

SPONSA.

6 Pomî sub altæ tegmine
 Istos amores ad meos
 Te suscitavi cœlitus.
 Corrupta quando te parens
 Illic in auras edidit.

7 Ergo tuo me pectori
 Velut sigillum figito.
 Ergo tuis me brachiis
 Velut monile pendito.
 Nam mortis ullo robore
 Non vis amoris est minor,
 Orci nec ullis ignibus
 Concedit æmulatio,
 Mei que zelus pectoris,
 Cuius calentes flammula
 Ardore vincunt editas
 Latasque moles ignium.

8 Aquæ multæ non poterunt extinguere charitatem, nec flumina obruent illam. Si dederit homo omnem substantiam domus suæ pro dilectione, quasi nihil, despicient eam.

SPONSVS.

9 Soror nostra parua, & vbera non habet. Quid faciemus Sorori nostræ in die, quando alloquenda est?

10 Si murus est, ædificemus super eum propugnacula argentea. Si ostium est, compingamus illud tabulis Cedrinis.

SPONSA.

11 Ego murus & vbera mea sicut turris. Ex quo facta sum coram eo, quasi pacem reperiens.

8 Quem nulla lymphæ copia
 Vnquam queat restinguere.
 Nec vasta terris flumina
 Possint in altum mergere.
 Hunc comparare qui volet,
 Tantas opes haud soluerit,
 Nec tot domi possederit.
 Quin despicandum se dabit.
 O quanta amoris caritas;

SPONSUS.

9 Sororem habemus parvulam
 Adhuc carentem mammulis.

Ecquid geremus, obsecro,
 Tunc, quando factitabitur
 De collocanda Virgine
 Nuptumque danda mentio?

10 Decenter hanc dotabimus,
 Argenteis ornabimus,
 Si murus est palatii.
 Sin porta, firmè Cedreo
 Communiemus affere.

SPONSA.

11 Murus, quod ad me pertinet,
 Sum, quin recondo grandia
 Ad turris instar vbera.
 Hunc inde, nacta gratiam,
 Mibi fauentem repperi.

12 Vineam fuit Pacifico, in ea quæ
habet populos. Tradidit eam custo-
dibus: vir affert pro fructu suo mille
argenteos.

13 Vineam meam coram me est. Mille ti-
bi, Pacifice, & ducenti his, qui custo-
diunt fructus eius.

SPONSUS:

14 Quæ habitas in hortis, amici au-
scultat. Fac me audire vocem tuam.

SPONSA.

15 Fuge Dilecte mi, & assimilare Ca-
preæ, hinnulôque Ceruorum, super
montes aromatum.

12 Vitem sibi Rex Sollomon

Frequentioribus sitam

Possedit orbis partibus.

Illam colonis tradidit,

Vt mille nummos singuli

Fruetus ob eius annuos

Fisco quotannis pensitent.

13 Meam sed ipsa vineam

Manu meamet excolam,

Vuásque per me colligam.

Tot mille Rex argenteos

Quamuis receptes Sollomon,

Quamuis ducenos alteros

Lucretur ipse vinitor.

SPONSVS.

14 Quum tu, virentes incolens

Hortos, canoris recrees

Tuis amicos vocibus,

Eia fac illas mutuo

Tam concupitas audiam.

SPONSA.

15 Celer, citusque peruola,

Dilecte vitâ charior,

Velocitate Capree,

Pernicitate Ceruuli,

Ad Thuris altos vertices.

Hic namque nostras purius

Voces petitas audies.

GENEBRARDI IN
 COMMENTARIA
 IN CAP. VII.

Formula optādi Hebraica, Vtinam esses mihi tanquam frater sugens vbera matris meæ, vtinam tāquam frater sugeres vbera, quem possem vbique & quouis tempore deosculari. Quāuis enim te in propatulo deoscularer, etiam si id fieret præter consuetudinem & decorum, non me tamen pueret. Nam cur pudeat fratrem tam insignē & charum palam osculari? Votum est populi veteris optantis aduentum Christi in carnem. Hinc Chald. Paraphrastes ad tempus Messiaē cōfert. Possit etiam referri ad totam Ecclesiam, quouis tempore exoptātem summam cum Christo coniunctionem. *Matris meæ*, Synagogæ, vel gentis humanæ. *Et iam*, ad Verb. Etiam non despiciant me. Quibus consentiunt nonnulli manuscripti codices, Etiam me nemo despiciat, non *Et iam*, duobus vocabulis ex vno factis. Si iungatur cum initio versus per zeugma sensus erit: Quis det etiam vt nemo me despiciat propter miseras, in quibus hodie versor propter absentiam Sponsi. Sed rectius proximo verbo cohæret. Te inuentum foris oscularer, & nemo tamen me propterea despiceret. Quia non est indecorum fratrem palam osculari. Hoc facerem citra dedecus & cuiusquam contemptum.

2 Ducerem te ad meos, & eos hortarer ad te dignè excipiendum. Ac ibi me doceres per tete, nō

vt olim per Prophetas. Et ego vicissim propinarẽ tibi vinum aromaticum & mustum è malis Punicis expressum, id est, Libamen, vt Hebræi intelligunt, typum sanctæ Eucharistiæ. Te illic colerem sacrificiis & libaminibus Christianis, tibi puras preces & suaues offerrem. te mihi conciliarem sacris inuocationibus, honoribus, cultibus, operibus. Vinum autem conditum, siue pigmentatum, & aromaticum, quod Latinis myrrhina, Græcis *ἀρωματίας*, odore conditum erat, cõficiebatúrque vnguentis & odoramētis, lege Plinium Nat. hist. libr. 14. cap. 17. *Apprehendam.* ad Verbum, ducam te, (siue ducerem) & introducam in domum matris meæ. i. Synagogæ vel gentis, vt tota gens credat, te recipiat, &c. Hebræi per matrẽ, ædenu Sanctuarij intelligunt. Prius de deductione per viã, posterius de intromissione in domum. *Doceris me.* Sic & R. Selomo & Chaldaeus in secunda persona. Ibi me doceres quibus artibus, sis conciliandus, quæ tibi placeãt & grata sint, quæ me oporteat præstare, vt salua sim & perueniam in regnũ tuum cæleste. Aliqui per relatiui defectionem in tertia persona. Nam *Telammed* potest esse secunda & tertia. Ducerem te in domũ matris meæ (quæ) doceret me. q. d. Mater mea Synagoga doceret me, qua ratione esses à me excipiendus, quàmque lautè tractandus. *Et dabo.* Ad Verb. & propinabo (& propinare) tibi de vino pigmenti, de musto mali granati mei. *Condito*, pigmentato, aromatico, odorato, arte pigmentaria confecto.

3 *Lauacrus* erit sup. Interim, quanuis meũ optatum plenè nõdum perficietur, me ille fulciet sinistra sua manu, me ille complectetur sua dextera.

Sibi pollicetur in his votis certā Domini opem, vel etiam promissi ipsius præstationem. Quicquid accidat, hoc omnino præstabit suo tempore. Illius quidem corporationem, aduentum in carnem, præsentiam familiarem expeto, sed tamē non desinet me aliis modis fulcire & mecum esse. Ita hunc versum Enuntiatiuē accipimus, quia suprà cap. 2. vbi occurrit cum iisdem accentibus & dictionibus, sic omnino accipiendus erat. Alij optatiuē vel subiunctiuē subaudiendo *affer*. Læua eius supponeretur capiti meo, & dextera eius complecteretur me.

4 Iam tertio adiurantur omnes, ne interturbent coniunctionem Christi cum Ecclesia. Noster Interpres existimauit hīc & c. 3. v. 5. vt cap. 2. v. 7. per Amorem intelligi Dilectam sine Sponsam, ac adiurari Ecclesias particulares vel membra singularia, ne rumpant Ecclesiæ Catholicæ & vniuersalis quietem schismatibus, hæresibus, peccatis, persecutionibus. Atqui hæc Ecclesia ait de Sponso, vt capite illo tertio v. 5. ac ad iurat membra sua, ne Sponsum apud se quiescentem excitent & perturbent, ne aliò migrare cogatur, ad somnum quietē capiendum. *Dilectam*, Amorem prop. id est, Dilectū, vel, vt Noster, Dilectā.

5 Priore parte versiculi Virgines Sionix, id est, Gentes, vel potius Ecclesiæ particulares mirantur speciem Ecclesiæ ascendētis è deserto ignorantix, erroris, peccati, &c. ad Christum, cōque iam cōmixtæ: vel, vt Rabbi Selomo, è deserto Arabico in terram promissionis Sanctam. Posteriore Sponsa verba sua recipit & cōtinuat. Nam prior pars est veluti interiecta per parenthesis. *Delicia.*

מִתְרַפֶּקֶת *Mithrappether* deliciantē significat, itēmq; adhærescentem & sociatam: vt vtrumque significatum Noster exprimeret, doctè vertit, Deliciis affluens innixa super Dilecto suo. *sub arbore malo*, sub pomo, sub qua confederamus, ô Sponse, excitauite, quasi è dulci beatæ vitæ somno ad mei commiserationem, & ad suscipiēdas vitæ huius humanæ molestias propter mei amorē. Ibi enixa est te mater tua Heua. s. vel humana Natura, non re, sed fide & spe, quibus complexa est tuam futuram natiuitatem. Nam postquam ibi promissum accepit de te enitendo & pariendo ad conterendum, caput serpentis nostræ pernicipi auctoris, ibi te parturiit: ibi statim te parere experituit, postquam peccasset, & ab innocentia, iustitia, gratia origitaria excidisset, ad suæ culpæ medicinam. Fides & spes futura habēt pro præscentibus, iuxta illud Apostoli, Spe salui facti sumus. Spes non confundit. Ita loquitur, quia pomus consecrata est confabulationibus & concursibus bucolicis & pastoritiis, dum ad eam solent conuenire pastores. sic apud Ouidium *Metamorph. 4.* Pyramus & Thysbe inter se pasciscuntur, vt matutino tempore ad monumentum Regis Nini sub arbore Mord conueniant. Sic apud Maronem Tytirus patulæ recubat sub tegmine fagi, syluestrem tenui musam meditatur auena. Interim agnoscit culpam, qua Christum è somno excitauit sub pomo, in paradiso voluptatis. Excitauite, inquit, è dulci somno & quiere diuinitatis tuæ, vt has mortales humanæque vitæ subires misérias. Ibi suscitauit te ad mei commiserationē, ibi ostendisti mihi amoris & dilectionis signum clarissimū. Nam statim

mihi es pollicitus semē mulieris, &c. Statim enim Heua mater viuentium omniū (inde enim nomen accepit) promissionem cōsecuta est de futuro semine, Christo Domino, eiūsque futurā natiuitatem ad culpā expiationem certa fide est complexa, sicque Christum fide concepit & peperit. Alij arborem crucis intelligunt, sub qua precibus & lachrymis multis pij Christum excitantur dormientem & mortuum ad resurrectionem, vt per eam sibi passionis fructū largiretur. Nam resurrectio Christi propter nostram iustificationem & propter applicationem meriti Christi in cruce peracti contigit. Prior explicatio loco aptius congruit. *Malē*. Tappuah pomum in genere, sed per Antonomasiā ad malum restringitur. Interim quia nascitur sub qua arbore peccauit Heua, quodd Gen. 3. celebretur duntaxat mentio ligni, existētis in medio Paradisi, & fructus illius pulchri oculis aspectūq; delectabilis, ideo hīc rectius retineatur nomen generis. i. Pomi. Nam Pomus generale est nomen omnium arborum edulium. Hinc Ouidius lib. de Nuce, nuces pomorum genere complectitur. Sic & Plinius lib. 15. c. 22. vt Mora. c. 24. *Suscitauit*. Euigilate te feci, prop. ē somno excitauit te. *Corrupta est, violata est*. Vtrobique est idem verbum in Fonte חִיבֵלָה *hibela*, enixa est te, peperit cū nisu & conatu, dolores de te sensit, parturiit, allusione ad Heuā miseriā, In dolore paries filios, Gen. 3. q. d. ibi te reipsa parturiit Heua i. parere expetiuit, vel etiam peperit, non reipsa & actu, sed spe & fide, vt suprà. Noster Interpretes respexit non ad partum proles, sed peccati. q. d. Sub malo suscitauit te ad me saluandam,

ubi mater tua atque aded cunctorum hominum, corrupta violatâque est peccato grauissimo. Præterea legit passim *Hhubbela* in Pual, non in Piel *Hhubbela* posteriore saltē loco. *Genitrix tua*. Iuxta Masoretica puncta in Fonte est eclipsis relatiui (*Quæ*) genuit te. Expeditius legissent cū Nostro *Ieladitcha* in Benoni, quā *Ieladai cha* in præterito. 6 Effice, vt tibi in corde & brachio tuo sim, nempe in promptu & in memoria perpetua, sigilli loco. Sic in fine Aggei, Accipiam te ô Zorobabel, & ponam te tanquam signaculum siue anulum signatorium. i. te habebo charissimum, coniunctissimum, mihi eris semper in procinctu & conspectu. Nam amor, quo ardeo, est validior morte cuncta vincente, zelus siue æmulatio, id est, studium tui vindicandi, aut, vt aliis placet in malum, inuidia aduersariorum qui me persequuntur, durissima est, tanquam infernus omnia consumens, aut sepulchrum cuncta cadauera deuorans. Malim *אהבה* *amorem*, & *זעזע* *zelum* idem valere, ac significare singularem affectum, quem vocamus zelotypiam in cōiugibus. *Signaculum*, *Hotam*, anulus signatorius, qui solet esse in manibus. q. d. Mei semper sis memor, me tibi semper fac adhærescere. *super brachiū*. Alludit fortasse ad brachia Christi in cruce extensa. Nam in his quodammodo nos suo sanguine descripsit. Esa. 49. Si mater oblita fuerit filij vteri sui, ego tamen non obliuiscar tui. Ecce in manibus meis descripsi te. *Fortis*, valida, vehemens, vt mors omnia superans & deglutiens. *Dura*, violenta, ardens. *Æmulatio*, zelus, zelotypia, amor ardens. Alij pro studio vindicandi, alij pro inuidia hostium, non tam rectè. *Et*

infernus, ut ignis inferni violētissimus. rectè. Nam *Seol* propriè significat infernum, siue illam terræ partem, in quam animæ propter peccata descendunt, ut illic pœnas antea actæ vitæ luant, nec nisi metaphoricè sepulchrum, ut docui lib. 3. de Trinitate, pag. 279. 280. 281. Kimhi quidè in Psal. 31. v. 18. impij deducantur in *Seol*, exponit duobus modis, קבר *kéver*, sepulchrum, & גהנום *gehénam*, sed posterior acceptio est propria, prior metaphorica. Hinc 70. perpetuo interpretantur אש, & Hebræi veteres vnum ex profundioribus & vltimis inferni, in quo impij crucientur, tabulatis. Vide interpretem Maiemonim parte prima pag. 34. col. 1. & librum Iesod Sirim, māsione prima. Cætera illic contra profanos nouatores. *Lampades*, carbones ardentes & accensi, propriè, prunæ. Incēdia amoris sunt incendia ignis prægrandis & vehementer inflammati. Amor ardet sicut carbo ignitus, & flamma prægrādis interioraque inflammat & accendit vehementissimè. *Ignis atque flammarum*. In Fonte sunt tres Genitiui sine coniunctione. Ignis flammæ Domini, i. ignis inflammatissimi. Nam vocabulum Domini additur ad epitalim & exaggerationem, ut Psal. 36. Ignis flammæ, quam Deus ipse succēdit suo valido flatu. Ignis diuinitus, non humana arte aut viribus, accensi ac inflammati.

7 Per Auxesim hæc addit, quia amorē igni comparat. Imò verò plusquam ignis est amor. Nam non potest ab aquis vllis consumi, ut ignis. Hunc locum egregiè illustrat Apostolus Rom. 8. Quis nos separabit à charitate Christi: tribulatio, an angustia, an fames, an nuditas, an periculum, an

persecutio, an gladius, sicut scriptū est, quia propter te interficimur tota die, æstimamur sicut oues occisionis. Sed in omnibus superamus propter eum qui dilexit nos. Cerrus sum enim, quia neque mors, neque vita, neque Angeli, neq; principatus, neq; virtutes, neq; instantia, neq; futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Iesu, Domino nostro. Ita vaticinatur de martyrum inuicta constantia & animo. Nam Aquæ & Flumina symbola persecutionum & ingentium calamitatum, vel populorum Apocal. 17. Ac ideo Rabbinī exteras nationes populo Domini infestas exponunt. *Si dederit.* Si quis dederit omnes opes suas hæreditarias, siue labore & industria partas pro hoc amore. i. vt hunc amorem à me obtineat, mihi que eripiat, is contemnetur. Hoc enim perperam & incassum tentauerit. Hoc ait, vt doceat Deū huiusce amoris auctore esse, non externam aliquam causam. *Substātiā*, opes. *Quasi nihil despicient eam* substantiam videlicet. q. d. dilectionis huius possesores contemnent illam totam substantiam, & opes, atque si nihil daret, totam illam substantiam pij non putabunt esse alicuius pretij comparatione diuini amoris, pro vllis bonis non deferēt illum Domini amorem. Quin nec diuinus amor argento emitur, sed datur gratis. Venite, qui non habetis argentum, properate, emite absque argento, & absque vlla commutatione vinum & lac, apud Esaiam c. 55. Hebr. despiciendo despicient eum. Itaque qui Pro*n* eam referunt ad dilectionē, non ad substantiam, hallucinātur; Nam dilectio

i. אָהָבָה *ahabá*, est feminini generis, וְהוּא *hon* autem, quam vocé Noster per vocabulum *substantiæ* redidit, masculini, ut pronomé affixum וְהוּא *lo*. Vnde & illud pronomen potest referri ad hominem, cuius meminerat. Si dederit homo cunctas suas opes, ut hanc dilectionem sibi comparer ac emat, possessores contemnent illum, & procul à se cum fastidio reiicient. Ille contemnendo proculdubio cōtēnetur, perinde ac si nihil obrulisset. Tanta est illius valor, tanta æstimatio & pretium. Mendosè in plerisque exempl. *despiciet*, pro plurali *despicient*.

8 Hebræi ferè putant esse verba Sponsæ siue Synagogæ ad puellas vel etiam Sponsum, & per Sororem parvam intelligunt Synagogam ineuntem, cuius initia tenuia fuère admodum, ut docetur Ezech. 16. quæ & vberibus carebat, quia non abundabat Sapientibus, qui alios docerent, vel Gentē yltra flumina Æthiopix ad Dominum adducendam ex Sopho. 3. cap. à reliquis Iudæis multis locorum spatiis diremptam. Nostri, ut ex Hebræis Anonymus, quia putant esse verba Sponsi (quod omnium est verissimum & accommodatissimum) suos Angelos & Sanctos, ut sup. cap. 5. vers. 1. vel etiam Sponsam & puellas alloquentis, per hanc Sororculam accipiunt gentes, quibus nulla est mamma, id est, testamentum, quo spiritualiter educaretur, atque ita consultare Dominum, quid huic factururus sit. Si Hebræos sequimur, quæ hîc dicuntur accommodabimus etiam ad nostram Ecclesiam ineuntem, cuius & tenuia fuère principia, item ad gentes vltimas & remotissimas yltra flumina Æthiopû sitas. Hinc quotidie

tidie cernimus incognitas olim terras ad Christum conuerti. Habemus sororem paruam, id est, Ecclesiam Gentium, quæ caret adhuc mammis, nullam habet legem neque scriptam, neque traditam, nullum testamentum. Quid ei faciemus quando erit despōsanda & elocanda Christo per Apostolos, quando sermo fiet de ea elocanda & tradenda nuptui. Sibi post respondet, vel alij ei respondent. Nos accommodabimus ipsius infirmitati, vt Act. 15. Eam ornabimus rebus necessariis, &c. *In die quando alloquenda est*, passiue, vt in Hebræo, In die quo sermo fiet de ea, elocanda sup. & nuptui tradenda, id est, quando per Apostolos & Apostolicos erit conuenienda & pertrahenda ad fidem & religionem Christi, quod quoddam est matrimonium. *Quid faciemus*, ego & vos, ô amici cœlites. Si verba sint Sponsi. Sic docebit Sanctos ad salutem hominum operari precibus & ministerio quodam, saltem quantum attinet ad Angelos, qui sunt administratorij Spiritus in ministerium missi, propter eos qui hereditatem capient salutis. Heb. 1. Vel; Ego & tu, ô Sponsa, quid faciemus sororculæ nostræ, quando illam oportebit collocare? Nam etiam Ecclesia cum Domino concurrit ad procurandam hominum salutem ministerio Verbi, Sacramentis, quæ Christus instituit, & per quæ interius operatur, aliis denique modis plurimis. Si Sponsæ sint verba, non immutabitur intellectus. Quid ego & tu, ô Sponsæ, sororculæ nostræ faciemus, quando erit vocanda ad nuptias spirituales? Optabit Synagoga & Ecclesia Apostolica gentes etiam ad

O

Domini cognitionem participationemque ad-
 duci.

9 Respondet Dominus ad superiorem delibe-
 rationem: Si murus est, &c. Si perstat in fide,
 quam semel suscepit, eam magis ac magis or-
 nabimus, atque muniemus, alia dona subinde ei
 adhibebimus, quinetiam aditum eius tabulis Ce-
 drinis nunquam putrescentibus stabiliemus, si
 fuerit Ianua, & admiserit Apostolos, ac eis ape-
 ruerit. Sic Paulus loquitur, Ad vos ostium Co-
 rinthij mihi apertum est, 1. Cor. 16. Et, Veni ad
 Troadem, & apertum mihi fuit ostium in Domi-
 no, 2. Cor. 2. id est, cor humanum. Nam etiam po-
 strema pars versiculi in bonum explicari debet,
 ut idem polliceatur diuersis metaphoris. Non in
 malum, ut R. Selomo. & R. Abraham censuerunt,
 quasi per Antithesim posterius hoc membrum ad
 hunc modum intelligendum sit. Si Ecclesia Gen-
 tium murus est, & perstiterit in fide, eam magis
 ac magis decorabimus, structo super eam palatio
 argenteo, ei dabimus arcem argenteam, ut sit mu-
 nitior, & ornatior, ei insuper addemus robur &
 ornamenta. Quod si è conuerso est Ianua, & se
 amasiis alijs aperuerit atque prostituuerit, si se ges-
 serit, ut porta versatilis & cunctis exposita, arcta-
 bimus, prohibebimus, excludemus eam à nostro
 consortio tabulis Cedrinis. Opponemus ei fir-
 missimos postes & ostia, ne possit ad nos ingredi.
 Si verba sint Sponsæ, sensus non admodum dif-
 feret citra Antithesim quidē. Si est ut murus, fir-
 ma & constans, dabimus ei palatium argenteum:
 si, ut ianua, se aperit Apostolis eorumque verbum

recipit, fores Cedrinas, id est, eam rebus pretiosis ornabimus, ac nosmetipsos ipsius captui attemperabimus. Sic Ecclesia Apostolica sese accommodauit ad Ecclesiam Gentium, Act. 15. Per Antithesim verò ab Hebræis ferè conceptam, Si Ecclesia Gentium perstet in fide, & seruet pudicitiam, palatium siue arcem habebit argenteam, Sin minus, id est, si vt Ianua sese aperiat & prostituat aliis amasiis, excludemus eam, vt 1. Cor. 3. Aliqui etiam putant esse verba puellarum, siue etiam Gentium. *Aedificemus*, vel enuntiatiuè edificabimus propugnacula argentea ad eam ornandam, & præterea muniendam firmiùsque roborandam. *Tirá* & arcem, siue propugnaculum, & palatium designat. *Ostium*, valuæ, fores, ianua versatilis. *Compingamus*, vel compingemus, arctabimus prop. id est, dabimus ei fores Cedrinas, alij muniemus. Abben Ezra, obsidebimus, prohibebimus eam tabulis Cedrinis.

10 Quod ad me attinet quæ sum Catholica & omnium temporum Ecclesia, murus sum, id est, firma, stabilis & ampla ad cōcludendos multos, & habeo mammas prælongas ad lōge lactandos homines. Ego gratia & doctrina, quam mecum communicauit Sponsus, facta sum murus, cui facile superstruas aurum, argentum, lapides pretiosos. 1. Cor. 3. Mammas etiam habeo, quæ lac sitiētibus ministrēt, Tuncque euasi veluti amica, quæ amico mirum in modum placet. *Sicut turris*, Pluraliter in Fonte, sicut turres. Quia se comparauerat muris, vbera sua comparat turribus, quibus murus firmatur, decoraturque, persistens in

Allegoria. *Ex quo*, scilicet tempore. Hinc in Fonte. Tum fuit in oculis eius tanquam inueniens pacem. i. tranquillitatem animi & conscientiae. Post professionē & propositum de constantia pietatis, & patientia rerum quarumlibet propter Dominum, pace alta, voluptate animi & tranquillitate conscientiae exuperante omnem sensum fruimur. Alibi in mundo nemo animi quietem & pacem consequitur. *Pacem*. Pax Hebraeis generale nomen est ad omnem prosperitatem & felicitatem, quam pax conferre solet, ut bellum ē conuerso omnem calamitatem inuehit. Aliqui restringunt ad reconciliationē, gratiam & remissionē peccatorum, ad quam sequitur pax & testimoniū suae conscientiae. Ut in principiis Epistolarum Apostolicarum, Gratia vobis & pax in Christo Iesu.

ii Proponit in medium vineam, quam exquisitē, pretiosē, in solo fructuoso & amēno sibi plantauit Salomon, inter cetera nobilia magnificentiae suae opera & monumenta, ut eam sequenti versu cum sua compareret. *Pacifeco*, id est, Salomoni. Et sic ponitur in Fonte, quod nomen proinde, tanquam proprium, melius fortasse retineatur, ne, si interpretaris, appellatiuē videatur sumi. *In ea quae habet populos*. In Baal Hamon Heb. ut intelligamus nomen esse loci proprium, cuius solū erat amplissimum, vinis generosis accommodatissimum, & pretiosissimum. Nam tellus alteri praestat ad res proferendas, Bacchus amat colles, &c. Ita hīc etiam rectius retineatur vox Hebraica. Porro *Baal Hamon* sonat propriē Dominum siue possessorem multitudinis, vel secundum R. Selomonē, planitiem multitudinis. Nam

Baal aliquando planitiem designat. Hinc Rabbi-
ni ferè intelligunt Hierosolymam, locum popu-
losum siue urbem populosam in fertilissimo solo
sitam, quæ Lam. id est, multa populo, asseritur, vel
Iudæam, cuius populus multiplicabatur, vt arena
maris, & stellæ cæli, quemadmodum loquuntur
Moses & Paulus. *Custodibus*, colonis, vinitoribus,
ad colendam vineam & seruandam à furibus &
bestiis. *Tradidit* nō dono, sed locatione, id est, elo-
cauit vt Matt. 21. Homo paterfamilias plantauit
vineam, sepe circundedit, torculari & turri in-
struxit, & locauit eam agricolis, & peregrè pro-
fectus est. Manu propria vineam suam non cole-
bat Salomon, sed per colonos, quibus eam loca-
uerat, sed nec fructum eius, id est, vinum capie-
bat: verū pretium vini. *Vir affert*, quisque red-
dit, singuli reddunt & pensitant mille argenteos,
adeo vt tot argēteorum nummorum millia inde
colligeret, quot essent coloni. Hunc locum non
intelligunt, qui putant mille duntaxat fuisse Salo-
moni ex ea pensitados, & in eius ærarium illatos.
Nā *vir* phrasi linguæ distributiue accipitur.
Hoc magnificum & exquisitum opus Salomonis
per concessionem suæ vineæ Sponsæq. Ver. ac-
commodat.

12 Sponsa exaggerat suum amorem compara-
tione duarum vinearum, vnus externæ à Salo-
mone loco commodissimo & feracissimo planta-
tæ, alterius suæ, quæ spiritualis est & mystica. Nā
designat populum Ecclesiæ commissum, fideiū
curam & rectionem, vt hortus, ager, pomarium,

suprà. Tibi (inquit, per Concessionem Rhetoricam) fuerit vinea ô Salomon pretiosissima & fructuosissima, & eam locaueris vinitoribus, vt inde mille argenteos annuo redditu à singulis vinitoribus recipias, & ipsi coloni, qui eam cōduxerunt, lucrum ducentorū faciānt: At vinea mea coram me est, non eam alteri sum commissura, ipsa eam curabo, fructum longè ampliorem inde sperans. Ego pecuniam nolo, non sortem, non accessionem, sed vt sit vinea mea coram me, in qua me cum Dilecto meo, seorsim & semotis profanis hominibus, oblectem. Name voluptas mihi est quauis pecunia optatior. Sic & Abben Ezra in Dramatica expositione. Hebræi tamen alij, item & Nostri constanter per Salomonem etiam ad literam hic Christum significari tradunt, atque vt supra montes Bather, ita & hic Baal Hamon similiāque conficta esse per quandam allusionē. Vnde Noster Salomonis nomen appellatiuè per *Pacificum* reddidit, & Baal Hamon, per *eam, quæ habet populos*. Quinetiam Abben Ezra in expositione tertia, id est, allegorica, Messiam hîc notat dici Patronymicè Salomonem, quasi Salomonis filium. Custodes verò esse Prophetas, Apostolos, & reliquos, quorum est Dei vocatione & instituto Ecclesiam regere. Et si R. Selomo in malum sumat, referens ad quatuor Monarchias, à quibus Synagoga & Ecclesia, multa passæ sunt. Quo mysterio Sponsa confert inter se duas vineas, Synagogam & Catholicam, quæ Iudæorum simul est ac Gentium. Vineam Iudæorum custodibus Prophetis data attulit mille ar-

gêteos per singulos custodes Salomoni Christo.
At mea Gentium omnium simul & Catholica
non tantum affert hoc pretium Christo, sed &
custodibus ducentos nummos. Quod de altera
dici non potest, quæ non nisi Prophetis attulit
crucem & martyria, atque ita soli Christo fructi-
ficauit, cum hæc etiam custodibus & pastoribus
honores, consolationem, fructum afferat. Sunt
qui putent utrumque enuntiari de vna & eadem
vineâ, sed quæ duobus hominû generibus com-
missa sit, olim Prophetis, postea, quando Chri-
stus sibi despôsavit Ecclesiâ, Sponsæ. q. d. Olim
tibi Salomoni pro vineæ tuæ fructibus custodes
Prophetæ tantum pensitabant mille argenteos,
at hodie per me, cui eam credidisti, habes totidẽ
& præterea ducentos pro custodibus & pastori-
bus tuis. Simplicius est vt ubique *Salomon* sit no-
men profanum, & designet Regem ipsum Salo-
monem libelli scriptorem. Deinde per Conces-
sionem accommodatio sequatur. Habe tibi mille
argenteos à singulis custodibus, & ipsi ducento-
rum lucrum faciant, at non propterea meam ego
locauero. Vel, quod eodẽ tendit, Vineam meam
ipsamet propria manu colam, nec aliis commit-
tam, quantumuis ex locatione nescio quot millia
colligas, & tui coloni ducenta, vt eius aspectu
fruar, in ea me oblectem, memor veteris prouer-
bij, Villicari, quo Dominus rarerent venit, non
villicari, sed dominari est. *Mea*, In Fonte Genus
est Epizeuseos, Vineâ mea, quæ mihi, id est, quæ
mea (est) vel quæ mihi (commissa est) coram
me (est) ab ea nunquam oculos demoueo, eam

habeo perpetuò ante oculos. Oculus Domini sanguinat equum, vineam, agrum, &c. *Tibi*. mendosè in aliquibus codicibus legitur *Tui pacifici*, pro *Tibi pacifice*. Est autem sensus per concessionem, *Mille argenti Tibi sint à custodum siue colonorum quolibet ò pacifice*, ò Salomon, cuius nomen Pacificum sonat, & *Ducenti sint custodientibus fructum eius*, vineamque illam colentibus.

13 O Sponsa, quæ habitas in hortis, socij mei attendunt ad vocem tuam; tua cantica audire cupiunt, fac ut ipse ea quoque audiam. Tuæ vocis suauitate & dulcedine oblectantur & capiuntur Angeli & alij Sancti, fac me quoque ea oblectes. Perspicuus locus, contra istos indoctos Caluinistas, qui negant preces Ecclesiæ innotescere cælitibus, vocem eius ab iis minimè audiri, cantica ad illos nequaquam peruenire, *Horti* autem sunt Ecclesiæ, cætus piorum, vel personæ particulares, quas Dominus exornat & excolit multis virtutibus variisque donis, tanquam floribus & plantis efficacibus. *Amici*, siue socij Spōsi, Angeli etiam è R. Selomone & Hebræis aliis, qui preces Ecclesiæ audiunt, & Deo offerunt, quemadmodum & legitur Act. 10. & in Tobia. Hic adiunge reliquos cælitales & Sanctos qui in Apocalypsi sequi memorantur Agnum quocumque ierit. Quamquam nonnullorum opinione ita appellentur Pseudoprophetae, qui se simulant socios Christi, cum nihil sint minus. *Vox* Sponsæ suavis, pudica, humilis, ideòque Sponso acceptissima & optatissima. Cuiusmodi sunt ipsius hymni. Psalmi, cantica, inuocationes, in quibus omnia sunt vel sim-

plices preces & petitiones, vel confessiones & laudationes, siue ad laudandū inuitationes & cohortationes, vel gratiarū actiones, vel querimonix, lamentationes, expostulationes. Quæ quàm sint grata & probata Domino apparet è Psalmis, Inuoca & honorificabis me, &c. Quæque hortos incolis herbis, floribus, fructibus vestitos, procul à mundi strepitu & turbis. *Amici auscultant*, vocem tuam per Hypozeugma. Hinc in Fonte est transpositio. Amici (mei) auscultant vocem tuā, fac me audire. Et magis ad Verbum, Socij (mei) attendunt voci tuæ, fac me audire (illam). Cæterum doctè Noster postposuit, vt doceret, *Vocem* construendam cum utroque verbo, ἀπὸ τοῦ καινοῦ. Quemadmodum socij mei libenter audiunt vocem tuam, ea delectantur, ei sedulo intendunt, & veluti ad illam aures arriunt vel inclinant. (Ea enim est vis verbi *שמעו* *hikfib.*) me vicissim eius dulcedine & suauitate recrea. A te Cantica illa requiro, (vt interpretantur Hebræi) quibus Angelos ministerij socios & meos & tuos, recreas ac reficis. Vbi obserua R. Selomonem Amicos siue socios non Sponsi, sed Sponsæ interpretari, quamquam & ipse Angelos intelligat. Angeli (inquit) ministerij socij tui, ô Sponsa, filij Dei, vt tu, tui similes attēdūt, acceduntque ad audiendum vocem tuam in Synagogis. Ergo *Amici* sub. vel *Mei* vel *Tui* diuersa quidem notione, sed eodem sensu.

14 Tanta celeritate propera, ô Sponse, vt fugere videre, & recipe tete, me tecum vnà trahens in cælum, vbi degunt beati & immortales spiritus,

vel in Ecclesiæ sedem, quæ olim quidẽm fuit Hierosolymis, hodie verò ubique terrarum, præferim autem in thronis Apostolicis, quorum caput Roma sanguine B. B. Apostolorum Petri & Pauli dedicata, ut ad satietatem, vocem meam, quam tantopere experis & efflagitas, audire possis; & ego vicissim præsentia, cõspectu, amplexu, amoribus denique tuis frui valeam. Hic quatenus humana conditio feret, in cælo autem completa absolutaque coniunctione, in qua sempiterna hominis fælicitas Scripturis concepta maximè existit. *Fuge*, fugere hic est celeriter ire & contendere more fugientium. Sic & apud Poëtas Nostros. *Fuge*, celeriter abi ex hoc loco profano & impio super montes Aromatum Sionios ex Hebræis & Sanctos. Illic enim mea Cantica modulator, non hic in terris profanis. q. d. Quia vocem meam audire vis, fuge ex hoc loco & magna celeritate veni ad montes Aromaticos & Sanctos, spiritualibus gratiis & virtutibus fragrantibus. Illic enim canto, non in terra aliena, Ut in Psal. Quomodo cantabimus Canticum Domini in terra aliena? Interim autem alludit ad incarnationem Domini. Veni celeriter Domine Iesu super mōtes Aromatum, in loca odorifera tuæ Ecclesiæ per carnem, & non tantum per spiritum. Illic audies mea Cantica, illic ego vicissim te fruar & tua dulci consuetudine atque consortio. Alij per montes Aromatum, cælum intelligunt, ubi vox Ecclesiæ suauissima & Alleluia perpetuum, gratiarum actio perennis, &c. Apocaly. 19. *Et assimilare*, similis esto capreolo (nam vox *Tsebi* masculini generis) aut

hinnulo Ceruorum, qui pernicitate vigent, eorum instar propera & curre ad propositum locum. Hoc autem interiectum est per parenthesis. Nam *super montes Aromaticum*, construi debet cum principio versiculi, id est, cum verbo *Fuge*, vt supra capite 2. versu vltimo: *Hinnul'oque*, in Fonte disiunctiuè, aut hinnulo Ceruorum, Ceruulo. Capreolus scilicet & Ceruulus specie differunt. His & nos similes, agitati ab huius mundi canibus celeriter contendamus ad rupes rutas & securas, montes cœli Aromaticos, vt ibi dulci Domini complexu perfruamur, malis & periculis omnibus ipsius gratia ac munere liberemur, beatitudine nobis, benè cōtra carnis contumaciam, Satanæ fraudes, mūdi illecebras, peccati delicias pugnantibus promissa potiamur.

*Commentariorum in Salomonis
Cantica finis.*

DEO LAUS, HONOR, GLORIA,





COMMENTARIVS R. SELO-
monis Iarhij in primum cap.
Cantici Cant.

Psal. 61.

VNum pronunciauit Deus, duo hæc audiui. Scriptura quidem vna eadēque trahitur in quā plurimos sensus, sed nulla tibi est, quæ simplicis & historici sensus rationē euadat. Quamquam enim Prophetæ libenter vsurpant similitudines, necesse est tamē illas accommodare ad modos suos seu tropos & ad ordinē, qua ratione scripturæ aliæ post alias loco & ordine collocatæ sunt. Vidi in librum hūc quamplurimas expositiones allegoricas, quasdam quidem, quæ eam totum adaptabāt vni perpetuæ allegoriæ, alias verò, quæ distrahebant in varias & multiplices, atque scorsum tractabant in locos Biblicos. Quoniam autem hæc nō sunt modificatę ad normā & seriem scripturarum, apud me constitui sensum literæ, accommodando interpretationem eorum ad seriem seu cōtextum, allegoriāsque doctorum nostro-

Loquendi
consuetudi-
nem
יְהוָה

rum singulas singulis suis locis distinctè collocando, persequi.

Ut igitur meam sententiā explicem, vi- Argumen-
tum libri.
dit Salomon Spiritu sancto fore, vt Israëlita^{rum} abducerentur proculā finibus, aliquot sibi mutuo succedentibus exiliis & euerfionibus, atque lamentarentur in hac (in qua hodie sunt) captiuitate gloriam suam pristinā, recordati dilectionis priscæ, qua erant percussam Domini præ reliquis omnibus po- Os.
pulis, in hanc sententiā. Ibo & reuertar ad virum meum primum, quia tunc mihi melius erat, quam nunc, & recordabuntur beneficiorum eius & prauaricationis suæ, qua prauaricati sunt, & bonorum, quæ illis pollicitus erat daturum se extremis temporibus. Argumētum autē libri Spiritus sancti afflatū sumit ex persona mulieris, quæ multā etatē vidua vixerat, cursitantis ad maritū, salientis ad dilectum, recensentis suam erga eum dilectionem a puero cōciliatam, & deprecantis thori perfidiam. *Ex hac oratione* inducitur sponsus grauiter angustias eius ferre & commemorare quantā fuerint encomia pueritiæ, quantā venustas pulchritudinis, quantā rectitudo operum eius, quibus ad ardentissimum ipsius amorem pellectus sit, idque vt intelligat se non ex animi

Domini cognitionem participationemque ad-
ducit. *GENEBRARDI LN*

9. Respondet Dominus ad superiorem delibe-
rationem: Si murus est, &c. Si perstat in fide,
quam semel suscepit, eam magis ac magis or-
nabimus, atque muniemus, alia dona subinde ei
adhibebimus, quin etiam aditum eius tabulis Ce-
drinis nunquam putrescentibus stabiliemus, si
fuerit Ianua, & admiserit Apostolos, ac eis ape-
ruerit. Sic Paulus loquitur, Ad vos ostium Co-
rinthij mihi apertum est, 1. Cor. 16. Et, Veni ad
Troadem, & apertum mihi fuit ostium in Domi-
no, 2. Cor. 2. id est, cor humanum. Nam etiam po-
strema pars versiculi in bonum explicari debet,
ut idem polliceatur diuersis metaphoris. Non in
malum, ut R. Selomo & R. Abraham censuerunt,
quasi per Antithesim posterius hoc membrum ad
hunc modum intelligendum sit. Si Ecclesia Gen-
tium murus est, & perstiterit in fide, eam magis
ac magis decorabimus, structo super eam palatio
argenteo, ei dabimus arcem argenteam, ut sit mu-
nitior & ornatio, ei insuper addemus robur &
ornamenta. Quod si è conuerso est Ianua, & se
amaliis alijs aperuerit atque prostituerit, si se ge-
ferit, ut porta versatilis & cunctis exposita, arcta-
bimus, prohibebimus, excludemus eam à nostro
consortio tabulis Cedrinis. Opponemus ei fir-
missimos postes & ostia, ne possit ad nos ingredi.
Si verba sint Sponsæ, sensus non admodum dif-
feret citra Antithesim quidē. Si est ut murus, fir-
ma & constans, dabimus ei palatium argenteum:
si, ut Ianua, se aperit Apostolis eorumque verbum

recipit, fores Cedrinas, id est, eam rebus pretiosis ornabimus, ac nosmetipsos ipsius captui attemperabimus. Sic Ecclesia Apostolica sese accommodavit ad Ecclesiam Gentium, Act. 15. Per Antithesim verò ab Hebræis ferè conceptam, Si Ecclesia Gentium perstet in fide, & seruet pudicitiam, palatium siue arcem habebit argenteam, Sin minus, id est, si vt Ianua sese aperiat & prostituat aliis amasiis, excludemus eam, vt 1. Cor. 3. Aliqui etiam putant esse verba puellarum, siue etiam Gentium. *Aedificemus*, vel enuntiatiuè edificabimus propugnacula argentea ad eam ornandam, & præterea muniendam firmiùsque roborandam. *Tirâ* & arcem, siue propugnaculum, & palatium designat. *Ostium*, valvæ, fores, ianua versatilis. *Compingamus*, vel compingemus, arctabimus prop. id est, dabimus ei fores Cedrinas, alij muniemus. Abben Ezra, obsidebimus, prohibebimus eam, tabulis Cedrinis.

10 Quodad me attinet quæ sum Catholica & omnium temporum Ecclesia, murus sum, id est, firma, stabilis & ampla ad cõcludendos multos, & habeo mammas prælongas ad lōge lactandos homines. Ego gratia & doctrina, quam mecum communicavit Sponsus, facta sum murus, cui facile superstruas aurum, argentum, lapides pretiosos. 1. Cor. 3. Mammas etiam habeo, quæ lac sitiētibus ministrer, Tuncque euasi veluti amica, quæ amico mirum in modum placet. *Sicut turri*, Pluraliter in Fonte, sicut turres. *Quia* se comparauerat muris, vbera sua comparat turribus, quibus murus firmatur, decoraturque, persistens in

Allegoria. *Ex quo*, scilicet tempore. Hinc in Fonte. Tum fuit in oculis eius tanquam inueniens pacem. i. tranquillitatem animi & conscientiae. Post professionē & propositum de constantia pietatis, & patientia rerum quarumlibet propter Dominum, pace alta, voluptate animi & tranquillitate conscientiae exuperante omnem sensum fruimur. Alibi in mundo nemo animi quietem & pacem consequitur. *Pacem*. Pax Hebraeis generale nomen est ad omnem prosperitatem & felicitatem, quam pax conferre solet, ut bellum è conuerso omnem calamitatem inuehit. Aliqui restringunt ad reconciliationē, gratiam & remissionē peccatorum, ad quam sequitur pax & testimoniū suae conscientiae. Ut in principiis Epistolarum Apostolicarum, Gratia vobis & pax in Christo Iesu.

11 Proponit in medium vineam, quam exquisitè, pretiosè, in solo fructuoso & amœno sibi plantauit Salomon, inter cætera nobilia magnificentiae suae opera & monumenta, ut eam sequenti versu cum sua comparet. *Pacifico*, id est, Salomoni. Et sic ponitur in Fonte, quod nomen proinde, tanquam proprium, melius fortasse retineatur, ne, si interpreteris, appellatiuè videatur sumi. *In ea quæ habet populos*. In Baal Hamon Heb. ut intelligamus nomen esse loci proprium, cuius solū erat amplissimum, vinis generosis accommodatissimum, & pretiosissimum. Nam tellus altera alteri præstat ad res proferendas, Bacchus amat colles, &c. Ita hîc etiam rectius retineatur vox Hebraica. Porro *Baal Hamon* sonat propriè Dominum siue possessorem multitudinis, vel secundum R. Selomonē, planitiem multitudinis. Nam

Baal aliquando planitiem designat. Hinc Rabbi-
ni ferè intelligunt Hierosolymam, locum popu-
losum siue urbem populosam in fertilissimo solo
sitam, quæ Lam. id est, multa populo, asseritur, vel
Iudæam, cuius populus multiplicabatur, vt arena
maris, & stellæ cæli, quemadmodum loquuntur
Moses & Paulus. *Custodibus*, colonis, vinitoribus,
ad colendam vineam & seruandam à furibus &
bestiis. *Tradidit* nō dono, sed locatione, id est, elo-
cauit vt Matt. 21. Homo paterfamilias plantauit
vineam, sepe circumdedit, torculari & turri in-
struxit, & locauit eam agricolis, & peregrè pro-
fectus est. Mana propria vineam suam non cole-
bat Salomon, sed per colonos, quibus eam loca-
uerat, sed nec fructum eius, id est, vinum capie-
bat: verū pretium vini. *Vir affert*, quisque red-
dit, singuli reddunt & pensitant mille argenteos,
adeo vt tot argēteorum nummorum millia inde
colligeret, quot essent coloni. Hunc locum non
intelligunt, qui putant mille duntaxat fuisse Salo-
moni ex ea pensitatos, & in eius ærarium illatos.
Nā *vir* phrasi linguæ distributiue accipitur.
Hoc magnificum & exquisitum opus Salomonis
per concessionem suæ vineæ Sponsæq. Ver. ac-
commodat.

12 Sponsa exaggerat suum amorem compara-
tione duarum vinearum, vnius externæ à Salo-
mone loco commodissimo & feracissimo planta-
tæ, alterius suæ, quæ spiritualis est & mystica. Nā
designat populum Ecclesiæ commissum, fideiū
curam & rectionem, vt hortus, ager, pomarium,

suprà. Tibi (inquit, per Concessionem Rhetoricam) fuerit vinea ô Salomon pretiosissima & fructuosissima, & eam locaueris vinitoribus, vt inde mille argenteos annuo redditu à singulis vinitoribus recipias, & ipsi coloni, qui eam cōduxerunt, lucrum ducentorū faciant: At vinea mea coram me est, non eam alteri sum commissura, ipsa eam curabo, fructum longè ampliorem inde sperans. Ego pecuniam nolo, non sortem, non accessionem, sed vt sit vinea mea coram me, in qua me cum Dilecto meo, seorsim & semotis profanis hominibus, oblectem. Nam eavoluptas mihi est quauis pecunia optatior. Sic & Abben Ezra in Dramatica expositione. Hebræi tamen alij, item & Nostri constanter per Salomonem etiam ad literam hic Christum significari tradunt. atque vt supra montes Bather, ita & hic Baal Hamon similiâque conficta esse per quandam allusionē. Vnde Noster Salomonis nomen appellatiuè per *Pacificum* reddidit, & Baal Hamon, per *eam, quæ habet populos*. Quinetiam Abben Ezra in expositione tertia, id est, allegorica, Messiam hîc notat dici Patronymicè Salomonem, quasi Salomonis filium. Custodes verò esse Prophetas, Apostolos, & reliquos, quorum est Dei vocatione & instituto Ecclesiam regere. Et si R. Selomo in malum sumat, referens ad quatuor Monarchias, à quibus Synagoga & Ecclesia, multa passæ sunt. Quo mysterio Sponsa confert inter se duas vineas, Synagogam & Catholicam, quæ Iudæorum simul est ac Gentium. Vineam Iudæorum custodibus Prophetis data attulit mille ar-

gēteos per singulos custodes Salomoni Christo.
At mea Gentium omnium simul & Catholica
non tantum affert hoc pretium Christo, sed &
custodibus ducentos nummos. Quod de altera
dici non potest, quæ non nisi Prophetis attulit
crucem & martyria, atque ita soli Christo fructi-
ficauit, cum hæc etiam custodibus & pastoribus
honores, consolationem, fructum afferat. Sunt
qui putent vtrumque enuntiari de vna & eadem
vineâ, sed quæ duobus hominû generibus com-
missa sit, olim Prophetis, postea, quando Chri-
stus sibi despôsavit Ecclesiâ, Sponsæ. q. d. Olim
tibi Salomoni pro vineæ tuæ fructibus custodes
Prophetæ tantum pensitabant mille argenteos,
at hodie per me, cui eam credidisti, habes totidē
& præterea ducentos pro custodibus & pastori-
bus tuis. Simplicius est vt vbiq̃ue *Salomon* sit no-
men profanum, & designet Regem ipsum Salo-
monem libelli scriptorem. Deinde per Conces-
sionem accommodatio sequatur. Habe tibi mille
argenteos à singulis custodibus, & ipsi ducento-
rum lucrum faciant, at non propterea meam ego
locauero. Vel, quod eodē tendit, Vineam meam
ipsamet propria manu colam, nec aliis commit-
tam, quantumuis ex locatione nescio quorū millia
colligas, & tui coloni ducenta, vt eius aspectu
fruat, in ea me oblectem, memor veteris prouer-
bij, Villicari, quo Dominus rarerer venit, non
villicari, sed dominari est. *Met.* In Fonte Genus
est Epizeuseos, Vineâ mea, quæ mihi, id est, quæ
mea (est) vel quæ mihi (commissa est) coram
me (est) ab ea nunquam oculos demoueo, eam

habeo perpetuò ante oculos. Oculi Domini sanguinat equum, vineam, agrum, &c. *Tibi*. mendosè in aliquibus codicibus legitur *Tui pacifici*, pro *Tibi pacifice*. Est autem sensus per concessionem, *Mille argenti tibi sint à custodum siue colonorum quolibet ô pacifice*, ô Salomon, cuius nomen Pacificum sonat, & *Ducenti sint custodientibus fructum eius*, vineamque illam colentibus.

13 O Sponsa, quæ habitas in hortis, socij mei attendunt ad vocem tuam, tua cantica audire cupiunt, fac ut ipse ea quoque audiam. Tuæ vocis suauitate & dulcedine oblectantur & capiuntur Angeli & alij Sancti, fac me quoque ea oblectes. Perspicuus locus, contra istos indoctos Calvinistas, qui negant preces Ecclesiæ innotescere cælitibus, vocem eius ab iis minimè audiri, cantica ad illos nequaquam peruenire. *Horti* autem sunt Ecclesiæ, cœtus piorum, vel personæ particulares, quas Dominus exornat & excolit multis virtutibus variisque donis, tanquam floribus & plantis efficacibus. *Amici*, siue socij Spôsi, Angeli etiam è R. Selomone & Hebræis aliis, qui preces Ecclesiæ audiunt, & Deo offerunt, quemadmodum & legitur Act. 10. & in Tobia. Hic adiunge reliquos cœlites & Sanctos qui in Apocalypsi sequi memorantur Agnum quocumque ierit. Quamquam nonnullorum opinione ita appellentur Pseudoprophetæ, qui se simulant socios Christi, cum nihil sint minus. *Vox* Sponsæ suavis, pudica, humilis, ideòque Sponso acceptissima & optatissima. Cuiusmodi sunt ipsius hymni, Psalmi, cæntica, inuocationes, in quibus omnia sunt vel sim-

plices preces & petitiones, vel confessiones & laudationes, siue ad laudandū inuitationes & cohortationes, vel gratiarū actiones, vel quæmonia, lamentationes, expostulationes. Quæ quàm sint grata & probata Domino apparet è Psalmis, Inuoca & honorificabis me, &c. *Quæ* quæ hortos incolis herbis, floribus, fructibus vestitos, procul à mundi strepitu & turbis. *Amici auscultant*, vocem tuam per Hypozeugma. Hinc in Fonte est transpositio. Amici (mei) auscultant vocem tuā, fac me audire. Et magis ad Verbum, Socij (mei) attendunt voci tuæ, fac me audire (illam). Cæterum doctè Noster postposuit, vt doceret, *Vocem* construendam cum vtroque verbo, ἀπὸ τοῦ κοινοῦ. Quemadmodum socij mei libenter audiunt vocem tuam, ea delectantur, ei sedulo intendunt, & veluti ad illam aures arrigunt vel inclinant. (Ea enim est vis verbi *שמעתי* *hik'sib*,) me vicissim eius dulcedine & suauitate recrea. A te Cantica illa requiro, (vt interpretantur Hebræi) quibus Angelos ministerij socios & meos & tuos, recreas ac reficis. Vbi obserua R. Selomonem Amicos siue socios non Sponsi, sed Sponsæ interpretari, quamquam & ipse Angelos intelligat. Angeli (inquit) ministerij socij tui, ô Sponsa, filij Dei, vt tu, tui similes attēdūt, acceduntque ad audiendum vocem tuam in Synagogis. Ergo *Amici* sub. vel *Mei* vel *Tui* diuersa quidem notione, sed eodem sensu.

14 Tanta celeritate propera, ô Sponse, vt fugere videre, & recipe tete, me tecum vnà trahens in cælum, vbi degunt beati & immortales spiritus,

vel in Ecclesiæ sedem, quæ olim quidē fuit Hierosolymis, hodie verò ubique terrarum, præsertim autem in thronis Apostolicis, quorum caput Roma sanguine B. B. Apostolorum Petri & Pauli dedicata, ut ad satietatem, vocem meam, quam tantopere expetis & efflagitas, audire possis; & ego vicissim præsentia, cōspectu, amplexu, amoribus denique tuis frui valeam. Hic quatenus humana conditio feret, in cælo autem completa absolutaque coniunctione, in qua sempiterna hominis fœlicitas Scripturis concepta maximè existit. *Fuge*, fugere hic est celeriter ire & contendere more fugientium. Sic & apud Poëtas Nostros. *Fuge*, celeriter abi ex hoc loco profano & impio super montes Aromaticum Sionios ex Hebræis & Sanctos. Illic enim mea Cantica modulator, non hic in terris profanis. q. d. Quia vocem meam audire vis, fuge ex hoc loco & magna celeritate veni ad montes Aromaticos & Sanctos, spiritualibus gratiis & virtutibus fragrantibus. Illic enim canto, non in terra aliena, Ut in Psal. Quomodo cantabimus Canticum Domini in terra aliena? Interim autem alludit ad incarnationem Domini. Veni celeriter Domine Iesu super montes Aromaticum, in loca odorifera tuæ Ecclesiæ per carnem, & non tantum per spiritum. Illic audies mea Cantica, illic ego vicissim te fruar & tua dulci consuetudine atque consortio. Alij per montes Aromaticum, cælum intelligunt, ubi vox Ecclesiæ suauissima & Alleluia perpetuum, gratiarum actionis, &c. Apocaly. 19. *Et assimilare*, similis esto capreolo (nam vox *Tsebi* masculini generis) aut

hinnulo Ceruorum, qui pernecitate vigent, eorum instar propera & curre ad propositum locum. Hoc autem interiectum est per parenthesis. Nam *super montes Aromaticum*, construi debet cum principio versiculi, id est, cum verbo *Fuge*, vt supra capite 2. versu vltimo: *Hinnulóque*, in Fonte disiunctiuè, aut hinnulo Ceruorum, Cerulo. Capreolus scilicet & Ceruulus specie differunt. His & nos similes, agitati ab huius mundi canibus celeriter contendamus ad rupes iutas & securas, montes cœli Aromaticos, vt ibi dulci Domini complexu perfruamur, malis & periculis omnibus ipsius gratia ac munere liberemur, beatitudine nobis, benè cōtra carnis contumaciam, Satanæ fraudes, mūdi illecebras, peccati delicias pugnantis promissa potiamur.

*Commentariorum in Salomonis
Cantica finis.*

DEO LAUS, HONOR, GLORIA.



rum singulas singulis suis locis distinctè collocando, persequi.

¶ Ut igitur meam sententiā explicem, vi- Argumen-
tum libri.
dit Salomon Spiritu sancto fore, vt Israëlita^{rum} abducerentur proculā finibus, aliquot sibi mutuo succedentibus exiliis & euerfionibus, atque lamentarentur in hac (in qua hodie sunt) captiuitate gloriam suam pristinā, recordati dilectionis priscæ, qua erant peccatum Domini præ reliquis omnibus populis, in hanc sententiam. Ibo & reuertar ad virum meum primum, quia tunc mihi melius erat, quam nunc, & recordabuntur beneficiorum eius & prauaricationis suæ, quæ prauaricati sunt, & bonorum, quæ illis pollicitus erat daturum se extremis temporibus. Argumētum autē libri Spiritus sancti afflatū sumit ex persona mulieris, quæ multā etate vidua vixerat, cursitantis ad maritū, salientis ad dilectum, recensentis suam erga eum dilectionem a puero cōciliatam, & deprecantis thori perfidiam. *Ex hac oratione* inducitur sponsus grauitè angustias eius ferre & commemorare quanta fuerint encomia pueritiæ, quanta venustas pulchritudinis, quanta rectitudo operum eius, quibus ad ardentissimum ipsius amorem pellectus sit, idque vt intelligat se non ex animi

sententia illam affligere, & quod dimissio eius non sit repudium, cum præsertim adhuc ipsam habeat pro vxore, seque nunc tandem mariti officio cum ea gesturus sit.

I Canticum canticorum quod Salomonis. Commentati sunt Doctores nostri nomen Salomonis, cuius mentio fit in Cantico canticorum, omnibus locis designare Christum Regem illum sacrosanctum, cui tribuitur pax. Hic enim editur Canticum canticorum omnium excellentissimum, quodque habetur Deo Opt. Max. ab Ecclesia & populo suo Synagoga Israelica. Nunquam, inquit R. Akiba, talis dies illuxit atque is, quo traditum Canticum canticorum Israelitis. Omnia enim Hagiographa sancto quidem respondent, sed Canticorum canticum sancto sanctorum. Itaque illud R. Eleazar filius Azariæ comparat Regi, qui satum tritici ea lege pistori tradit, inde ut hoc vel illo modo similam talem, tantamque farinam populum pariter & furfur hoc vel illo pacto eliciat, atque sibi e medio eius libum eximium & celsum n efferat. Sic enim omnia Hagiographa referunt sanctum, at hoc Canticum augustissimam templi partem. Totum enim est in timore Domini & de recipiendo regni eius iugo.

Furfur non
ita crassum.

2 *Osculetur me osculis oris sui.* Hoc Canticum habetur à Sponsa longo exilio & viduitate exercita. Vtinam, inquit, osculetur me Rex Sélomó osculis oris sui. Hæc enim erat illius tēpestatis consuetudo. Cūm ple-risque aliis locis osculum admoueatut ma-nui aut humero. Ego verò, inquit, expeto, immo verò efflagito vt tete geras erga po-pulum meum pristina consuetudine, sicut Sponsus erga Spōsam ore ori adhibito. *Quia meliores sunt, mihi, amores tui vino*, quauis computatione vini, quouis delicio & volu-ptate. Phrasi Hebraica conuiuium omne vtut deliciosum & voluptarium vini no-mine appellatur, vt in Hester, præfectus su-per domo cōuiuij vini. In Cantico nulla est vini porio, sed fistula, nablum, cythara, tym-panum sunt spectantibus vinum epulare. Haftenus simplex literæ expositio, Allego-ria attingit legem, quam illis in prospectu habito colloquio, dedit. Illi, inquit, amores etiānum dulciores sunt quauis oblecta-tione & ab eo speramus, vt adhuc nobis af-fulgeat, declarétque arcanos sensus & oc-culta mysteria eius, eoque adoramus vultū ipsius, vt confirmet verbum suum, hoc est, osculetur osculis oris sui.

3 *Ad odorem vnguentorum tuorum bonorum.*

adhæserim. *Memores erimus amorum tuorum.*

Etiānum hodie in mea vitæ viduitate af-
fiduè potiùs commemorabo amores tuos
pristinos, quàm vllum epulum aut conui-
uium sumptuosum. *In rectitudinibus dilexe-*

runt te. Dilectio vehemens erat, dilectio re-
ctitudinis absque fraude & fūco, qua ego &
olim patres mei dilexerunt te. Habes sim-
plicem loci intelligentiam. Allegoricè au-
tem Israëlitarū enumeratione coram Domi-
no recēsent pietatem pueritiæ, amores qui-
bus in desponsatione flagrabant, præterea vt
Dominum in desertum sequuti sint, terram
squallentem, & simillimam vmbraē mortis,
nec tamen id molestè tulerint credētes ei &
nuncio eius, nec questi hæc aut similia dixe-
rint, quo pacto exhibimus in solitudinem,
vbi locus non est sementi aut cibo? ipse ve-
rò introduxit eos in media penetralia cir-
cumpositis nubibus suis. In quo etiānum
hodie exultant & gestiūt, etiamsi sint in me-
diis afflictionibus & calamitatibus, atque
sefe oblectant in lege eius, ac ibi amorum
ipsius potiùs meminerunt, quàm vini, non
dissimulata suæ erga eum dilectionis recti-
tudine.

5 *Nigra sum, sed speciosa. ne quæso sociæ vi-
lescā oculis vestris. Etsi enim reliquerit me*

CANTICVM

vir, nigroris, quo offundor, causa, (nam nigra sum æstu & ardore Solis) attamen elegans admodum mihi est membrorum conformatio. Vt nigra sim sicut tentoria Cedarum, quæ propter imbres atrox consperguntur, in desertis enim perpetuo tensa sunt, facile tamen eluere me possum, & similis fieri pellibus Salomonis. Sensu allegorico Ecclesia Israelica externis gentibus, Nigra equidem, inquit, sum operibus meis, sed actionibus patrum meorum speciosa. Quinetiam operum meorum quædam honesta sunt. Vt in me insit impietas vituli conflatilis, est tamen in me contratio traditionum legis puritas. Vocat autem exteræ nationes filias Ierusalem, quod ipsa futura sit metropolis omnium populorum. Hoc prædixit Ezechiel, Dabo, inquit, eos tibi in filias: quo sensu in Iosue scribitur, Accharon & filia eius.

6 *Ne despiciate me*, ne inspicite me contempnim, quod sim nigra. Non enim hunc nigrorem & deformitatem traxi ex matris meæ visceribus, sed Solis adustione, cuiusmodi umbram nactus remittitur & albescit. *Filij matris meæ*. nempe Ægyptij, inter quos educata sum, quique conscenderunt mecum turbâ promiscuâ, exarserunt in me, & solli-

citatione atque illecebris posuerunt custodem vinearū, vbi adussit me Sol & nigra reddidit. q.d. adegerūt me ad cultum Deorum alienorum, & vineam meam, quam à maioribus acceperam, non seruaui. Pastores interdum in scriptura censentur vinearū nomine, vt in Ezechiele, assignabo illi vineas suas, hoc est, interprete Chaldeo Paraphrasste, præficiam illi pastores suos. sic alibi, respiciet viam vinearum.

7 *Indica mihi ô quem diligit anima mea.* Iam Spiritus sanctus denuo eam comparat oui, quæ pastori grata est. Ait igitur coram eo Ecclesia Israelica velut marito coniux, Indica mihi, ô quem deperit anima mea, qui fit vt pascas oues tuas inter lupos hos, qui sunt in medio, & stabules eas in meridie, in hoc exilio, quod illis est tempus afflictionis, sicut meridies ouibus? Nam quare ero tanquam *וַיִּשְׁׁרָר* inuoluta vel errans. Quid tua refert, inquires? at non id tibi gloriæ vertitur, vt sim tãquam lugēs inuolutis labiis, atque fleam propter oues meas. *Ad greges sodalium tuorum.* Iuxta greges reliquorum pastorum, qui æquè, ac tu, pascunt oues. q.d. inter profanarum gentium turmas, quæ addictæ sunt diis alienis, habentque Reges & Principes, qui eas regant.

Quo modo
pascis oues,
&c.

CANTICVM

8 *Si ignoras*. hæc est pastoris responsio, si ne-
 scis, quô proficisci debeas, vt pascas oues
 tuas ô mulierum pulcherrima, quòd illas
 pastor ducere desierit, *Exi tibi per vestigia*
ouium. Inspice & observa vestigia ouium,
 quóque itinere perrexerint. Dignoscuntur
 enim facilè vestigia, vernaculè *les traces*. Et
 sic plerisque locis Scripturæ תְּקֵבִי id est,
 vestigia tua non sunt nota, &, ablata sunt
 תְּקֵבִי. i. vestigia tua. Et, ipse turmatim cin-
 get עֵקֶב plantam. & redibit ad vestigia sua.
 עֵקֶב. Illam ergo viam tene. *Et pascce agnos*
tuos ad tabernacula pastorum. Inter taberna-
 cula reliquorum pastorū, iuxta quos versa-
 ris. Allegoricè verò, si ignoras ô Ecclesia, cō-
 cióque mea, mulierum. i. reliquarum natio-
 num pulcherrimā, quo pacto pascas & li-
 berêris é manu angustantium, vt inter eos
 viuas & non interficiant filios tuos, attende
 ad vias patrum tuorum veterum, qui leges
 meas susceperunt & seruauerunt cautiones,
 præceptaque mea, & illorum viis insiste, at-
 que ita eam ob rem pascas agnos tuos apud
 principes populorum. Vide Ieremiam hæc
 concionantem, statue tibi tumulos, pone
 cor tuum in semitam.

Psal. 77.
 Ier. 13.
 Gen. 49.

Illorum vi-
 uédi ratio-
 nem seque-
 re.

Ita accom-
 modatè ad

9 *Ad equitatum meum in curru Pharaonis*, si-
 lentium imposui tibi, socia mea. תַּחֲסִיחַ par-

ticula ל hoc loco non est index datiu casus, ^{expositionē huius}
 sed præpositio, vt sæpè aliàs. לִקְוֹל ad sonitū, ^{Rab. verti-}
 quem edidit abundantia aquarum, & paulò ^{mus, cæterū}
 suprà לְרִיחַ ad odorem vnguentorum tuo- ^{altera ver-}
 rum, hoc sensu. Ad congregationem equo- ^{sio præstat.}

rum multorū (Collegi enim exercitus meos, ^{Ab. 3.}
 vt in occursum tuum exirē in currus Pha-
 raonis, ad seruandum te, sicut scriptum est,
 ambulasti in mari cum equis tuis, equis plu-
 rimis) ibi silere feci te ô socia mea, ibi con-
 ticescere feci clamorem tuum, iuxta illud,
 Dominus pugnabit & vos silebitis. Hanc
 interpretationem reperi in siphre agadā. Et
 certè סוֹחָה equitatus, significat multitudinē
 equorum vernaculē *chauallerie*. דְּמִיחָה verò
 hoc etiam sensu accipi potest, ibi, inquit,
 ostendi omnibus te meam sociam esse, aut
 isto, parauit te, &c. vt alibi, me דִּמְיוֹ pararunt
 seu cogitarunt interficere. Illic enim habitu
 specioso exornaui te.

10 *Puchra sunt genæ tuæ murænilis.* חֲרִיטִים sunt
 ordines monilium aureorum, quæ auribus
 & frontibus adhibentur. *Collum tuum moni-*
libus. חֲרִיטִים sunt torques aurei & margaritæ
 filo aureo colligatæ, quas sibi ex spoliis Ægy-
 ptiorum, quos obrutos mare Rubrum euo-
 muerat, comparauerant.

11 *Murænulas aureas faciemus tibi, delibera-*

CANTICVM

uimus apud nos ego curiâque mea de Pharaone, ante ipsius aduentum, decipiendo, eoque ita obdurando, vt te persequeretur cum omni gloria & gazis thesaurorum suorum, ex quibus tibi conficeremus murænullas ornatu aureo. *Cum punctis argenti*, quod iam præ manibus erat, quodque ex Ægypto comportaucas. Fuit enim amplior præda maris quàm Ægypti. Per puncta autem intelligit vasa argentea punctim signata & picta maculis atque coloribus.

12 *Quandiu rex in accubitu suo.* respondet Ecclesia Israël & quæ sequuntur omnia inquit, de me quidem optimè meritus es, ego verò de te pessimè. quandiu enim rex in mensa, accubitu thalami sui erat, *Nardus mea dedit odorem suum*, hoc est, putruit, per cōtrarium scilicet sensum, veluti significās illam, tantisper dum diuina maiestas erat in Sinai, corruptam in vitulo. Antiphrasi autem scriptura vtitur, quòd delectetur genere dicendi puro alienoque ab obscenitate.

13 *Fasciculus myrrhæ dilectus meus.* Dilectus meus factus est mihi quasi is in cuius sinu myrrhæ fasciculus reponitur his verbis, hic tibi fasciculus odorem multò suauiorē primo, quem amisisti, spiraturus est. Ita enim Deus Opt. Max. Israëlitis placatus est, con-

donauitque culpam conflatu vituli, & noxam remittens, sponte, inquit, vestra offerre ad tabernaculum. Item, offerat aurum tabernaculi & expiabitur super auro vituli. *Inter vbera pernoctabit*, etli præuaricata sum in eum, tamen pollicetur se ibi habitaturum inter vbera mea, inter duos arcæ vectes.

14 *Botrus cypri dilectus meus*. Cyprus seu Kópher nomē est aromatis, vt, cypri cum nardis, &c. speciēque botrorum præfert. *In vineis Hengadí*. nomen loci vbi reperitur cypus. porro hæ vites fructus suos ferre dicuntur in Agadá quater quinquiesve annis singulis. Allegoria pertinet ad quamplurimas expiationes & propitiationes, cum Dominus multas tentationes, quibus eum in deserto exercuerunt, remisit.

Cant. 4.

Liber est
Hebræorū.

15 *Ecce tu pulchra amica mea*. pudebat me corruptionum mearū, ipse verò cōfirmavit me verbis placidis & dixit, peperci vt postulabas, en te igitur pulchrā, quia oculi tui columbini. Significatur Spōsæ, cuius oculi for didi sunt, corpus vniuersum egere explorationis, cōtrā quæ oculis nitet & illustris est, ipsam se facile explorare. Mystice, quia cōdonavi tibi iniquitatē tuā, es profectò pulchra facto iuxta ac auditu, pulchra operibus patrū, pulchra operib⁹ tuis. Oculi enim tui

columbini, hoc est, iusti apud te sunt, qui cohæserunt mihi, sicut columba, quæ marem suum nunquam ut alteri iungatur deferit. Hoc expresserunt Leuitæ, qui omnes conuenerunt ad eum, nec errore vituli capti sunt. Præterea pulchra es opificio tabernaculi. Scribitur enim, Ecce absoluerunt illud, &c. & benedixit eis Moses, &c. Ideo scilicet collaudabat eos.

Exod. 39.

16 *Ecce tu pulcher Dilecte mi atque etiam suavis.* non hæc est mea pulchritudo, sed tua ô tu qui pulcher (natura) es. *Atque etiam suavis.* dissimulasti enim preuaricationes meas, & diuinam maiestatem tuam collocasti in medio mei. Quæ est commendatio descensus ignis, vidit, inquit, vniuersus populus & conclamauit, &c. *Etiam lectus noster floridus,* beneficio suauitatis tuæ lectus sanè noster filiis & filiabus nostris, qui omnes huc ad te conueniunt, floret, iuxta illud & congregata est multitudo, &c. Porro tabernaculum vocatur lectus ut infra. Ecce lectus eius, qui Selomonis. Similiter sanctuarium lecti nomine intelligitur, ut in historia Ioas, In conclauis, inquit, lectorum, qui erant in æde Domini. Vtrumque enim erat incrementum & amplificatio Israëlitarum.

Leuit. 9.

Cantic. 7.

17 *Trabes ædium nostrarum Cedrinæ.* com-

mendatio tabernaculi. *Tigna nostra.* Heb.

טריח *utrum significet afferē an vectem equi-* Contextus
dem nescio. Mihi quidem perspectum est tal mudis
legi in Misna טריח Trabes seu vectes seu cus.
postes hominis testificantur in eum.

COMMENTARII R. ABRA-
ham Abben Ezra in 1. Cap. Cant. Cant.

IC liber insignis est admodum &
planè omnium approbatione com-
mendatus. Ex omnibus Canticis
Salomonis, quæ quinque supra mille fue-
runt, nullum est quod cum hoc conferri
possit, & proinde inscribitur *Canticum Can-*
ticorum Salomonis. hoc enim siue carmen si-
ue Canticum dignius excellentiùsque est cæ-
teris, quæ ipse edidit, ac in eo mysterium ab-
strusum & recõditum est, repetitum à tem-
poribus Abrahamæ parentis nostri ad tempo-
ra vsque Christi, imitatione Moysis, qui in
Cantico, *Auribus percipite*, quando diuide- Deut. 32.
bat Altissimus gētes, cœpit ab ætate qua di-
uisæ sunt Gentium linguæ, & progressus est
ad Israëlīcum de exilio reditum, quem spe-
ramus post prælium Gog & Magog. Porro
ne mireris, quòd compararit Ecclesiam Is-
raëlis Spōsæ, & Dominum amanti. Is enim

CANTICVM

Esa. 5.
Esa. 62.
Ezech, 16.

Of. 2.
Psal. 45.

Mores.

 est scripturarum mos. Canticum Dilecti
 mei, inquit Esaias, ad vineam suam. Et præ-
 terea, sicut gaudium Sponsi super Sponsa.
 Vbera cōpressa sunt, ait Ezechiel, & pil' tuus
 germinauit, tu verò nuda & spoliata. Item,
 & operiam nuditatem tuam, & ornabo te
 ornatu, cū tota sectione. Sic Oseas, Despon-
 sabo te mihi in perpetuum, vade ama mu-
 lierem. Et in libro Psalmodū, Maschil Can-
 ticum dilectionum, in quo etiam scribitur,
 Audi filia & vide & inclina aurē tuam. Ne-
 fas enim est credere Canticum Canticorū
 esse de rebus Venereis. Nam certē allegori-
 cum est, & nisi magna fuisset dignitas præ-
 stantiāque eius, nunquam ascriptum esset
 arcanis sacrarum literarum libris. Præterea
 nullus vnquam ipsum existimauit conta-
 minare manus. Itaque cum sit suis numeris
 perfectum, illud exposui tribus modis. Pri-
 mo voces difficiliore & obscuriores, altero
 rationem dramatis simplicem & historicā,
 tertio sensus allegoricos declaraturus sum.

VOCVM PRIMI CA- pitis explicatio.

Homines
 cōréplatio-
 nibus dedi-
 ti.

HÆc ait Abraham filius R. Meir Hispani huius commentarij author. Scioli

quidam exponere hunc librum cœperunt de mundi arcanis & modo coniunctionis animæ supremæ cū corpore gradu infimo. Cælestis,
vel de con-
stellationi-
bus, & syde-
ribus. nam
vox ambi-
uga.
Alij autē illum explicant de tēperamētis & crasibus. Sed hos omnes tollet ventus, quia

futiles sunt, nec verū est aliud, quàm quod tradiderunt Doctores nostri, quorū nomen faustum fœlixque sit, hunc librum composītū de Ecclesia Israelica, sicque exponam eum tertio loco, ratione allegoriæ, quæ in verbis amicis latet. Præterea obseruatum dignum est, nomē *Salomonis* toto hoc libro dici de Salomone Rege. Quia autē in hoc libro plurima sunt vocabula difficilia, ea initid cœpi exponere, postea verò sensus mysticos & quicquid illis significatur, persequar.

2 *Osculetur me.* Osculandi verbum constructum (vt hoc loco) sine ך significat ad-mouere ori osculum, exempli causa וישקו & osculatus est eum, at cum ל, manui vel Gen. 33. humero vel malis pro varia gentium & populorū consuetudine, vt ל וישק osculare mihi (manum scilicet aut humerum) ל וישק osculatusque ei est (manū sup.) & sic Iacob לרחל וישק osculatus est Racheli (manū aut, &c.) *Amores tui.* Amores tui plus exhilarāt quàm vinū: Haggaon nomine Hebræo ך ויך existimat significari hūmorem

Prou. 7.
Amoribus.

salualem, qui sub lingua est, adducens probationem ex versiculo, Age inebriemur
רוּרִים saluâ ad mane vsque.

3 *Ad odorem unguentorum tuorum.* Id est, si credimus nonnullis interpretibus, narium tuarum. Equidem huiusmodi interpretes propemodum dixerim nunquam unguento delibutos, aut cogitasse Salomonem locutum de oleo oliuarum. *Effusum.* Hebræum חורק plerique aiunt nomen esse loci, cum tamen rectius sit epithetum olei, hoc sensu, nomen tuum est sicut oleum quod יורק effunditur, cuiusque odor eximie fragrat. Nec verò mireris nomen שמן, unguentum, hic esse fœminini generis. Ita enim sæpe inuenies nomina עמל labor, בית domus, מקום locus & similia modò masculinè, modò fœmininè accipi. Puellæ, עלמות sunt paruæ puellæ.

4 *Commemorabimus.* Hebræum נוכרה nonnulli exponunt odorabimus, ex אזכרתה ליוני odor eius domino. Leu. 6. Et יכרן odor eius sicut vinum Libani. Os. 14. *Rectitudinibus.* מישרים includit affectionem vini, vt, ne aspicias vinum cum ambulat in rectitudinibus, (recta & generosè.) Item, ambulat ad amicū meum in rectitudinibus. Porro ἀπὸ τῆς αἰτίας e superiore membro repetenda est præpositio (præ) vt hæc efficiatur sententia, præ re-

Prou. 23.
Cant. 7.

Genero-
sum vinū.

ctitudinibus, aut magis quàm rectitudines dilexerunt te puellæ, quas iam diximus. Simile eclipsim habes cap. 6. Exodi. Apparui Abrahamo, Isaaco & Iacobo in Deo omnipotēte & nomine meo Adonai, pro in nomine meo Adonai aliáq; id gen^o. Alij rectitudinē accipiūt pro equitate: equitates dilexerūt te. vt, Indicans ישרים rectitudines seu æquitatē. Prior interpretatio mihi magis placet.

5 *Nigra sum.* Nonnullorum sententia pulchra & elegās, sic in Numeris, mulier Æthiopissa, vt cū mater filiam, cuius pulchritudini metuit, nēve eam oculus nēquā comprimat, Æthiopissam seu nigrā vocitat. Cæterum nihil nobis hac expositione opus est, neque illud significatur dictione aut Æthiopissæ aut nigræ. Testificatur enim animæ suæ apud se loquens, ne se despiciant quòd subnigra sit. *Sed speciosa.* Heb. נאמה. q. optata & expetita, ab אמה concupiuit. Nun autem est Symbolum coniug. niphali vt his locis, omne נעשה, quod fit in sartagine, &, non est lapis נראה spectatus.

6 *Subnigra.* שחרחרת propter reduplicationē diminutiui est, vt אדמדם subuiridis subruffus. *Aspexit me.* Vidit atque intuitus est me & detexit, sic in Iob, nō aspexit cum oculus noctuæ, סובח. *Excanduerunt in me.*

CANTICVM

Hebr. נחרו בו pugnarunt in me, in eo autem Nun est characteristicon coniugati-
niphali, à themate ויחר & pugnavit seu exar-
sit ira eius. *Custodem.* נוטרה est nomen adie-
ctivum sonans custodem.

7 *Quem diligit anima mea*, vocandi particu-
la suppressa est, hoc sensu, indica mihi o tu
quem deperit anima mea, seu quem ardeo.
Quomodo pascis oves. Quomodo stabulas eas.
Hic sunt qui vocem Hebræam איכה existi-
ment loci interrogatiuam esse ut איכה הם vbi
sunt? *Quare enim.* Heb. שלמה, posito ש pro
אשר quia. Sicut עוטיה mixta, est enim parti-
cipiū actiui sumptum è Samuële ויעט &
immiscuit se populus ad spolia. Non desunt
qui exponāt, sicut inuoluēs se, sed id alienius
est. Alij, sicut increpita, ex alio Samuëlis lo-
co ויעט בהם inuectus est in eos.

8 *In vestigiis ouium.* עקבי accipitur ut Ps.
77. עקבו תיך vestigia tua cognita sunt. Sunt
enim indicia eius, qui plātam imprimit, &
deinde incedit. *Hædos tuos*, quoduis ani-
mal, si modò paruum sit, appellatur גרי, ut
constat ex adiunctis, גרי עוים. Hædus capra-
rum, & id genus.

9 *Eque.* In Hebræa voce לסוסותי jod vacat,
quod alibi accidit. ut, apud Hoscam אהבתי
diligens triturare. *Mureculis.* מורים figuræ

Iob. 19.

1. Sa. 14.

Ibid. 15.

Aliis equi-
tati.

sunt præ se ferentes turturū speciem.

10 חרווים autē lapilli preciosi inter se colligati, alibi autem hæc vox in tota scriptura non occurrit, nisi, vt nōnullis placet, וארווים Melius lig-
& monilia in negotiatione tua, apud Ezech. gna cedri-
27 huic sit simile, cōmutato ח in א. hoc ve-
rò absurdū est, quoniam non nisi literæ יהוא

apud linguam sanctam permutabiles sunt.

11 Cum punctis argenti. Nempe vt in figuris murænularum puncta argēti, quod candidum est, insint.

12 In accubitu sua, loco velut eleuato & honesto, vt, In accubitibus Ierusalem: quā-
quam opinor significari potius locum, vbi
est rotunda accubatio potandi causa, qualis
est epulantium consuetudo. Nardus mea.
aroma simile croco.

13 Fasciculus myrrhæ. צרור res est colligata,
à radice וצרת & ligabis argentum in manu Deut.14.
tua. Aliis est fragmētū, sed alieniūs. מור autē
muscus, vt in Exodo מור ררור myrrha
seu muscus liber & purus. Quod etiam ab- Cant.5.
surdum est. Nam paulò pōst legitur, Mes-
sui מורי, id est, myrrham meam, quod non
nisi accipi potest de aromatica specie, gene-
re quodam germinum, quæ carpūtur. Præ-
tereà legitur, Manus meæ stillāt myrrham,
myrrha igitur stillat, quod non conuenit

CANTICVM

musco. Quibusdam מור seu myrrha in duplici significatione vsurpatur.

14 *Botrus cypri.* quidam percopher intelligunt dactylum. Probabilius est vt idem, quod vernaculè & lingua Ismaëlica sonet. refert enim botrum. Engadi locus in terra Israëlis, vbi frequens est botrus capparitis.

15 *Oculi tui columbini.* sicut oculi columbarum, quæ cum nullo altero, quàm cum pari iunguntur.

16 *Floridus,* רעננה id significat, vt arbor רענן .i. florida seu viridis.

17 *Tigna nostra.* רהט ita explicari debet è commentariis doctorum nostrorum. *Abietes,* ברותים non alibi inuenias in tota scriptura: sunt qui scribant significare ברושים abietes. Præterea non desunt qui tradant רהטנו (quod explicauimus tigna nostra) summi, vt in Genesi ברהמים in canalibus, in aquæ ductibus, atque ita ברותים erunt veluti lapides marmorei.

INTERPRETATIO

altera historiae seu dramatis.

1 **A** Pud omnes nõ eadem est in re amatoria consuetudo, aliis aliud spectatibus. Hic autem hypothesis est. Puella parua

ua admodum, cui nondum extabant vbera, custos vineæ, contemplata Pastorem transcurrentem, ipsum deperire & deinde amore sui fauciare cœpit.

2 *Osculetur me.* verba puellæ, quæ secum veluti colloquitur, & tota in eo est, vt à sponso frequenter repetita oscula recipiat. Non enim vno aut altero satiatur. Deinde quasi persensisset pastor, pedem, collocutura cum eo, refert. *Quia meliores sunt amores tui.* Magis quàm vinum inebriant, & exhilarant amores tui, aut salua tua, iuxta interpretationē R. Saadiæ Haggaonis.

3 *Ad odorem vnguentorum tuorum,* ab vnguentis enim, etiam procul dissitis, manat odor fragrantissimus. Porro coram ea, quæ recordatur nominis tui, veluti odor myrrhæ efflat, propterea quæ, *Puellæ dilexerunt te.* Si igitur vnguenta tua procul posita tanti sunt precij, quantò magis oris tui oscula.

4 *Trahe me,* singulæ puellæ quæ dilexerūt te, *Trahe me,* inquiunt, post te curremus. *Introduxit me rex in conclauia sua,* magis te delectamur, quàm quia induxit me rex in cōclauia sua.

5 *Nigra sum,* quia puellæ dicebant, *Trahe me,* conuertit se ad eas sponsa & ait, Nulla res sum vobis inferior. Et si enim in me parum

Q

nigtoris insit, instar tētoriorum Cēdaris, quę perpetuo Soli opposita sunt. Pulchra ta mē sum, sicut Salomonis tabernacula.

6 *Ne despiciate me, ne inspicite neve intueamini me ignominiosis & despicabilibus oculis, is enim nigror (quo suffusa sum) mihi innatus non est, sed accidens, quod remoueri facile possit. Causa huius accidētis est, quod indignati fratres mei constituerint me custodem vinearum, cū tamen antea ne vineam quidem meam seruarem. Deinde ad pastorem conuersa*

7 *Indica mihi, quo loco pascas & recubare facias. Nā rursū pascere cupio & te insequi.*

8. Cui ille, sequere vestigia o rium & paruulos hōdos pascē, ut & paruula es, supra tabernacula pastorū. Nā illic est locus meus.

9. *Equæ meæ חסדו est fœmineū equi. In curribus Pharaonis. curruum alius est ligneus, alius est ferreus. Inter puellas, inquit, quę dilexerūt te, similis es equæ inter currū. Cōparat peplum, quo figurato niala eius tegitur, fræno ad similitudinem turturum delineato, quod adhibetur equorum maxillis. Monilia aurea, quæ alligantur, respondent chamis, quibus vinciuntur equorum colla. Nec verò, inquit, decet ut murenulæ tuæ aliud sint, quàm aureæ cū punctis argenteis.*

12 Respondet ipsa & ait, etiam si odor meus fragrat & Rex quoque, cum est in cubitu suo, expetit nardum meum olfacere,

13 Tamen multo suauior & fragrantior est odoratus Dilecti mei. Est enim myrrhæ fasciculus, ut cum concupiam pernoctare inter vbera mea, & cogitem amplecti ut botrum cappareum.

15 Ecce tu, verba Sponsi speciem Sponsæ commendantis.

16 Cui Sponsa, en pulcher Dilecte mi, cui habeo in vrbe lectum viridem & domum egregiam. hoc enim significat quod sequitur,

17 *Trabes ædium nostrarum Cedrinæ.*

TERTIA INTERPRETATIO, *nempe allegorica & mystica.*

1 **N**ON est quidē expositio allegorica eā præstantior, quā attulerūt Doctores nostri, sed tamen quia video primæ classis homines ad illā adieciſſe & detraxiſſe plurima, etiam ipſe inſiſtam eorum veſtigiis, atque hinc ordiar. Nomen Salomonis ubique dicit Salomonem Regem, præter, *Mil-* Infr. 8.
le tibi Salomon, illic enim ſic vocatur CHRISTVS, quod ſit filius eius, uti nominatur

CANTICVM

Ier. 30.
Pfal. 90.

apud alium vatem, David, his verbis, *Es David seruus meus princeps eorum. atque appellantur eam ob causam filij Israelis, seruus meus Iacob, quem elegi, &c.* Huic simile esse potest, Oratio Mosi viro Dei, ex sententia R. Saadia Gaonis, qui putat orationem illam conditam à Dauide & decantatam à filiis Mosi. Quanquam rectius Psalmus ille dicitur esse Mosi. Porro scito *In filiabus Ierusalem*, hærere multos. Nam si Ecclesia Israelica loquitur, quænam hæ sunt filia Ierusalem? sunt qui respondeant duas esse Ecclesias, vnã in cœlis, alterã in imis terris superiori oppositam, vt filia Ierusalem significant Angelos cælestes. Alij tradunt designari exterarum nationes, in eamque sententiam legi, *Et dabo eos tibi in filias.* Mihi videtur allegoriam esse mulieris colloquētis cum sua ipsius anima, & verba sua ad ipsam referētis, atque veluti cōgredientis cum cogitationibus suis, id est, filiabus Ierusalem. Quoniam autē testificatur contextus scripturæ Dominum Salomoni bis apparuisse, quid cum mirum est vaticinatum de re futura, cū præsertim afflatu Spiritus sancti hūc librum fuderit. Sic inuenias Asaphum cātorem atque Hemanem composuisse Cantica eiusdem Spiritus numine,

Ecclesia
duplex.

Izech.

appellatósque esse & Prophetas & Vidētes, ac rationi consentaneū est, non posse quenquam, nisi sit vafer & peruersus, mētiri, sed iam interpretationem aggredior, vt ingenij mei modulus feret, ac primū totis viribus Deum oro, cui consilia mea sunt planè cognita, vt ad sapientiam inducat grauitatem tarditatēque meam, mihi que præsto paratúsque sit.

2 *Osculetur me.* Orditur ab Abrahamo, qui fuit radix & primus author generis. Oscula oris sunt lex & præcepta, vt scriptum est, propterea quòd audiuit Abraham voci meę & seruauit custodiam meam, præcepta, statuta, & leges meas, &c. Nec mireris, quòd dixerit, *Osculetur me*, de re præterita, is enim est scripturæ mos. Tunc canet Moses, cecinit. facient vitulum in Horeb, fecerunt & contrà, Deus venerūt gentes, venient, multaque similia. *Quia meliores sunt amores tui vi-*
no. Diligentes te, quemadmodum testatur scriptura de Dilectione eius, semen Abrahamæ diligentis me. est enim discrimen inter diligentem me & dilectum meum.

Abraham.

Exod. 16.
Psal.

Esa. 41.

3 *In odorem.* Docbat (Abraham) opera immensi Dei, instituebátque homines suæ ætatis, & quocunque proficiscebatur, ibi inuocabat nomen Domini. Hinc illud, *Vn-*

CANTICVN

Gen. 12.

guentum effusum nomē tuum. Propterea puel-
la. *Alamoth* sunt adoleſcētulæ, quæ carent
viro. Sic viros, qui carebant Deo, induxit
in confessionem vnitatis Dei, vt significatur
loco Genes. Et animas, quas fecerant in
Haran.

4 *Trahe me*. attractus enim est ad Deum,
exiitque de terra cognationis suæ. *Introduxit*
me Rex. Introduxit enim eum in terrā Cha-
naan. Præterea consentaneum est, quod
ipsum sapientem fecerit, adeo vt in rerum
occultarum mysteriis perstaret. *Odorabimus*
amores tuos. innuit altare omnibus in statio-
nibus ædificatum & plantationem Luci in
Bersabea.

Captiuitas
Ægyptiaca.

5 *Nigra sum*. attingit seruitutem Ægyptia-
cam. Etiam si nigra sum nonnullis meis ope-
ribus, tamen venusta sum obseruatione fœ-
deris & vnitatis Dei.

Ezech. 20.

6 *Ne despiciate me*. Sol adumbrat exilium
Ægyptiacum, quis verò causam præbuit
vt percuteret me Sol? homines matre mea
orti, qui constituerunt me custodem, vt le-
ges extraneas mea relicta seruatē. Hoc ex-
plicatum reperies apud Ezechielē, vbi eos
admonet resipiscentiæ, quod nonnulli eo-
rum colerent Idola, & ait, vt effundam fu-
rorem mentis super eos & perficiam iram

meā in eis in medio terræ Ægyptiacæ, &c.

7 *Indica mihi.* Pœnitentia enim conuersi sunt percontantes, Quo pacto pascebāt Patres, vt complectamur vias eorum, nec immisceamur diis alienis, quos tut similes esse prædicant. is est sensus ꝛ ad *greges sociorum tuorum.*

8 *Sinescis.* Hæc & similia respondebat vates, qui illis in Ægypto vaticinabatur, quæque nōnulli Aaronem fuisse dicunt, dicente Scriptura, Mitte quæso per manū (quem) mittis, mitte quæso per manū illius, quem quouis tempore mittere soles. *Hædos tuos.* paruulos fide, quibus non est cognitio idonea.

Exod. 4.

9 *Equæ.* Incipit Propheta Israëlitæ alloqui ex Dei omnipotentis oraculo, Equæ in curribus. Item pulchræ sunt genæ tuæ murænilis, hoc sensu. Egredieris ex Ægypto onusta vasis argenteis & aureis atque vestibus.

Vocatio synagogæ.

12. Cui Ecclesia Israëlica, *Interea dum Rex in accubitu suo,* cū deducebat me ad Dei montem, tunc suum nardus mea spirauit odorem, nempe fumum incensi. *Inter vbera mea pernoctabit,* inter Cherubim aut etiam in medio castrorum Israëlis.

14 *Botrus cypri.* Hæc allegoria de diuina

CANTICVM

maiestate debet intelligi, quæ superiorem Ecclesiæ sermonem intercipiēs, quia id cogitasti, inquit, pulchra es, vbi Ecclesia, adhuc consternam lectum, nempe ædem, cum me introduxeris in terrā Israheli promissam.

COMMENTARIVS INNO- minati cuiusdam.

3 Reg. 4.

C*anticum Canticorum*, hoc est, excellentissimum omnium Canticorum, quæ cōfecit Salomon. Scriptum enim, Et locutus est Salomon mille parabolas & Cantica quinque & mille. Istud autem omnium fuit præstantissimum. *Quod Salomoni.* q.d. quod confecit Salomon Rex. Obserua verò Salomonis nomen, quod nominatim extat toto hoc libello esse profanum (nec Deum cōnotare). Et quidem illud, Fecit sibi Salomon Rex, quemadmodum suo loco exponam. *Osculetur me osculis oris sui.* Audite, quæso, & pax sit rebus. Non spectabat Salomon ad res Venereas & amores vxorios. Sed amor summi opificis erga Israhælem est amor dilecti erga dilectam similis. Nam non habes amorem isto vehementiorem, vt declarauit Dauid de Ionathan, mirabilis est dilectio tua mihi præ dilectione mulie-

Infra cap. 3.

rum. Totus autem liber loquitur vsurpata similitudine, vel potius parabola Dilecti & Dilectæ, quæadmodum & Ezechiel, ואעבור & trāsibo super te & cernam te, & ecce tempus tuum tempus vbetum (amorum) & expandā fimbrias meas super te & tegā nuditatē tuam, &c. & induam te phrygionico, & calceus tuus, &c. & adornabo te ornamento, & imponam armillas manibus tuis & torquem collo tuo, &c. Nam illis in metaphoris multum perseverat. Ac sic quidē loquitur hoc loco, quæ gerit speciem dilectæ, Ecclesia Israëlica. Quis perficiet, ut osculetur me dilectus meus osculis oris sui. Nam meliores sunt amores eius vino, Lætitia nēpe nulla omnino celebrior est quàm epularis, & in epulo vinū præcipuam conciliat voluptatem. Et proinde nominat vinum, atque tāgit præsentiam mutuam. De absentia autem Sponsi sequitur.

3 *In odorem vnguentorum tuorum*, talis me. Eccleſ7.
taphora qualis in Eccleſ. melius est nomen, quàm vnguentum bonum. Nam præclara existimatio & fama similis est vngueto suavi. Cū ergo ait, *Vnguëtorum tuorum*, perinde est atque si diceret, famæ tuæ præclaræ.

Vnguentum effusum nomen tuum שמן, vnguëtum, masculini est generis. חורק autem

CANTICVM

(effusum) est adiectiuū siue epithetū, ad formam **חושב** incola, etiā si hoc signetur hominem, istud sciret. Ita censuit R. David Kimhi faustæ recordationis. Sententia autē huius scripturæ talis est. Propter odorē famæ tuæ præclaræ (Existimatio enim & nominis celebritas consimilis est vnguento effuso) propter odorem inquam famæ tuæ, adolescentulæ & virgines dilexerunt te, ac vna earum quæque tibi inquit, *Trabe me post te,* & omnes nos *curremus post te.* Vnaquæque etiam earum dicit, quod sequitur. Etiam si *introduxerit me Rex in conclauia sua,* plus tamen, *Exultabimus & letabimur in te* si simul versemur, & *commemorabimus amores tuos,* qui meliores vino existunt.

4 *Commemorabimus.* **נזכירה** odorabimus, olfacietur. vt **אזכירתה** odor. q.d. odorabimus odorem tuum suauem. *In rectitudinibus dilexerunt te.* ait dilecta dilecto suo Sponso, amore rectitudinū, absque fūco & fraude, dilexerunt te virgines.

5 *Nigra sum.* Dilecta laudat sese apud filias Hierusalem socias suas, atque ait. Quamuis ego vidcar vobis nigra admodum, ipsa tamen speciosa sum: siquidem me exornem. Quamuis ego appaream velut tabernacula Cedarenorum, quæ atrore perfusa sunt, si

אתקטט
I ego non
אתקטט
me inquiram.

velim tamē, me pulchram efficiam, méque candore afficiam instar Salomonis cortinarum, quæ sunt candidæ.

6 *Subnigra*, nigra sum & non nigra. vocabulum enim Heb. שחורחרת hoc significat. *Quia conspexit me Sol.* vox Hebræa exponēda, vt in Iob, & נֹסֵף עֵינָיו cōspexit cum oculus picę, de significatione prospectus, & visionis. Et exarserunt in me. נִחְרוּ בִּי rixati, altercati sunt mecum iacendendo, contentione. Totius versiculi sensus est. Ne spectetis me, neque despiciamini, quod sum nigricās, dum percussit me Sol, méque nigrore tinxit. Nā filij matris meæ, id est, fratres mei incensi sunt rixa & contentione aduersum me, & posuerunt me custodem vinearum, etiamsi huiusmodi custodię non essem assueta: cum præsertim ne meam quidem vineam vnquā seruauerim.

7 *Indica mihi*, in votis habeo id vnum, vt scia + quo modo pascas oves tuas, loquitur + vbi. autē metaphoricę atque si dilectus esset pastor, & dilecta pastrix. *Et quomodo stabules in meridie* oves tuas, in æstu & vehemētia dici. *Nam quare ero velut errans*, & circueus iuxta greges sociorum tuorum, & laborabo fatigaborque inueniendo te, שְׁלֵמָה כְּשֵׁלֵמָה quasi שְׁלֵמָה nam cur, cui par est עַד שֶׁקָּמְתִּי donec sur- I.v.d5.

CANTICVM

gerem. Errans. עוֹטִיָּה de significatione circumcundi, vt ועוֹטֵךְ עֵטָה

Esa. 22.

8 Si nescis tibi ô pulcherrima mulierum, vbi ego pascam, Egredere tibi & incede in vestigiis ouium & pascce agnos tuos, & inuenies me, super habitacula pastorum. q.d. Tabernaculum meum stat superius sublimiùsque vniuersis tabernaculis pastorum. Comparat autem dilectâ pastrici, quæ pascit agniculos: quòd soleant mulieres pascere paruos agnos, qui non opus habent labore & fatigatione.

9 Equitatu meo in curribus Pharaonis. לְסוֹסֵי עֲרֻכָּה, iod enim vocis illius superstituit. Sic autem dilectus alloquitur dilectam, ô socia mea ego assimulaui te equæ præstanti, quæ trahit currus Pharaonis. Ac apud me dixi.

10 Quàm decoræ sunt genæ tuæ in murænulis, nulla est tibi similis, תּוֹרִים debent exponi pro sententiæ exigentia, vt sint tintinnabula annexa frænis equinis nouorum equitum. Et collum tuum, est decorum monilibus, lapillis preciosis coruscantibus.

11 Murænulas aureas faciemus tibi. q.d. propterea quod vidi hæc te decere, dixi me ea tibi confecturum ex auro: in auro autem ipso spargentur punctula argentea.

12 Vsquequo Rex in accubitu suo. hæc ait dilecta se ipsam laudâs & dicēs, Nardus meus

misit odorem suum. Vsq̃ue adeo autem vehementes est odor nardi mei, vt peruenerit ad Regem, qui sedet in suo accubitu vna cum sociis suis. 13. quāuis odor dilecti mei sit vehementior, quòd sit similis fasciculo myrrhæ, cuius odor maior est nardi odore. Ecquis verò perficiet, vt inter mea vbera pernoctet dilectus meus?

14 *Botrus cypri dilectus meus mihi.* Copher vocatur vernaculè Serihho, & suauiter fragrat. *In vineis Engaddi.* Nam ista cyparis crescit in vineis Engaddi, quo nomine vocatur vrbs Sippori.

15 *Ecce tu pulchra amica mea.* Redit dilectus ad laudationem ipsius. *Oculi tui columbini,* oculi tui similes sunt oculis columbarum, quæ nō conuertunt oculos, nisi ad suos cōiuges. Sic tu nō nisi cōiicis oculos tuos in me.

16 *Ecce tu pulcher.* Reuertitur dilecta ad laudandum dilectum. *Etiā lectus noster virens,* etiā decet vt lectus noster sit vernans, vt ambo pariter oblectemur nos vno in cubili. 17. Sunt autem *trabes adium nostrarum cedri & contignationes domus nostræ abietes,* כרותים per ת vt כרושים per ש, abietes.

CANTICVM
R. SELOMO IN
CAP. II.

E Go rosa Saronitidis. *הבצלת, habat-
seleth, est rosa. Liliū vallium, quod
pulchrius est lilio in mōtibus cre-
scēte. perpetuo enim humidum & viride
est, nam illic vis Solis non admodum viget.*
2 *Vt liliū inter spinas, spinæ hoc floris ge-
nus transfigunt, ipso interea durante in pul-
chritudine & vigore suo. Sic amica mea inter
filias, quæ eā, vt se sequatur, & similiter post
Deos alienos scortetur, pelliciunt, atqui ipsa
perstat in fide sua.*

3 *Qualis est malus, arbor pomifera cūm est
inter arbores steriles, cæteris omnibus est
gratior. fructus enim eius & gustu & odore
suauis est, Talis Dilectus meus inter filios, inter
iuuenes. Allegoria sic habet. Deus Opt.
Max. supra cūctos Deos eximius est, proinde
vmbra eius expetiui, in eaque consedi.
In Midras agadā, ab hac malo omnes refu-
giunt, quod vix faciat vmbra. Similiter
reliqui omnes populi à Deo in legis sue pro-
mulgatione aufugerunt, ego verò summo
desiderio in vmbra eius sedi.*

4 *Ad domum vini. ad tabernaculum con-
uentus. Ibi enim speciatim præcepta multa*

legis cum suis explicationibus tradita sunt.
Et vexillum eius super me charitas. congrega-
 tio eius, qua veluti ad vexillum attraxit me
 ad sese, amor est super me. Recordor adhuc
 amoris & vexilli eius. *attrahet*, vernaculè.

5 *Fulcite me.* vt infirmam, & imbecillam,
lagenis, cadis vinaceis & modiis similæ pu-
 rillimæ. *Consternite me.* consternite pau-
 mentum circum me malis, odoris causa, vt
 fieri solet ægrotis, *siquidem ægra* sum amore
 eius. Illum enim hic in exilio meo sitio.
 רפידה *rephidá*, qua voce vititur Salomon, so-
 nat sternere, vt in Iob, רפד *raphad*, strauit
 lectum suum super luto.

6 *Sinistra eius subter caput meum.* in deserto.
Et dextra eius amplectitur me. cū itinere tri-
 duī cōtendit ad explorandam illis requiem,
 & in quieto loco demisit manna atque co-
 turnicem. Horum omnium recordor nunc
 in exilio meo, ægra illius dilectione.

7 *Adiuvo vos filie,* ô vos populi. *Per capreas*
 & *cervas.* omnibus enim obicimini & præ-
 de estis velut capreae & ceruæ. *Ne excitetis*
amorem, qui mihi cum ea intercedit mūtā-
 do aut inuertēdo illum, atque quærendo
 pellicere me post vos. *Donec placeat,* quādiu
 ipsa in corde meo defixa est, mihi que est de-
 siderio. *Donec placeat,* quandiu placebit, vt

CANTICVM

suprà, donec rex in accubitu suo, intèrea dū
 2. Sam. 28. rex in accubitu suo. *Ne excitetis.* Hebræa ali-
 ter explicari possunt, vt sit אַם תַּעֲרִיר *im tahi-*
 28. *ru*, ne odio prosequamini amorem. Veluti
 in Samuële, fuit עֵרִיךְ *harécha* inimicus tuus,
 Dan. 3. & in Daniele, interpretatio לַעֲרִיךְ *leharach* in
 inimicum tuum. *Et ne euigilare faciatis,* Heb.
 אַם תַּחֲוֹרוּ *im tehoreru* sumi potest, vt alio lo-
 co, תַּחֲוֹרֵךְ עַל שָׂרָה *tehorer al sade.* inclināt
 super agrum, *cliner* vernaculè. Extant quidē
 in Midras agadā allegoriæ plurimæ, verūm
 non satis accommodatæ ad verborum se-
 riem. vaticinatur enim, mea quidē senten-
 tia, Salomon & loquitur de egressu ex Ægy-
 pto, déque legis promulgatione, tabernacu-
 lo, ingressu in terram Israëlicam, æde altera,
 atque eius excidio.

8 *Vox dilecti mei*, ad inceptum reuertitur
 cantor noster, veluti is qui suppressis primis
 rem ab origine repetit. Equidem, inquit, vo-
 bis rei principiū non expressi. cœperat enim
 dicere, induxit me rex in conclauia sua, neq;
 tamen commemorat, quo pacto visitasset se
 in Ægypto, quāmq; amanter & beneuolè.
 Iam ergo rem altius referens ait. Illecebra
 hæc, qua à dilecto tracta, vt dixi, post illum
 cucurri, sic contigit: desperabam de redem-
 ptione, molestè ferens nōdum expleri qua-
 dringentos

dringentos illos annos, qui in Abrahamicâ Gen.15.
iuueneæ trimulæ partitione declarati sunt,
cùm vox Dilecti mei paulò ante terminum
meas aures vellicauit, veluti saliens super
montes, & saltitans per valles.

9 *Similis est dilectus meus capree.* celeritate
cursus, festinanter enim veniebat quasi ca-
prea & tanquam hinnulus ceruorum. Hin-
nulus cerui egregij. *Ecce hic stat.* cogitabam
me diu in viduitate victuram, cum iterum
stare se declarauit & prodire fecit è fenestris
cælestibus id, quod mihi contigit, videndo, Exod.3.
inquiens, vidi afflictionem populi mei.

10 *Respondit.* חָנָא *haná* significat respon-
dere & voce clara atque edita conclamare,
atque hæc * significatio est omniũ princeps, * Lego
וְהָנִי וVehanú & clamarunt Leuitæ. *Et dixit* enim
mihi, per Moysen *Surge tibi.* subducam te ex חֲנִיָּא hi-
iniquitatibus Ægyptiorum. nijan non
בְּנִיָּא
biqjan.

11 *Quia ecce hyems præterit.* non iam labor
hyemis in via. hyems in Chaldæa Paraphrasi
passim appellatur סְתָוָא *Setau.*

12 *Flores visi sunt in terra.* aduenerunt dies
Solares, quibus arbores quæque funduntur è
terra, flores proferunt & suo aspectu viatores
impensè oblectant. *Tempus cantillationis ap-
petiit,* quo aues emittunt cantum, garritumque
viatoribus dulcem. *Vox turturis.* תּוּרְרִי. Tor,

enim in communi significato debet accipi,
 וְתוֹרִים turtures & columbi. Solent autem
 aues mense Martio canere atque garrire.

13. *Ficus produxit grossos suos.* verba Hebræa
 hoc sonant. Gemmam. סמדר, *Semadar* ap-
 pellatur vua; cùm flore excidente vua à se
 inuicem discernuntur & dignoscuntur. Por-
 rò hæc tota sententia iuxta sensum literæ
 dilectionem persuasionis & illeclamenta,
 quibus iuuenis sibi desponsatam pertrahere
 post se cupit, continet. Sic enim, erga me se
 gessit Dilectus meus. Nam 10 *Respondit*
Dilectus meus, ministerio Moïsis. *Et dixit mi-*
hi per Aaronem. *Surget tibi*, diligentem te te
 exhibe, singulique proximum suum rogēt.
 11 *Quia ecce hyems præteriiit*, illōs quadrin-
 gentos annos præterire feci, ducto numera-
 tionis initio ab ortu Isaac. Pluvia, quæ est
 incommoditas hyemis, pertransiit & abiit
 sibi, hoc est, octoginta sex anni, qui acerbæ
 seruituti vestræ destinati erant, exceſſerunt.
 Ex quo nata est Maria auxerunt Ægyptij
 seruitutem Israëlis, vnde id ei nomen ab
 amatore fuit. 12 *Flores in terra visi sunt*,
 Moïses & Aaron vobis præsto fuerunt ad
 omnia necessaria. *Tempus cantillationis ap-*
petiit, quo haberetis Canticum, iuxta mare.
 Et vox הַתּוֹר *hattor*, ductoris magni, aut tor-

Allegoria.

Exod. 15.

* Gal. 1.
 Tour.

dinis. appetiit enim tempus exitus vestri ab Ægypto veluti in orbem.

13 *Ficus produxit grossos suos.* appetiit ingressuris terram tempus offerendi primitias. *Et vites*, propinquavit tempus libandi vinum. Expositione alia significantur pii, qui inter vos protulerunt produxeruntque in conspectu meo bona opera & odorem suauem. *Surge tibi.* surge vt recipias decalogū. Alia expositione per *Ficus produxit grossos suos*, intellige prauaricatores Israelitas, qui Exod. 10. illo caliginoso triduo perierūt. *Vites* autem erunt illi qui superstites acta poenitētia traditionibus Patrum imbuti sunt. Ita allegoria pertractata est in Pefikrá.

14 *Columba mea in rimis rupeis*, hoc pertinet ad illam horā, qua eos insequutus Pharaon assequitur, cū castra ad mare Rubrum metarētur, cū nullus relictus esset fugiendi locus, aquis antè obstantibus, ponē feris bestiis. Tum scilicet similes erant columbæ, quæ fugiens à cōspectu accipitris rimas rupium subit, vbi eam serpens sibilat. Si interiùs se proripiat, serpētem metuit: si prodeat foras, alitē. Ostende mihi, inquit Dominus, faciem tuam, nimirum rectitudinem operum tuorum, in quem respicias afflictionis tempore. *Audire fac me vocem tuam*, de qua,

CANTICVM

Exod. 14.

Psal. 107.

n Feriabu-
tur, alijs. Ef.

19.

o Commo-
tionem,
alijs. 2.

Sam. 10,

Clamarunt filij Israël ad Dominum. *In ri-
mis.* חֲגוּי *hhague* significat Fissuras seu con-
fractiones ⁿ vt, וחֲגוּי, *jahhoggu* confringen-
tur & commouebuntur tanquam ebrius.

Item, terra Iuda Ægyptiis erit לחֲגוּי *lehhog-
ga*, ° in confractionem. Cùm autem forma-
tur vox pluralis, dicitur חֲגוּי *hhague*, vt à מִצָּה,
qatsé קִצּוּי *qatsué*, & in Samuele, excidit
מִדּוּעֵהֶם *maduehem* vestes eorum. *In latibulo
gradus.* מִדְרָגָה *madrega* cochlea, vernaculè
eschallier, cùm fit fossa circum arces & pro-
pugnacula, effuso in altum puluere ad at-
tollendum circumquaque aggerem & gra-
du vndique gradui subtrato. *In latibulo gra-
dus.* Ibi enim sæpe sunt foramina, quæ tam
reptilia quàm volucres subeunt.

15 *Prehendite nobis vulpes, vulpeculas.* exau-
dita voce eorum Dominus indixit mari, vt
demergeret Ægyptios hac oratione. Pre-
hendite nobis vulpes tam minores quàm
maiores, quoniam vel parvæ demoliebantur
vineas, interea dum vites nostræ gem-
mis abundarent. Nam non nisi racemi erāt
tenuēs, cùm filia Israëlita pariebat marem
& recondebat, Ægyptiis in domos nostro-
rum irrūpentibus, & masculos, qui vix dum
annum aut biennium nati abditi erāt, quæ-
rantibus. Cui rei & hanc technam adhi-

bebant, adductos infantes ex ædibus suis ad loquendum prouocabant & respondentem paruulum Israelicum è loco vbi abditus seruabatur, corripiebant demergebantque in fluuium. Vocat autē illos vulpes, quoniam quemadmodum vulpes conuerso vultu retrospicit vt fugiat: ita Aegyptij terga verte- Exod. 14.
re cupiebant, dicente scriptura. Fugiam à conspectu filiorum Israel. Aut וְהָיָה *shualim* hic non vulpes, sed pugnos significabit, vt propterea scribatur absque vau, quippe vindictā de illis sumebat in aqua, quæ Dei pugno dimensa est.

16 *Dilectus meus mihi.* Ipse à me cuncta sibi necessaria requisit, nihil aliud præci- piens quàm quod legitur, celebrate Pascha, consecrate primogenita, ædificate tabernaculum, offerre holocausta, nec quicquàm aliud quæsiuit. *Et ego illi.* Omnia mihi necessaria ab eo quæsiui, non à diis alienis. *Qui pascit oues in liliis,* pascuo commodissimo, quieto, & specioso.

17 *Donec aspires dies.* Hoc refertur ad proximè præcedentem versiculum, Dilectus meus, meus est, & ego illius ad tēpus vsque, quò excedendi causam præbuit iniquitas, quòque aspexit me Sol ardente die & æstu inualecente. *Et fugiant umbræ,* peccauimus

CANTICVM

in vitulo, peccauimus in exploratoribus. Et fugiant umbræ innocentia, quæ nobis erat clypei loco. Rupi iugum eius. *Conuerte te similis esto dilecte mi*, causam illi dedi vt à me abriperetur ad montes disiunctissimos, *Bather* enim significat partitionem & diremptionem.

COMMENTARII ABBEN

EZRÆ IN 2. CAP. CANT.

1 **E** Go rosa. חַבַּצְלֵת *Hhabatséleth*, quorundam sententia rosam significat.

Aliis est flos eximius odore fragrantissimo, specie nigricante, Liliū. כּוֹשֶׁנָּה *Susanna*, vt quibusdam placet, flos est cādidus, cuius odor suauis & interea calidissimus, adeò vt capiti officiat, quod est vero cōsentaneum, deducitur autem à שֵׁשׁ *Shes*, sex, perpetuò enim sex sunt illi folia alba. Prætercà in medio illi veluti ramus est, longa habens folia, eaque etiam sex. Sensus ergo est, labia mea rosæ sunt odore, non autem specie.

3 *Qualis est malus*, de genere arborum pomiferarum.

Num. 2.

4 *Vexillum eius super me amor*. דֶּגְחֵל *dégheh*, est vexillū, vt in Numeris. דֶּגְחֵל *dégheh* vexillum castrorum Iuda.

5 *Lagenis.* אֲשִׁישׁוֹת *Ashishot.* sunt vasa vitrea-
vino plena. *Cōsternite me.* רָפְדוּנִי *Rappedūni*,
nonnullorum quidem opinione, ponite in
pauimēto mala, vt, רֶפְּהִידָתוֹ *rephidatho*, pau-
imentum eius aurum, יֶרָפֵּד *Ierapped.* instra-
bit aurum super luto. hæc enim significant
consternere. sed quia id hoc loco est paulò
alienius, sensum mutuo ex lingua Imaëli-
ca, roborate me.

7 Per capreas. צִבְיִי *tsebi*, caprea, pluralia:
duo habet, masculinum, צִבְיָה *Tsebaime* ea-
preæ super montes. fæm. צִבְיָהוּ *Tsebaeth.*

8 Salicens. מִקַּבֵּץ *Meqabbéts*, ex Chaldaea
Paraphrasi hoc significare deprehenditur
locus enim Leuitici; ad saliendum illis, trās-
fertur Chald. לִקְבָּצָא בְּהוֹן *Laqabbetsō behon.*

9 *Hinnulo ceruorum.* ceruulo. *Post parietem*
nostrum. כֹּתֵל *Cōthel*, parietem significat, vt
Ezræ; lignum positum est בְּכֹתֵלָהָ *Bechot-*
latha in parietibus; & sic חֲרָצִים *harackim*
Chaldaicè fenestras, vnde locum illum scri-
pturæ, ex fenestra, Chaldeus reddit מִן חֲרָכָא
Min hharaccā, similiter סֵתוֹ *Setau* hyemem.
hinc fit vt Chaldaica huius loci, æstas &
hyems, sint æstus & סִיָּהוּא *Sitau.*

10 *Pertrāsīt.* Hebr. חָלַף *Hhalaph* excisa est, Esa.
vt, Idola funditus וחָלַף *Iahhaloph* excin-
det.

CANTICVM

12 Flores. נצנים *Nitfanim* flores significant, vt ascendit נצן flos, nun autem posterius paragogicum est. *Cantillationis*. זמיר *Zamir* sic accipitur vt, זמיר cantillatio prædonum respondet, significat scilicet, cantus auium. sunt etiam qui sumant pro putatione, vt in lege, vineam tuam לא תזמור *ló Tizmor*, non putabis. Sed putatio non hoc, quod describit, tempore, accidit. *Turturis*. תור *Tor* communi significatione accipitur ex plurali, חורים *Torim* turtures & columbi.

13 *Produxit*. חנמיה *Hhaneta* dulces protulit, aut vt alij exponunt, instar pulueris procreauit, ex Genesi ויחנמו *Vaiabhantu* puluere aromatico condierunt medici, &c. *Grossos* suos, fructus adhuc immaturos. פגים *Pagghim*, enim hoc etiã significat lingua Ismaëlica. *Gemmam*, cum erumpit flos vineæ.

14 In circuitibus rupis. חגו *Hhagué* sumitur, vt in Iob, חג Hug circinnatio terræ. Hæc enim vox significat sphæram & ambitum, qui terram cingit, etiam si habeat litteras trāspōsitās, aut duo sunt themata eiusdē significationis. Gradus מדרגה *Madrega* significat gradum, vt & ceciderūt המדרגות *Hammadregoth* gradus, & ita Onkelos locū illum vbi legitur, non ascendes gradus, reddidit, non ascendes inquit, בררנין *Bidraghin*,

Gen. 50.

Inrimis.

Iob 22.

Eze. 38.

per gradus. Eadem quoque graduum appellatio apud Ismaëlitas. *Dulcis*, ערב *Hareb*, sic explicatur, vt hoc loco, וערבָה *Veharebá* & dulcis Domino, hoc est, bona & optata. Prou. 3. *Optatus*, expetendus oculis.

15 *Prehendite* אחוז *Ehezú* imperatiuus est, quali notatione Psal. 31. אהבו *Ahebu* diligite Dominum, & alibi שחרו *Sachru*, donate mihi. *Demo-* Ezech. 7. *lientes*, מחבלים *Mehhabbelim* perdentes, vt in Ecclesiaste, וחבל *Vehhibbel*, & perdat op^{us} Eccl. 5. manuum tuarum.

17 *Donec aspires dies*, ventus dici. *Montes* Bather montes partitionis, à themate ויבחר *Viibbater* Separatio- nis. Gen. 15. & dispersit eis ea per medium. q. d. vt separaretur à nobis ventus.

INTERPRETATIO

altera, nempe dramatis.

1 *E* Go. propterea equidem nunc sum foris sicut rosa Saronitidis, cum tamen nemo sit qui olfaciat.

2 *Vt lilium.* verba Sponsi, Non compararis flori vallis, qui facile carpi potest, sed rosæ quæ est inter spinas.

3 *Qualis malus.* verba Sponsæ, versiculis his coherentibus cum voce *desideravi*. optavi sedere in vmbra eius, & vt introducat me

in conclaue vini & ponat vexillum suum super me, & loquatur in prospectu omnium ac ostendat amorem suum, adiuuens sinistram suam capiti meo, & adiurans filias Ierusalem, ne excitent me, quousque peruenit tempus desiderati amoris. Hęc autem adiuratio sumpta ex eo est, quod desiderium cōparetur caprę, vt in Prouerbiis, *Cerua amorum, & Caprea gratiæ*, ob pulchritudinem, mundiciem, & nigrorem oculorum, veluti inquires. Adiuro vos per vestri-similes pulchritudine. Absoluta hac sectione, domum suam, vt his verbis intelligi potest, *Trabes domus nostrę cedrinę*, petit, ipso eam consequente, quo tempore foras procedimus oblectandi animi & flores spectandi gratia.

8 *Vox Dilecti mei.* significat se ex præstanti saltatione & celeritate deprehendere strepitum pedum eius.

9 *Similis est Dilectus meus Caprę celeritate.*

10 *Respondit Dilectus meus,* & ait, quę tota hac sectione consequuntur.

14 *Præterea Columba mea,* inquit, *In rimis rupis.* Latitas domi, vt prospectare te nequeam, sicut Columba quę in rimis petrę se condit. *Ostende mihi vultum tuum.* è fenestrarum vna, aut *Audire fac me vocem tuam,*

& indicato mihi quid agere debeam. Respondens Sponsa, ait puellis suis,

15 *Prehendite nobis vulpes*, hoc sensu, agite, custodite vineam à vulpeculis. Illic enim pernoctare volo cum Dilecto meo, qui pascitur in liliis ductus suavi odore floris huius.

16 Tu verò, ô Dilecte mi, donec *Aspiret ventus diei* & crescant dies (hoc enim significat *Et fugiant umbrae*) proficiscere ad mōtes Bether. Tacitè indicat Sponsa iam non posse se egredi foras, ut inde intelligamus Sponsum iter suum continuasse, quemadmodum & præmonuerat. Haftenus sectio.

EXPLICATIO

tertia, quæ allegorica.

1 **P**ROpterea, inquit Sponsa, nunc rosæ similis sum, quæ est in Saronitide, loco plano & campestri, quam quilibet carpit. Item ut lilium, quod calcatur pedibus, paucis.

2 Hic Deus, dabo operam ne malum te afflicteret, uti lilio spinæ nihil afferunt incommodi. cui Ecclesia Israelica,

3 Si serues me, assidebo assidue ad umbram tuam. *Fructus eius*, cū audio omnia præcepta tua.

CANTICVM

Pro.8.

4 *Domum vini.* ædem Domini, locum ubi libatur Domino. porro lagænæ & mala adumbrant cantores. Solent enim verba Prophetica cōparari lacti & vino, vt sibi ædificauit domum sapiens fœmina, miscuit vinum suum & insuper mala aurea.

6 *Sinistra eius subter caput meum.* holocaustum vespertinum & matutinum.

7 *Adiuuro vos.* Illud est quod scripserunt Doctores nostri filios Ephraim egressos ex Aegypto antequam aduenisset præstitutus annorum terminus, vt hoc *τὸ donec velit*, indicet. Occisos autem eos, quod scriptum sit, luxit Ephraim pater eorum. *Per Capreas.* quemadmodum sanguis Ephramidum permissus est fundi, ita sanguis vester fundetur, si quidem excitaueritis ante terminum.

8 *Vox Dilecti mei.* Id cū apparuit Dominus in Sinai factum est. *Saliens super montes,* super montem Sinai.

Exod.3.

9 *E fenestris.* ē sede habitationis suæ, prospicit ē fenestris firmamenti, iuxta illud, videndo vidi afflictionem populi mei.

10 *Respondit Dilectus meus.* Dixit enim Israëlitis, subducam vos, &c.

Nah.1.

11 *Quia ecce hyems præteriiit*, allegoria de exilio. pluuiā autem significatur dies nubilus, videlicet angustia & afflictio, in qua

erant. Simili metaphora dicitur dies nubis & caliginis.

12 *Flores*, sic appellantur qui inter Israëlitas iusti sunt. *Tempus cantillationis*. quo habeas Canticum. *Vox turturis*. Heb. תור, *Tor*, Exod. 15. ordinem significat, gallicè *le tour*. quum aduenit, inquit, ordo Israëlitarum.

13 *Ficus produxit grossos suos*. in terra Israël, tempusque est offerendi ex ea primitias. *Et vites*, vini libadi gratiâ. Aut comparat eam ficui, quæ produxit grossos suos & viti, quæ in gemmis est, quia scriptum est, Tanquam racemos in deserto inueni Israëlitas, sicut primitias in primitiuis suis.

14 Vocat autem eam Columbam suam, propterea quod exiit ab Aegypto, cum verò ait, *In latibulo gradus*, significat Israëlitas absconditos fuisse in nubibus. *Ostende mihi vultum tuum*, id scilicet est, quod scribitur. Crediderunt in Dominum. *Audire fac me vocem tuam*. hoc etiam cōpletum. scriptum enim, Tum cecinit Moses & filij Israël. aut alluditur ad id quod profitebātur Israëlitzæ, faciemus & audiemus, quod est verisimi- Exod. 15. lius.

15 *Prehendite nobis vulpes*. cultores vituli, qui perdiderūt vineam Domini, nēpe Israëlitas, cum vinea illa adhuc esset in flore.

CANTICVM

16 *Dilectus meus mihi est & ego illius.* quia interfecti sunt cultores vituli, quique inquirebant in verba diuinæ maiestatis. *in liliis;* designantur iusti.

17 *Donec aspiret dies & fugiant umbra conuertere te.* proficiscere *Ad montes Bather.* Sententiam horum pertinere ad ista puto. Non ascendam, ait Dominus, in medium tui, Moses autem prehendet tentorium, ac ipsi extra castra tendet.

COMMENT. R. INNO- MINATI.

1 *Ego liliū campi.* Dilecta gloriās apud se, inquit, Ego similis sum lilio campi, qui flos crescit in planis locis & campestribus. Et rosæ, quæ nascitur in vallibus. Habaseleth vernacula lingua liliū, Susanna autem rosa. Tamen R. David Kimhi contrā interpretatur.

2 *Sicut liliū,* dilectus dilectā affatur. Ne compares tete lilio camporum, & rosę conuallium, quæ simul magno numero illic pariuntur, sed tu consimilis es rosæ quæ inter spinas gignitur, quæ est singularis, nec habet parem pulchritudine & forma.

3 *Sicut malus inter ligna sylvarum.* Iterū hoc

dilecta pronunciat de dilecto. Cæterum narrat fociis suis & ait,

4 *Semel introduxit me dilectus meus in cellam vinariam, ad conuiuium, & nos ipsos oblectauimus vnà. Et vexillum eius super me dilectio fuit, & hanc quidem dilectionem nunc recolo.*

5 Sum autem infirma & animi deliquio consternor, at vos, obsecro, fulcite & roborate me cadis, amphorisve vini. Vinum enim homines solet confirmare. Conficite etiam ante me pauimentum pomorum, vt solet fieri ægrotantibus.

6 *Læua eius sub capite meo, tunc (in illo conuiuio) fuit. Quam dilectionem ego dum recordor, planè ægra sum animo.*

7 *Adiuuro vos filia Hierusalem. Dilecta affatur socias. Ego adiuuro vós per vitam vestram, quæ estis similes capreis ceruisve câporum. Si excitetis, id est, ne suscitetis, neque euigilare faciatis dilectionem, quæ inter nos ambos mutua existit. Quoadusque velit ipsa dilectio, vt euigilet ipsa dilectio per se. Nā statim cū memoria repeto huiusmodi amores, animi patior deliquium.*

8 *Vox dilecti mei, ecce iste venit. Hęc narrat fociis suis dilecta. Semel occupabar in meo negotio, & audiui vocem dilecti mei, qui*

CANTICVM

veniebat ad me saliens & cursitans.

9 Erat autem similis dilectus meus capræ currenti, & ecce illum venientem post parietem nostrum & respicientem è fenestris, vt me cerneret & prospicientem è cancellis. מסניח & *Masghiah* & מציה *Metsiph* significant intueri & prospicere חרכים *Haracchim* autem & חלונות *Hallonoth*, ex Chaldeæ Paraphrasi idem quoque pollent, notantque fenestras.

10 Et respondit dilectus meus & dixit mihi, surge tibi socia mea, & me comitare.

11 Quoniam hyems, siue bruma transiit (hoc enim sonat סתיו *Setau*) & tempus pluuiæ præteriiit, trasiliitque.

12 Et flores, atque germina arborum apparuerunt in terra, & tempus cantillationis appetiit, quo aues in aruis cantillant, & turturum atque columbarum garritus auditus est in terra.

13 Et ficus eduxit grossos suos & maturauit fructum suum immaturum. Et vineæ produxerunt gemmas suas & reddiderunt suauem odorem. Dixitque mihi, Surge tibi socia mea, pulchra mea, & veni & comitare me, & simul delectabimur in vineis & hortis preciosis, vt principes solēt cū suis amasiis.

14 Columba mea in fissuris petrae, ô socia mea, quæ

quæ confimilis est columbæ stanti in rimis
cautium & in latebra graduum, ostēde mi-
hi vultum tuum & pulchritudinem tuam,
& proficiscendo vnà oblectabimur intra
ip̄as vineas.

15 *Apprehendite nobis vulpes* Et ego, inquit
Sponsa, cūm vidi Dilectum meum cupere
mecum latari in vineis, iussi & dixi seruis
meis, Prehendite nobis vulpes illas, quæ la-
befactant vineas.

16 *Dilectus meus mihi.* Amatus meus stat
prope me, nam nullōs amores habet præter
meos. Sed *& ego illi asto*, quoniam præter
cum nullū amo. *Qui pascit inter rosas*, perin-
de odoratus est, & fragrat ipse atque si stetisset
in medio rosarum.

17 *Donec aspiret dies* & flet vêtus Aquilona-
ris, qui flabit deinceps post meridiū. *Et fugiāt*
umbrae. à sex horis & supra, quibus incipit
occidere (dies vel Sol). Tūmq̄ egrediat
post te. Neque enim tempestiuum est exire
foras in ipso diei cōitu. Interea autē, *Reuertere*,
similis esto Dilecti mi. q. d. Egreditor & fruc-
re deliciis atque otio ad illam vsque horam.
Super montes Bather. Montes hi erant noti in
terra Israël, sicque appellabantur.

1 *S*uper lectum meum noctibus. In afflictione mea cum sedi obscura totis triginta annis, quibus Israëlita corruptis erāt moribus, *Quæsiui eum, & non inueni.* Iuxta illud, Non sum in medio vestri, & non ascendam in medium tui.

2 *Surgam nunc & circum.* orauit Moses. Item ascendit ad Dominum.

3 *Inuenerunt me custodes.* Moses & Aaron. *Quem diligit anima mea vidistis.* quid inuenistis in oraculis eius.

4 *Propemodum transferam ab illis.* prope eorum à me separationem sub finem quadraginta annorum. *Cum inueni quem diligit anima mea.* Adfuit enim mihi temporibus Iosue in subiiciendis triginta vno Regibus. *Prehendi eum & non sinam eum.* Non missum cum feci quousque induxerim eum in tabernaculum Silo, ob ea omnia quæ mihi præstiterat.

5 *Adiuuro vos* ô gentes dum inter vos exulo, *ne euigilare faciatis,* amorem Dilecti mei, quem de eo concepi, persuadendo aut ita seducendo, vt relinquam eum, & me ab eo auertam. *Donec cupiat,* quandiu dilectione me prosequetur.

Iosue.

6 *Quæ est ista ascendens ex deserto?* cùm ambularem per solitudines, columna ignea & nubes me præcederent atque interimerent angues & scorpiones, exureret quoque spinas & tribulos vt mihi via plana muniretur, nubibus & exhalationibus in sublime conscendētibz, exteræ nationes, quæ hæc omnia spectabāt, & magnitudinem eorum mirabantur, *Quæ est ista*, inquebant. quàm hæc insignis, quæ ascendit è deserto! *Tanquam palmæ fumi.* alta & sublimis, vt palma. *suffita myrrha.* alludit ad nubem suffitus, quæ se erigebat in modum palmæ supra altare interius. *Institoris.* 𐤇𐤍𐤓 *Rochel*, est aromatarius, apud quem omnia vnguentorū genera vaneunt. Pulverem autem dicit, quia aromata tunduntur & conteruntur, vt in pulueris speciem comminuantur.

7 *Ecce lectus ipsius.* tabernaculum fœderis & arca, quæ in deserto gestabantur. *Sexaginta fortes sunt in circuitu eius.* sexaginta myriades circum illud sunt. *Ex fortibus Israël.* ex iis qui procedunt in prælium, præter minores viginti annis & maiores sexaginta. *Docti prælium,* prælium ipsius legis. Quales sunt sacerdotes, qui eam lustrant, castra metantes circum tabernaculum, edocti ordinem ministerij sui. *Cuiusque gladius super fe-*

CANTICVM

Traditio
maiorum.

mur suum. Instrumenta armorum eius sunt Masoreth & symbola illa, quæ in promptu constituunt, vt à pueris discantur, item ne Masora obliuioni detur. *Ob timorem nocturnum.* ne fortè obliuiscantur eius & superueniât eis afflictiones. Hinc Psalmus, Osculami filium, ne forte irascatur & pereatis de via.

Psal. 2.

9 *Ferculum fecit sibi.* tentorium fœderis, quod fixum erat in tabernaculo Siló. Fecit ergo sibi ferculum, thalamum secretum ad gloriam.

Cōstratum,
aliis.

10 *Stratum eius aureum.* lectus & tabernaculum eius ad propitiatorium quod erat aureum. *Operimentum eius purpureum.* Purpura enim suspensa inequitabat perticas è columna in columnam. *Interius eius ignitum,* dispositum carbone dilectionis. Arca, propitiatorium & cherubi atque tabulæ. *Defiliabus Ierusalem.* Israëlitis Deum timentibus & integris.

11 *Filiæ Sion.* Filij, qui ei cōsignati sunt circumcissione, phylacteriis & fimbriis. *Coronâ,* qua coronauit eum mater sua. tentorium fœderis, quod coronatum est hyacinthi & purpuræ coloribus, item vermiculo coccineo. R. Nehemias scribit quendam Rabbinum, Simconem nomine, olim percontatum R.

Eleazarum filium R. Iosæ, num à patre intellexisset quæ esset sententia ^ת, *Qua coronauit eum mater sua.* Respondisse verò R. Eleazarum his verbis: Parabola est Regis, cui vnica est filia, quàmque vnicè diligit & tanto affectu prosequitur, vt suam vocet filiam. quemadmodum dictum est. Audi filia ^{Psal. 45.} & vide. Sæpe etiã inter oscula & amplexus sororem, vt scriptũ est, Aperi mi soror mea, amica mea, aliquãdo etiam eam matris dignetur nomine, vt in Esaia legitur, Attēdite ^{Esa. 57.} ad me popule mi, & mater mea auscultate ^{vt vacet,} me. Illic enim ^{legitur ta-} ^{men illic} ^{לעומי} ^{leummi}, ^{Leummi} ^{gens mea.} ^{לעומי} ^{leummi} mater mea scribitur. His, ^{לעומי} ^{leummi} admoto capiti eius osculo, assentiri se significauit R. Simeon filius Iohai. *In die sponsaliorum* suorum, die promulgatæ legis, quo sibi coronarunt eum Regem, iugo eius recepto. *In die lætitiæ cordis sui.* die octauo dedicationum, quo in deserto facta est tabernaculi Dedicatio.

COMMENTARIJ R.

Abraham in 3. Cap. Cant.

6 **T** *Anquam palma, tanquam columnæ,* vt Ioëlis 3. sicut palmæ fumi. sunt qui dicāt similes esse palmę arbori. *Pulvere* ^{אבקת}

CANTICVM

abkath, vt alibi, puluis terræ pedum eius. *Institoris*. רֹכֶל *rochel*, est negotiator, vt in Ezechiele. Ilti sunt רֹכְלֵיךְ *rochelaich* negotiatores tui.

Ierem. 31. 8 *Docti prælium*. exercitati in prælio, vt apud Ieremiam, sicut vitulus non doctus, i. non exercitatus.

9 *Ferculum*. Heb. אַפִּירִיֹן *Apirion*, non habet simile in scriptura: itaque exponi debet è commoditate sententiæ pro æde egregia & sumptuosa.

10 *Stratum eius*, cameram eius. *Operimentum eius*, peristroma seu aulæum, quod intrinsecus regit trabes. sic enim ornari solent Regum palatia. *Constratum*. Heb. רָצוּף *Ratsuph* dupliciter accipi potest. primò nonnul-

Esa. 1. 10 *Ritspath* pauimentum smaragdi & marmoris, vocabulo significante lapidum in pauimento constrationem. Deinde ex aliorum opinione ignitum, incensum, ex loco Esaia, in manu eius רִצְפָּה *ritspá*, carbo ignitus, quod mihi admodum placet, vt suo loco declaraturus sum.

Esa. 6.

CANTICORVM.
INTERPRETATIO
Fabulæ siue Dramatis.

142

1 **H**Æc videbat in somnio . vnde ait *super lectum meum noctibus*. Quæsiit enim Dilectum suum, quousque cum nacta sit & induxerit in domum matris suæ, adiurans filias Sionias, ne eum excitet. cum verò die illucescente sequuta illum esset puella, is ea conspecta mirabundus,

6 Quæ est hæc, inquit, quæ ascendit è deserto.

7 *Ecce lectus ipsius*, sensus est, Salomon rex opus habet multis viris strenuis & fortibus, qui lectum ipsius custodiant. *Ob timorem nocturnum*, ne forte illius pulchritudine capti latrones rapiant eam, quo igitur pacto sola è deserto ascendit? Præterea Salomon rex cū duxit dilectam suam, necesse ei habuit ædificare palatium, vt in medio eius versaretur, & hæc foras vagari non dubitat?

10 *Ignitum amore*, inflammatum amore in vnâ ex filiabus Ierosolimitanis, posito in capite eius diademate, Hæc verò omnia Salomō rex egit, vbi suum amorē persensisset.

CANTICVM
INTERPRETATIO TERTIA,
quæ est allegoriæ.

3 **Q**Uousque inuenerunt me custodes, Mo-
ses & Aaron, aliquantulū enim trās-
gressa sum & deflexi ab eis, cū ascendens
Moses orauit pro nobis.

4 *Donec induxero eum, ad arcam.*

5 *Adiuuro vos.* etiam si vos comitetur Do-
minus, non poteritis tamen adire possessio-
nem terræ, donec aduenerit annorum ter-
minus. Cū ergo dicerent, ecce ascendi-
mus, quid scriptum sequitur? percusserunt
eos & contuderunt.

6 *Quæ est hæc.* Ecclesia Israëlica, quæ ascen-
ditē deserto & cuius fama per prouincias
propagatur. Id enim significat *suffita myrrha*.

7 *Ecce lectus eius.* terra Israëlis, quæ hodie
lectus est Salomonis. *sexaginta fortes*, sexa-
ginta myriades, quæ venerunt in terram Is-
raëlicam, cū recēsaui eos Moses & Elea-
zar sacerdos.

8 *Ob timorem nocturnum.* instructissimi erāt
ad bellum, & necabant omnes, ne si illos in
exilium expulissent, sibi ab eis superstitionibus
metuerent.

9 *Ferculum.* postea ædificauit Rex Salomō
ferculum, templum Domini.

10 *Columnas eius stratum eius*, indicat abundantiam auri & argenti, scriptum enim est quòd illud induxerit auro & argento. *Operimentum eius purpureum*, instat purpuræ, aut certè extrinsecus superinduxit illud purpurâ.

11 *Egredimini & videte.* alludit ad id quod ^{2. Para. 1.} legitur in historia Salomonis; Congregati sunt ad Regem Salomonem, &c.

COMMENT. R. INNO-
MINATI.

1 **I**n lectulo meo per noctem, Narratio altera, quam commemorat dilecta sociis. Semel alias iacebam in lectulo meo, eoque modo expetui frui còspectu dilecti mei, & *quasiui eum*, cogitabam enim quod mecum esset, *sed non inueni*. Et surrexi supra lectum meum, circuiui urbem, & cætera omnia, prout litera sonat.

4 *Adiuvo vos filia Hierusalem*, per caput vestrum, inquit dilecta, quæ estis similes capreis cervisve camporum, si suscitatis, id est, ne excitetis neque euigilare faciatis dilectionem, quæ inter nos duos intercedit, donec velit, ipsa dilectio suapte sponte. Nam quacunque hora recordor illius dilectionis, *fauicia sum animo*.

CANTICVM

5 *Quæ est ista quæ ascendit è deserto*, vniuersa hæc verba sunt Sponsæ dicētis sociis. Cùm itemtidem reuertebat & quærebam Dilectum meū, abij in deserta. Protinus autem cùm vidit me admirans, *Quæ*, inquit, est ista quæ ascendit è deserto & sola deambulat, non metuens iniurias & raptum, sicut palmulæ fumi, sicut fumus excitatus è strue lignorum palmæ, qui recta in sublime ascendit, neque in hâc aut illam partem inclinat.

6 *Ecce lectulum Salomonis*. Sic dixit mihi Dilectus meus. Ecce lectulum Salomonis sexaginta forres ambiunt, &c.

7 *Propter timores nocturnos*, quibus timet, ne aliqui forte veniant affectum ignominia dilectam suam, nocte concubia, & intempesta. Plerique enim mortaliū obiciunt sese periculis ob amores Venereos. Porro Ruth sic iter sola faciebat in desertis.

8 *Ferculum fecit sibi Rex Salomon*, vt in eo oblectaret sese cum amica sua. Vsq̃ue adeo homo alligatur mulieris amoribus. Et tu obambulas sola, neque aliquid pertimescis? *Pauimentum eius* constrauit in medio fercoli siue palatij aulæis aureis. *Currum eius purpuream*. Obtendit eis tentorium purpuream. Cortinas & papiliones, qui illis erant pro tecto & tentorio appellat *Currum siue ascēsum*

(vt noster Interpres reddidit). *Medium eius accensum*. Quicquid erat intra ipsum. Agite Noster interpres constratum.
 ergo Salomon est inflammatus & accensus amore vnus è filiabus Hierusalem (adeo homo astrictus est mulieris amoribus), Et tu quo pacto non extimescis solam te dare itineri? *Accensum* רצוף *Ratsaph* combustum significat & ardentem, è loco Esaia, in manu eius erat רצפה *Ritspá* carbo ignitus, idè scilicet quod רשפה *pe Shin*.

10 *Egredimini*, nunc ô vos filia Sion, & videte regem Salomonem cum diademate, quo coronauit eum mater sua die desponsationis illius, quo coniugatus est cum sua amica. q. d. *Egredimini & videte*, quanta fecerit homo mortalis ob vxorios amores. Et amica mea solitaria incedit, neque veretur ne forte eam aliquis comprimat.

COMMENTARIVS R. SELO-

monis in 4. Cap Cant.

1 *E*cce tu pulchra. Laudat eos, illis bene vult, acceptasque habet eorū oblationes, donec aspiret dies. peccarunt enim in conspectu meo tēporibus Ophni & Phineę. *Oculi tui columbini*, color tuus, aspectus tuus, species tua similis columbæ, quæ cohaeret

CANTICVM

cum pati suo, quam cum iugulant non se motitat, sed opponit ceruicem. Similiter & tu obiecisti humerum tuum ferendo iugo & timori meo. *Intra comam tuam. Pilus tuus sicut grex caprarum.* collaudatio hæc ponitur pro exemplo laudis eius quæ in Sponsa requiritur. *Intra vittas tuas,* inquit, pilus tuus pulcher est, & splendescit vt fulgor, atque candicat vt pilus caprarum albicantium, quæ è montibus descendunt, quarumque pilus è longinquo promicat. Allegoria, qua adumbrat Ecclesiam Israëlicam est hæc. *Intra castra tua & tabernacula tua,* vel homines scelerati, quos apud te contines, mihi perinde accepti sunt atque Iacob, filiique eius, qui prospecti sunt descendere è monte Galaad, cum ibi eos Labā affecutus est, aut etiā atque illi, qui conflixerunt cum Madianeis trans Iordanem, quæ est terra Galaad. hoc enim glossema extat in Midras Cantici Canticorum. *Intra* Hebr. **מבער** *Mibbead* sonat intrinsecus. Magna enim ex parte **בער** *Bead* quod occurrit in scriptura, de re dicitur, quæ obumbrat & obtegit aliam, vt **בער** *Bead* super stellas obsignauit. Itē vestes terræ **בער** *Baad* super me, &, **הבער** *Habbead* an supra nebulam. **מבער** *Mibbead* autem, præposita מ, de re quæ intra illam est, quam poneba-

mus בער *Bead* super. vnde & illa voce vsus
 hîc est Salomon. Vittam tuā. צמח *Tsamma* Aliis, comā.
 id significat, quod pilos ne foras promineāt,
 inuoluit. éstque veluti reticulū & vitta. nec
 debet exponi ex צומת *Tsomet*. i. coniunctio,
 quia ת, in voce צמח, *Tsammatech* radicale
 esset, atque ita afficiendū daghes, subiecto ה
 pronomine fœmineo aut, ו, masculino, vt cū
 à שבת sabbato, dicimus שבתה sabbatum
 eius, & בשבתו in sabbato eius, ת affecto
 daghes. Atqui ת vocis צמח, quia habet ra-
 phen, necessario subit vicem ה fœminei, vt
 in absoluto sit צמה, *Tsamma* quod postea
 subiunctis affixis siue masculeis siue fœmi-
 neis, ה vertat in ת vt enim à שפחה *Shiphbā*
 ancilla, dicitur שפחתו שפחה, & אמה
Amma cubitus אמתה אמה ערוה *Eruā* tur
 pitudo, ערוה ערוה ita אמה *Tsamma* vitta,
 צמח צמתי צמתה צמתי, vitta ei⁹, mea, tua.
 Quæ pilo rasæ sunt: גלסו *Galesu* hoc signi-
 ficat, גבה *Ghibbah* enim, caluus, transfertur à
 Chaldeo גלוש *Gallus*. Cum hæ animantes
 descendunt è monte, inuenitur mons de-
 caluatus & depilatus ab eis.

Num. 36.

Quæ pro-
 minet, quæ
 emin⁹ pro-
 spiciuntur.

2 Dentes tui sicut grex precisarum. hoc etiam
 encomium pertinet ad venustatem mulie-
 ris. Dentes tui minuti, cādidi & ordine col-

CANTICVM

locati similes sunt lanæ & gregi agnarum rectè disposito, qui habito ouiuū delectu certo numero traditur sapienti pastori. Curandum autem ei est vt lana fulgeat, quòd inde operentur lanificia, & seruet eas diligenter à partus tempore, illàsque singulas quotidie abluat, ne contaminetur lana. *Quæ omnes integræ sunt.* Heb. מתאימות *Mathimoth*, trahit significationem à מתום *Methom*, perfectio, integritas, vt, non est מתום *Methom*, integritas in carne mea. significat igitur absolutas & integras, vernaculé *entieres*. Et *Abortiens non est inter illas*. Nulla orbitas & labes est in illis. Allegoria de fortibus Israëlicis, qui excindebant & deuorabant hostes suos dentibus suis per circuitū, cum interea summopere cauerent à direptione Israëlitatum & ab incestibus, ne transgressione contaminarentur. Quod præconium relatum est de duodecim virorum millibus, qui decertarūt cum Madianitis præscripto numero, vt ne vnus quidem fuerit suspectus incesti, quia scriptum est, Non defecit ex nobis quisquam. Quinetiam cogitationum cordis veniam retulere. Porro caruerunt rapti suspitione, quoniam de illis testatur scriptura, Acceperūt omnia spolia & comportarunt ad Mosem & ad Eleazarum. Nec vl-

Geminos
pariunt.

Psal. 38.

ius eorū vel vaccam vel asinum interuertit.

3 *Tanquam filium coccini labia tua*, pulchra pollicendo & pollicita seruando, vt fecerūt exploratores Raabæ meretrici, cui dixerūt, Ios. 2
funem fili coccinei suspende, steteruntque promissis. *Et sermo tuus*. nam מִדְּבָרֶיךָ *Midbarech* deriuatur à חֲנַדְבָּרִים *hannibarim*, qui loquuntur tibi iuxta parietes. Et tunc Mala. 3.
נִדְבְּרֵיךָ *Nidberu* locuti sunt timentes Domini, vernaculè *parler*. *Tempus tuum*. Heb. רַקָּה *Rakka* tumorem vultus significat, Gallicè *pomelet*, prope oculos. lingua Talmudica vocatur רֹמְנֵי רֶאפִי *Romni deappe*, elatio faciei. Tempora autem similia dicit fragmini dimidiati mali Punici quod extrinsecus rubicundum est & rotundum, quòd hæc commendatio sit mulieris pulchræ. Allegoricè Doctores nostri intelligūt homines vaniores in Ecclesia, hi pleni sunt præceptis sicut malogranatum. *Intra *vittam tuam*, intra *Comam.

4 *Vt turris David collum tuum*, statura erecta pertinet ad mulieris elegantiam. Allegoricè, vt turris David est munitio Sionia, locus roboris, propugnaculum & arx, ita collum tuum. Hęc camera siue cella ex cælis & quadris lapidibus, robur & munitio Israëlitarum atque turris ædificata erat לְתִלְפִיּוֹת

CANTICVM

letalpÿoth ad disciplinas, eò eximia pulchritudine extructa, vt eam omnes contempla-
rentur ad comprehendendum formam eius
& superbiam operis, exemplaris loco. Deri-
uatur enim vox hæc ex מלפנו *Mallephenu*
docens nos ex bestiis terræ, atque afficitur ת
aduentitio, instar תרמית *Tarmith* dolus,
תבנית *Tabnith* exemplar, similitudo. *Mille*
clypei suspensi super eam, is est mos principum,
vt suspendant clypeos & pharetras suas de
muris arcium. Pharetræ, שלטו *Silte* sunt
thecæ, in quibus recondunt iacula, vt in Ie-
remia, emundate iacula, implete השכמים
hasselatim pharetras. Huic respōdet sella iu-
diciaria quadrato lapide, vnde sibi homines
metuunt. Lex verò clypeo, est enim clypeus
Israëlitis. Cæterum licet per submutationē
explicare *Mille clypei*, pro clypei mille (ho-
minum), vt aliquo Psalmorum loco, Ver-
bum mādauit in mille generationes, אֲנִי תוֹ, in
generationes mille hominum. Pharetris
autem intelliguntur discipuli, constat enim
ex Psalmis illos comparari pharetris & ia-
culis: sicut sagittæ, in manu potentis, ita filij
iuuentutum. Beatus vir qui impleuerit pha-
retram suam ex illis.

5 *Due mammae tuæ*, quę lactant te. Moyses &
Aaron. *Vt duo hinnuli gemelli*, solet caprea
gemellos,

gemellos, quorū alter alteri hominum existimatione æqualis est, parere. Glossemate alio duæ māmæ sunt duæ tabulæ, quæ quia ad mensuram vnā comparatæ sunt, habentur pro *gemellis caprea*. vna enim complectuntur præcepta quinque, alterâ totidem eaque sibi altera ex parte respondentia. Exempli causa, *Ego Dominus, qui eduxi te* *ἀντὶς ἐξ αἰῶνος*. Non occides. Nam homicida labefactat similitudinem Dei. *Non erunt tibi dii alieni*, huic, Non scortaberis. Qui enim post Idola scortatur, similis est mulieri, quæ mariti thorum adulterio cōmaculat & eternis nubit. *Non sumes nomen Dei frustra*, ponitur ex aduerso huius, *Non furaberis*. furantis enim finis pejerare. *Recordare diei sabbati*, è regione alterius, *Non dices falsum testimonium*. Nam qui polluit sabbatum falsum creatori suo affingit, & veluti affirmat Deū non quieuisse sabbato orbis conditi. *Honore prosequere patrem*, huic obiicitur, *Non concupisces*. concupiscens enim tandem procreabit filium, qui sibi sit dedecori & eum qui non est genitor honore afficiat. Quinque præcepta ex aduerso quinque. *Qui pascunt oves suas In liliis*, & traducunt eas per viam quietam, rectam & æquabilem.

Elegās comparatio duarū tabularum Decalogi.

6 *Donec aspiret dies, donec diffundatur Sol.*

T

CANTICVM

Gen.3.
Mal.4.

Et fugiant umbræ, tempus æstus & caloris significatur. hodie, inquit, eripiam te, crîsque mihi accepta. Dies significat Solem, vt in Genesi, ad ventum diei, & in Malachia, Ecce dies venit ardens, sicut clibanus. Ex quo aspirauerit dies, ibo mihi in mōtem Moriá in domum seculorum. Hæc in Berechith Rabbá hoc sensu. Quoniam peccauerunt in conspectu meo polluentes nomen sanctum meum, & execrati sacrificium meum temporibus Ophni & Phineæ, subducam me ab eis, & deserto hoc habitaculo, deligā mihi in monte Moriá ædem perennem, vbi tota sis pulchra, absque vlla macula, vbi & omnes tuas oblationes acceptas habeam.

8 *Mecum à Libano sponsa*. cū extorres ab hoc Libano abducemini, mecum exulabitis. Ego enim in exilium vobiscum proficiscar. *Mecum à Libano venies*. cū reuertaris ab exilio ipse reuertat tecum: prætereà toto exilij tui tempore afficiat tuarum afflictionum sensu, & proinde à Libano venies, cū migrabis ab hoc Libano venies mecum. porrò non scribitur, *Mecum ad Libanum venies*, vt sit sensus, ab exitu vestro ad articulū vsque reditus vestri vobiscum sum, quocumque tandem exhibitis & ingrediemini. *Aspicias è vertice Amaná*. cū con-

gregauero expulsos tuos, cōtemplaberis & intelliges quānam sit actionum tuarū merces ab eo tempore, quo in me credere cōpisti, sequēs me per deserta, atque animo verfabis profectiones & mansiones tuas oraculo meo confirmatas, aduentūque tuum in verticem Senir & Hermon, quæ erant latibula Leonū, Seonis & Oggi regum. Amaná autem, si historiam spectes, mons est in termino Septentrionali terræ Israëlicæ, qui Talmudicè mons Amnon & mons Ahar, de quo in Numeris, A magno mari circum-
 scribetis vobis montem Ahar. Inde, cū eò exules congregabantur & appellebant, prospectabant terminum terrę Israël & aërem eius, atque delectati gratiarum precem fundebant, vt propterea dictum sit è *vertice Amaná.* Num. 34.

9 *Excordasti me.* cor meum ad te pertraxisti. *Vno oculorum tuorum.* plurimæ in te sunt species, quàm excellentissimæ, quarum vel vna me in tui amorem pertraheret, quantò igitur magis cunctæ. Vno torque colli tui, sic vno monili torquium ornatus tui cepisti me. significantur ornamenta præcepti, quibus Israëlitæ insigniti sunt. Glossemate alio *vnum monile* vnum ex patribus refert, iuxta illud Malachia, ipse vnus erat, tūmq̃ *פאד* Mal. 1.

CANTICVM

Aanak propriè non significaret monile, sed Anacheum & quasi heroam, id est, Abrahamum, qui vocatur Anacheus, homo magnus inter Anacheos.

10 L14.

10 *Quàm pulchri sunt amores tui.* quilibet locus, in quo tuum amorem declarasti mihi, pulcher est admodum & acceptus, Galgal, Siló, Nob, Gabaon, & ædes perennitatis, de qua carmen condidit Babylonius quidam, Quies Menohæ, & reliqui conuentus, &c. per Menoham intelligens Ierusalem, per reliquos conuentus loca, in quibus congregiebatur diuinitas cum Israelitis. *Et odor unguentorũ tuorum,* nominis celebritas & fama.

11 *Fauum dulcedinem stillant labia tua,* gustus legis & sententia. *Et odor vestium tuarũ.* præcepta conuenientia, quæ de more seruare soles in vestibus, fimbriis, & hyacintho, vestibus pontificiis & indumento, quod lex vetat ex lino & lana mixtim confici.

12 *Hortus clausus.* alludit ad verecundiam & pudorem filiarum Sioniarum, quæ neminem ad nefandos coitus sollicitant. *Scaturigo clausa.* גל gal fontem significare potest, vt in Iosua גלות עליות fontes superi. potest & significare portam, & id ex lingua Syriaca in Talmud טריקו גל teriku galle clauferunt portas.

13 *Plantæ tuæ.* שֶׁלַחִים *Shelahim* significat areæ. terra enim arida appellatur domus שֶׁלַחִים *hasselahim*, arearū, siue emissionū, quas continuò irrigare oportet. hinc ager patrisfamilias pulcher est quem hīc ita commendat. Areæ tuæ siccæ profectò omni bono plenæ sunt, vt paradisus malorum Punicarum. Id verò dicitur propter paruulos, qui in Israele vernant bonis operibus, sicut hoc viridarium malis Punicis. *Cypri cum nardis, &c.* genera aromatum.

15 - *Fons hortorum*, omnia hæc referuntur ad *Plantæ tuæ*, seu areæ tuæ. eas commendat à fonte, qui illas rigat. Allegoricè id dicit propter oblationes mundas, quibus Israëlitarum puellæ se diluunt. *Et fluentia ex Libano*, è loco purissimo abhorrente à luto turbido.

16 *Excitare Aquilo & veni Austro.* quoniā mihi suavis est odor tuus & habitaculi tui species, impero ventis Septentrionalibus & Austrinis, vt perflect hortum tuum: vt fragrantia odoris tui longè manet & spargatur. Mystrium pertinet ad exules, qui certatim congregabuntur, gentibus vndique munus comportantibus Ierosolymam, cū prætereā Israelitarum restorationis temporibus eò conuenturi sint & festa atque statas ferias celebrantes responsuri, *Veniat dilectus meus*

in hortum suum, omnia enim illic reposuisti.

COMMENTARIJ ABBEN

Ezra In 4 Cap. Cant.

1 **I***ntra comam tuā. intra pilum copiosum,*
 vt, כער *intra fenestram. Quæ prominent.*
 שולש. *quæ prospiciuntur & apparent aut*
subiliunt oculo. sunt qui vertant, quæ depi-
latæ sunt, quòd Chaldaea Paraphrasis calui-
tici sit גליש. sed hoc à sensu remotum.

Abac. i.

2 *Sicut grex præcisarum, sup. agnarum, vt in*
Abacuc, Cibus eius obesa, sup. ouis. senten-
tia refertur ad agnas, quarum eadem perin-
de est magnitudo, atque si altera excisa esset
ad alteram. Ita enim verbū קצב katfab aliis
locis accipitur, vt ויקצב, Vaitktzob & exci-
dit vnus. Itē ויקצב & præcidit ligna. Gemellos
pariant, quæ ante se sigillatim gemellos du-
cunt. aliis מתאיכות Mathimoth nō sunt quæ
gemellos pariūt, sed, quæ ipsæ gemellæ sunt.

3 *Sermo tuus, hoc sonat מרבך Midbarech.*
Tanquam fragmen mali Punici. כפלח ke-
phelah multis modis exponitur, quidam ex-
plicant tāquam dimidium. probabilius est,
vt significet florē malogranati rubore per-
fusum. Nonnullis est frāgmentum, vt פלח
Pelah, frāgmentum caricæ, vbi sumitur pro

fissura & fragmine. *Tempus tuum* inter frontem & oculum. *Comam tuam* צמח *Tsamma* est pilus copiosus & frequēs, vt retege צמחך *Tsammatech* comam tuam.

4 *Ad disciplinas* לחלפיות *Letalpiioth*, vt nōnullis placet לחלות פיות, ad suspēdenda ora seu aciem, hoc est, enses. vt aliis, ת accidentarium est, & א suppressum est ex loco simili apud Iobum. מלפנו *Mallephenu* do-^{Iob 35.} cens nos ex bestiis terræ. Grammatici negant aliud huic esse simile. Pharetræ. שלטי *Silté* genera sunt armorum, vt והשלטים *Ve-hasselatim*, & scuta. Idem enim quod מגנים *Maghinnim* clypei, scuta.

8 *Aspicias*, sic enim vox תשורי *Tashuri* sumenda est, vt in Iobo, אשורנו *Ashurennu*, aspiciam eum, sed non nunc.

9 *Excordasti me*. cepisti mihi cor. *Vno Torque*. ענק *Aanak* genus est monilis, quod alligatur collo, de quo in prouerbiis, וענקים ^{Prou. 1.} *Vaanakim*, & torques in collo tuo.

12 *Scaturigo clausa*. גל *Gal*, amnis fluens, sed exiguo: habes simile in Iosua, גלות עליות, scaturigines superæ & inferæ.

13 *Plantæ tuæ*. שלהים *Selahim*, rami. Significatio ducitur ab his & similibus locis, תשלח *Tesallah*, emittet ramos tuos ad mare vsque & quasi propagabit, & שלוחותיה ^{Esa. 3.} *Sil-*

CANTICVM

luhotheba propagines eius seu plantæ relictæ sunt. *Paradisus*. viridarium vnius modi, & generis simile horto lingua Ismaelica. Cypri כפרים *Kepharim*, plurale est à singulari כופר *Kopher*. de quo antea, botrus Cypri.

Cap. I.

14 *Aloe*. genus aromatis, de quo, tanquam aloas plantauit Dominus.

INTERPRETATIO

Dramatis.

I **E**cce tu, tu verò pulchrior es dilecta Salomonis, & conspiciere te possum absque eo, vt opus habeam palatium construere. *Pilus tuus sicut grex caprarum*. quæ solent se in editis montibus suspendere & in pedes consistere, vt hic illic folia carpant. His similem dicit capillū capitis eius, quod alter in alterum incumbat.

2 *Ex lauacro*. candorem indicat Sponsæ. *Abortiens*. שכלה quasi fracta.

4 *Vt turris*. comparat torques, qui collum Sponsæ constringunt, clypeis qui pendent de arce Dauidica.

5 *Due mammae tue*. redit ad parabolam seu drama. *Vt duo hinnuli*, quorum odoratus suavis est, quod pascant in liliis. Tu, ô Sponsa, monuisti vt contenderem ad montes Ba-

ther, donec aspiraret dies. atqui nusquam aliò me contuli, quàm ad mōtem myrrhæ.

7 *Tota tu pulchra.* sensus est, quæcunque ais grata sunt meis oculis, nec aliqua est in te labes.

8 Itaque mecum à Libano ô Sponsa venies, mecū aspicias è vertice Amanâ, quod receptaculum est Leonum & Pardorum: hoc est, fuge è deserto & ab iis locis, quæ non carent periculo, & me comitare.

9 Neque enim separari à te possum, quia ita cor meum illexisti, vt nullum amplius relictum in me esse videatur.

12 *Hortus clausus.* similis es ô Sponsa hortu clauso, qui foras fragrantiam odoris mittit, & in quē nemo ingredi potest. Vbi eam prætereà comparauit fonti cōsignato, tu es, inquires, similis fonti hortorum, qui idèò videntur puteus aquarum viuentium, respondet Ecclesia, & ait, quādiu exurget ventus Aquilo & excitabitur Auster, atque vterque hortum meum perstabit, fluētibus eius aromatibus, pergat dilectus meus in hortum suum, & postea reuertatur.

CANTICVM
INTERPRETATIO
tertia, quæ allegorica.

1 *E*cce tu pulchra amica mea, oculi tui columbini. Religiosè enim colebāt Dominum, vt iam prima interpretatione docui. Per oculos intelligit Prophetas, qui eandem ob causam appellantur videntes & inspectores seu speculatores. Per pilum Nazaræos, per dentes heroas & strenuos, per labia cantores, per tempora sacerdotes.

4 Per collum Regem, per clypeos principes eius.

† Quæ per
cs. Verb.
5 *Duo vbera tua.* duæ leges, vna quæ consignata est scripturis, altera † quæ traditionibus. vbera enim emittunt lac, sic lex, iuxta illud, agite frumentū emptum edite, & quæ sequuntur apud Esaiam. hîc indicat Dominus se fuisse profecturum in montem Moriam, vbi ædes ipsi sacra. quod sic explicatur in libris Paralipomenon. Ædificauit Salomon ædem in monte Moriâ, qui patefactus fuerat Dauidi patri. significat igitur se habiturum fuisse in illo monte.

Es. 55.

6 *Donec aspiret dies.* donec mutetur ventus, hoc sensu, quandiu Israëlitiæ seruât præcepta mea, sedeo in medio illorū. & proinde tota pulchra es.

7 *Israëlitæ* enim diebus Salomonis iusti erant.

8 *Mecum à Libano.* quò veniebant pedibus ex quouis loco, etiam ex vltiore Iordanis ripa, vbi Senir. præterea ij qui erant in profanorum terris & regionibus, qui conferuntur Leonibus & pardis, omnes illò veniebāt.

9 *Excordasti me.* cùm dixisset, tu tota es pulchra, nūc excordasti me, inquit, vno torque colli tui, videlicet tribu Iuda, quæ secū dum Deum ambulauit. Maxima enim ex parte Reges Iuda fuēre pij. adumbrat autem per vnum oculorum Eliam vatem, qui ad pœnitentiam reduxit Israëlitas, vt & adhæserint Deo. hoc nimirum intelligit per,

10 *Quàm pulchri sunt amores tui.*

11 *Labia tua.* ob pacifica vota & spontaneas oblationes. Vestibus verò designantur duces.

12 *Hortus clausus:* virgines eorum verecundæ. Paradisum malorum Punicarum & aromaticarū arborum cōposuit ex duodecim generibus, respiciens ad 12. tribus Israëlicas. Fontem horrorem refero ad mulieres, quæ lotionibus & purificationibus vacant.

16 *Excitare Aquilo & veni Auster.* Irruit ventus Septentrionalis (de quo illud, donec aspiret dies) & perflauit hortum, nempe

CANTICVM

Israëlitæ & deiiecit aromata eius in terrâ.
Fugit dilectus in hortu suum. diuina enim
maiestas sese subduxit in cælum. hinc illud,
ibo & ascendam in locum meum. *Et come-*
dat fructus deliciarum suarum. q. d. non offe-
ram amplius holocausta. vide hunc locum
scripturę, qui adipem sacrificiorum suorum
comedunt, &c.

COMMENTARIA

R. innominati.

I Ecce tu pulchra amica mea, verba sunt
dilectæ, laude me exornauit dilectus
meus, cùm reperit me, sic dicens mihi, Ecce
tu pulchra es, socia mea. *Oculi tui columba-*
rum. hæc omnia pertinet ad laudem Spon-
sæ vsque ad illum locum, *Ego dormio & cor*
meum vigilat. comparat autem oculos dile-
ctæ oculis columbarū, quod columbæ non
nisi ad cōiuges suos oculos cōuertant. *Intra*
vittam tuam. intra colligamenta tua. Redi-
mītam enim habes † fasciis faciem, ne vul-
tus tuus appareat. *Intra autem illa redimi-*
cula oculi tui extant similes oculis colum-
binis. Capilli tui sunt candidi & nitent, sicut
Greges caprarum, quæ promicarunt, & יָרְדוּ,
Iaredu, descenderunt, de monte Galaad. יָרְדוּ

† Heb. Col-
ligamentis,
inuolucris.

Galeshu, significat trahi & descendere de alto. Chaldaea enim Paraphrasis בנבחתו *begabbahtho*, est בגלו שותית *biglusutheh*.

2 *Dentes tui sunt candidi, tanquam Grex caprarum, quæ sunt קצובות Ketsuboth limitatae & velut connexæ, quæ non sunt dispersæ huc illuc. Quæ omnes gemellis sunt foetibus. Vniuersi dentes tui geminos pariunt, in quibus nullus orbatur & deficit.*

3 *Sicut filum coccineum, quod rubet, sic labia tua rubore suffunduntur. Genæ tuæ, sunt verecundæ.*

4 *Sicut turris David, quæ porrecta est in rectum, sic collum tuum. Illa enim turris, ædificata est in monimenta. תל פיות Talpijoth mutilatam habet literam א, debuitque scribi תל פיות Talpijoth, sententia autem est. Turris illa pulcherrima est, adeo ut quilibet opifex ex ea possit discere, & qui vult insignem ædificare turrim, eam visat atque in ædificando eius exemplum sequatur. Mille clypei pendent ex ea, turri. Omnis armatura fortium, שלט Silté, sunt arma bellica.*

5 *Hinnuli capræ Gemelli, qui pariter æquales sunt. Nam si vbera mulieris essent imparia, ac vnum altero maius, vitium esset. Qui pascunt in liliis. quorum odor in lōginquum porrigitur.*

CANTICVM

6 *Donec aspi- ret dies.* Sic tum affatus est me dilectus meus, cum me reperit. Donec aspi- ret dies vt flet ventus Aquilonis à meridie & suprà, & fugiât vmbrae, & incipiat vespe- rascere, vadam mihi ad montem Myrrhæ, interea vt otio perfruar. Neque enim est cō- modum, vt vnà nos ambo oblectemur in ipso diei æstu.

7 *Tota tu pulchra es socia mea.* Cum me lau- daret dilectus meus, speciatim recēsuit om- nem meam pulchritudinem. Deinde verò vniuersè complectens eam, dixit, Tota es pulchra socia mea, & macula non est in te.

8 *Mecum de Libano,* Sic quoque dixit mihi dilectus. Si tu es Sponsa mea, veni mecum de Libano, & proficiscere mecum de verti- ce Senir & Hermon. Omnia enim hæc loca sunt periculosa. תַּאסֻרִי *Tasûri* amisit א, de- buîtque scribi תַּאסֻרִי *Taasûri* de significatu incedendi.

9 *Tunc vulnerasti cor meum soror mea Spon- sa.* perinde ac si ambulassem cum mille ho- minibus. *In vno oculorũ tuorum.* cum in vnũ oculorum tuorum conieci aspectum, aut cum vnum monile colli tui perspexi, vulne- rasti mihi protinus animum.

10 *Odor vnguentorum tuorum super omnia aromata.* nomen & existimatio tua.

11 *Fauus distillans labia tua.* נופת *Nopheth*, appellatur massa mellis.

12 *Hortus conclusus soror mea Sponsa.* Sicque laudabat me. Soror mea tu es similis horto fera concluso. *Fons cōclusus.* גל *Gal* de significatu גלות עליוה, id est fons & scaturigo.

13 *Emissiones tuæ, plantationes tuæ, cui asfine est illud Psalmorum,* תשלח קציריה *Tessallah Ketsireha* emisit palmites suos vsque ad mare. *Cypri cum nardis.* Cepharim appellantur vernaculè Camphara. Neradim autem spicæ dubiæ & incertæ genus est.

16 *Surge, Aquilo, Cùm vidi* (inquit dilecta) quod amicus meus comparasset & assimilasset me horto fera clauso, ipsa quoque sic mecum sum locuta, proinde atque si hortus essem, atque dixi. Excitare vente Aquilo in medium horti mei, & ingredi ventem Auster, qui es feruidus, & nocet hortis, & perfla ventum Aquilonem in hortum meum, & fluant aromata illius, &c.

COMMENTARIVS R.

Selomonis in Cap. 5.

1 *Veni in hortum meum.* diebus templi dedicati. *Collegi,* אריתי *Arithi*, collegi, decerpsi. Idque lingua Talmudica, vt dū impleret אורה *Oré*, colligens canistrum, &

CANTICVM

biblica, וְאָרָה *Vearúha* messuerunt eam,
 quotquot pertranlibant viam. hoc autem
 pertinet ad incensum, quod sigillatim ado-
 leuerunt principes tribuum super altari ex-
 teriore, vt à maioribus traditum est, quæ res
 insolens apud posteros. & proinde dictum
 est, *Comedi fauum meum cum melle meo.* יָעָרִי
 cannam meam, vt loquatur de melle, quod
 crescit in cannis, de quo apud Samuelem,
 בִּיעָרָת *Beiaarath* in canna seu culmo mel-
 lis. vnde hunc locum Exodi, Posuit in cari-
 ce, Chaldæus transfert, posuit eum בִּיעָרָא
Beiaará in calamo. solent, inquit, hoc cortice
 abiecto mel sugere, at ego vehemētiā amo-
 ris comedi culmum meum cū melle meo,
 cannam cū melle. Nam quamuis non qua-
 draret ex officio incensum spontaneum: si-
 militer nec hirci pro peccato, quos obtule-
 rant principes, (oblatio enim pro peccato
 non est spontanea) vtrumque tamen susce-
 pi, illo die. *Bibi vinum meum* intelligit liba-
 mina. *Cum lacte meo*, dulciores erant & niti-
 diores lacte. *Editae socij*, in tentorio fœderis, ô
 Aaronitæ sacerdotēque omnes qui adestis
 ædi in sæcula duraturæ. *Bibite & inebriamini*
dilecti, ô Israëlitarum quibus permittitur esus
 sacrificij pacifici, quod obtulistis in altaris
 dedicatione.

1. Sam. 14.

1. In Fauo.
Exod. 2.

Lam. 4

2 *Ego dormio*, cùm essem quieta & tranquilla in æde priore, abhorruì à cultu Domini Dei veluti dormiens & alto correpta somno. *Et cor meum vigilat*, Deus tērque quaterque fœlix. sic allegoricè exponitur in Pefikthà. *Cor meum vigilat*. Dominus Deus, qui est petra & soliditas cordis mei, pactiōque mea, vigilat ad tuendum & bene afficiendum me. *Vox dilecti mei pulsantis*, diuinitate sua vates sacros perfundit, & eorum legatione vtitur ad mane atque vesperi cōmonendum. *Aperi mihi*, ne causam prēbeas vt abs te abstrahar. *Quia caput meum plenum est rore*. oratio hominis, qui nocte adueniēs pultat fores dilectæ suæ, & ait se adductum amore eius nocte, tempore toris & pluuiæ, accedere. Mysticè, ego plenus sum affectu & quiete spiritus Abrahæ patris tui. eius enim opera habui perinde grata atque torē. En me, qui ad te venio onustus benedictionibus & donis ad rependendum opera honesta, si quidem ad me redeas. *Cincinnati mei guttis nocturnis*. in manu quoque mea plurima vindictæ genera, vt vlciscar desērentes & auersantes me. Ros designat tranquillitatem. Guttæ nocturnæ pluuiæque noctis laborē & fatigationem. רִסְסֵי *Resisé* Chaldaicè guttas significat. hinc illud, sicut gut-

CANTICVM

tae super herbam, Chaldaeus transtulit
 כרסיו מלחוש *Kirsise Malqusa. Cinnini,*
 קוצות *Kenatsoth* cohaesiones pilorum ca-
 pitis, qui simul colligati sunt, quas vocant
 Plossz. Quia autem facta fuerat mentio ro-
 ris & guttarum, statim meminit Salomon
 capitis & cinnorum: quod his ros & plu-
 uiae soleant incumbere. Praeterea tam ros
 quam guttae in bonam partem intelligi pos-
 sunt, ut merces quae assignatur leuioribus
 praeceptis, quaeque factu procliuiora facilio-
 raque sunt, sit tanquam ros: quae verò gra-
 uioribus & molestioribus, tanquam guttae
 noctis seu pluuiae & imbres.

Ier. 44.

3 *Exui tunicam meam.* Iam didici aliam vi-
 uendi rationē, ut iam ultra ad te redire non
 possim. In quam sententiam in Ieremia, ex
 quo tempore cessauimus adolere militiae
 caeli, &c. Illa enim viuendi ratio eorum ocu-
 lis gratissima erat. Porro haec verba, *Exui*
tunicam meam, ablu pedes meos, continent mu-
 lieris adulterae responsum, quae aperire viro
 suo renuit. Quoniam autē coeperat dicere,
Ego dormio, ut persisteret in metaphora, ad
 finem periodi subiicit, *Vox dilecti mei pul-*
santis. pulsare enim vulgò fores solent sub
 somni nocturni accubationem.

4 *Dilectus meus misit manum suam ex fora-*

mine, quod erat ad ianuam, & vidi manum eius. Itaque sic in me viscera mea contracta sunt, vt cupierim redire de integro in gratiã & dilectionem eius atque aperire ei.

5 *Surrexi ego vt aperirem dilecto meo, & manus meae stillauerunt myrrham. corde integro & anima expetibili, vt quæ se ita ornat, vt viri sui amorem demereri possit odoris fragrantia. Myrrham transeuntem. spiritum manantem & diffusum in omnem partem.*

6 *Sed dilectus meus verterat sese. חסח Hhamaq* recondiderat & occuluerat se, vt חסוקי Hhamuké occultationes femorum tuorum. femur enim occultum est, sic quousque תחחסקי Tihhammekin occultaberis & tegeris ob pudorem, quòd præuaricata sis in me. *Anima mea exierat, cum ille loqueretur. & diceret, Non veniam in domum tuam, quia initio aperire noluisti.*

7 *Inuenerunt me custodes, qui circuunt urbem, vt comprehendant fures, qui noctu grassantur. vulnerarunt me. conciderunt me vulneribus. nam פצע Petśaa, qua voce vtitur, significat plagam, quam ferrum bellicum infligit. nauerie vernacule. Peplum meum רדדי Redidi ornamentum quod extensum, expansumque erat super me. Haftenus de muliere adolescentula, quæ maritum sibi*

CANTICVM

à pueritia conciliatum & deflet & quærit. Mysticè, dilectus meus misit manum suam per foramen, immissa ultione, cum enim dixissem, abluissè me pedes & ideo me ei non aperturam, neque derelicturâ cultum alienum, quem mihi iam delegerâ, *Misit manum suam*, & ostendit indignationem suam rege

Achaz. Achaz, inducēs in eum copias regis Syriæ, qui illum percuteret abductis captiuis magno numero, & interfecto Phacea filio Romeliæ. In Iuda verò eodem die centum & viginti millibus deletis. *Viscera mea commota sunt*, successit Ezechia filius eius, conuersusque toto corde quæsit Dominū, totamque ætatem suam ad pietatem reduxit: adeo ut nullum fuerit sæculum, quod cum hoc conferri possit, sicut explicatur in cap. *plm Helec*. Explorarunt à Dano ad Bersabeem usque, nec inuenerunt populum terræ à Gabbalo usque ad Antiochiam, virum aut foeminam, qui non exercitatus esset in lectionibus de purificatione & immundicitia. unde *Manus mee stillarunt myrrham*. Similiter de Iosia scriptum est, huic similis Rex non fuit ante eum. quoniam enim vindictam in promptu habuit, qua Deus exercuit Menasse & Ammonem, ut hanc scripturam, *Misit manum suam per foramen*, confirmaret,

Achaz.

Ezechia.

Iosia.

viscera eius in ipso conturbata sunt. *Aperi dilecto meo, sed verterat sese.* non reuocauit sententiam suam, in Ezechia enim scriptum est, diebus precedentibus tollet quicquid in domo tua est, &c. & à filiis tuis quos generabis, Daniele scilicet, Hanania, Misacle, & Azaria, &c. Similiter in Iosia, per Oldam Prophetissam. En ego, adduco malum in locum istum & in habitatores. Et si enim, uti scribitur, similis Rex ante eum non extitit, tamen non auersus est Dominus ab ira furoris, qua vehemēter exarserat in Iudam prouocatus flagitiis Menassis, & protestatus, Etiam Iudam tollam à facie mea, quemadmodum sustuli Israclem, & abiiciam urbem hanc. *Anima mea exierat cum ipse loqueretur.* egressa erat à me cum verbum hoc diceret. *Quæsiui eum & non inueni.* Si obiicias Ieremiam qui extabat & vaticinabatur Regibus Ioachimo & Zedechia in hæc verba, reuertimini ad me & reuertar ad vos. respondebo, Dominum non significare se planè abrogaturum sententiam, sed mitigaturum vindictam, & confirmaturum regnum eorum, ubi rediissent ab exilio, illis absque eradicatione plantatis & ædificatis absque destructione. *Inuenerunt me custodes, Nabugodonosor & exercitus eius. Qui circumunt*

CANTICVM

urbem, vt persequantur iniurias Domino illatas. *Tulerunt peplum meum*, ædem sanctuarij. *Custodes mœniorum*. etiam Angeli administratorij, qui custodes erant mœniorum eius. hinc illud, super muros tuos Ierusalem, incenderunt per eum lucem, quod alibi dictum est, ex alto ignem misit.

8 *Adiuro vos* ô gentes quæ paretis Nabugdonozori, quæque vidistis quàm prompto animo Ananias, Azarias, & Misaël se foco igneo exposuerunt, Daniel lacui leonum, ne edicto regio de non orando Deo consentiret, quàm promptè ætas Mardochæi, temporibus Hâmanis, pericula subierunt. *Si inueniatis dilectum meum*, venturis temporibus, in die iudicij quo requiretur à vobis vt de me testificemini, iuxta illud, dabunt testes suos & iustificabuntur. *Quid indicabitis illi*. quid de me testificabimini, nonne me ipsius causa apud vos multa perpessam? veniet Nabugdonozor & mihi testimonio suo aderit. adueniet Eliphaz, Sophar, & cæteri exterarum nationum vates atque testabuntur, quàm sedulò legem impleuerim.

9 *Quid excellentius dilecto tuo*, quàm cæteris? sic interrogabant gentes Israël, *Quid Deus vester præ reliquis*, vt ita ipsius nomi-

ne comburamini & suspendamini? *Quia sic adiurasti nos, vt testificemur ei amorē tuum.*

10 *Dilectus meus nitidus.* כִּי צֹהַר *tsah* significat elegantem & nitidum, vt כִּי צֹהַר *tsahhu* nituerunt præ lacte, in Lamentationibus. *Et rubicundus*, commendatio formosi adolescentis, cūm cādidus est, vultu eius intereā subrubente. *Vexillatus de myriadibus*, multis admodū stipatus exercitibus, adeo vt exercitus eius sint myriades. sic verò quāplurimos vocant, vt in Ezechiele, Myriadem sicut *Ezec. 16.* fœnum agri dedi te.

11 *Caput fulget instar sphæraulæ obrizi.* כֶּתֶם *Keithem* (quod sphætulam vertimus) significat peculium regum, quod reponunt in ærariis suis, vt, mutabitur הַכֶּתֶם *Hakke-them*, sphæcula aurea. Item לַכֶּתֶם *Lakke-them*, globo aureo dixi spes mea es, &, monile Lam. 4. הַכֶּתֶם *Hakketem*, auri. *Cincinnati eius densi.* תַּלְתָּלִים *Taltallim*, quasi suspensi, vernaculè pendans. *Nigri vt coruus.* omnia hæc pulchritudinis argumenta sunt in iuvene.

12 *Oculi eius tanquam columbi ad riuos aquarum.* oculi eius ad fluenta aquarum pulchri sunt, sicut oculi columbini. Fluenta aquarū iucunda sunt aspectui, ac illò iuuenes exeūc deambulandi causa. Ita laudat Lyricus quidam poëta, Oculi dilecti mei, cum ipse in-

CANTICVM

tuetur in fluenta aquarum, similes sunt pulchritudine oculis columbinis. *Abluti oculi dilecti mei lacte . Siti super plenitudinem.* hæc omnia indicāt venustatē Sponsi. Non eminent plus æquo, nec demersi sunt, aut profūdi, sed residēt in plenitudine orbis sui. metaphorice enim plenitudo significat quod comparatum est ad replēdam foueam, quæ alicuius rei receptandæ capax est. vt, lapides plenitudinum. Item, repleuisti eo plenitudinem lapidis.

13 *Malæ eius tanquā area aromatica.* Ibi enim in illis arcis sunt plantæ aromaticæ & vnguētariæ. *Turres pigmentorum.* Virgæ & propagines aromatum, quibus pharmacopolæ opus suum condiunt & miscent.

14 *Manus eius orbes aurei, veluti sphæræ aureæ. Impleti hyacinthis.* Lapidis preciosi in aurum immisio vocatur impletio seu plenitudo. *Nitor eboris.* עֵשֶׁת Eeseth crassitiem sonat, vt, pingues facti & עֲשֵׂת Aasetu, incrassati sunt. Massa densa, vocatur עֵשֶׂת Eeset.

Gallice *masse*. Ebur seu שֵׁן Shen, Dens est elephantinus. *Tecti.* מִתְּחַלְּפֶת Mithallépheth, ornati & adaptāti sapphyris, vt in Genesi וְחִתְּתֵלֶפֶת Vattithalleph, cuius Chaldæa interpretatio וַאִיתְּקוֹפִי Vaittekoph & adaptata est.

15 *Crura eius Columnæ marmoris fundatæ su-*

per bases obrizi. columnę שש Shes, marmoris. שש Shes enim idem quod שׂשׂ Shais mar- Eft. 1.
mor, vt in libro Esteræ, super globis argenti
& columnis שש Shes, marmoris. *Aspectus*
eius, procerus sicut cedri *Libani*. *Electus* vt
cedri. eximius inter filios, sicut cedri inter re-
liquas arbores.

15 *Palatum eius dulcedines.* verba eius dul-
cia.

16 *Dilectus meus.* ea est species dilecti mei,
hæc forma socij mei, & ob hæc omnia amo-
re eius ægra sum. Allegoria ad Deum refer- Allegorica
tur hunc in modum. Dilectus meus nitidus expositio.
& candidus ad dealbādas iniquitates meas.
Nitidus & candidus, cū apparuit in Sinai,
referebat speciem antiqui literarum profes-
soris. Itē cū in iudicio præsidebit vestimē-
tum habiturus est candidum niuis instar, pi- Dan. 7.
lūmque capitis canum sicut lanam. *Rubicū-*
dus ad vlciscendum inimicos suos, in quam
sententiam Esaias, Quare ruber es vestimē-
tis. *Vexillatus de myriadibus.* multi exercitus
cingunt eum. *Caput eius aurum obrisum.* prin-
cipia verborum eius fulgēt instar auri puri
puti. hinc Psalmus canit, Ostium verborum
tuorum illuminat. Ostium illud habetur in Exod. 20.
Exodo. Ego Dominus Deus tuus, vbi ostē-
ditur primū ius regni penes Deum esse,

CANTICVM

deinde decreta populo fanciuntur. *Cincinnati eius densi*. In singulis cincinnis cumuli multi lectionum. *Nigri ut coruus*. etenim supra ignem lucidū scintillabat obscurus & ater in Israëlis conspectu. Glossmate alio Cincinnati eius densi indicant Dominum, cū ad mare Rubrū visus est specie iuuenis acriter depugnantis. *Oculi eius ut columbi ad riuos*. sicut columbi oculos dirigunt ad † fenestras suas, ita oculi Domini prospectant ædes Ecclesiarum suarum & gymnasiorum, vbi scaturigines legis, quæ comparantur aquis. *Abluti lacte*. cū contemplantur iudicium, illustant ius ex æquo & bono, iustum pro iusto habent, ei que tribuunt secundum integritatē ipsius, contrā damnant impium, eiusque viuendi rationē retorquet in caput. *Stātes super plenitudinē*, in plenitudine vniuersitatis. Spatiantur in omnem terram contemplantes probos & improbos. Adde hanc de discipulis sapientum interpretationem. Deus tribuit illis oculos ad illustrandū mundum, vt & oculi præbent hominibus lucem. Sicut autem columbi, si vel paululū abieris, emigrant vt sibi cibum quærent, ita & illi abeunt è schola huius sapientis seu philosophi, in alterius, ad peruestigandos legis sensus. *Ad riuos aquarum*, ad Academias,

† Ad colū-
bariorū fo-
ramina.

quæ sunt aquarum legis emissiones. *Abluti lacte*. Heb. רוחצות *Rohhatsoth*, fœminini generis, quia oculus apud Hebræos fœmininū est. Indicantur verò hi qui nitidos se reddūt lacte legis & declarant arcana mysteriâque eius. *siti super plenitudinem*. accommodantes verba ad modos seu tropos suos. De his hactenus. Alia expositione, *Oculi* delignant sectiones legis, lectiones & tractatus Talmudicos, qui referunt colūbos, qui incessu speciosi sunt, *Ad riuos aquarum*, in ludis literariis. *Abluti lacte*, nitidi facti lacte, uti iam exposui. *Mala eius*. verba habita in mōte Sinai, vbi illis ostētauit hilarem & lenem vultum. *Labia eius rosæ*, verba quæ locutus est in tentorio fœderis seu conuentus, pertinebant ad placationem, veniam odorēque suauem, ut lex oblationis pro peccato, pro delicto sacrificij quotidiani, holocausti & pacificorū. *Manus eius tabulæ*, quas dextra sua dedit, quæque opus manuum eius sunt. *Orbes aurei*, significatur Decalogus, qui tabulis continebatur, optabilior auro & obrizo copioso. R. Iosua filius Nchemiæ illas dixit prodigiosas, quòd adamantinæ essent & intereà volubiles. dici prætereà possunt, גלילי *Ghelilé* seu orbcs & q. volumina, quòd bonum in hanc vniuersitatem deuoluerint. *Impleti hyacin-*

this. nam præcepta trecenta & tredecim numero Decalogum implent. *Viscera eius nitor eboris.* ea est lex sacerdotum, † quæ in medio quinque librorum legis edicta est, vt viscera quæ in medio corporis collocata sunt. *Eboris teſti ſapphyris.* lex apparet læuis & blanda tanquam nitor eboris, conſtatque ſubtilitatibus multis, rationibus à pari, à fonte & origine, à minori, à maiori. *Fundatæ ſuper baſes auri.* Columna hæc, ait R. Eleazar Hakkapar, ſupernè coronamentum & epyſtilium, infernè baſin habet. Ita, inquit R. Bárghara, ſectiões legis ſupernè coronam, infernè baſin accipiunt, & cohærent cum antecedentibus & ſubſequētibus. Exempli cauſa, ſectiões de anno ſeptimo ſeu anno remiſſionis, de Iubileo, atque illa, cuius initium, Cùm vendideritis venditione, copulatae ſunt, ad demonſtrandum, quàm moleſtè annus ſeptimus tráſigatur à pauperibus, quemadmodum explicatū eſt in Talmud, tractatu de æſtimationibus & de tabernaculis. Similiter Num. 27. ſectio, cuius initium, Præficiat Dominus aliquem multitudini, & cuius exordium, Præcipe oblationem meam panem meum, in hanc ſententiam. Tantisper dum mandas mihi de filiis meis (vt illis aliquem præficiam) etiam tu eis de

†Leuiticus

Leu. 25.

Leu. 25.

Num. 28.

me manda (vt curent oblationes meas). Et sic aliæ cōplures, vt proinde rectè scriptum sit, *Crura eius columnæ marmoris fundatæ. Aspectus eius vt Libanus*. qui attendit & intelligit verba eius, obuios habet flores & dactylos, vt hac in sylua quæ floret, atque ita qui verba legis meditatur, in illis sensus renouat. *Electus*, eximius sicut Cedri, quæ ad ædificia, robora & altitudines deliguntur. *Palatum eius dulcedines*. verba eius suauia, vt, Stigma animæ non ponetis in carne vestra. Et, Ego Dominus, qui fidelis sum ad rependendum mercedem. estne palatum isto suauius? Et, Ne corrumpatis opera vestra & recipietis præmium. Et, vbi conuersus fuerit impius ab impietate sua, iudicium & iustitiam ediderit, viuendo viuet, iniquitates eius illi ducentur innocentia, anne est palatum aliquod isto dulcius?

COMMENTARII ABBEN

Ezræ In 5. Cap. & primum vocum explicatio.

I **C**ollegi myrrham meam. אריתי *Arithi*, vt, in Lamētationibus, ארוה *Arúha*, collegerunt eam quicunque illac pertransibant. *Fauum meum*. sic & יחר *Iahar*, alio lo-

CANTICVM

co accipitur **יערת הרכש** *Iaarath haddebas*, fauus mellis. *Cum lacte meo*. sunt qui existiment **חלב** *hhalab*, hîc significare candorem illum, quem vinû despumat, vt sonet quod in Ezechiele **הלבון** *Hhelbon*, in vino, inquit, candido. Atqui id alienius est, cû præfertim **חלבון** *Hhelbon*, sit nomen loci, non autem adiectiuum. Ita que **חלב** *Hhalab* hic accipi debet pro lacte.

Ezech.27.

2 *Pulsantis*. Heb. **דופק** *Dophek* arētantis, vt Iud.19. **מחרפקים** *Mithdappekin*, qui arēlant se ad ostiū. *Integra mea. perfecta mea.* *Cincinnati mei*. Hebr. **קווצותי** *Keuntsothai*, per metathesim explicari debet pro **קצוות** *Ketsuoth*, extremitatibus pilorū. *Guttis*. **רסיסי** *Resise*, deriuatur à themate, quod apud Ezechielē, **לרום** *Laros* ad conspergendum similam.

Ezech.46.

3 *Inquinabo eos*, nam **טנף** *Tinnaph*, lingua Doctorum nostrorum inquinare significat.

4 *Ex foramine, per foramen, quod interiectum est inter duas valuas.*

Cant.7.

6 *Verterat sese*, **חמק** *Hhamak*, scilicet significat abire, vt infra **חמוקי** *Hhammuke*, abitus femorum tuorum. sunt qui eadem significatione vsurpent illud Ieremiæ, vsquequo **תתחמקין** *Tithhammekin*, abibis, sed sensu alieniore.

Jer.31.

7 *Peplum meum.* ררור *Ridud*, lingua Ismaëlica significat velum.

10 *Vexillatus.* דגול *Daghul* significationem mutuatur à דגל *Déghel*, *Vexillum*.

11 *Aurum.* Heb. כתר *Kethem*, res est rotunda de moniliuin genere. פז *Paz* autem, quod obrizum vertere solemus, significat, lapides preciosos. *Cincinnati eius.* extremitas pilorum eius. *Densi.* Heb. תלחלים *Taltalim* acerui, idē quod simplex תל *Tel*, aceruus, cumulus, vt in Ezechiele, super mon- Ezech. 17.
tem editum & תלול *Talul* cumulatum.

12 *Super plenitudinem.* super adaptationem, vt, implebis in eo מלאה *Milleth*, plenitudinem lapidis.

13 *Area.* Heb. ערונה *aaruga*, hæc vox significat partem loci in horto. *Turres.* Heb. מגדלות *Migdaloth*, quidam deducunt à גדול *Gadol*, magnus. at rectiùs est vt sit plurale à מגדל *Migdal*, turris.

14 *Orbes.* גלילי *Ghelilé*, sonat veluti sphaeras, vt על גלילי *aal ghelilé* *Keseph* super orbis argenteos. *Impleti hyacinthis*, ornati & cælati, vt in Exodo, ומלאה *Vmillétha bo*, implebis in eo, cælabis in eo. *Hyacinthis.* Heb. תרשיש *Tarsis*, lapidis preciosi genus est, vt in lege, Tarsis, onix, & iaspis. sunt qui scribant esse colore cæruleo & cælesti. Vi-

CANTICVM

- scera eius, venter eius. Nitor, עשית Eesseth, vas est confectum è dente elephantino candidi coloris. Ita autem vocatur, quia nitet, vt in*
- Lam. 4. *Ieremia. pinguefacti sunt & עשיתו Asethu, nituerūt. Tecti. Heb. מעולפת Mehullepheth, quo significatu in Genesi, ותתעלה Vattithaleph, & texit se. sapphyris. lapis est preciosus rubro colore, vt ex Ieremia liquet, Rubuerunt osse præ gemmis, sapphyrus segmētum eorum. similitudinem enim candoris iam his verbis præmiserat, sicut lac & tanquam nix. Errat autem, vt hoc obiter admoneam, qui illud Exodi, sicut opus לבנת הספיר Libnath hassappir, exponit à לבן Laban, albus. nā non est aliunde interpretatio quærenda, quàm ab hoc loco, Cape tibi לבנה Lebenā, laterem, vt hæc adiectio, Sicut opus, satis ostendit. Quo enim sensu iungere possis, Opus cum candore? dicēdum enim fuisset, sicut aspectus candoris, non sicut opus.*
- Exod. 24. *15 Marmoris. Heb. שש Shes pro vſitatiore שיש Shais, marmor, quali norma reperies pro eodē aliquo sydere עש Ees & עיש Aais,*

Declaratio Dramatis.

1 VEni, inquit Sponsus, in hortum meū,
& messui myrrham meam, in hunc
sensum

fenſum, fatiatus ſum omni bono, nec mihi quicquam præter ſpeciem tuam deest. prætereà ne timeas quia ſodales meos Paſtores (vt dictum eſt principiò *poſt greges ſodalium tuorū*) vino cibique fatiaui. Sponſa ſubiicit,

2 *Ego dormio*, etiam ſi dormiam, tamen cor meū veluti vigilat. Id bis dixit, primū quidem per ſomnium, nunc verò vbi ad ſe Cap. 3. in hortum ſuum veniſſet, quod iam illū obteſtata fuerat, *Excitare Aquilo. Vox dilecti mei pulſantis*. hæc nuda loquitur. cæterum tota ſectio clarior eſt, quàm vt explicationis egeat.

9 *Vexillatus de myriadibus*, veluti vexillaris inter ſocios ſuos..

13 *Malæ eius*, barba eius. *Turres*, malæ eius circum eum ſunt veluti turres.

14 *Impleti hyacinthis*. hoc pertinet ad pilum qui eſt ſuper manus eius. *Viſcera eius nitor eboris*. cingulus lumborum eius iuxta viſcera eius cincta. Non enim nudus eſt.

15 *Super Baſes auri*, pedes & articulos eorū. *Aſpectus eius vt Libanus*, qui viſu eſt optatiſſimus.

Declaratio allegoriæ.

1 **I**N hortum meum, inquit diuina maietas, veni, nec tamen cuiuſquam indigeo. quoniam vt eſt apud Pſalmographum,

CANTICVM

mea est omnis bestia saltus . si re aliqua habeam opus, omnia mea sunt. *Fauum meum cum melle meo*, cibū apposui sodalibus meis, angelis . quo igitur pacto ais , Et comedet fructum deliciarum suarum. Postquam autem Dominus subduxit se in sublime, Israëlitæ Babylonem emigrarunt, vbi Ecclesia Israëlica, Ego in hoc exilio dormio vti is qui in tenebris est, sed *Cor meū vigilat* , quia cupij redire in gratiam cum diuinitate , sicuti antea.

2 *Vox Dilecti mei*. illud est , quod legitur. Excitauit Dominus spiritum Cyri Regis Persarum. *Quia caput meum plenum est rore*. non habitauit in æde . allegoria explicatur apud Aggeum . Tempus ne est vt vos habitetis in domibus vestris laqueatis & hæc domus deserta sit? Aut ros significabit lachrymas Israëlitarum qui ascenderunt ab exilio.

3 *Exui tunicam meam* , cum segnes erant Israëlitæ ad ascendendum & ædificandum ædem Domini.

4 *Ex foramine*. è fenestra firmamēti. Hinc scribitur apud Ezram, Vaticinabantur Aggeus & Zachar. filius Iddó.

5 *Surrexi vt aperirem dilecto meo* . hæc est ædificatio tēpli. Cogitabāt quidem Deum

habitaturum esse cum eis, & ita eos Domini vates sperare iubebant, vt, habitabo in medio tui, siquidē rectam viam tenuissent, verumtamen ille non est ingressus cum eis, quia sequitur,

6 *Quasi inueni illum, sed non inueni. Exierat anima mea, cum ipse loqueretur.* anima mea veluti excedit, cum recordor verbi, quod mecum antiquis diebus habebat.

7 *Inuenerunt me custodes, Reges Græciæ. Percusserunt me, tulerunt peplum meum.* reliquerūt me nudam præceptis, & ego interea inhærebam Domino, ægraque eram amore, neque colui Deos externos. Posteri
Alexandre

10 *Dilectus meus elegans.* opera enim eius pura puris. *Et rubicundus,* prouocantibus cum ad iracundiam, iuxta id Esaïæ, quare rubra sunt vestimenta tua? Quod autem dicit, *Vexillatus de myriadibus,* tale est, quale illud Danielis, millies millia ministrabāt ei.

11 *Caput eius aurum obrizum.* thronus gloriæ. *Nigri ut coruus.* iuxta illud, ponit tenebras latebram suam, circum se tabernaculum suum. Psal. 17.

12 *Oculi eius.* vti scriptum est, in omni loco oculi Domini. *Abluti lacte,* hinc apud Hab. 1. vatem, mundior oculis, quàm vt videas malum.

CANTICVM

13 *Male eius.* intellige Principes, qui assistunt vultui. *Labia eius.* angeli qui mittuntur ad homines, vt Gabriel.

Ezec. 1.

Zodiacus.

14 *Manus eius orbes aurei.* rotæ, de quibus in principio Ezechielis. porro ad hanc vocem hyacinthorum alludit idem Ezechiel, aspectus rotarû & opus eorum in speciem hyacinthi. *Viscera eius.* cingulus medius, in quo sunt similitudines Syderum.

† Læuum
mûdi, dex-
trum, supe-
rum, inferû,
anticum,
posticum,
vide lib.
Ietfirâ.
Iob. 38.

15 *Crura eius.* corpus, ex quo procreatus est mundus. indicantur autem per *Shes*, (quod vertunt marmor & etiam sex significat) termini † sex. *Bases auri.* terra, qua sententia dictum est in Iob, super quo bases eius demersæ sunt. *Aspectus eius vt Libanus.* in Libano enim arbores innumerabiles sibi videre quis videatur. Itaque cum vnâ earum cõtemplatur, cogitat alteram non ei esse similem. verum vltcrius progrediens incidit in mirabiliorem & præstantiorem. Ita opera Domini. *Electus vt cedri.* Ipse enim permanet & opera eius similiter, tantumque abest vt pereant, vt noua sint singulis crepusculis. vsque ad eò multa est veritas eius.

Lam. 3.

COMMENTARIA R.

innominati.

1 **R** Espondit autē mihi Dilectus meus,
Ego veni in hortum meum soror mea
sponsa, &c. Messui, ארית, Arith, de significa-
tu collectionis. cui simile extat in scriptis
Doctorum nostrorum beatæ recordationis
וסלו kimlô oré vesallô, veluti
plenitudinē metit & cartallum eius. Fauum
meum cum melle meo. יער Iahar, est canna re-
pleta melle. (saccharum). Hinc Chaldæa
Paraphrasis סוף Suph, caricis siue iunci, est
יערא Iahara. Comedite amici. & lætamini
etiam vos ex lætitia & gaudio nostro.

2 *Ego dormio & cor meum vigilat. Ego ali-*
quando dormiebam (ait dilecta sociis suis)
cor autem meum vigilabat. Tum verò au-
diui vocem dilecti mei, qui pulsabat fores
ostij vt ingrederetur ad me, dicebātq; Ape-
ri mihi soror mea, socia mea. Cincinni mei,
capilli mei. Guttis noctium רסיסי Resise, stil-
læ, vnde locū scripturæ, וברביבים עלי עשב
Vbirbibim aalé eeseb, Chaldæus transtulit
על כלקושא רסיסי Resise aal Malqosá stillas
super herbam.

3 *Ego autem respondi Dilecto, Ecce me,*
modo Expoliaui me tunica mea, & quomodo

CANTICVM

induar illa, itaque torpui, neque protinus
adij.

4 *Et dilectus meus misit manum suam per forame-
n, & tetigit pessulum, eo vt aperiret.*
Quamprimum autē vidi eum, Viscera mea
fremuerunt super me.

5 *Myrrha transcunt.* Myrrha, cuius odor
longissimè traducitur. *Super palmis pessuli.* in
loco, quem tetigerat dilectus meus.

6 *Et dilectus meus declinauerat atque transie-
rat, abscōderat sese & transierat, abieratque*
sibi dicens mihi, Ne aperias mihi nunc. Et
anima mea liquefacta est, vt locutus est, ver-
bum illud.

7 *Peplum meum.* רדוד Redid. ornamentum
operis ductilis & passi candidum, nitidum
& purum.

10 *Vexillatus in myriadibus,* in loco in quo
sunt myriades hominum. magnus est & in-
signis vltra omnes, veluti vexillum.

11 *Aurum optimum,* כֶּתֶם פָּז Kéthem paz,
margaritum preciosum. *Comæ eius cumulate,*
capilli eius, qui faciunt cumulos, nigri sunt
velut coruus. *Quæ pulchritudo est hominis*
albi & rubicundi.

12 *Oculi eius columbæ,* similes sunt oculis co-
lubarum, quæ inueniuntur iuxta riuos
aquarum, quæ non dirigunt oculos nisi ad

suos coniuges. Sic oculi dilecti mei non nisi spectant me. *Loti sunt oculi dilecti mei lacte, residentes super plenitudine*, vt impleant foveolam suam.

13 *Genæ eius habent fragrantem odorem sicut areolæ aromatum. Turres genarum eius pigmenta aromatum.*

14 *Tornationes auri*. Sicut rotulæ aureæ plenæ sunt Tarsis, qui lapides sunt preciosi, sic manus eius similes sunt ocellationibus (& variegationibus) auri confecti ad includendum Tarsum. *Viscera eius eburnea*. Venter eius similis est fragmento eboris operati sapphyris. יב, ebur, est os elephanti, מְחֻלֵּפֶת *Mehullepheth*, tectum & opertum significat, vt, & texit se peplo & תִּתְחַלֵּף *Tithalleph*, inuoluit se, in Genesi.

15 *Crura illius similia sunt columnis primariis, quæ fundantur lapidibus aureis.*

COMMENTARIUS R. SELO- monis in 6. Cap. Cant. Cant.

I **Q**uo profectus est dilectus tuus. exteræ gentes probro & cõtumelia afficiunt Israëlẽ, & quærunt quò profectus est dilectus tuus, quare reliquit te desertam & viduam. *Quò vertit se dilectus tuus. cùm con-*

CANTICVM

uertit se Dominus collocato spiritu suo super Cyrum, & facta restaurandi templi copia, iis, qui illud ædificare cœperunt, dicebant gentes, quò vertit sese dilectus tuus? Iamne ad te rediit? Et quæremus eum tecum. In hanc sententiam Ezras, audierunt hostes Iudæ & Benjamin filias exulum templum deplorare, &c. accesseruntque ad Zorobabelem, &c. *Ædificabimus vobiscum*, nam quemadmodum vos, quærimus Deum vestrum & quæ sequuntur: atqui propositum illorum malignum erat, ut nempe impedirent opus templi. Ipsi autem respondent,

2 *Dilectus meus in hortum suum.* nos iussit ædificare ædem suam, ut illic nobiscum sit. *In aream aromatis.* locum in quo adoletur incensum. *Vt pascat in hortis* & præterea descendit ut pascat oves suas in hortis ubi dispersæ sunt (non enim ascēderunt ab exilio) & collocet diuinitatem suam super eas in synagogis & gymnasiis. *Et ut colligat lilia.* audit & attendit loquentes de lege sua colligens innocentiam eorum & inscribens eos libro memoriarum in conspectu suo, ut scriptum est in Malachia. Tunc loquuti sunt timentes Domini, &c.

3 Quod autem obtestamini, vos cum mecum quæsituras, sum equidem, fatcor, dile-

eti mei, at vos ad eum minimè attinetis, & propterea nobiscum non ædificabitis: hinc illud, Non vestrum est sed nostrum ædificare ædem Domini nostri: & paulò post, Vobis non est pars, aut iustitia, aut memoria in Ierusalem. *Qui pascit in lilis*, oues suas in pacis placidis & commodis.

4 *Pulchra es socia mea, ut Tirsa.* Ecclesiam laudat Dominus & ait, nonne propterea pulchra & elegans es socia mea, quoniam accepta es mihi? sic allegoricè exponitur in Siphre. *Venusta es nunc*, ut initio in Ierusalem, *Formidabilis ut vexillata castra* Angelorum. Terrorem tuum immittam in eos, vt non diniicent aut interturbent te ab opere, vti scriptum est apud Ezram.

5 *Auerte oculos tuos à me.* alluditur ad iuuenem, qui Sponsam suam oculis elegantem sibi que iucundissimam ita alloquitur, deflecte oculos tuos à me. nam dū eos intueor animo apud me tumeo, sūmque insolētior, spiritusque meus ita in me attollitur, vt non possim consistere. *Extulerunt me.* *הרהיבוני* Hirhibuni, inflarunt cor meum, vt *הבם* Rohbam, insolentia eorum seu superbia, labor & vanitas, & *הרב* Rabab insolentia eorum cessatio. Allegoricè, fieri non potest, inquit Dominus, vt reducam vobis arcā, pro-

† R. Selo-
mo appel-
latiue pro
beneplaci-
to intelli-
gere vide-
tur.

† Obfirma-
re me.
Psal. 90.
Eccl. 30.

CANTICVM

pitiatatorium & cherubos : qui in æde priore
me efficiebant insolentiorē, vtque osten-
derem summam meam erga vos dilectionē,
donec preuaricata es in me. *Pil⁹ tuus vt grex
caprarum.* In paruulis, delicatulis & tenuiori-
bus, qui sunt inter vos, laus inest plurima.

6 *Dentes tui.* principes & fortes, qui in te
sunt, omnes rebus bene agendis student. *Vt
grex ouium.* ouis hæc tota sacra est, lana eius
accommodata est colori hyacinthino, caro
oblationibus, cornua buccinationibus, cru-
ra fistulis, intestina fidibus, cutis tympano.
Impij autem comparantur canibus, qui ine-
pti sunt ad sanctificationem.

8 *Sexaginta sunt Reginae.* Abraham & qui
prodierunt è femore eius, filij Keturæ sedecim,
Ismaëlis & filiorū eius tredecim, Isaaci
& posterorum eius triginta, filij Iacob duo-
decim, filij Esau sedecim, vide librum Para-
lip. Sic habes sexaginta dempta è numero
Timna, quæ fuit vxor * Abraham. *Et octoginta
concupine.* Noë & filij eius ad Abrahamum
vsque per generationes vniuersas, quæ arca
exierunt, efficiunt octoginta numero. Quæ-
admodum autem reginæ, quæ sunt vxores
regiæ, excellunt magnitudine concubinas,
ita Abrahamus, quique ab eo orti sunt ha-
bentur maiores & præstatiores reliquis om-

* videtur
esse men-
dum.

nibus, vt ex his constat. Hagar enim regibus orta erat, similiter Timna filia erat principū, & tamen facta est concubina ipsius Esau: præterea quæ est in Genesi vallis Saué, q. Gen. 35.
 æquata, indicat æquatos esse omnes cōsilio Gen. 14.
 vno & constituisse super se Regem Abrahamum. *Et virgines absque numero.* in nationes multas hi omnes, quos enumerauimus, distributi sunt.

9 *Vna est columna mea*, at ex omnibus vna mihi electa est columba perfecta, quæ erga coniugem suum corde est sincero. *Vna est matri suæ.* synagogæ suæ. multæ quidem sunt familiæ in scholis, at omnium mens spectat ad intelligendam legem, vt rectitudo eius & veritas fert. *Pura est genitrici suæ.* Iacob conspexit ipsum lectum integrum, absque labe, atque confessus laudauit Dominum, vti dictum est, adorauit Israel ad caput lecti. *Viderunt eam filiæ*, Israëlicam gentem in magnitudine sua, & beatam prædicarūt. *Quænam verò est illarum collaudatio?*

10 *Quæ est hæc quæ spectatur vt Aurora.* spectans è loco edito in profundum vocatur השקופה *Hashekuphá*, sic edes sanctuarij editissima terrarum. *Vt Aurora*, quæ progressu sensim collustrat, ita Israëlitæ in æde posteriore, principio Zerobabel Dux erat Iudæ

CANTICVM

& non Rex, erantque nostri subditi Persis & deinde Græcis, sed postea Machabæi excusso iugo Reges facti sunt. *Formidanda ut vexillata*, formidanda fortibus suis militibus, ut castra Regum quæ vexillis insignita sunt. His omnibus commendat Deus Ecclesiam Israël, Pulchra es socia mea ut Tirsá. Sed hæc satis sint.

II *In hortum nucis descendi.* Hæc adhuc sunt verba diuinæ maiestatis, ecce veni ad te in ædem hanc posteriorem, *Vt videam fructus torrentis.* ut quis sit in te honestarum actionum humor videam. *Num floruerit vitis*, an florere faciatis coram me discipulos sapientum, Scribas & Doctores. *Germinarint mali Punice*, an præcepta puritate plena existant. Sed quare comparati sunt Israëlitarum nuci? nempe quia nux tota lignea est, nec quid in eius medio sit, antè notum, quàm eam frangas, tum enim reperitur plena nucleis edulibus. Ita Israëlitarum humiles sunt, modestaque eorum opera. Philosophi, qui inter illos sunt latent, nec illorū laudes vulgo magnopere celebrantur. atqui si scrutèris, multos in eis inuenies sapietiarum thesauros. Sunt præterea multæ aliæ in hanc nucem allegoriæ. cadit in lutum nec tamē nucleus, quem putamine suo complectitur, maculam contra-

hit. Similiter Israelitæ exulant inter profanos cædunturque plagis multis: cùm tamẽ illorum opera minimè damnentur.

12 *Nesciui.* Ecclesia Israëlica deplorans, nesciui, ait, cauere à peccato. cùm enim versarer in gloria & magnitudine, incidi in odium gratuitum atque seditionem. inualecente enim in Reges familiæ Macchabæorum Hircanum & Aristobulum ambitione, alter eorum in me Romanum Imperium induxit, & seruus illi factus ab eius manu regno inaugurari voluit. Illo ex tem-

pore *anima mea posuit me* vt essem *currus* † super quos veherentur reliquarum gentium principatus. Hamminadib. q. populi principis. Idem scilicet quod עֲמִנָדִיב *Hamminadib*, Iod superfluente, vt in sequentibus vocibus שׁוֹכֵנִי *Shocheni* habitator rubi, גְּנוּבֵי *Ghenubti* furtum diei, רַבָּתִי *Rabbathi* multa populo. *Anima mea posuit me*, ego illos mihi met præposui, iuxta illud, Docuisti eos super te, vt essent duces in caput tuum. † Heb. ad vehendum super me principatus seu voluntates gentium.

Hier. 13.

COMMENTARII ABBEN

*Ezra In 6. Cap. Cant. & primum
vorum explicatio.*

I **V**T *Tirsa*. nomen ciuitatis, quam inuenies in historia Achabi. *Formida-*

CANTICVM

bilis ex qua terror in spectantes manat, vt alibi formidabilis & metuendus. Vt *vexillata*. vt castra habentia vexillum.

El. 11.

5 *Extulerunt me*, הרהיבוני *Hirhibúni* potentiores sunt me, mihi robur & dominationem adimunt, vt, quæ dolat רהב *robur*. & Psal. 90. ורהבם *Verohbam*, robur eorum labor & vanitas.

Dan. 3.
Iob 8.

11 *Nucis*, אנו *Ego* & nucem significare constat ex scriptis Maiorum nostrorum beatæ recordationis. *Fructus torrentis* אבים *Ibbim* sunt fructus, vt in Daniele, אנבית *Inbeh* fructus eius multus, & alibi, dū adhuc est באבו *beibbo* in fructu suo nō excindetur. sunt qui interpretatur fructus præmaturos, ab אביב *Abib*, spica, & אב *Ab* mense Quintili.

12 *Hammi Nadib*. duabus dictionibus. porro quidā tradunt iod vocis *Hammi* seu עמי aduentitium esse per paragogen, instar iod loci sequētis, בני *beni*, filius a linæ eius. atqui accommodatius est, vt , in exemplo בני *beni*, quod citant, paragogicum non sit.

Interpretatio Dramatis.

2 **D**ilectus meus descendit in hortum suum, nempe præmonitus à Sponsa, vti iam exposui, Veniat dilectus meus in hortum suum. porro cū surrexisset, sequuta

est illum. is vbi eam vidit, pulchra es, inquit, socia mea, pilus tuus & dentes tui etiam sicut fragmen mali Punici, hoc sensu, tu dilecta mea es prisca, nec mihi cum alia cōmutaberis, quia ecce pilus tuus, dentes, temporaque tua certissimæ sunt tui notæ: nec rationi consentaneum est, vt cum alia confundare, cūm præsertim vna sis in mundo, nec vlla sit tibi similis. sunt quidem Salomoni sexaginta Reginae, concubinae octoginta, virginisque innumerabiles, verumtamen earum nulla ad tui similitudinem accedit. vna enim es matri tuæ.

Allegoria.

2 *Dilectus meus descendit in hortum suum.* is qui ascēderat sursum (séque subduxerat) vt pascat in hortis & colligat lilia. ipse enim habitat cum angelis qui iusti sunt.

3 *Ego dilecti mei.* etsi descendit dilectus meus, ait synagoga Israëlica, in hortū suum, tamen ego illius sum, & ipse meus est. cui diuinitas, Pulchra es. populum significans, quem reduxit in æde posteriore.

5 *Auerte oculos tuos à me.* desierat enim Prophetia in templo secundo, vt prædixit Daniel hac oratione, ad obsignandam visionem & Prophetiam. vide Commentaria mea ad librū Danielis. *Pilus tuus,* erant enim

CANTICVM

in æde secunda Nazarei. *Dentes tui, fortes tui. Tempus tuum, sacerdotes. sexaginta.* Interpretes referūt 60. & 80. ad filios Noë & filios Abraham atq; Elau nepotis eius. *Virgines innumerabiles*, quibus nulla inest nobilitas aut stemma. *Vna est*, vt, gens vna in terra. 10 *Quæ est hæc quæ spectatur*, vt suprâ, quæ est hæc quæ ascendit è deserto. hoc pertinet ad Machabæos, quorum temporibus regnum vigeat in æde secūda. *In hortum nuncum descendi.* subiicit Dominus allegoriam de Ecclesia Israëlita, cuius fructus non antè apparet, quàm fracta sit. aduersum quod scriptum est, *Incrassatus est Israël & recalcitrauit.* spectauit, vt cernerem an florisset vinea, an in Israël iusti essent, sincero & recto corde.

12 *Nescini*, Ego Ecclesia Israëlita non sensi, donec posuit me anima mea quadrigas Hammi nadib, hoc est, male animam meam affeci, tātisper dum currus aliis effecta sum. contrâ quàm alibi scriptum est, *Tunc super excelsa eorum incedes & inequitare faciam te excelsa terræ.* Alluditur ad odium illud gratuitum, quod exortum est tēpore ædis posterioris, ex quo enatum est exilium hoc, quo hodie Israëlita opprimimur.

Bellum ci-
uile.

COM.

COMMENT. R.

innominati.

2 **D**ilectus meus descendit in hortum suum.
pro more suo, &c.

3 Ego dilecto meo & dilectus meus mihi. Ne
putetis coniunctum iri vobiscum dilectum
meum, qui pascit in liliis, cuius odor manat
perinde ac si pastus fuisset inter lilia.

4 Pulchra es amica mea. Audierat dilectus
verba, quibus Spōsa ipsum laudauerat. Ita-
que ipse etiam laude exornat eam. *Sicut Tir-
sa*, vrbs nobilis & elegans, *sicut Hierusalem*.
& proinde huic illam comparat, & vicissim
hanc illi assimilat. *Terribilis*, איומה *Aiummá*
à terrore nomen habet.

5 Auerte oculos tuos à me, conuerte eos in
partem mihi aduersam, ne videas me. *Inso-
lentem fecerunt me*: הרהיב *Hirhib*, declarat
elationem & eleuationem. *Quæ apparuerunt*
גלש *Galas* significat detrahi & descēdere è
locò superiore in inferiorē. Hinc Chaldeus
בגלש *Begabbah* interpretatur בלושותיה *Biglusutheh*. Capræ porriguntur in rectum
connexionem, neque disperguntur huc illuc.

6 Et orba non est in eis, nulla earum deest è
suo ordine.

7 Tanquam fragmen mali Punici, sicut seg-

CANTICVM

mentum mali Punici, quod formosum est, sic speciosa est gena tua, id est, pudore of- fusa est.

8 *Sexaginta sunt Reginae. q. d. etsi sexaginta & octoginta fuerint siue concubinæ siue virgines, aut absque numero, tamen vna est colūba mea, nobilissima omnium, in cunctis enim nulla ei est par.*

9 *Viderunt eam filia Hierusalem & beatissimam prædicauerunt. & quidnam dicunt?*

10 *Quæ est ista quæ prospicitur sicut Aurora, &c. נֶפֶשׁ quæ cernitur, quæ apparet, quasi Aurora, quæ progressu augescentem habet splendorem & lumen.*

11 *In hortum nucum descendi. Verba dilectæ ad dilectum. descendere in hortum nucum aliquando cupiebam, vt conspicerem fructus vallium, illic vt accommodarem locum, in quo ambo oblectaremus nos.*

12 *Nesciui autem cò rectà peruenire & erraui de via vsque adeo, vt anima & cupiditas mea, qua ducebar ad illuc proficiscendum, traduxerit posueritque me in medio quadrigarum † populi inclyti.*

† Hoc so-
nat Ammi-
nadab.

COMMENTARIVS R. SE-

lomonis in 7. cap. Cant.

1 **R**edi, redi ô *Sullamith*. Mihi, vt etiã atq; etiam redeã, pedémq; à Domino deferam, aiunt. ô *Sullamith*, ô quæ perfecta es erga eum, redi ad nos & contemplabimur te, constituemus ex te principes & dominatores fidos, quos, vt alicubi scriptum est, è populo vniuerso delegeris. Hæc deras seu allegorica interpretatio R. Tanhumá. Glossemate alio, *Contemplabimur te*, attendemus ad eam magnitudinem & dignitatem qua te debeamus prosequi. Quibus Ecclesia. *Quid spectabitis in Sullamithide?* quam dignitatem determinabitis mihi, quæ sit meæ magnitudini par, aut vexillis chori copiarum, quæ erant in deserto?

2 *Quàm pulchri sunt gressus tui*. In ascensu festorum ô filia principis. *Circuitus femorum tuorum tanquam monilia*. conseruatio ornamentorum eueorum vocatur חליתם *Hhalí Kéthem*, monile aureû. al haly lingua Arabica. Id doctores nostri exposuerunt de foraminibus fistularum, quibus libatur, quæque iam inde factæ sunt à sex diebus orbis conditi rotundæ, vt femur. Interpretantur חליתם *Hhalaim* de significato fodendi, vt

mob 2 +
audire
fodire

CANTICVM

חוליות הבור *Hhuliuth Habbor*, ambitus cauputei. *Opus manuum artificis.* manuum Dei. Opt. Max. hæc in Talmud tractatu de tabernaculis. Porro encomiū quo Israelis Ecclesia Dominum celebrabat, è summis ad ima progrediebatur, hoc exordio, *Caput eius aurum obrizum*, sensim delabēs ad *crura eius columnæ marmoris*, quòd ad volūtatem eius demittatur diuina ipsius maiestas è summis ad infima. Contrà ipse præconium Ecclesiæ recenset ab imis ad summa. Quàm pulchri sunt gressus tui, nempe pedes, loco & ordine perueniens ad *Caput tuum super te sicut Carmelus*, quousque eam ad se pertraxerit.

3 *Vmbilicus tuus crater rotunditatis.* vmbilicus tuus vt crater aquarum profundarū, in quibus se lauant, estq; vas confectum è lapidibus marmoreis. Sic etiam lingua Arabica vocatur סהר *Sahr*. Vmbilicū autē, quoniam est veluti foramen rotūdum, comparat crateri rotundo. hæc verò laudatio nihil attingit fœminæ pulchritudinem, vt superior. Illa enim superiore dilectus collaudabat eā, cum hæc sit sociarum ipsam ab operibus bonis commendantium & dicentium, consentaneum est, vt nobiscum coniungere.

† Sedem & tribunal iudicij.

Allegoria autem refertur ad † sedem quadrolapide excisam, quæ in medio terræ seu

umbilico sita est. *Non deest mixtio*, nō confumitur inde potus, nō inde separātur aut desunt vlla doctrinæ verba. *Venter tuus aceruus tritici*, quo omnes indigent. *Septus liliis*, munitus & septus liliorum sepe. sufficit ei sepes tenuis, nec vllus ex vobis est, qui eam perumpat ingressus causa. Ecce sponsus ingreditur in thalamum, cor eius meditatur thalamum, & præ ardore spōsaliorum suorum ad mundandam eam accedit. Respondet Ecclesia, guttam sanguinis, instar sinapi vidi & ecce vertit vultum in partem aliam, nec momordit eum serpens neque scorpio pupugit illum. sanè cum pertransiit viam, conspectis in vertice ficuum primitiuis, tetendit manum suam vt ea acciperet, immò verò inquit Israhel, extendit manum suam ad diripiendum. Ecce septus est liliis.

4 *Duo vbera tua*. duæ tabulæ, glossemate alio, Rex & summus Pōtifex. *Collum tuum*, templum & altare quæ erecta editaq; sunt, item † sedes iudiciaria, ibi ad robur confecta sunt & clypei loco, sicut turris eboris.

† Sedes
quadrata.

5 *Oculi tui piscinæ in Hesbon*, quæ attrahunt aquas, ita oculi tui ad portam Bath rabbim. i. sapiētes tui qui sedent in portis Ierusalem vrbis habētis Rabbim (multos seu multum populum) & occupantur in ratione reuolu-

tionum & syderum. Sapientia & eruditio sunt oculi populorum, qui attrahunt, vt piscinæ; aquas. licet præterea ברכה *Berechá*, quod pro piscina accepimus, exponere columbas, vsu Thalmudico, qui accipit, in-quiunt, colúbos nidi, euolare facit primum בריכה, columbam, vernaculè *counee*.

6 *Nasus tuus.* אפך *Appéché* vultus tuus, vt turris Libani. Non possum אפך *Appéché* accipere pro nare siue spectes sensum, siue allegoriam. quæ enim speciei laus, si habeas narem magnam & eleuatam turris instar? Itaque hac voce faciē intelligo. Idque quia locutus est numero singulari, non plurali. Nam de fronte ipse loquitur, quæ præcipua est vultus inspectio iuxta illud Esaia, inspectio vultus eorum in illos loquitur. Intelligis enim vt in collaudanda ea progrediatur ab imis ad summa. Oculi tui piscinæ in Hesbō, deinde frons tua vt turris Libani. à qua etiā apud Ezechielem gentes commēdant eam, frons tua valida aduersum frōtem omnium eorum, qui veniūt, vt depascantur & seducant te. *Vt turris Libani; quæ Damascus spectat.* hæc est domus saltus Libani (vt legi in Midras) quam construxit Salomon, à cuius fastigio spectator numerare potest, quot domus sint Damasci. Glossemate alio, facies

Ez. 3.

Ezec. 3.

tua spectat faciem Damasci, contemplans
vt portæ Ierusalem ad Damascum vsq; ex-
porrigantur, dilatanda enim est ad vsque
Damascum.

6 *Caput tuum super te tāquam Carmelus.* hæc
sunt phylacteria, quæ ponuntur in capite, de
quibus scriptum, Et viderunt omnes populi
terræ, quod nomen Domini inuocatum sit
super te, & à te metuent. Robur itaque &
terror eorum est veluti rupes montiū. Car-
melus autem significat mōtium fastigium.
Et coma capitis tui. דלל Dallath cincinnatio
capillorum Nazareorum tuorū, iuxta præ-
scriptum suum æque pulchra est, atque pur-
puræ complicatio. sic autem appellatur, quia
implicatio in capitis sublimitate tenuis est
admodum. *Rex alligatus canalibus.* Heb.
ברהטים *Barehatim*, nomen Dei alligatum
est cincinnis, quia scriptum est, Corona dei
sui in capite eius. דהטים enim, vernaculè
significat *les creins*, sic vocant pilos baltheo-
rum, quibus ligant cingulos. Expositione alia
Rex alligatus. Deus optimus ligatus est amo-
re, mandatis & beneplacito, quibus coram
eo accepti estis.

7 *Quàm pulchra es & quàm iucunda.* post-
quam speciatim attulit commendationem
mēbri cuiusque, iam vniuersè omnia com-

CANTICVM

plectens, quā pulchra es, inquit, tota, quā-
que suavis vt tibi amore adhærescam, quo
oblectare sese conuenit.

8 *Hæc statura tua similis est palmæ.* vidimus
venustatem staturæ tuæ temporibus Na-
bugdonozoris. omnes enim nationes incur-
uabant se & procidebant simulachro. tu ve-
rò consistebas staturâ erecta, vt hæc palma.
Et mammae tuæ botris. Daniel, Hananias, Mi-
faël & Azarias, qui tibi aderant vberum lo-
co, ex quibus sugeres, similes erant botris,
qui effundunt potum. Hi enim similiter re-
dundabant lactando & docendo omnes nul-
lum esse † timorem similem vestri. Hæte-
nus collaudarunt eam gentes, deinceps ve-
rò sequuntur verba Domini ad exules Is-
raëlicos, qui sunt inter gentes.

†Deum.

9 *Dixi ascendam in hanc palmam.* glori-
or apud exercitus celestes de vobis, quod ope-
ra vestra subuehar & sanctus habear in his
inferioribus. sanctificatis enim nomen meū
inter gentes. *Apprehendam ramos eius.* pre-
hendam ego & inhærescam vobis. sunt au-
tem סנסנים *Sansinnim* rami. *Et sint quæso*
ubera tua. nunc confirma verba mea, vt non
sequare cultum gentium, & boni atque sa-
pientes, qui apud te sunt, in fide sua persi-
stant, & iis respondeant, qui seducere te vo-

lucrint, paruulósque tuos doceant.

10 *Et palatum tuum sit sicut vinum bonum.* mone respōsionibus tuis vt sint sicut vinum generosum. *Quod it ad dilectum meum ad re-ctitudines.* vt ego vobis respondeam (clamat Ecclesia) testor, me in fide mea permanfuram, vt incedat palatum meum coram dilecto meo in dilectione rectitudinis, quæ ex corde est, absque dolo & fraude, sicut vinū generosum. *Quod eloqui facit labia dormientium.* eo delectatur vel patres in sepulchro, & confitentur super portione sua. דובב *Dobeb* loqui facit & cōmouet, vernaculè *Promer.* præcipua autem verbi huius vis in loquendo posita est. Responso sequitur.

11 *Ego dilecti mei sum, & ipse etiam appetit me.*

12 *Age dilecte mi, egrediamur rus.* verba Ecclesiæ Israëlīcæ, ô dominator mundi ne me co pacto iudices, quo illos qui habitant in arcibus, in quibus inest rapina & incestus, sed quo habitatores pagorū, qui operā suā victum tolerant, quique occupantur in lege, propter afflictiones. *Pernoctemus in pagis.* Heb. בכפרים *Backepharim*, hoc est, si nominis allusionem spectes בכופרים *Baccho-pherim*, cum negatoribus & atheis, hoc sensu, age monstrem tibi quæso filios Esai, qui-

Vrbibus
muniti.

bus abundè suppeditaſti bona, & tamen te-
tuamque prouidentiam negant.

13 *Mane ſurgemus ad vineas. Eccleſias &
Academias. Videbimus an floruerit uinea.* qui
verſati ſunt in ſcriptura. *Aperta ſit gemma.*
aperitur gemma cum floſ excidit & uix
internofcuntur. Huic comparat eos, qui ver-
ſantur in Miſna ſeu cōtextu Talmudico, a
quibus in doctrina legis utilitatē capere pro-
ximum eſt. *Floruerint mali Punica, הנצן He-
nitſu* effloruerint, cum mala punica perfecta
ſunt & floſ, quem circum ſe habent, cadit,
efflorēt .i. florem amittūt. His comparat do-
ctores Talmudicos, qui ſapientia ſunt abſo-
luta & ingenio ad docendū inſtructiſſimo.
Ibi dabo amores meos. Ibi tibi oſtendam glo-
riam meam & magnitudinem, honorem fi-
liorum meorum filiarūque.

14 *Mādragora dederunt odorem. דודאים Du-
daim* ſignificat & ſportam, ſportæ ficuum
bonarum & malarum ſpirarunt odorem, in
quam ſententiam dictum eſt, Oſtendit mi-
hi Dominus, & ecce duæ דודאי *Dudae* ſpor-
tæ ficuum, &c. ſporta vna bonarum, &c.
ſporta altera ficuūm noxiarum admodum,
quæ non comeduntur, quales ſunt præuari-
catores Iſraēlis. Iam ambo dederunt odo-
rem. vterque enim quærit faciem tuam. Et

in portis nostris omnes fructuū deliciae. † In manibus nostris est merces mādatorum complurium. *Nouæ, etiam veteres,* renouarunt enim Scribē cū veteribus quę ad me scripseras. *Recondidi tibi.* nomini & cultui tuo recondidi ea apud me, aut glossēmate alio, recondidi, vt tibi ostenderē me ea impleuisse.

COMMENTARII R. AB-

ben Ezra In 7. cap. Cant.

1 **O** *Sullamith.* ô tu quę es è Salem, hinc est Ierusalē, cuius notatio est, si interpretēris, timete Salem. *Tanquam chorum castrorum.* מחולת *Mehholath* significat chorum, vt, tympanum & fistula ומהול *Vmahol*, & chorus.

2 *Circuitus femorū eius.* Heb. חמוקי *Hhamuhé*, dicūt significare locū in quo femur vertitur, & sic exponūt illud Ieremię תתחמקין *Thithammekin* vertes te, & supra, חמק *Hhamak* verterat se, transierat. *Tanquam monilia.* וחליכתם *Hhalaim*, plurale est à sing. וחליכתם *Vahali kéthem*, & monile aureum. quale est צבאים *Tsebaïm* caprę, à singulari צבי *Tsebi*. *Artificis.* ita enim accipi debet אמן *Ommān*, quę significatio nota est.

3 *Vmbilicus tuus.* שררך *Shoreréch* signifi-

CANTICVM

cat vmbilicum, vt medicina erit **לטרך** *Leſhorech* vmbilico tuo. *Crater.* **אגן** *Aggan*, vaſis rotundi genus, vt & poſuit **באגניות** *Beag-ganoth*, In crateris. *Rotunditatis.* In Chaldaea interpretatione **סחר** *Saar*, quæ vox hîc reperitur, Lunam ſignificat. & ſic **הסהרונים** *Haffahronim*, in Eſaia ſunt ſpectula ad Lunæ ſimilitudinem, atque etiam ita vocâtur apud Iſmaelitas. *Mixtio.* **מזג** *Mezeg* mixtionem ſignificat, vt conſtat ex lingua Doctorum noſtrorum, vt, **מזג** *Mazag* miſcuit vinum ſuum. alij exponunt ex loci exigentiâ, vt paulò poſt explicaturus ſum. Nam alibi in ſcriptura ei ſimile non reperitur. *Septa,* **סוגה** *Sugâ*, vt in ſcriptis Doctorem noſtrorum **סויג** *Siyag*. ſepes.

6 *Sicut Carmelus.* Carmelus quibuſdam eſt mons in ſcriptura celebratus, ſed illi falluntur, ſignificat enim colorem quendam, vt in libris Paralip. vbi ſcriptum eſt, & carmel cum purpura. *In canalibus.* **רהטים** *Rehatim* canales ſignificat, vt in Geneſi **ברהמים** *Barrehatim* in canalibus, in aquæ ductibus, ita appellantur loca, quæ eo facta ſunt vt illuc aquæ confluant. *Et coma.* **דלת** *Dallath* lingua Iſmaelica ſonat extremitatem capilli.

9 *Ramos eius.* ſi eſſes illi ſimilis. ſunt autem

סנסנים *Sanfínním* rami summi, in quibus est fructus.

10 *In rectitudines.* epithetum vini, ut ambulat in rectitudinibus, id est, generose. *lo-* In Prouer-
qui faciens. רובב *Dobeb*, de significato locu-
 tionis, atque inde forte רבה *Dibbá* oblocu-
 tio, detractio.

11 *Appetitus eius.* תשוקתו *Teshukathó*, ut in Genesi, & ad virum tuum תשוקתך *Teshukathech* appetitus tuus.

13 *Amores meos.* דודאי *Dodai*, amores meos, aut, ut aliis placet, saluam linguæ meæ.

14 *Mandragoræ, stirps in speciem formæ humanæ.*

INTERPRETATIO

altera, nempe *Dramatica.*

1 **Q** Vi vident me, inquit Sponsa, miran- Sup. cap.
 tur & aiunt, quæ est hæc, quæ spectatur ut Aurora? Quibus respondi me ad hortum nucis descendisse, deinde nescui isse, cuius loci sententia est hæc, miror ut non senserim neque perceperim me ad te quæ celeriter peruenisse, ut quadrigas Hammi nadib, maximi scilicet, qui sit in populo meo, omnibus qui contemplabantur, ad me conclamantibus, redi, redi, inquam, ô

Sullamith. Quibus ego; Quid spectabitis in Sullamitide, ut vos omnes exire oportuerit ad eam cōtemplandam non secus atque certatim aut cum pompa duæ acies exeunt in occursum Regis sui.

2. *Circuitus femorum tuorum.* Indicat Salomon femora sponsæ superinduta fuisse variis monilium generibus.

3. *Umbilicus tuus.* verti mea quidem sententia debet per defectionem præpositionis, in umbilico tuo, ut hæc sit constructio, Baltheus est in umbilico eius, cingulus in lumbis eius, in quo inest species Lunæ. ubi autem comparauit eam cum Luna, quatenus plena est, diuersitatem subiicit, tuæ huius Lunæ lumen nunquam deficit, ut lux Lunæ postquam perfecta est, extinguitur.

Venter tuus aceruus tritici. foris enim apparet tanquam aceruus tritici, internè crassus, superne tenuis. *Septus liliis.* aceruus iste non conspicitur, quod lilia sint in circuitu eius.

5. *Navis tua ut turris Libani.* turris illa æqualis erat absque obliquitate. *Caput tuum super te sicut Carmelus.* sicut color nomine Carmel, nempe puniceus, & ut purpureus color est in ipsa nari. *Rex alligatus canalibus.* comparat capillos, quorum alter alteri subest, aquis canalium. Rex autem est caput,

aut significatur, regem cupere vinciri & ligari funibus capillitij eius. hanc expositionem recensent principes Cedar, qui amato riis indulgent.

6. *Quàm pulchra es.* in orbe nihil est suauius, pulchrius atq; dulcius desiderio & amore.

8. *Hæc statura tua similis palma & botris.* Botri sunt racemi vineæ, quæ vna cum palma arbore sursû sublata est. Quæ sequuntur

9. *Ascendam in hanc palmam, & prehendam ramos eius,* verba sunt illorum qui cupiditate anguntur eius potiundæ, prehensis vberibus eius & olfacta eius nare, quæ odorem pomi spirat.

10. *Et palatum tuum,* saliuæ quæ sub lingua tua est, similis est vino, quod rectâ ambulat, & ad loquendum impellit dormientem. Vsq; adeò animum exhilarat & cor excitat. Prouer. 23.

11. His respondi, inquit puella, *Ego sum dilecti mei* solius, non vestra ô qui mei cupiditate ducimini. *Et ad me desiderium eius,* vt exequatur voluntatem suam.

12. Sed nunc age *Dilecte mi egrediamur rus pernoctemus in villis.* In hac aliqua villa, nec adeamus vrbes, vbi verò terris orta fuerit Aurora

13. *Mane surgemus & in loco, quem suauitate odoris fragrantem comperiemus. Dabo*

CANTICVM

Quem sua-
ueolentem
esse par est.
Ier.12.

*amores meos. quā phrasim vsurpat Ieremias
et si contrariam in sentētiā, dedi amorem
animæ meæ.*

14 *Mandragoræ dederunt odorem, ac in portis
nostris omnes fructuum deliciæ, adiectus oris
ad os. Concupiui, inquit Ecclesia, palam &
aperte osculari os tuum, neque vereor, vt
proinde in hominum oculis sim despiciatui,
vnde subiicit. Quis dabit te vt fratrem mihi.*

Allegoria.

Esa.44.

1 *Redi, Redi. hoc de venturis temporibus
dicitur, cū Dominus reducet captiui-
tatem Sion. Quid spectabitis in Sullamiti-
de: huic loco quadrat, quod concionatur
Esaïas, montes & colles efferent ante vos iu-
bilationem.*

† 71. Iudi-
cum.
† 31. Iudicū.

2 *Quam pulchri sunt gressus tui. ascendent
enim Israelitæ ex omnibus locis, dicēte scri-
ptura, quænam istæ sunt, quæ vt nubes vo-
lant. Umbilicus tuus. † senatus maior, vt di-
midium aræ rotundæ. Venter tuus, † sena-
tus minor.*

4 *Duo ubera tua, duæ leges: Collum tuum rex
Christus.*

5 *Oculi tui, Prophetæ, qui initio erant
in Hesbon. i. certo numero, iam erunt pluri-
mi, vt prædixit Ioel, postea effundam spiritū
in omnem*

in omnem carnem & vaticinabuntur. *Naris tua* Sacerdos maximus, iuxta illud, ponet incensum in nari tua.

6 *Caput tuum super te sicut Carmelus.* hic est

† Nehemias filius Vzielis de filiis Iosephi. *† Alius ab eo cuius liber extat inter sacros.*
Et coma capitis tui. is est Elias. *Rex alligatus*

canalibus. Christus, qui est ligatus, quem admodum traditum reliquerunt maiores nostri, quod quo die diruta est Ierusalem natus sit.

7 *Quam pulchra es,* restituetur enim Ecclesia Israelitica ad pristinam suam magnitudinem.

8 *Hæc statura tua similis est palmæ.* significat vniuersum populum Ecclesiæ iustum fore, ut scribitur, Iustus ut palma florebit.

9 *Et odor naris tuæ.* Sacerdos summus, qui sacrificat holocausta & adolet.

10 *Palatum tuum,* cantica.

11 *Ego dilecti mei.* pars enim Domini populus eius.

12 *Agè dilectem,* ubi inspexeris vineas, hoc est, Israelitas, contemplaberis an vitis floruerit. Hinc exscripserunt sapientes nostri, quæ sequuntur, verba. Si Israelitæ egerint poenitentiam redempti sunt: Sin minus, illis imponitur rex, cuius decreta sint veluti decreta † Hamanis & redimentur. Vides ut man-
 dragoræ dederint odorem, cõiunctique sint

† De hoc in Ester.

CANTICVM

hi sancti noui cum sanctis patrum veterū,
vti significatur fructuum deliciis nouis &
veteribus.

COMMENT. R. INNOMI-

NATI.

1 **D**Ixerunt autem mihi, qui me specta-
bant, *Reuertere, reuertere Sullamitis*, id
est, filia Ierusalem. Hierusalem enim quon-
dam dicebatur Salem. Inde ergo Salemo-
nia, siue Sullamith appellatur. *Et intuebimur*
te. spectabimus speciem & elegantiam tuam.
Respondi verò, *Quid videbitis.* q. d. quam
pulchritudinem poteritis in me conspiciere
nunc, quemadmodum conspiciebatis in
choro castrorum. Eram enim ornata in me-
diis castrorum virginalium choris, & ibi
videbatis meam pulchritudinem. Nunc ve-
rò occupata sum eundo. Quid igitur pul-
chritudinis poteritis in me contemplari?

2. Ipsi autem responderunt, *Quam pulchri*
sunt gressus tui, hanc formositatem in te cer-
nimus, *Gressus tui in calceis.* pedes tui formo-
si sunt intra calceos tuos. Incipit autē cā ce-
lebrare à pedibus. *Iunctura femorum tuo-
rum.* חסוקי *Hhamuké* latebræ femorum
tuorum. *Sicut monilia.* חלאים *Hhallaim* ge-
nera sunt gemmarum.

3 *Vmbilicus tuus.* Vmbilicus tuus similis est crateri argenteo rotundo, pleno vini rubicundi, quod est dilutum aquis. אגגן *Aggan* craterē significat, vt, באגגנות *Vaija sem baagannoth.* *Tornatilis* סהר *Saar* rotundus, quemadmodum Luna. Chaldeæ Paraphrasis Lunam appellat סהרא *Sahra.* *Non deficit mixtio* ē patera, sed perpetuò plena est vino mixto, tumq; valde apparet elegās. *Aceruus tritici*, qui latius est infernè, angustatur autem vertice, ēstque aceruus ille septus liliis.

4 *Sicut turris eburnea.* שן *Shen*, os est elephātinum. *Oculi tui sicut piscine.* sicut fontes aquarum, qui erant in *Hesebon iuxta portam filie multitudinis.* Hesebon locus est certus. Quia autem fontes habebat insignes, qui & celebrabantur ob pulchritudinem, proinde illis comparātur oculi Sponsæ. *Nasus tuus sicut turris.* Nasus tuus erectus est æqualiter & directè *sicut turris Libani.* Ipse enim Libanus prospectat superficiē Damasci. Hæc autem turris illa tempestate nota erat.

5 *Sicut Carmelus,* sicut mons Carmelus, qui est montium pulcherrimus. *Eccē comæ capitis tui.* דללות *Dalloth*, sunt pili tenues & subtiles, qui deorsum decumbunt.

Rex alligatus canalibus, רחיטים *Rehitim* trabes significat, vt sup. primo cap. trabes no-

Gen. 33.

stræ abiegnæ, iuxta quam significationem sententia est hæc. Etiam Rex cupit alligari & astringi trabibus domus tuæ, vt assidue contempletur pulchritudinem tuam. Sic interpretatur R. David Kimhi. Præterea licet sumere in significatione loci Geneseos, כְּרֵהִטִּים *Barehatim* in canalibus, in aquæ ductu. Atque ita vocabulum hîc declarat tubos, qui exant in ædibus, vt aquas pluias extrorsum mittant. In illis autem canalibus cupit Rex vinciri atque ligari, vt prospiciat speciem ipsius.

6 *Quàm pulchra & quàm dulcis.* Hactenus dilecta dilecto exposuit quæ & qualia sibi dixissent, qui occurrerāt, vbi ipsam fuissent cōtemplati. Nūc dilectus ei respōdet & ait. Quàm pulchra es & quàm suavis ô dilectio, dum vnâ fruimur delitiis.

7 *Et Vbera tua* similia sunt duobus botris palmarum.

8 *Fructus eius.* סַנְסִינָו *Sansinnau* ramos eius. *Et sint ubera tua* duo mihi similia duobus botris vineæ.

9 *Et palatum tuum* fragrat, sicut vinum optimum tendens rectâ ad dilectum meum, sic palatum tuum ascēdit ad dilectionē meā & eripit mihi mentem, velut vinum generosum. in illum enim, qui illud potat, rectâ in-

cedit. *Loquens palatum tuum, labia dormientium.* דובב *Dobeb loquens.*

10 *Dilecto meo, respondet dilecta dilecto.*

11 *Veni & exeamus in agrum & pernoctabimus in villis, in loco ubi non est hominum turba & multitudo, prope scilicet vineas, ut possimus mane surgere & decubare in vineis, ut lætemur quo voluerimus tempore.*

13 *Mandragoras videbimus, num odorem dederint. Dilectionem meam seruavi tibi, amorem meum non reuelaui alteri proco, sed recondidi & pudicum seruavi tibi.*

COMMENTARIUS R.

Selomonis in 8. cap. Cant.

1 **Q***uis det te tanquam fratrem mihi. ut venias consolatum me, quemadmodum Ioseph fratres suos, qui tamen de illo male erant meriti. scriptum enim, Et consolatus est eos. Inuenirem te foris, oscularer te. inuenirem vates tuos nomine tuo loquentes, amplecterer & oscularer eos, fat sciens me ab illis non habendam despicatui. Dignus enim est amor tuus ut dilecta tua circumeat ad assequendum * illum.* Gen. 50.

2 *In domum matris meæ, ædem sanctuarij.* * Amorem scil.

Doceres me vt solitus es facere in tabernaculo conuentus seu fœderis. *Propinare* tibi è vino pigmentato libamina. *E musto*, vino dulci.

3.4. *Sinistra eius sub capite meo. Adiuro vos.* Iam Ecclesia Israëlica conuertit suum ad gentes sermonem, etiam si lugeam & plorem, tamen dilectus meus firmiter sustinet manum meam, mihi que in exilio meo fulcrum est, & proinde adiuro vos, *Quid excitabitis & quid expergefacietis.* nihil enim proderit vobis.

5 *Quæ est hæc.* Deus tērque quatērque fœlix & confessus eius de Ecclesia Israëlis ita inter se colloquuntur, quænam est hæc, quàmque illustris quæ è deserto ascēdit tam præstātibus donis prædita: illic euecta est dono legis & præsentia diuinitatis, atque apparuit dilectio & fauor eius omnibus, & etiam num in exilio adhærescit dilecto suo. *Innitens dilecto suo.* מִיתְרַפֶּקֶד *Mithrappéked*, sociata dilecto suo, profitens se eius sociam & coniugem, nam רַפַּק *Raphak* hoc significat Ismaëlicè, hinc Raphakta, socia. *sub pomo excitauit te.* hæc ita loquitur petens dilectionem dilecti sui. *sub pomo excitauit te,* recordare quæso vt ad radices montis Sinai, qui tãquam pomus immincebat capiti meo,

excitauerim te. Hæc locutio est amantis
fœminæ quæ puella nupsit, quæque dile-
ctum excitatum noctu inter dormitandum
amplectitur atque deosculatur. *Ibi enixa est
te mater tua.* Iam diximus Dominum Ec-
clesiam sæpe vocare matris nomine. Ibi fa-
cta est tibi matris loco. *Enixa est tibi* חבלתך
hhibbelathecá de significatu חבלי *hheble*, tor-
minum pariētis, hoc sensu, obuenerunt tuâ
causâ dolores. *Tibi, ex te, vt alibi, filij mei*
יצאני *Ietsaúni* exierunt mihi, ex me.

6. *Pone me tanquam signaculum.* ob ipsum
amorem consigna me in corde tuo, ne mei
obliuio te capiat, intelligas quàm sollicita
res sit amor, nec minus, quàm mors, vehe-
mēs, amor, scilicet, ille quo te depereo apud
me est ex aduerso mortis qua ego libens in-
terimerer * super te. *Durus tanquã sepulchrũ* *Propter te
*zelus, & *impetus quo æmulatur & laceffũt* *Cõflictus.
me gentes tua causa. etenim קנאה *Kiná*, ze-
lus, vbique significat impetum cordis ad vl-
ciscendam iniuriam, *enfremir* vernaculè,
Ignis flamme Dei. Ignis vehementis qui ex-
citatur vi flammæ infernalis. Accentus Za-
leph kadol, qui superscribitur vocabulo
רשפי *Rispe* carbones, docet dictionem אש
es, ignis, cõstrui in genitiuo cum שלהבת *יה*
shalhebeth- Iáh, flamma Domini, vt sit fen-

lus, ignis flammæ Domini.

7 *Aqua multæ non possunt extinguere amorem, quia meminerat carbonum, in iisdem persistēs, iam hæc subiicit, Aqua multæ, populi. Et flumina, Duces eorum atque Reges, non obruent eum, vi, terrore, blanditiis, & persuasionibus. Si dederit quis omnes opes domus suæ. vt cum amore tuo commuter, Contemnendo contemnent eum. vsque adeo omnes, Deus & sacer eius Senatus, testificantur Ecclesiam Israëlis dilecto suo coniunctam esse.*

8 *Nunc soror est nobis in inferioribus, quæ consuta & coniuncta atque appetēs est versari nobiscum, parua autem est, quoniam se infra reliquas omnes gētes deiicit, in quam sententiam legitur, Non ex multitudine vestra, &c. quod se ipsi summittant, אחות, quam vertunt sororem, est de agnominatione seu paronomasia, איתני. futura rerum lacerarum, quæ non sunt assutæ. Et mammae non sunt ei. sensum repete ex hoc loco, vbera * parata sunt, quod dictum est de seruitute Ægyptiaca, cum tempus redēptionis appeteret. Ita, Mammæ non sunt ei, hoc est, nondum appetiit tempus annorum eius. Quid faciemus sorori nostræ, In die quo sermo fiet de ea. quo gentes demurmurabūt in eam,*

Ezec. 16.
* Aptata.

consiliâque agitabunt de ea delenda, iuxta illud Exodi, Agite delectamus eos è gente. Exod. 23.

9 *Si murus est ædificabimus*: si fortis est fide & timore, vt aduersum eas sit veluti murus aheneus, quem nemo perrumpat, nempe si affinitatē cum illis non inierit, aut decepta ab illis non fuerit, aut ipsæ inter eam non frequentauerint, *ædificabimus super eam palatium argenteum*. erimus ei vrbs munitæ loco, coronæ, & pulchritudinis, atque ædificabimus ei urbem sanctam & templū prætereà eximium. *Quòd si ianua sit* quæ circa cardinem suum voluitur, quæque pulsata aperitur, hoc est, si ipsa ita eis pateat, vt per eam illæ ingrediantur & ipsa per illas, *Arctabimus super eam tabulam cedrinam*. ponemus in eius ostio asseres ligneos, qui putrescunt, quósque vermis rodit & vorat. Hic Ecclesia Israëlitis

10 *Ego sum murus*, validus amore dilecti mei. *Et mammae meæ tanquam turres*. hæ sunt synagogæ & scholæ quæ lac ad Legis verba Israëlitis suggerūt, *Tunc*, cum hæc dixissem, *fui tanquam inueniens pacem*. tanquam sponsa quæ inuenitur pacifica, quæque nanciscitur pacem in mariti sui æde.

11 *In Baal hamon vinea*. hæc est Ecclesia Israelica, de qua scribitur, Vineam Domini sa-

CANTICVM

Ely.

baath domus Israel. *In Baal hamon*, in Ierusalem quæ est multa populo & hamon, multitudine frequenti. Baal autem significat planitiem, vt, ex Baal Gad. i. planicie Gad in campestribus Libani. *Dedit vineam suam custodibus*, commisit potestati durorum dominorum Babylonij, Medi, Græci & Romani. In Midras huius libri comperi nonnullas rationes de his custodibus siue imperiis quatuor. *Quisque affert pro fructu eius*. quoscunq; poterant ab illis exigere census, tributa, vectigalia, omnia extorquebant, vt in domos suas afferrent.

Ios. II.

12 *Vinea mea coram me*, die iudicii adducet eos Dominus in ius atq; dicet, *Vinea mea*, &c. etsi, inquit, dediderim eam in manibus vestris, mea tamen erat, & ad me peruenit quicquid vobis de fructu eius rapuistis, neque me latuit, quod ab ea corrasistis. Iplis interea respondētibus, *Mille tibi Salomon*, mille argenteos, quos ab illis cepimus, omnes tibi reddimus, *Et ducenta custodientibus fructum eius*, & præterea adiungimus multa è nostro, & damus principibus atque sapientibus illorum, iuxta illud, Pro ære afferam aurum: de retributionibus verò discipulorum sapientum scriptum est in Esaia, Coram Domino sedentibus erit negotiatio

eius (Tyri) eamq; tradam. Possumus etiam Esa. 23.
referre hæc *Ducēta*, ad ius quod accrescit ex
sancto, quo redditur sors & præterea quinta
eius pars. similiter nos, inquit, rependimus
Domino super sancto Israelis, primitias pro-
uentus eius, sortem & quintam eius partem.
Nam ducenta sunt quinta pars millenarij.

13 *Quæ habitas in hortis*, tu quæ dispersa es,
ait Dominus Ecclesiæ Israelicæ, in exilio,
pascens alios in hortis & habitans in syna-
gogis atque gymnasiis, *Socij attendunt ad vo-*
cem tuam, angeli ministerij socij tui, filij Dei,
tui similes attendūt & accedunt ad audien-
dam vocem tuam in synagogis, *Audire fac*
me & postea sanctificant, vt scriptum est in
Iob, dum laudant simul stellæ matutinæ, id
est, Israelitæ & personant omnes filij Dei.

14 *Fuge dilecte mi* ab hoc exilio & ab eorū
medio redime nos. *Et assimila te capreolo*,
maturans redemptionē, & collocās diuinā
tuam præsentia *super montes aromatum*. mon-
tem Moriam & ædem sanctuarij, vt breui in
diebus nostris ædificetur. Amen.

CANTICVM
COMMENTARII R. ABRA-
hami Abben Ezra in 8. Cap. Cant. Cant.
& primum vocum interpretatio.

2 **D**oceret me, Heb. תלמדני *Telammedéni*,
verbum fœmincûm ad matrem, do-
ceret me mater. (aliis tamen masculinum est
secundæ personæ, doceres me ô Sponse.)

5 *Innitens.* מחרפקת *Mithrappéked* sociata:
non habet simile in scriptura, sed hoc signi-
ficat Iismaelica lingua. *Enixa est te*, Hebr.
חבלך *Hhibbelathechá*, de significatione
conceptus, vt, ecce יחבל *Iehabbél* concipit
iniquitatem. non etiam alienum vt signifi-
cet parere è significatione חבלי *Hheblé*, do-
lorum parturientis.

6 *Carbones eius.* hoc sonat רשפיה *Resaphé-
ba* vt Iob 5. & filii רשף *Reseph*, carbonis (nem-
pe scintillæ) extulerunt volatum. *Flammæ
Domini.* Hebraicè שלהבת *Shalhébeth lah*,
quæstio est inter Masorethas, sîne dictio
vnica, an duæ: probabile est duas esse, adiun-
ctione nominis Dei auxesim significante, vt
montes Dei. ש autem vocis שלהבת *Shal-
hébeth* essentiale est, vt in Ezechiele, scintil-
la שלהבת *flammæ*. est enim vox quadrata
constans quatuor literis.

9 *Arctabimus super eam.* נצור *Natsúr* enim

accipi debet, vt hoc loco, וצרת *Vetsariâ*,
& obsidebis eam.

10 *Tanquam inueniens*. מוצאת *Motseth*, fæ- Deut. 20.
minini generis, ad nomina חוצאת *Haiot-*
seth, quæ exit. deducitur autem à מצא *Mat-*
sâ & a more suo * occultatur.

11 *Baal hamon*. nomen loci vbi plurimæ
erant vineæ, porro qui steterit in hac * ædi-
tione, fortasse mirabitur, quare hîc vsus sit
lingua * Ismaelica, neinpe quoniam tâta est
doctrinæ nostræ breuitas, vt è lingua sancta
nihil habeamus quàm quod scriptum est in
Bibliis, quòdque vates necesse habuerunt
dicere. Quo enim nō opus habuerūt vel de
nomine nobis ignotum est. Quoniam autē
lingua Ismaelica finitima est admodū lin-
guæ sanctæ (cōiugationes enim, literæ Iehu
& seruales, item Niphal & Hithpaël atque
constructio, siue syntaxis eodem modo in
vtraque habent, vt & elementorum nume-
rus, atque ad eò plusquam mediæ linguæ il-
lius pars linguæ sanctæ inuenitur simillima)
ideò dictiones Biblicæ, quibus nullum con-
iugatum extat in scriptura, sed in lingua Is-
maelica, inde fortassis suam explicationem
mutuari debent. Quanquam hoc caret du-
bitatione. Hactenus interpretatio Cantici

* Quiescit,
tamen se-
cus sit in no-
stris codi-
cibus.
* Compo-
sitione &
libro.
* Arabica.

CANTICVM

Canticorum, quatenus difficultas vocum ferebat.

ALTERA INTERPRETATIO, nempe Dramatis & literæ.

1 **Q**uis det te tanquam fratrem mihi. ducem te atque introducerem in domum matris meæ spectantibus omnibus.

2 *Doceret me.* Ipsa doceret me quo pacto tibi propinare debeam vinum pigmentatum, potionem, quæ magis est pigmentata & condita, quam vinum. *Malogranati mei.* salivæ quæ sub lingua est, aut sententia erit simpliciter ad literam accipienda. En autem dilectum & puellam simul, & proinde subiicitur

3 *Sinistra eius sub capite meo.*

5 *Quæ est hæc.* hoc Sponsa ait dilecto suo, ipsis simul in vineam, quæ dicitur hortus, iacentibus. Vidistine ô Sponse aliquando puellam, quæ ascenderit e deserto, ac quæ fuerit iungi cum dilecto suo, quemadmodum ipsa feci, præ vehementia mei erga te amoris. Idè autem excitaui te, quia commemorabas nomen pomi arboris. est enim mei veluti similis, & præterea non concepit mater tua, neque de te alibi concaluit, quam sub

pomo, vt proinde odor tuus veluti pomus, quæ est inter arbores sylvarum, spiret. vt & dixit initio se expetere & exoptare assidere vmbræ eius, atque vt sinistra eius capiti suo supponeretur.

6 Nunc autem dilecte mî *Pone me tanquã signaculum in corde tuo.* defige me in corde tuo. Quemadmodum adhærescit annulus signatorius digito, sic adhærere fac me tibi, vt sim in brachio tuo.

7 *Contemnendo contemnent eum,* sensus est, homines naso eum suspendent.

8 *Soror nobis parua.* vnus è filiis matris meæ, inquit puella, suspectam habuit me, & dixit fratribus suis, nobis soror est, quam præferunt custodiæ vinearum, cum ipsa esset illo tempore paruula. *Quid faciemus sorori nostræ.* die, quo sermo fiet de illa collocanda.

9 *Si murus est,* si seruauit pudicitiam & virgo est, ædificabimus super eam palatium argenteum. Sententia est, ædificium nobile superstruemus muro è materia argentea, vt ille reliquos muros gloria & dignitate superet, hoc est, comparabimus illi monilia aurea, torques sponsa dignos. *Quod si ianua est,* quæ iam aperta sit, *arctabimus super eam,* adducemus eam in munitionem & claudeamus eam ne videatur, antheticws ad palatiũ

CANTICVM

argenteum. nam quicumque videt super muro palatium argenteum, accedere propius ad illud contemplandum solet.

10 *Ego murus & mamma meæ* creuerunt & aptatæ sunt. sensus est is, etiam si mamme meæ firmæ sint, sum tamen virgo. *Tum fui in oculis eius*, suspectam habētis me. *tanquam inueniens pacem*. Initio enim exarserat in me, iam verò nacta sum pacem cum illo. Cæterum mirabuntur aliqui & dicent. Quid? si mamme eius tanquam turres, grandes igitur. Atqui id non est ita accipiendū, verūm ubi ipsa comparata est muro, mamme eius erunt sicut turres, quæ sunt comparatæ ad murum exigua magnitudine.

† seipsam 11 *Vinea fuit Salomoni*. reuertitur Sponsa ad laudandum † animum suum & vehemētiā amoris sui, aitque *Vinea fuit Salomoni*, in hanc sententiam. Ecce Salomon Rex vineam suam eò locauit, vt redderent sibi custodes qui illam conduxerant, pro fructu eius mille argenteos.

12 At ego non ita me exhibui, quin potius vinea mea coram me est, reuersa autem iocans, Cape, inquit, ô Salomó mille tuos, cum interea custodes, qui conduxerunt, lucrum ducentorum fecerint. Ego pecuniam nolo, non sortē, non accessionē, sed vt sit vi-

nea

nea mea coram me, vt in ea coniungar cum dilecto meo, quod mihi est quauis pecunia opratius. Excipit dilectus.

13 Cùm tu habitas in hortis qui sunt in medio vineæ, ne sustollas vocem tuam. siquidem socios habeo qui & ipsi ad vocem tuam attendunt. Nunc verò audire fac me & dicito mihi,

14 *Fuge dilecte mi* veluti cogitans me cum illis esse, ne me, quòd tecum hîc sim, suspectum habeant. vti initio admonuisti, Circui, assimila tete dilecte mi capreæ aut ceruorum hinnulo. Atque hic sit interpretationis secundæ finis.

EXPOSITIO TERTIA

nempe Allegorica.

1 **Q***uis det te tanquam fratrem mihi:* quoniam cultores Dei, quique mandata eius obsequentissimè obseruant sunt in exilio, efflagitât ipsi vt palam iussa Domini exequi possint, atque vt redeat diuina maiestas quemadmodum initio.

2 *De vino pigmentato*, hæc est vini libatio, *sinistra eius*. holocaustum matutinū & vespertinum. Subiicit autem Salomon Spiritu Sancto afflatus, *Adiuuro vos*, vt non excite-
tis, quousque finis aduenerit.

CANTICVM

5 *Quæ est hæc ascendens è deserto*, cùm erant Israëlitæ in deserto, ait Salomon, & terram ingressi sunt, in primis adiuraui eos, deinde quæ est hæc ascendēs, hoc est, quemadmodum in tuo ab Ægypto exitu olim, ita hodie tibi mira ostendam. cùm enim ascendent Israëlitæ è desertis gētium, Christum, qui est dilectus, ita alloquētur. Scito quòd sub pomo excitauerim te, quòd vinctus & dormiens fueris, nec te nisi precibus meis soluerim, iuxta hanc Prouerbiorum sententiam. Mala aurea in figuris argenteis verbum enunciatum iuxta modos suos. verba autem mea atque orationes te veluti genuerunt.

6 *Pone me tanquam signaculum*, hæc sunt verba Ecclesiæ Israëlicæ ad Diuinam maiestatem, fac adhæream tibi in perpetuum.

7 *Aquæ multæ*, gentes quæ comparantur aquis, sēcūdum illud, Extrahet me ex aquis multis, & iterum, Aquæ fluminis ingentes. Similia multa in scriptura. *Si dederit quis*, vt Haman impius, ludibrio erit, quoniā non poterit euertere legem Israëlis. Dominus ipse custos est legis suæ, sicut scriptum est, custodies ea, nempe verba Domini, verba munda. hoc enim refertur ad præcedentem versiculum.

8 *Soror nobis paruula.* cū copulabitur Ecclesia Israëlica dicet adhuc reliquam esse
 *sororem vltra flumina Æthiopix? aut id
 pertinebit ad * duas tribus & dimidiam. *In*
die quo sermo fiet de ea. In die consolationis,
 hinc illud, Loquimini ad voluntatem Ieru-
 salem.

9 *Si murus est.* si seruauit se nec transgressa
 est legem, parabimus illi locum & palatia
 argento plena, atque in illius semita deambu-
 labimus. *Quod si ianua est,* si non seruauit
 mandata, sed se prostituit omnibus, arcta-
 bimus super eam, prohibebimúsque ne ad
 nos veniat. Respondet ipsa & ait,

10 *Ego murus.* legem meam custodiui, tam
 quæ scriptis consignata est, quàm quæ ore
 tradita. *Mammæ meæ tanquam turres,* fuerūt
 illi (Sponso). Tunc erunt omnes Israëlitæ
 in pace.

11 *Vinea fuit Salomoni.* nempe Israëlitæ,
 quibus omnibus imperauit Salomon. *In*
Baal Hamon, nam totus Hamon *, id est, po-
 pulus illi paruit. ipse verò eò rediit vt vineā
 traderet custodibus, regibus Israëlis. *Mille*
argentei, decem tribus quæ habuerūt custo-
 des (non reges naturales). Singuli centum
 argentei singulas tribus indicant.

12 *Vinea mea,* Spiritus Sancti numine præ-

* Hæc di-
 cuntur de
 ludæis clau-
 sis, de quib⁹
 historia cu-
 iusdam El-
 dadi à no-
 bis versa.
 * Tribus
 Ruben &
 Gad & di-
 midia Me-
 nassis, quas
 abduxit
 Teglath-
 phalasar. 4.
 Reg.

* 12. Tribus

CANTICVM

dicat Salomon totam hanc vineam, quæ olim fuit, iterum de integro sub suam ditionem venturam. *Mille tibi Salomon*, dicetur Christo qui eius est filius & vocatur Salomon. *Mille tibi Selomó* reddunt, nempe decem tribus. Iuda autem & Benjamin quæ per ducenta intelliguntur, iam cesserunt custodientibus fructum vineæ seu posteris Dauidici generis.

13 Respondens diuina maiestas, ô quæ habitas, inquit, in hortis, ô Ecclesia Israëlita, quàm expetunt angeli audire Cantica tua? cui Ecclesia, si tibi ita videatur dilecte mi, *Fuge* ab angelis & *descende ad montes aromaticum*, ad mōtes Sionios. Ibi enim Dominus mandauit benedictionem & vitam semper duraturam.

COMMENT. R. INNOMINATI.

1 **Q**uis mihi det te fratrem meum, vtinam fuisses mihi frater, quia osculata fuisset te ubicunque mihi occurrisses, neque despicerent homines me. Solent enim homines despiciere amicam, quæ palam & publicè amicum osculatur.

2 *Ibi me docebit.* Mater mea docuisset me, quo modo ostendere deberem tibi amorem meum.

3 *Laua eius sub capite meo*, nunc in tertia, nunc in secūda persona de dilecto loquitur.

4 *Adiuuro vos*.alloquitur amica socias. Adiuuro vos ne excitetis amorē, quousque ipse velit euigilare per sese. Nam dum recordor amoris, ego animo langueo.

5 *Quæ est ista quæ ascendit*: semel amicus amicam reperiēs in deserto, sic eam affatus est. *Quænam est ista, quæ ascendit è deserto. Innixa.* vox Hebræa pro loci opportunitate exponi debet, innitens siue fruens dilecto suo. Respondet autem dilecto, aitque, *Sub arbore pomo* inueni te à principio, cū amor noster cœpit, *Genitrix tua*, quæ te peperit. q. d. nescio quod me tibi temperat astrum, in sydere amoris mei genitrix te enixa est, & perferens tormina te peperit.

6 *Lampades eius*, רֶשֶׁפִּיָּה *Reshaphéha* carbonēs eius. *flammæ Dei.* q. d. flammæ ingentis & violentæ. Et sic scriptura, dum vult exaggerare sentētiam, adiungit dictionem, Dei vocabulo. Hic locus exemplo est. Sic, caligo Dei in Psalmis. Robustus venator corā Domino, in Genesi, Domine iustitia tua sicut mōtes Dei apud Dauidem. Vrbs magna Domino, in Iona.

8 *Soror nobis parua.* Semel aliquādo, inquit dilecta sociis, dixit dilectus sociis suis, Soror

CANTICVM

vna est nobis quæ est paruula. loquebatur autē de me, quæ ipsius sum dilecta. Adhuc autem parua est & vbera non habet. *Quid faciemus sorori nostræ in die quo sermo fiet cum ea.* q.d. Timeo ego ne fortē homines eā decipiant, vt cū creuerit, loquātur ad ipsius
† cor & affectum, decipiāntque eam.

† Vota, libidinem.

9 *Si muro est indigens, ædificemus super eam murum argenteum. Et si ostio ipsa indiget, firmemus super eam tabulam cedrinam,* נצור, *Natsúr* sumitur, vt cū עיר נצורה *Ir netsura*, ciuitas munita dicitur.

10 *Ego murus*, innotuit mihi quod dicebat dilectus meus de me, & respondi illi: *Ego murus & vbera mea sicut turres.* q.d. magna sum, & ecce vbera mea grādia sunt sicut turres, & tamen ego similis sum muro forti & validior quam vt persuadeat ab aliis præter te. Tūmq̃ fui in oculis ipsius, vbi sic respondiſſem, velut inueniens pacem.

11 *Vinea fuit Salomoni.* Verba dilecti. Vineam habuit Salomon Rex in Baal Hamon. dedit autem vineam custodibus mercenariis, vt eam seruarent & comederent fructum eius, afferrentque in mercedem fructus ipsius mille argenteos.

12 Verū nolo ego sic facere, sed vinea mea corā me est, nolo ego seruare eam, & edere

fructum ipsius. *Mille tibi Salomon*, Mille argentei, ait dilectus, quos refert è locatio-
ne vineæ tuæ, sint tibi. Non mihi placet ta-
lis merces. *Et ducenti* custodibus fructus
eius. Qui dederint mihi mercedem pro
esu fructus vineæ meæ, sibi illam habeant,
talis locatio mihi non est collibita, vt dem
vineam meam alienis.

13 *Quæ habitas in hortis*. dilectus dilectam
affatur, ô dilecta mea, quæ habitas in hortis,
cuius vocem socij optât audire, fac audiam
vocem tuam, ac ostende mihi amorē tuum.

14 Respondet dilecta, *Fuge dilecte mi*, nunc
super montes aromatum, qui sunt in loco
solitario, ac ibi audire faciam te vocem
meam, & ostēdam pulchritudinem meam.
Nam locus hic est publicus, in quem multi
conueniunt.

*Finis Cantici Canticorum & Commenta-
riorum ipsius multiplicium.*

DEO LAVS, HONOR, GLORIA.







16-2

